

2.
IOANNIS
RIOLANI

ANTIQUIORIS
SCHOLÆ MEDICÆ
PARISIENSIS DECANI,
Necnon Professorum Regionum De-
cani, & Primarij Reginae Matris
LVDOVICI XIII. Medici,
ac postremi,

RESPONSIO

*Ad duas Exercitationes Anatomicas
postremas GUILLELMI HARVEI,
Angli, in Collegio Medicorum Lon-
dinenſium Anatomæ & Chirurgiæ
Profectoris, Sereniſſimæque Maiesta-
tis Regiæ Archiatri,*

DE CIRCVLATIONE SANGVINIS.



PARISIIS,
Apud CASPARVM METVRAS, viâ Iacobæi,
ſub ſigno Sanctiſſimæ Trinitatis.

M. DC. LII.
CVM PRIVILEGIO REGIS.

LOANIS
OLAI

RECTOR

HOLLE MEDICA

STUDENTES DECA

PROFESSOR

DE THEATRO

DE THEATRO

DE THEATRO

DE THEATRO

DE THEATRO

DE THEATRO

DE THEATRO

DE THEATRO

DE THEATRO

DE THEATRO

DE THEATRO

DE THEATRO

DE THEATRO

DE THEATRO

DE THEATRO



IOANNIS RIOLANI
RESPONSIO
AD HARVEI
PRIMAM EXERCITATIONEM
ANATOMICAM
DE CIRCULATIONE
SANGVINIS.

*Cur RIOLANVS scripserit aduersus
HARVEVM, & tardius.*

CAPVT I.



QVOD felix, faustumque sit
ad vitam, & incolumitatem
omnium populorum, Quæ-
stio de Circulatione Sangu-
inis, maximi in Medicina mo-
menti ad bene medendum, nunc agita-

A ij

4 Ioannis Riolani Responſio

tur inter Athletas, in rebus Anatomicis fortiffimos, vnum Inuentorem Circulationis, alterum viarum Directorem, ne dicam correctorem, atque vtilitatis ad rectè medendum demonſtratorem; ſed mea noua doctrina non arridet HARVEO, & edito libello caſtigauit, quem ad me tranſmiſit. Ac proinde nil mihi iucundius accidere potuit in hac ſenectute, quam attingi, per Dei miſericordiam, nunc adeptus honorificum ordine receptionis gradum Decani, ſiue Antiquioris Magiſtri, inter centum & viginti Collegas doctiſſimos, quibus ornatum eſt Collegium noſtrum Medicum, quàm videre ante obitum, meam opinionem de Circulatione Sanguinis examinatam ab HARVEO, eruditiffimo Medico, & præſtantiſſimo Anatomico, Circulationis Sanguinis Inuentore & Authore. O me beatum, & fortunatum, qui talem cenſorem naſtus fuerim, qualem deſideraui, doctum & peritum Anatomicum! Votum meum nunc adimpletum fateor, vt poſſimus,

Et certare pares, & reſpondere parati.

Res ipſa teſtatur, & Ariſtoteles locis penè infinitis declarauit non poſſe in rebus magnis, & arduis ſine errore de veritate iudicari, niſi prius probabiliter de eadem ſit diſputatum. Vt enim ex mutuâ ſilicet

ad Harv. de Circul. Sang. 5

combustione ignis excutitur, sic ex opinio-
num discussione lux veritatis tandem eli-
citur, & effulgescit.

Hoc me recreat, quod meus liber *En-
cheiridii Anatomici* Doctissimo HAR-
VEO non displicuerit; prerogativa est
sapientiae, viro sapienti placuisse, *inquit*
Symmachus, meam recentem foeturam
pluris faciam, quam antea, atque Man-
tissa locupletabo.

Video tibi displicere, quod in Circu-
latione Sanguinis sum à te diuersus, nec
omni ex parte *ὁμολογῶ*, atque tuae opi-
nioni non subscripserim. Amicus est D.
HARVEVS, sed magis amica veritas,
cuius semper amantissimus fui.

*Dissentire duos homines de rebus iisdem,
Incolumi licuit, semper amicitia.*

Memini quum in Anglia me tuâ visita-
tione cohonestares, quæsisse, quid senti-
rem de tua Circulatione Sanguinis: lau-
daui, & approbaui tuam subtilem & in-
geniosam inuentionem, sed eius redu-
ctionem ad usum Medicum, accuratè de-
monstratum tum efflagitaui, quam pol-
licitus fueras, & adhuc expecto, & vehe-
menter exopto. Non potui tunc temporis
meas dubitandi rationes tibi proferre, quia
extorris, & transfuga in Angliam, cum Se-
renissima Regina mea Domina, tanquam

6 *Ioannis Riolani Responsio*

Asylum, & tutissimum salutis portum (ut
ipla sperabat) sed nostrarum rerum auli-
carum perturbatione agitata mens, non
poterat tranquillè vacare litteris, atque
liberè sese explicare in Angliâ, Gallis ini-
micâ Ideoque ingenuè fateor, me decem
annorum in Aula Reginae, & postea trium
spatio in afflictione perpetua morborum,
iacturam studiorum non leuem fecisse,
præter dispendium meæ fortunæ irrepa-
rabile.

*Sic mihi tarda fluunt, ingrataque tem-
pora, quæ spem,*

*Consiliumque morantur agendi gnauiter,
id quod*

*Æquè pauperibus prodest, locupletibus
æquè,*

*Æquè neglectum pueris, senibusque no-
cebit.* Horat. epist. i. lib. i.

*Opinio HARVEI de Circulatione
Sanguinis.*

C A P V T I I.

VERUM ista relinquamus, & quæ tibi
displiceant inspiciamus. Repeto ad-
huc me probare tuam de Circulatione
Sanguinis sententiam, quoad reuersio-
nem ad Cor, die noctèque continuatam,

ad Harv. de Circul. Sang. 7

modò non adeo velociter fiat ; sed non totum Sanguinem circulari contendo , eius duntaxat portionem. Vt paucis habeat ob oculos Lector , in quibus à te dissentio , tuæ opinionis præcipua capita proponam ; Dein meam correctionem subnectam. Scribit HARVEVS Sanguinem totum ex qualibet parte minima , tam interna , quàm externa circulari quinques , vel sexies in die naturali (*singulis horis vult Vallaus*) Sanguinem quidem totum in Hepate præparatum , elaborari & perfici in Corde , deferri per arterias in corpus vniuersum ; istumque sanguinem arteriis conclusum , solum alere , & viuificare partes omnes corporis. Ex quibus reuehitur ad Cor , per venas huic officio destinatas , semper , & vbique ad Cor ascendendo , nequaquam descendendo. Partes ventris inferioris etiam nutriri Sanguine delato per arteriam Coeliacam ; remigrare ad Cor per venas portæ , transeundo per medium Hepar : istum cursum Sanguinis esse velocem , quia Cor in vnaquaque diastole , haurit ex vena caua semunciam Sanguinis , quod probat ex viuentium animalium Cordibus , & parem ferme quantitatem transmittit in Aortam. Atque vt celerior sit traductio Sanguinis , ab vno ventriculo dextro in alterum fini-

S *Ioannis Riolani Responso*

strum, reiectâ transcolatione per septum medium Cordis, amplissimas vias constituit. Deducit enim Sanguinem à dextro ventriculo per venam arteriosam in pulmones, vbi diffusus per parenchyma, confestim resorbetur ab arteriâ venosâ, & Cordi sinistro transmittitur. Existimat per omnes partes vniuersi corporis Sanguinem facilius, & celerius ab arteria in venam transsumi, siue transfusari; si diffundatur per carnes & resorbeatur à venis. Propterea repudiat Anastomoses mutuas venarum & arteriarum inaspectabiles ubique, & in Hepate inter venam portam, & venam cauam, & in pulmonibus inter venam arteriosam, & arteriam venosam. Subtrahit tamen Circulationem Sanguinis per Cerebrum, aut saltem vias non patefecit atque indicauit: Sanguinem per venas ad Cor semper assurgere, nec in partes inferiores refluere, demonstrat ex variis experimentis, & positione valvularum, quæ refluenti obstant, & ex ligatura venæ, cuius pars supra ligaturam mox exinanitur, pars infra ligaturam intumescit & repletur. Circulationem Sanguinis docet necessariam esse ad vitam vt Sanguis perpetuò recoquatur, & recalciscat ad conseruationem caloris natiui, in omnes corporis partes diffusi.

Opinio RIOLANI de Circulatione Sanguinis.

CAPVT III.

EGO verò Circulationem Sanguinis HARVEIANAM, ita corrigo. Admitto Circulationem Sanguinis, sed non eo modo, quo descripsit G. HARVEVS. Deriuo Sanguinem subtiliorem è Iecore, qui permixtus alteri per cauam fluenti, fertur ad dextrum Cordis ventriculum, influit & illiquitur guttatim, & momento alteratus, transit per medium septum in sinistrum ventriculum, mox in Aortam demittitur. Hanc viam in Corde lentè sequitur Sanguis, quamdiu animal facile spirat, neque Cor cogitur ingeminare motus suos; alioquin vbi Cor suos motus accelerare premitur urgente necessitate, traducitur in pulmones, vt perueniat ad sinistrum ventriculum, inde in Aortam. Sanguis autem non totus circulatur, sed pars circiter dimidia, quæ continetur intra truncos Aortæ, & venæ cauæ directè extensos per medium truncum corporis vsque ad extremos artus. Inter isthæc vasa proxima & contigua intercedit Anastor-

10 *Ioannis Riolani Responsio*

mosis, in diuersis locis corporis manifesta, quæ etiam insufflatis venis aut arteriis, calente adhuc cadauere mox à strangulatione deprehenditur: Quinetiam Sanguis arteriosus potest effluere extra sua vasa diffusus per carnes. Altera dimidia pars Sanguinis non circulatur, qualis est, qui continetur in vena porta, & in propagibus truncorum Aortæ & Cauæ dispersis per viscera secundæ regionis, & carnes musculosas, quæ habitum corporis constituunt. Rationes cur in istis locis nulla fiat Circulatio Sanguinis exposui. Quamuis arteriæ Sanguinem arteriosum, & spirituosum deferant, non solus nutrit, sed primum in omnes partes, quæ calidum innatum habent diffundit spiritus, cum sui portione tenuiore ad instaurationem istius calidi innati: Corpulentia verò Sanguinis ab arteriis transit in venas, ad nutritionem solidioris substantiæ, atque ad Cor per Cauam vndiquaque per eius propagines dispergitur; sed ita ascendit, ut possit etiam successione vacuati remeare, & descendere venâ sectâ in partes inferiores. Circulationem Sanguinis per Cerebrum declaravi, atque in corpore necessariam esse Circulationem Sanguinis; si non sufficiat qui gignitur Sanguis quotidie ex alimento. Circulationis usum sta-

ad Harv. de Circul. Sang. 11
tuo, ad generationem assiduam Vitalis
Sanguinis, & continuationem motus
Cordis. Huius Circulationis vsus in Me-
dicina esse admirabiles ostendi. Hæc est
summa meæ nouæ doctrinæ de Circula-
tione Sanguinis, quam confirmaui in
meo tractatu, cum refutatione opinionis
HARVEI, in quibusdam articulis.

*Opinio RIOLANI examinatur ab
HARVEO, & ex tribus propo-
sitionibus RIOLANI, prima
examinatur, an Sanguis porta Cir-
culetur.*

CAPVT IV.

1. Prima est, quod Sanguis in Porta non
Circulatur, eo modo quo Sanguis in
Vena Cava.
2. Secunda, Esse Sanguinem, qui circule-
tur, & habere vasa circulatoria Aor-
tam, & Venam Cavam.
3. Tertia, Istorum vasorum propagines non
admittere Circulationem, quia non re-
fluit Sanguis effusus in omnes partes
secundæ & tertiæ regionis, nisi vi reuulsus.

Pag. 8. PRIMAM propositionem sic re-
lib. 12. P fellit. Si RIOLANVS admittit

12 *Ioannis Riolani Responsio*

Cor in singulis pulsationibus guttam Sanguinis excipere, quam expellit in Aortam, & intra horam bis millenas pulsationes Cor edat; necessum est magnam Sanguinis portionem transire. Inde colligit HARVEVS, necessum est de mesenterio idem affirmare, quando in Arteriam Cœliacam, & mesaraicas Arterias plusquam gutta Sanguinis singulis pulsationibus intruditur, & impingitur in mesenterium, eiusque venas, adeo ut vel aliquò exire pro ratione ingredientis proportionem debeat, alioqui Portæ rami disrumperebuntur.

Respondeo. Non rectè comparat receptionem Sanguinis in Corde, cum receptione Sanguinis in mesenterio. Amplo hiatus totum Sanguinem haurit Cor; et HARVEO foramen Arteriæ Cœliacæ decuplo angustius est illo ostio Cordis, & cum guttam Sanguinis Cor emittat, non inde sequitur, Arteriam Cœliacam parvam quantitatem haurire: Cerebrum per duas Carotidas maiores Cœliaca arteria totum Sanguinem abforberet. Nam ista gutta Sanguinis emissa à Corde, per omnes Arterias totius corporis dispersienda est, vix eius sexagesimam partem Arteria Cœliaca assumit; quia tota est spirituosâ, & extensivâ more essentiae aromaticæ, quæ patentissimum cubiculum spiritu suo replet.

Quod decepit HARVEVM & alios eius
asseclas, est, velocissima traductio Sanguinis
Arteriosi quam imaginantur, cum non
sit adeo velox. Nec vacuæ sint Arteriæ,
quia Sanguis Arteriosus non propulsa-
tur prout est impetus spirituum, qui di-
stribui possunt sine Sanguine.

Verum cum Sanguis Arteriosus per ca-
nalem Aortæ descendens, recto tramite
decurrat in partes corporis inferiores, &
extremas, non ingreditur Arteriam Cœ-
liacam lateralem, nisi eam inueniat va-
cuam, vel ab ipsa Cœliaca attrahatur, etsi
vasa venæ portæ & Arteriæ Cœliacæ fue-
rint nimis repleta, Sanguis per Spleni-
cam venam ad Lienem delatus per Arte-
riam Splenicam peculiarem, quam non
debes ignorare, refluit in Aortam, ut par-
tes istæ exonerentur; vel Sanguis remea-
bit in Hepar præ copia repulsus, & adibit
Cauā. At Splenica arteria, vel est solitaria,
enascens à trunco Aortæ iuxta Cœliacam,
vel est bifidæ Cœliacæ ramus, eo modo,
quo porta iuxta suum ortum diuiditur in
ramum Splenicum, & Mesentericum. De
ista Arteria consules Arantium in *Observa-
tionibus Anatomicis*, & si lubet meam
Anthropographiam. Neque ullus metus
esse debet rupturæ vasorum.

Ac proinde claudicat tua comparatio

14 *Ioannis Riolani Responſo*

de Sanguine à dextro Cordis ventriculo
exiliente in ſyſtole , qui remeare poſſet in
eundem ventriculum in diaſtole , ſi San-
guis in arterias meſaraicas intruſus reſue-
ret in Aortam ; Quia non eſt par ratio ,
arteriæ non habent valuulas , vt Aortæ
principium , quæ impediunt recurſum ,
nec Sanguis Aortæ naturalem habet re-
curſum ad Cor , & mihi videris agere ſo-
phisticè. Tibi designaui viâ ad regressum ,
ſi regurgitet Sanguis intra vaſa primæ re-
gionis , ratione Anaſtomefeos inter ve-
nas & arterias , reuerſionem habebit in
Aortam ſcendentem per ſplenicam ar-
teriam.

Pag. 10. lib. 1. Ineptiunt qui quærunt
in meſenterij venis valuulas , & in vena
ſplenica ; impedirent commercium &
communicationem Hepatis & Lienis in-
ter ſe , neceſſariâ in ſanis & morboſis cor-
poribus , quam quotidie obſeruamus , de-
ſignatam ab *Hippocrate* , & à *Galeno* sæ-
pius confirmatam. Exiſtimas valuulas in
venis cutaneis potiùs extare , & reperi-
ti , quàm in profundioribus , quia Sanguis è
venis minoribus remeat in maiores , cir-
cumiacentium muſculorum compreſſio-
ne. Nec ibi opus erat valuulis , ergo ex
te motus muſculorum , & impellit San-
guinem ad externas partes , & expellit ad

recursū versus Cor. At cessantibus muscu-
lis in paralyticis, & persōnum profundum
naturalem, vel comatosum quiescenti-
bus, quid agitabit istum sanguinem? Nil
proflus, ac proinde non recurret.

Pag. 10. lib. 12. Adducis aliud expe-
rimentum, vt demonstres Sanguinem
primæ regionis circulari debere, more
alterius Sanguinis, & quantum Sangui-
nis in singulis pulsationibus in mesente-
rium impellitur; *Si in carpo mediocriliga-
tura venas è manu egredientes, & in arte-
rias ingredientes constrinxeris:* (id obscu-
rum est, nam sustines venas non ingredi
arterias: *(maiores etenim sunt arteria me-
senterij quam carpi.)* Si quot pulsationibus
distendi vasa manus, & tumescere in mo-
lem totam manum numeraueris, diuiden-
do, & subductione factâ multò plus quàm
guttam Sanguinis ingredi non obstante li-
gaturâ, singulis pulsibus reperies; eadem
quantitate Sanguinem ingredi mesenterium
per analogiam colligere licet.

Non valet consequentia de Corde, ad
arterias mesenterij. Nam si Cor in diasto-
le guttam sanguinis suscipit, & alteram
in systole emittit; non sequitur talem
quantitatem fluere per carpum vtrumq;
& arterias mesenterij; quia vna gutta San-
guinis arteriosi ac spirituosì, influens in

16 *Ioannis Riolani Responsio*

Aortam, sufficiens est ad motum æqualem omnium arteriarum; Vix vna gutta in partes inferiores corporis defluit, & in arteriam cœliacam vix vigesima pars guttæ in singulis pulsationibus; quia ista gutta sanguinis à Corde profiliens, debet sufficere pulsationi omnium arteriarum, tam superiorum, quàm inferiorum; & quamuis tres vel quatuor guttas Sanguinis à Corde proficisci concederem in systole, vix decima pars guttæ in arteriam cœliacam potest influere. At non probo arterias mesentericas esse maiores arteria carpi, nisi intelligas truncum cœliacæ; alioquin falsa tua assertio.

Pag. 11. lib. 2. Nec istum influxum copiosum Sanguinis in arterias mesentericas demonstrat. *Impetuosè profiliens Sanguis erupta, vel incisa arteriola, qui difficillimè sistitur.* Nam cum sit spirituosus, impetum faciens, quâ data porta ruit, potissimum intus: (quod non fauet tuæ diffusioni Sanguinis arteriosi in carnes.) Sed foris facillimè sistitur, vbi manus apprimitur, etiam in carotidibus. *Inde colligis ex illo impulsu Sanguinis continuè in cœliacam Sanguinem venosum non posse exilire foras, & mesenterium exonerare.* Non est adeo violentus ingressus Sanguinis arteriosi in cœliacam, vt impediat Sanguinis refluxum

xum si hac debebat exire, quia hæc arteria est propago trunci, & ad latera adiicitur, recipit Sanguinem arteriosum prout vacua est, & indiget, sed per aliam arteriam nempe splenicam, sanguis contrario fluxu recurrens, sibi viam facit per osculum arteriæ coeliacæ, si ab ea enascatur, vel si à trunco prodeat, per suum orificium sese exonerat in Aortam descendentem, & eo fine arteriam splenicam comparatam esse reor ad regressum sanguinis, siue venosi, siue arteriosi, qui exceptus in Liene spongioso, postea transcurrit in Aortam descendentem.

Ibid. Præterea Cl. HARVEVS addit istam rationem. Si Sanguis in mesenterii propaginibus stagnat, supponis duplicem diuersumque Sanguinem, diuerso vsui, & fini inservientem, ac proinde diuersæ naturæ in venis porta & caua. Verum est diuersum ac duplicem esse Sanguinem in caua & porta, vterque depromitur ab Hepate, alter ad cor directè contendit, alter intra venam portam stagnat, siue fluitat in omnes partes primæ regionis distribuendus. Diuersitatem istius Sanguinis agnoscit Spigelius in sua Anatome lib. de Venis, etiã ei non fuerit cognita Circulatio Sanguinis; Venæ portæ Sanguinem impuriorem,

18 *Ioannis Riolani Responsio*

& crassio rem esse statuit : Venæ cauæ puriorem , & tenuiorem.

Aristoteles elegantem comparisonem profert, quæ ad meam opinionem facit, lib. 2. de gener. animal. c. 6. Quemadmodum bonus paterfamilias non equaliter, nutrit liberos, & seruos, quia puriorem panem distribuit liberis, vilio rem seruis; ita Natura diuerso Sanguine alit partes humani corporis. Sic pulmo diuersum ab aliis partibus alimentum admittit: Cerebrum solo arterioso Sanguine nutritur. Sic fœtus in vtero duplici Sanguine alitur, crassus per venam vmbilicalem venæ portæ insertam fluit ad nutritionem partium alui næ regionis: Tenuior qui ad Cor defertur, & circulatur, impenditur in nutritionem reliquarum partium. Imò vena vmbilicalis bifida in Iecore partem vnã inserit in cauam, alteram in portam, vt in ipso fœtu discerneretur Sanguis cauæ à Sanguine portæ. Deinde cum vena porta non oriatur à Corde, non habet Sanguinem consimilem cauæ,

HARVEI rationes contra secundam
propositionem examinantur
& refutantur.

C A P V T . V.

ATQUE D. HARVEVS debet agnosce-
re duplicem Sanguinem in venis , &
arteriis Circulatoriis ; nam qui coërcetur
arteriis , totus est spirituosus, agitante ca-
lescimus illo : Alter qui ab arteriis in ve-
nas traducitur , est crassior , nec micare
facit venam, si motus ille dependeat à spi-
ritu Sanguinis arteriosi , non ab arteria,
vt opinatur D. HARVEVS.

Itaque culinariis partibus crassior San-
guis debetur : tenuior Cordi , & reliquis
partibus corporis destinatur ; quia in cras-
siore substantia calor fortius hæret, & au-
getur ; vterque tamen per mutuas Anasto-
moses vasorum inter se commisceri potest,
& debet ad sui conseruationem. Dissimi-
lem esse Sanguinem qui nutrit partes pri-
mæ regionis inde licet colligere , quod
carnes partium nutritiarum sint deteriores
carnibus tertiæ regionis , vt cognoscent,
qui rectè sapiunt ratione , & gustu. Ideo-
que in cibis præferuntur carnes musculo-
sæ viscerosis,

Galenus cap. 5. lib. 4. de Sanitate tuenda,

20 *Ioannis Riolani Responsio*

videtur distinguere Sanguinem venæ ca-
uæ, à Sanguine portæ, his verbis. *Vbi bo-
nus est Sanguis in venis, incisa venâ bonus
Sanguis emittitur: malus, qui in primis ve-
nis circa iecur & mesenterium colligitur, in
totum corpus attrahitur.* Locus hic confi-
deratione dignus in praxi, quando San-
guis pluries detractus non apparuit cor-
ruptus, verisimile est eum à vena caua ma-
nare nondum corruptum, quod si postea
perseueres in euacuando Sanguine, tan-
dem reuelles ex vena porta impurum San-
guinem qui foedabit & corrumpet San-
guinē venæ cauæ, & Cor ac pulmones in-
ficiet transitu suo. Certum est in partibus
culinariis, quas alit vena porta, coerceri
omnes impuritates, & ab istis partibus om-
nes morbos enasci & foueri. Hæc medita-
tio & consideratio est magni momenti in
curationibus morborum, quæ inde dependen-
t. Atque vtinam id à Medicis expende-
retur, felicius Medicina exerceretur.

Cum autem Natura humana sit imita-
trix naturæ mundanæ : vt in Mari, Medi-
terraneum non mouetur fluxu & refluxu,
sed tantum Oceanus: ita in corpore hu-
mano, Sanguis venæ portæ non circula-
tur, sed solus, qui maioribus canalibus Aor-
tæ & venæ cauæ cōcluditur. Sic in Capite,
quod est Epitome totius mundi, Sanguis

canalium duræ meningis circulatur; non autem is, qui per plexum Choroïdem intra Cerebrum traducitur: eo rupto effunditur Sanguis in ventriculos Cerebri, inde mors repentina accidit, ex ictu Sanguinis, qui vocatur Apoplexia sanguinea, momento interficiens.

Pag. II. lib. 16. Ex absurdo sic ratiocinatur D. HARVEVS. Si RIOLANVS per venas lacteas siue Chyliferas, chylum crassum feculentum ad Hepar deferri admittit: non potest inspicari Sanguinem tenuiorem per idem Hepar redire, ut ad Cor recurrat, cum ad eum motum, arteriarum pulsu premantur. Dico falsam esse consequentiam. Chylus ad Hepar deferretur exuctus, ut in Sanguinem vertatur. Ibi diuiditur in eum qui portæ tradi debet, & crassior est: & alium tenuiorem, qui ad Cor propinquum amandatur. Si Sanguis venæ portæ quæ constituit primam regionem, ex omnibus partibus aluinæ regionis recurrit ad Hepar veloci cursu, confundetur cum chylo nondum subacto, & sanguificato, sicque crudus Sanguis cum Sanguine circulato ad Cor rapietur.

Si D. HARVEVS inuenisset illam viam arteriæ splenicæ, facilius demonstrasset Sanguinis venosi & arteriosi recursum in Aortam descendentem, ut omnem San-

22 *Ioannis Riolani Responsio*

guinē circulari probaret. Sed forsā hoc illi non placebat, quia non recurrit, ut putat, Sanguis in arteriam, ut Cor adeat more Sanguinis venosi. Respōdebo istum Sanguinem ad extremas arterias delabi in Cavæ ramos, inde ad Cor ascendere: sed per viam internam mediæ Hepatis continenter circulari venæ portę Sanguinem, id impossibile, vitę valde incommodum, imò noxium; ac perniciosum nunc ostendam.

Ex doctrina *Galenī*, confessione omnium Medicorum practantium, & quotidianā experiētiā, nullum extat viscus in toto corpore magis obnoxium obstructiōibus, quam Hepar, siue ob exilitatem radicū venę portę intra Iecur sparsarum, siue ob crassitiem chyli, & permixtionem pituitę obstructio fiat, potissimum in cauis partibus Hepatis, vbi radicatur vena porta, in qua concurrunt Sanguis ad Cor ascendens, chylus delatus ex *HARVEO*, si chyliferę venę sunt inutiles: in ista confusione, potestne Sanguis ascendens ad Cor commodē transire sine confusione substantiarum? Quia Sanguis ille ascendens, diffunditur in Hepatis substantiam, cum nullas agnoscas Anastomoses venę portę cum caua: Ibi inquinari potest ab excrementis chyli sanguificati; Deinde quomodo inueniet viam per foraminula,

que reperiantur in ramulis Cauę? Aut sponte fertur, sibi que viam quęrit, aut attrahitur à Corde: At Cor cum sufficientem habeat Sanguinem per canalem magnum Circulatorium Cauę, non est Sanguinis indigum, nec curat attrahere ex Hepate; si fluat ad Cor, permixtus erit Sanguini recenter elaborato, & expectabit istam commeandi commoditatem. Quod si obstructum fuerit iecur, vel fluxu laboret diarrhoico, dysenterico, Sanguis ille ascendens eripietur iecori, & cum fluente humore secedet in intestina. Ergo cessabit istius Sanguinis aluini anadolis, siue Circulatio. Ac proinde non totus circulabitur Sanguis, cum sufficiat Sanguinis maiorum Vasorum circulatio.

Obiiciet aliquis, *Si aditus intercipitur Sanguini ascendenti ad Hepar, similiter & chylo.* Resp. Non est par ratio, etiam si truncus venę portę sit obstructus in Hepate, vel in transitu per pancreas, venę chyliferę quę nullum habent truncum, in diuersas partes Hepatis sparguntur, ne fiat interceptio chyli ad sanguificationem, & alimentationem necessarij. Ea de causâ istę venę chyliferę non habent truncum.

Ceterum duas satis insignes arterias & conspicuas sese insinuantes intra hepar inuenio, quarum pulsu vrgetur Sanguis, ut

24. *Ioannis Riolani Responsio*

viam sibi inueniat, ait HARVEVS. Primus inuenit RIOLANVS, cum alij Anatomici denegarint Hepati: At non eo fine Hepati concessę sunt, sed vt effundāt suum Sanguinem vitalem ad fouendum calorem Hepatis, simulque fermentationem addant chylo, ad sanguificationem faciliorem.

Quod Sanguis venę Portę & arterię non circuletur, inde cognoscitur. In morbis hypochondriacis, ex efferuescentia & fermentatione humoris melancholici, feruēt viscera nutritia, palpitāt arteria cœlica vehementer, absque vlla commotione reliquarum arteriarum. Id testatum & approbatum à multis Authoribus practici melioris notę, tam Italis, Hispanis, quàm Gallis, & quotidie in nostris egris id obseruamus. Propterea non inscitè Arabes eorumque Interpretes antiqui, quasdam febres constituunt Conclusas, alias Manifestas. Conclusę continentur amplitudine primę regionis in aluo collocatę, atque latent intra ramos venę Portę, & cœlicę arterię, necnon partes, quę ab istis vasis aluntur & alluntur. Manifestę febres sunt dispersę per vniuersum corpus intra venas & arterias Circulatorias Sanguine excurrente. Pręterea, iidem Authores febres faciunt, alias venosas intra ma-

ad Haru. de Circul. Sang. 25

iores venas Cauæ : alias intra minores venas , quales sunt rami venę Portę ; Ideoque venosę indigent venęsectione sepius iterata : alię febres minorum venarum parciore venęsectione curari debent, sed frequenti purgatione. Itaque cum pars magna morborum , ortum , fundamentum , & fomitem habeat in prima regione , Naturę prouidentiã factum , vt Sanguis primę regionis , sit tardior ad motum , quia crassior , & propter crassitiem fortiùs incalescit , & ardet , & intra cavitates profundè continetur. Propterea non indiget Circulatione , vt subinde recalescat , more Sanguinis reliquarum partium corporis , quę sunt externę & extremę, vel frigidę suo temperamento.

Addo si tantam Sanguinis influeret in arteriam coeliacam, quantum egreditur è Corde, vt asseruisti, totus absorberetur ab arteria coeliaca, & reliquę partes corporis isto vitali, & alimentario Sanguine fraudarentur. Insuper, si pari quantitate influeret in viscera nutritia, perpetuo estu conflagrarent isto Sanguine feruido. Satis fuit spiritum arteriosum excutrendo per Aortam, per transennam in arteriam coeliacam deriuari, cum tenui portione Sanguinis, si indigeat, quem attrahit vacua Coeliaca, & ita in singulis partibus fieri.

26 *Ioannis Riolani Responsio*

vicinis & vacuis, dum labitur Sanguis per istos canales laterales & vicinos in vniuersum corporis habitum.

Deinde partes genitales in viris & mulieribus, perpetuo æstu, & orgasmo veneris prurirent, & arderent, si solo Sanguine arterioso alerentur.

Si quis opponat Sanguinem istum arteriosum non esse feruidum, sed temperatum. Respondeo, non potest esse talis si totus Sanguis rapido cursu intra horam circuletur, velocitas motus dependet à calore, & rapido motu augetur.

Cæterum cum partes primæ regionis sint culinariæ, coquendis cibis, & separandis excrementis destinatæ, ideoque sordidæ & impuræ, recurrens Sanguis semper secum reueheret sordes partis, à qua manat, putà ex liene aquam, vel humorem melancholicum; ex ventriculo, portionem tenuiorem chyli à venis exsuctam; ex intestinis inquinamenta; ex cysti biliosa aliquid biliosum; ex mesenterio quasdam impuritates, & in morbis quod reuehitur deterius foret, quam in sanitate. Quare Naturæ summo beneficio prouisum, vt coërceretur Sanguis venæ Portæ, & arteriæ coeliacæ suis conceptaculis, absque vilo excursu extra suos terminos, ne refluus iste Sanguis semper impurus,

massam sanguineā vasorum circulantium inficeret, & per morbos impurissimus effectus insigniter ipsam labefactaret, atque Cor & pulmones magis læderet, & inquinaret; propterea cauti & prudentes Medici in mittendo Sanguine, non tantum respiciunt ad eius qualitatem, sed etiam ad quantitatem, ne tandem impurissimus, & corruptissimus venæ Portæ Sanguis reuellatur in venas maiores circulatorias. Atque si nulla sit inflammatio viscerum nutritiorum, nec tantus ardor febrilis quæ exoptulent venæ sectionem, exacto septimo interponunt purgationes, ad exhauriendas sensim sordes primæ regionis, quæ est focus primarius, fons & scaturigo omnium morborum ex nostra intemperantia, ac proinde fomes putrentium ibi humorum, quos remouere videtur æquum, ac pernecessarium.

Neque sequitur ex tua experientia; *A Liene ad Hepar per ramum splenicum, venosum recurrere Sanguinem ut circuletur, quippe ligatâ venâ splenicâ iuxta truncum Portæ, pars qua vergit ad Lienē intumescit: Altera quæ est versus Hepar vacua deprehenditur. Nonne scis ex Hippocrate lib. 6. Epid. & Galeni Commentario, Iecur & Lienem sibi mutuas tradere operas, & reciprocas habere transumptiones humo-*

28 *Ioannis Riolani Responsio*

rum propter confluxum. Atque dubito an id quod proponis in viuenti animali præstari queat, & inspicì, quia vt detegatur vena splenica pancreati immersa, plurimæ partes sunt dilacerandæ. Ac proinde magna sequetur Sanguinis effusio, quæ totum opus perturbat ex discissis venulis, & arteriis, quod quidem effluuium si in cadauere vitari non potest, multo minus in viuenti corpore. Addo, si vena Porta ad reuehendum Sanguinem ad Hepar comparata fuerit, cur truncus diuiditur intra Hepar in capillares venas innumeras, Sanguis reliquarum partium corporis vbi peruenit ad truncum venæ Caudæ, recta & patente via fertur ad Cor, dissimilitudo distributionis in duplici vena manifeste declarat dissimilitudinem officij.

Sed cur Sanguis ex chylo per venam portam aduecto, iam confectus in hepate, & expulsus in venam Caudam peragrato corpore iterum reflueret ad iecur per venam portam? hoc est impertinens.

Pag. 12. Optas videre meum tractatum de Circulatione Sanguinis, & forsitan respisceres. Editus est ac diuenditus ante Pascha anni 1649. Miror cur non habueris ex Hollandia, iam ibi editum fuit Encheiridium Anatomicum, si nactus fuisset commoditatem tibi transmittendi magnum istud

ad Haru. de Circul. Sang. 29

volumen in folio, iamdudum tibi obtul-
lissem, quod tamen perfecì operâ & manu
D. Aubert, Chirurgi peritissimi, primarij
Serenissimæ Reginæ Angliæ.

Pag. 13. l. 7, Non rectè statuis ex illa
mei textus particula à te mutilata, quæ
pertinet ad Circulationem, *Omnes diffi-*
cultates, quæ olim mouebantur de distribu-
tione chyli & Sanguinis per eosdem canales
cessaturas, nec opus esset inquirere seorsim
vasa chyli. Propterea videris refellere venas
istas lacteas, & supponere per eisdem cana-
les deferri chylum & Sanguinem continuo
motu in Mesaraicas, ab intestinis in iecur.

Hic noto multa absurda, quæ repugnant
tuæ Circulationi Sanguinis primæ regio-
nis; Nam venæ mesaraicæ sunt affixæ in-
testinis instar hirudinum, & exsugunt
chylum. Quomodo possunt resorbere Ar-
teriosum, cum nullæ sint Anastomoses
inter venas, & arterias? Quomodo San-
guis arteriosus diffunditur in mēbraneam
substantiam intestinorum, vt ab osculis
venarū mesaraicarum exsugatur, quæ sunt
tunc repletæ chylo? Quomodo Sanguis ar-
teriosus exsiliens è suo vase, non excitabit
ecchymosim, vel Aneurisma intra tuni-
cas intestinorum? Ex tua sententia, San-
guis arteriosus cum chylo per venas me-
saraicas ascendet ad Iecur, Circulationis

30 *Ioannis Riolani Responsio.*

curfu. Vide in quæ absurda incogitanter
 prolaberis: Sanguis ille arteriosus erit per-
 mixtus chylo, & denuo recoquetur cum
 chylo, nec exsiliet nisi cum chylo sangui-
 ficato, ergo moras trahet in Iecore. Tu
 reijcis venas lacteas chyliferas ab omnibus
 laudatas, & approbatas tanquam verissi-
 mas, & extantes, atque aliter interpreta-
 ris istum lacteum succum in illis reper-
 tum, *Quoniam in diuersis partibus recens*
natorum, puta mesenterio, & omnibus eius
glandulis, in Thymo, axillis, & mammis
infantum, lac obstetrices emungunt. An ideo
 lac, aut quid simile in venis chyliiferis
 adultorum reperitur? An si Herophilus in
 venis mesentericis lactantium hædorum
 lac inuenit, ideo simile reperitur in ve-
 nis mesentericis adultorum? Lac quod
 reperitur in infantibus est ipsum lac nutri-
 cis, quod auidè & copiosè statim atque
 editus est infans fluxit, in hepate potuit
 alterari, ideoque diffusum in istis locis
 colligitur, cum dolore inflammatorio,
 tanquam inutile excrementum, nec alen-
 dū idoneum. An potius materia pituito-
 sa in ventriculo foetus collecta, quæ cum
 lacte rapta fuit? Videris fauere opinioni
 doctissimi *Gassendi, Professoris Regij in Aca-*
demia Parisiensi, qui putat venas lacteas
 continere materiam quidem lacteam, sed

ad productionem & nutritionem adipis
in mesenterio, quæ de re egimus, & refu-
taimus, in *Anthropographia, capite de Mem-
brana adiposa abdominis, in Pratermissis.*

HARVEVS tertiam propositionem
examinat, & refutatur.

CAPVT VI.

Pag. 14. **N**UNC accedis ad examen ter-
tiæ propositionis. *Insiciatur*
RIOLANVS Sanguinem secundæ & ter-
tiæ regionis circulari, quia effusus in omnes
partes, ibi remanet ad nutritionem, nec re-
fluit ad maiora vasa. **HARVEVS** coactus
vi propositionis, fatetur remanere illam
portionem, quæ in nutritionem abire de-
bet. At ille affirmavit antè, *Ex omnibus*
porositatibus carniū, venulis, & arteriolis
remeare Sanguinem ad Circulationem. Por-
tio illa abitura in nutritionem tres habet
gradus, sit primum Ros, dein Gluten, po-
stea degenerat in Cambium. Si fuerit ad-
huc consistentia roris, pars illa nutritura
nonne abripietur, cum altero Sanguine
celeriter excurrente ad Circulationem?
Satius est dicere Sanguinem in porositat-
es carniū ex venulis & arteriolis secun-
dæ & tertię regionis effusum, remanere

32 *Ioannis Riolani Responſio*

ad nutritionem iam inchoatam , quam nouum ſubinde appellere , qui detrudit priorem. Omnis enim mutatio fit morâ & quiete, tranſcurrens Sanguis id non poteſt efficere. Porro, per Sanguinem ſecundæ & tertiæ regionis , intelligo partes internas , quæ aluntur à propaginibus truncorum Cauæ & Aortæ. Externę partes omnes muſculoſæ conſtituunt tertiam regionem. Caput refero ad tertiã regionem, niſi ſeparatam velis conſtituere, quæ habet ſui Sanguinis Circulationem particularem.

Deinde, cum habitus corporis, qui comprehendit carnes , fit ſæpiſſime , ſero vel ſtatu conſperſus , & conſpurcatus , atque ex toto corpore fuligines malignæ , & ſeroſi vapores amandentur in habitum tanquam emiſſarium & emunctorium vniuerſale corporis , vt exhalent fuligines per tranſpirationem , ſeroſi humores , per ſudores diffluant , nonne cum Sanguine refluente à circumferentia ad centrum , iſtæ ſordes , quæ abire debent in cutem, reueluntur, etiam ex poroſitatibus carnum , è cunctis venulis & arterioliſ ?

Si Sanguis per carnes vniuerſi corporis, & carnes viſcerum traduceretur , quando impurus eſt, ſuas ſordes in iſtis locis elutriatus , & tranſcolatus deponeret , & re-

linqueret, atque purior accederet Cordi, intra duas vel tres horas. At videmus impurissimum Sanguinem non tantum è brachio, sed è pede detrahi. Forsan aliquis hanc rationem adferret ad probandam Sanguinis Circulationem per carnes extremarum partium, totiusque corporis. In fluxionibus, quæ fiunt in habitum corporis, & in morbis femorum, brachiorum, narium, & in morbis cutaneis inflammatoriis, frustra detraheretur Sanguis si non inde reuelleretur. Ergo ut Sanguis amandatur secundum naturam in habitum corporis, sic etiam potest inde sponte, vel expulsus redire ad interiora. Admitto istum recursum Sanguinis ad interiora, sed fit successione vacuati, depletis venis maioribus, attrahitur Sanguis externarum partium ad vasa maiora, & cum iste Sanguis in parte affecta excalescitur, in orgasmo celerius redit ad interiora, quàm alter Sanguis, qui est quietus, & immotus. Porro, non est metuenda ruptio venarum & arteriarum in carnibus, defectu Circulationis, ex nimia ingurgitatione Sanguinis; nam tantum trahunt carnes, siue partes, quantum indigent: Si repletæ fuerint, repellunt & respuunt Sanguinem. Atque repletio dignoscitur ex lassitudine spontanea, Vide in:

34 *Ioannis Riolani Responsio*
quæ absurda te deducit tua vniuersalis af-
fectata Circulatio Sanguinis, non exactè
præmeditata, & cum praxi Medica com-
parata, antequam lucem videret.

*Dum ligato brachio pars inferior intumes-
cit, id accidit propter interceptam Circula-
tionem maiorum vāforum venæ Cavae, &
Aorte, quæ excurrunt per brachia usque ad
manus. Ac proinde Sanguis tum disper-
gitur in carnes, quas tumere facit infra li-
garuram. Atque tuum experimentum A-
chilleum depromptum est ex Casalpino,
lib. 2. quæst. Medicarum, cap. 17.*

*Pag. 14. Ex vna particulâ, quæ scribo
Cerebrum remittere Sanguinem ad Cor,
& ita refrigerari, inde concludit HARVEVS,
me agnoscere Circulationem totius Sangui-
nis, quia insinuare videtur RIOLANVS,
ut à cerebro, ita ab omnibus partibus Cir-
culationem esse, contra quam apertis verbis
antea dixerat. Ac certè necessaria est Cir-
culatio Sanguinis in cerebro, quum ma-
gna copia Sanguinis arteriosi eò deferatur
per carotidas, & arterias cervicales, ideo-
que Sanguis exsuperans refluxere debuit in
partes inferiores, & ad Cor remeare. Vo-
lui etiam demonstrare per Circulationem
Sanguinis in cerebro, refrigeratum San-
guinem refluxere per venas ad Cor, & sic
mentem Aristotelis exposui, Cerebrum*

ad Haru. de Circul. Sang. 35

Cordis refrigerationi inferuire. H A R-
VEVS nodum in scirpo quærit, & nititur
me nolentem & volentem trahere in suam
opinionem de vniuersali Circulatione to-
tius Sanguinis.

Pag. 16. Postea probat quomodo fiat
propulsio ab omnibus partibus ad Circu-
lationem in Corde. *Impetu Sanguinis in-
trusi, & compulsi singulis pulsationibus, in
omnes secunda & tertia regionis, ibi con-
tentus Sanguis, de porositatibus in venulas,
de propaginibus in maiora vasa cogitur, &
insuper partium circumiacentium motu, &
compressione, ita motibus musculorum, &
artuum, Sanguinem de maioribus ad mine-
ra trudent.* Fateor per impulsum partium
quæ agitantur & circumstant vasa Circu-
latoria, promoueri Sanguinem ad descen-
sum in artus, siue ad ascensum in venas:
Sed mihi non leuem dubitationem adfert
torpor, & quies multarum partium, quæ
à facultate animali reguntur per vnum aut
alterum diem, interdum vsque ad tertium,
vt in comate critico descripto ab Hippo-
crate: Tum vel lenta est Circulatio San-
guinis, aut non absoluitur in die naturali,
nec potest in artubus immobilibus, para-
lyticis, Sanguis circulari defectu non mo-
bilis, sed mouentis.

Pag. 16. Quod autem scribit H A R-

36 Ioannis Riolani Responsio

Verus Sanguinem arteriosum deferri usque ad ungues, quem pulsare usque ad hunc terminum poteritur, non inde sequitur, ab istis locis propelli, & redire ad Circulationem. Verum est pulsare arterias per uniuersum corpus, sed ubi in capillares furculos desinunt, pulsū carent; quoniam earum tunicae sunt similes venis, earum pulsatio percipitur in ardentibus febribus usque ad digitos, quia tunc eò excurrit Sanguis arteriosus feruidissimus, furibundus, & inde reuertitur ad interiora uerius Cor: sed non sequitur parem refluxum fieri in sanis corporibus. Deinde, si Sanguis arteriosus in porositates carniū effunderetur, cum ex se habeat motum, eius extrauāsati pulsatio alicubi sub cute perciperetur, quod non obseruatur.

Attamen reditum Sanguinis ab his locis probat, ex refrigeratione summā manū & pedum usque ad digitos, qui non possunt recalescere, nisi per Circulationem, propulso Sanguine refrigerato, spiritibus & calore or-
bato; in cuius locum alter ab arteriis influens, nouus, calens, & spirituosus Sanguis partes resouet, recalescit. (Ergo spiritus admittit in hac particula, quos reicit in secunda Exercitatione) Sine recursu istius Sanguinis refrigerati repulsus calor à frigore potest reuocari motu, fri-

atione, calidis linteis, & foci calore. Itaque si ad recalcificationem destinata est Circulatio Sanguinis, omnes partes internæ inclusæ intra ventrem & thoracem non indigent istâ recalcificatione, quæ ex tua sententia, est præcipuus usus, & finis tuæ Circulationis. Imò, internæ sæpe nimium calent, ut sunt viscera primæ regionis, ita ut indigeant refrigerio. Partes Thoracicæ inspirato aëre frigido, qui pertingit transendo per ventriculum usque ad intestina, flabellantur etiam à Diaphragmate. Cerebrum refrigeratur inspirato aëre. Itaque tua Circulatio convenit tantum partibus externis, & extremis corporis denu-
dati, alioqui bene rectum corpus perpetuò calet. Quid dices de mendicis, qui affectatâ nuditate, sæviente gelu, se ostendunt populo, ut inde quæstum faciant; ex facta commiseratione? Inde corrui-
tus usus tuæ Circulationis in prima regione, quam non admitto, at usus naturalis, & necessarius ad vitam debet esse perpetuò talis; ac proinde tua Circulatio non est
universalis, sed tantum particularis, ad recalcificandum partes externas corporis & ad tempus, nec perpetuò, nec omnibus convenit, sed tantum frigidis. At mea Circulatio necessaria est semper, ubique ad generationem arteriosam ac spirituosam

38 *Ioannis Riolani Responsio*

Sanguinis eiusque distributionem in omnes partes, atque continuationem motus Cordis, qui periret sine appulsu continuo Sanguinis singulis momentis.

Pag. 18. Tandem HARVEVS. ita concludit. *Videtis quomodo circulatio Sanguinis fiat citra confusionem, & perturbationem humorum in toto corpore & singulis partibus.* Omnis conclusio ex præmissis sumitur, & consequentiam habet: At non probasti Circulationem Sanguinis ubique citra confusionem, & perturbationem humorum in toto corpore fieri, ergo falsa tua conclusio. Ego verò contrarium demonstraui in Circulatione primæ regionis; dein in Circulatione tertiæ regionis. Quod spectat ad partes secundæ regionis, in quibus non fit Circulatio, paucae sunt, scilicet Diaphragma, Renes, Vesica, Vterus, partes genitales viri. Reliquæ partes corporis pertinent ad tertiam regionem cum capite, in quo fit Circulatio propter rectitudinem carotidum & iugularium, quæ directè sunt positæ supra truncum istorum canalium circulantium, & liber est excursus Sanguinis, quamvis sit lenta & tarda hæc Circulatio supra Cerebrum, in eius ambitu & circumferentia.

*Probatur Circulationem Sanguinis ex
HARVEI doctrina, veterem,
& nostram Medicinam
euertere.*

C A P V T . V I I .

IN hoc libello asseuerat HARVEVS
suam *Circulationem Sanguinis non euer-*
tere veterem Medicinam. Contrarium do-
cui *Tractatu de Circulatione Sanguinis,*
sed iterum paucis id demonstrabo in pri-
ma, secunda, & tertia regione. In prima
destruit localem constitutionem februm
intermittentium ab Arabibus assignatam
in partibus nutritiis, vel à *Galeno* in ha-
bitu corporis positam. Si Sanguis primæ
regionis sit in perpetuo motu, febrilis ma-
teria sic confusa, suam idiotropiam non
seruabit, nec biliosus humor tertio die,
humor melancholicus quarto, pituita
quotidie mouebitur iuxta cuiusque hu-
moris proprietatem, sed inordinatè, &
quotidie bis terve aut pluries, pro fluxu,
& refluxu Sanguinis commoti, redibit pa-
roxysmus, quod sæpius accidit purgatio-
ne, aut venæsectione administratâ, agita-

40 *Ioannis Riolani Responsio*

is humoribus ; nec dabitur quies & mora humoribus coquendis ad secretionem, & purgationem faciliorem ; in secunda regione euerit cursum ordinarium Sanguinis intra Cor per mediū septum , dum adstruit per pulmones ire & redire Sanguinem ad Cor ; quod est impossibile per tuam effusionem Sanguinis in parenchyma pulmonum, & vitæ valde noxium, ut alibi demonstraui. Adde, intra pulmones confunderentur inuicem inter se Sanguis transiens, aër inspiratus, fuligines expirantes è Cordis fornace, quæ consilio substantiarum intra pulmones, si totus Sanguis per eas vias naturaliter traduceretur, fœda illuies, & tetra mephitis ex vena porta dimanans transiliret in venam cauam per mediū hepar, atque inquinaret Cor, & pulmones, atque reliquum Sanguinem arteriosum. In tertia regione impedit sistitque fuliginum, & lerosorum humorum expulsionem in habitum corporis, propter reuulsionem, quam facit vndiquaque vsque ad minimam particulam circumfluus ac refluus Sanguis, à circumferentia ad centrum Corporis, nempe Cor, circulandus. Si reflueret Sanguis ex habitu Corporis, in variolis, morbillis, febre purpurata, & aliis morbidis excretionibus, materia venenata humida

& spirituoſa ex venulis in maiores rediret
uſque ad penetralia Corporis. Vide quibus
damnis & detrimentis Corpus foret ob-
noxium, ſi totus Sanguis circularetur,
quæ pernicies corpori muliebri continge-
ret, ſi menſtruis instantibus circa uterum
collectus humor, intra venas & arterias
hypogaſtricas circularetur; ſi lochia ſur-
ſum remearent, ſi Sanguis impuriſſimus
intra ſubſtantiam ſpongioſam uteri col-
lectus circularetur poſt partum, dum ſup-
primitur. Denique reuulſionis & deriua-
tionis, criſeos, purgationis fundamenta
deſtruuntur, ſi totus Sanguis eſt in perpe-
tuo motu, per fluxum & refluxum velo-
cem in vniuerſo corpore. Nec venæſectio
quidquam detrahet ex parte affecta, quia
tantumdem Sanguinis redibit, quantum
eduxeris, neque venæſectio à centro ad
circumferentiam reuocabit, ſi totus San-
guis velociter ad centrum ſuum nempe
Cor aſſiduè recurrat, ex omni parte Cor-
poris etiam minutiffima.

*De Circulatione Sanguinis intra
Cerebrum.*

C A P V T V I I I.

REPREHENSIONE dignus multis videbitur HARVEVS, quod in probanda Circulatione totius Sanguinis per vniuersum Corpus, multùm sedulus, & sollicitus fuerit, obliuiosus penitus in Circulatione Sanguinis per cerebrum, cuius nullam mentionem fecit, quod callidè prætermisit, quoniam ignorabat vias per quas traduceretur Sanguis in cerebro; id exposui *Traçtatu de Circulatione Sanguinis*, & adhuc repetam paucis. Sanguis è Corde per carotidas arterias defertur ad basim cerebri, vbi carotides iunctæ constituunt istud rete mirabile dictum, è quo arteriæ disperguntur, per duram cerebri membranam, quæ mobilis est ratione arteriosi Sanguinis, & in sinum longitudinalem cerebri omnes confluunt, inde refluxit Sanguis deorsum, per Iugulares internas ad venam cauam.

Obiter monebo HARVEVM valde se torquere in probando motu arteriarum à Sanguine, cum habeat manifestum in-

dicium, siue in palpitacione sinuum duræ meningis, siue in motione duræ meningis, si non recipiat surculos arteriosos ex rete mirabili traductos; & ductus illi, qui conspiciuntur in dura meninge, non sunt formati ex arteriis intra duplicaturâ istius meningis. Propterea pulsatio, quæ percipitur in vertice infantium ad Fontanel-
lam, vel est à dura meninge, vel à Sanguine intra canales illos palpitante.

Notandum quod Carotides arteriæ amplæ, & cauæ, magnam Sanguinis copiam cerebro suppeditant, qui nisi haberet regressum per sinus illos siue canales inferiores secundum futuræ Lambdoidis latera in iugulares venas, suffocaret cerebrum. Ideoque ex rete mirabili ascendens Sanguis intra duplicaturam duræ meningis, coaceruatur intra canales eiusdem duræ meningis: Inde distribuitur in vniuersum cerebrum, & si regurgitat, vel per nares interdum habet exitum, sed naturaliter relabitur in Iugulares internas ad truncum Cauæ, vt alteri Sanguini currenti ad Cor misceatur. Ex ista obseruatione cognosces cur in febribus malignis stillicidium Sanguinis ex Hippocrate perniciosum, & omnes liberati fuere per largam hæmorrhagiam, mulieres etiam per copiosam menstruorū purgationem *lib. i.*

44 *Ioannis Riolani Responsio*

Epid. Cur etiam *Hippocrates* tantopere reformidabat in morbis Capitis supervenitum venarum, ex quo Cerebrum obruitur & suffocatur?

An per pulmones fiat Circulatio Sanguinis?

C A P V T. I X.

ASTUTE & dolosè conatur HARVEVS me trahere in suam sententiam, *Fingit me cautè ad evitandas rixas altercantium Medicorum, diverso modo proposuisse Circulationem, modò ex toto, modò ex parte, modò per pulmones transire Sanguinem à Corde, modò per septum, atque ideo mihi inconstantiam exprobrat, aut levitatem ingenij, aut rei, de qua agitur, ignorantiam.* Sed instar versipellis Sophistæ derruncat textus, ut quos citat, quadrent suo proposito, atque subter, quæ contra ipsum faciunt, ut animadvertet Lector: Nam RIOLANVS dum scribit naturaliter traduci Sanguinem per medium septum Cordis in sanis, admittit tamen in febribus, & morbis acutis ardentibus, in violenta & coacta respiratione per pulmones reuolui, ut in ventri-

ad Harv. de Circul. Sang. 45

culum sinistrum deferatur, inde in Aortam; Quis hac de re dubitet? Alioquin Cor suffocaretur nisi haberet istud effugium & diuerticulum:

Pag 20. & 21. Expendamus istos textus quos profert: primus est, RIOLANVS pulmones Cordi tanquam emunctorium, & emissarium constituit, & ait; pulmo afficitur ab isto Sanguine transeunte, dum eius sordes eò confluunt simul cū Sanguine, sic etiā dicit labem pulmones acquirunt, & à visceribus intemperatis, & male moratis, quæ suggerūt Cordi Sanguinē impurum, cuius vitium non potest emendare Cor, nisi per multas Circulationes. Istē textus primus nullomodo fauet Circulationi HARVEI, imò demonstrat noxam, & detrimentum, quod pulmones suscipiunt ex ista traductione, quam interdum fieri, necessitate urgente, sed damno ægrotantium admitto.

Secundus textus est, Si verum sit naturaliter Sanguinem transire à Cordis dextro ventriculo ad pulmonem, ut deducatur in sinistrum ventriculum, inde in Aortam; atque si Sanguinis Circulatio admittatur, quis non videt in affectibus pulmonum Sanguinem maiori copiā eò confluere, & opprimere pulmones nisi euacuetur primò liberaliter, dein partitis vicibus ad subleuandos pulmones. Et hic textus demonstrat necessitatem

46 *Ioannis Riolani Responsio*

tem mittendi Sanguinis in affectibus pulmonum, quia in aëgris corporibus, ubi Cor & pulmones afficiuntur, Circulatio Sanguinis est velocior, & impetuosior, ideoque Sanguis propellitur violenter in pulmones, metu suffocationis in Corde. Atque cum dico, *si admittatur Circulatio, intelligo HARVEIANAM*, quam dubitanter propono per pulmones in sanis corporibus.

Vt patefacerem eorum inscitiam, qui reiiciunt Circulationem Sanguinis, obieci bam. *Admittunt illi Circulationem per pulmones, quæ est difficilis admodum, ambigua & periculosa, & tamen negant Circulationem Sanguinis per longitudinem corporis, quæ est facilior*, intellexi meam, id est meo sensu explicatam, *non HARVEIANAM*. Ac proinde non gloriatur HARVEVS me habere fautorem & assertorem suæ Circulationis in omnibus partibus.

Præter varias rationes, & experientias, quas attuli *in meo Tractatu de Circulatione Sanguinis*, ad refutandam Circulationem Sanguinis ordinariam, & propositam per pulmones ut asseruit HARVEVS, istam rationem adiungam. Si traducatur Sanguis à dextro Cordis ventriculo per pulmones in sinistrum, & arteria venosa

fit tantum dicata dumtaxat vehendo Sanguini, nequaquam reuchendo, cumque in sinistro ventriculo conficiatur Sanguis vitalis arteriosus, quo nutriri debent universi corporis omnes partes, pulmo non fruitur isto Sanguine arterioso, qui deferatur per Aortam; atque deterius nutritur quam reliquæ partes; nam ex Te, dexter non ad nutritionem pulmonum exstructus est, sed ad translationem Sanguinis in pulmones, aut fatendum Sanguinem dextri ventriculi æquè perfectum esse, antequam tradatur sinistro ventriculo.

Pag. 21. Huic duplici Circulationi addit Tertiam, *breuissimam è sinistro ventriculo Cordis ad dextrum, per arterias & venas coronales.* Ridicula ista Circulatio, quæ favere videtur CL. LICETO, quam refutavi *libro de Circulatione*; cum vasa ista exteriora destinata sint extrinsecus nutriendo Cordi, & ad productionem adipis, cum nō possit intus Sanguis parietibus agglutinari, propter assiduum transitum Sanguinis. Deinde ista vasa hauriunt Sanguinem ex vasis circulatoriis maioribus extra & iuxta Cor; ergo non è ventriculis, ut asseris. Ac proinde non potest esse Tertia Circulatio, quia non depromitur à Corde, nec ad Cor recurrit.

Pag. 22. & 23. Tandem HARVEVS

48. *Ioannis Riolani Responsio*

quantum potest laborat me traducere in suas partes, & adstipulatorem habere suae opinionis. Etiam si in quibusdā diuersus sit RIOLANVS, titubanter agit, & in negationibus vacillat, & verba solū dat, sed ubi assuevit, cordatē loquitur, & firmissimis rationibus, ut Philosophum deest. Itaque si aliter à me sentiat; id fecit ne multos à me dissentientes offenderet, id humanitati, & modestiae tribuendum, aliās mecum sentire videtur. Sic me traducit, & depingit HARVEVS, quibus vitiligiis tantū debeo risum, quia ludibrium mihi excitauit suis cauillationibus.

Pag. 24. Nondum vidisti *Tractatum meum de Circulatione Sanguinis*, iam à septem mensibus editum, cum tamen à biennio, à quibusdam è nostris Collegis, qui commercium habent litterarium cum Medicis Exteris, significatum fuerit; RIOLANVM meditari, & condere *Tractatum de Circulatione Sanguinis*, aliter explicantem, quā ab aliis vulgata est. Sed esto, sit ista Exercitatio tua velitaria excursio, siue praeludium, forsan pariet maiorem laborem, id est responsionem ad meum librum *de Circulatione Sanguinis*, quem si possim videre cum tuis *Observationibus Anatomicis, & Medicinalibus* ante obitum, me felicem praedicabo.

Nam

ad Haru. de Circul. Sang. 49

Nam me recreat in exercitiis Anatomicis, meditatio assidua de Circulatione Sanguinis, ex qua magnos in praxi medicâ fructus elici asseuero, & quotidie experior.

Pag. 24. & 25. Antequam R I O L A N V S negaret vias illas patentes, amplas ad circulandum totum Sanguinem per pulmones, deberet alias commodiores, & probabiliores declarare, num per venas in arterias Sanguis influat per Anastomoses. Non debui alias vias proponere, quam vulgatas ad traductionem Sanguinis in Corde, nam statuo vix mediam Sanguinis partem per Cor traduci. Ita via sufficiens est in sanis; aliter in ægris potest fieri Circulatio, vt sæpius inculcatum. Neque credo venas semper depleri in arterias, sed arteriæ sese exonerant in venas per Anastomoses. At dicis esse insensibiles, & inaspectabiles. Attamen constitutæ ab Hippocrate, & à Galeno probatæ: experimenta duo dabo. Venâ umbilicali insufflatâ in puero recens edito, videbis omnes venas & arterias Corporis inflari, Cor ipsum, pulmones, cerebrum. Alterum experimentum; si insufflatis per tracheam arteriam, videbis pulmones inflari, tensumque Cor cum suis Ventriculis, quod demonstrat Anastomoses venæ arteriosæ, &

50 *Ioannis Riolani Responsio*

arteriæ venosæ intra pulmones, simulque penetrationem aëris per septum Cordis in ventriculum dextrum. Id faciendum in calentibus pulmonibus, statim à jugulatione exemptis, vel in situ suo relictis visceribus. Tertium experimentum adferri potest de insufflatione Corij in brutis animalibus facta à laniis, aëre quoquoversum penetrante, & amplificante viscera & carnes, quas vendunt in macello.

Pag. 26. Tribus duntaxat in locis, quod aquipollet Anastomosi reperit. H A R V E V S in cerebro, è soporalibus arteriis in basi perreptantibus, frequentes & implexæ fibræ oriuntur, quæ plexum choroidem efformant, & ventriculos transeuntes, tandem in sinum tertium, qui officio venæ fungitur, unite desinunt. Imperitè describis istum articulum, nam ex Galeno, Vena magna constituit quartum sinum, siue canalem duræ meningis, per quem Sanguis decurrit per istius venæ ambagiosæ longitudinem usque ad ventriculos, & ad basim cerebri iuxta rete mirabile. Isthæc vena constituit plexum choroidem, per quem descendit Sanguis ad interiores partes cerebri, ad nutritionem, & canalis iste quartus formatur ex concursu trium, nempe duorum lateralium, qui perreptant suturas Lambdoïdes, & inter se coeuntes producunt

ad Haru. de Circul. Sang. 51

tertium longitudinalem protensum ad os ethmoides simulque illam venam magnam. Propterea Sanguis non potest ascendere per istam venam intra ventriculos cerebri, sed descendit, quod notabis. Itaque illam communionem vasorum, quæ intexunt plexum choroidem, *Galenus* putat magnam esse venam, quæ posita est in concursu trium sinuum. Per hanc Sanguis demittitur intra ventriculos, usque ad partes inferiores. Non dubito illi occurrere portiones plexus mirabilis in circuitu sellæ sphenoidis collocati.

De Anastomosi Venarum & Arteriarum.

C A P V T X.

MIROR te repudiare Anastomoses venarum & arteriarum, quum tua Circulatio vniuersalis, melius per osculationem mutuam vasorum absolueretur, quam per effusionem Sanguinis arteriosi in porositates carnum, vnde resorbetur à venis. Nam in manu & carpo usque ad ungues, in pede à malleolis usque ad ungues, paucissimæ carnes ibi collocatæ, &

52 *Ioannis Riolani Responsio*

tamen insignia vasa eò perueniunt, si arteriosi Sanguinis guttulæ exsiliences diffunderentur, ecchymosim producerent, vel Aneurisma, aut alium tumorem.

Quamuis admittas Anastomoses mutuas venarum, & arteriarum communiones per fibrulas; vidi & cum aliis notavi in brachio post ligatam & resectam arteriam supra cubitum, ad sanandum Aneurisma, tandem insignes surculos venarum insertos arteriæ rescissæ infra cubitū nullo modo micante arteriā propter arteriæ cum corde communionem interruptam. Vnde agnoui istos surculos esse anastomoses venarum cum arteriis.

Intra spinalem medullam detractis membranis, observantur venæ & arteriæ descendentes è cerebro, quæ occurrunt lumbaribus venis & arteriis.

Observatur manifestè mutua Anastomosis venæ splenicæ cum arteria splenica, antequam hæc vasa lienem subeant. *Vide meam Anthropographiam, pag. 131. ultima & sexta editionis.*

In utero muliebri extrinsecus venæ spermaticæ in se admittunt arterias hypogastricas per Anastomosim, cum nullæ sint arteriæ spermaticæ. *Legè pag. 178. meæ Anthropographiæ.*

Spigelius notat se observasse mutuas A-

anastomoses venarum & arteriarum in manibus & pedibus. Vide pag. 341. *mea Anthropographia.*

In musculis Rectis abdominis anastomosis conspicua est venæ & arteriæ mammariæ cum epigastrica. Istam communionem venarum, & arteriarum accuratè exposui in *mea Anthropographia*, lib. 3. pag. 224.

Observaui nuper cum *Dom. Pimpinello* Chirurgo experientissimo, in iis quibus ad curandum Aneurisma ex incisa arteria pro vena, infra cubitum exortum fuit; atque post duos tresve menses curationem quærentibus, apposisis spleniolis duris, & emplastro glutinante strictè obligatus fuit cubitus, supra ligaturas, ramulos transuersim inter venas & arterias ductos, siue vlla palpitazione, propterea dubitauimus, an isti ramuli essent vel arteriolæ, aut venulæ. Inde cognouimus mutuas synastomoses venarum & arteriarum inter se, quod mihi affirmavit idem *Dom. Pimpinello*, à se sæpius obseruatum fuisse in simili casu, & post penitus incisam arteriam brachij, ad curandum vetus & magnum Aneurisma.

Pag. 25. Lætor plurimùm quod te habeam *ὁμολογῶ* in Anastomosis radicum venæ portæ & cauæ intra Hepar, quas nul-

34 *Ioannis Riolani Responsio*

las esse asseris , etiam diligenter à te inuestigatas ; conformationem cauæ & portæ intra Hepar à te descriptam , iamdudum annotaui in mea *Anthropographia* : Atque hoc facit contra tuam Circulationem Sanguinis gastricam. Nam quomodo ad cauam deducetur Sanguis primæ regionis intra Hepar , si chylo sit permixtus , & plurima inueniat impedimenta à me commemorata ? defectu istarum Anastomoseon , non potest commodè transire in cauam , atque hoc fauet meæ opinioni.

Adducis aliud experimentum à te tamen nondum administratum ad indagandum si venæ sese exonerent in arterias. Amicè moneo , debueras id experiri antequam describeres , facilis erat experientia in cane ; hoc dubitare faciet de tuis aliis experimentis , cum in hoc tam facili , fueris adeo negligens , quod tua experientia dignum erat ad refutandum experimentum *Galen*i , qui scripsit incisâ alicubi arteriâ , non tantùm arterias , sed etiam venas depleri. Proponis aliud experimentum contrarium faciendum , sed ligas truncum Cauræ iuxta Cor , quod fieri non debet.

Conclusio Operis, cum actione gratiarum ad HARVEVM.

CAPVT VLTIMVM.

NUNC superest claudere meam Responsionem ad primam partem tuæ Exercitationis Anatomicæ de Circulatione Sanguinis ; grates persolvere dignas non opis est nostræ, pro tot laudibus, quibus me, meamque fœcuram *Encheiridij Anatomici* exornasti ; laudari à laudato viro gloriosum est, præsertim à eo, qui iure ac merito suo, potest esse censor & arbiter meæ eruditionis Anatomicæ, quantulumque est. Iam à 25. annis prouocatus fuit HARVEVS, à multis ad certamen de Circulatione Sanguinis : noluit cum imperitis, reique Anatomicæ ignaris altercari ; Sic *Socrates* semper inuitus, cum *Sophistis* apud *Platonem* disputabat ; & *Aristoteles* sub finem 8. lib. *Topicorum*, non omnibus contradicentibus respondendum esse docuit.

Expectauit HARVEVS Athletam versatum in Anatomicis, & Professore, cum quo ipsemet Professor rei Anatomicæ disputaret. Sic *Alexander Magnus* noluit in

§6 *Ioannis Riolani Responsio*

arenam descendere ad pugnandum, nisi cum Regibus; Nunc siue Victus, siue Victor discedam à certamine, gloriabor de Circulatione Sanguinis disputasse contra HARVEVM, Inuentorem, & Authorem Circulationis, necessariæ ad vitæ conseruationem. Trophæum ferre me à forti viro pulchrum est; sin autem & vincar, vin- ei à tali, nullum est probum, *inquirebat Atticus antiquus poëta*. Vnicuique grata est sua sponsa, tibi tua, mihi mea; Sed iudiciū penes Lectorem erit in Anatomi- eis eruditum. Interea lubenter dissimula- bo cauillationes tuas, ab amico forsan ir- ritato effutitas, quid enim aliud laudare & ledere, quàm fumum dare naribus, & thuribulo ipsas offendere; fascinatio est laudantis, simulque imprecantis. Itaque præfiscine dicam,

*Quod si ultra placitum laudaris, Bac-
chare frontem*

*Cingito, ne Medico noceat mala lin-
gua.*

Interea mihi succurrit quod dictum fuit ab Aristotele lib. de Elenchis, & lib. 1. Me- taphys. Eorum omnium quæ inueniuntur quædam esse, quæ iam antè ab aliis aliqua ex parte comprehensa, subtilius postea, & quasi particulatim elaborata; tandem eo- rum qui sequuntur industria, longius pro-

grediuntur , magnumque incrementum
capiunt. Ingenue fateor *librum Doctissi-*
mi & Subtilissimi HARVEI de Circulatio-
ne Sanguinis , mihi cognitionem Circula-
tionis inspirasse, atque super eâ re frequen-
ter meditando , tandem defectus , & erro-
res non leues in ista Circulatione offen-
disse , quos emendaui , noua Circulatione
Sanguinis introductâ , quam stare posse
cum Hippocratica sustineo. Eliget quam
libuerit prudens & peritus Medicus in cu-
rationibus morborum, vel vtramque con-
iunget,

F I N I S.



IOANNIS RIOLANI
RESPONSIO

A D.

SECUNDAM EXERCITATIONEM
ANATOMICAM
GVIL. HARVEI
DE CIRCVLATIONE
SANGVINIS.



VSTRA & æqua mihi videtur tua querimonia, eruditissime HARVEE, de vexatione, quam passus es, statim à partu tuæ ingenij foeturæ, ex Palladis arce prodeuntis. Intellego Sanguinis Circulationem, quæ à quibusdam fuit oppugnata, à multis damnata, ab aliis approbata, & scriptis editis confirmata. Sed cuna

60 *Ioannis Riolani Responsio*

istud inuentum tua sit vera & legitima progenies, non adulterina, & supposita, vt demonstraui contra *Vallaum*, & alios maleuolos tibi gloriam istam invidentes non amplius meminisse debes, tot laborum, quos pertulisti in edendo isto partu; quia nouum hominem procreasti, restaurando Physicam & Medicinam. Sic mulier multos labores perpeffa in pariendo, vbi peperit, *Non meminit amplius pressuræ, quia natus est homo, vt est in Euangelio*. Immortale istud Opus viuet in æternum, tibi que pro tot laboribus exanthlatis, gloriam immarcessibilem procreabit. Macte igitur forti animo (*mi HARVEE*) inuidorum maledicta, & calumnias generosè despice, vt hactenus fecisti. Fatum est magnorum ingeniorum, vt quem imitari nemo potest multi perant, aut quem laudare satis docti non possunt, malint laceffere inaperiti.

Eleganter *Poëta Thcognis* pronuntiauit, oportet *Musarum Amasium*, si quid habuerit eximium in scientiis, audacter proferre in medium. Turpissima est taciturnitas in iis, qui quod sciunt, demonstrare nolunt, tanquam ipsis perituum sit, quod aliis tradiderint. Ingratus fuisses postertati, & erga Deum reprehensibilis, si talentum tibi concessum, sine fructu, &

ad Haru. de Circul. Sang. 61

emolumento effossum, apud te continuis-
ses. Plinius Iunior in epistolis, Beatos illos
censet, quibus Deorum munere datum est,
aut facere scribenda, aut scribere legenda,
Beatissimos, quibus utrumque: Sic te bea-
tum iudico, qui utrumque præstas. Te
consolari debet monitum illud Cato-
nis,

*Cum rectè scribas, non curas verba ma-
lorum,*

*Arbitri nostri non est, quid quisque lo-
quatur.*

In omni arte scribendi, rectè sapere est, &
principium & finis, inquit vetus Poëta.
Ideoque te sapientem agnosco, qui re-
ctè scribas, & sine conuitiis respondeas
aduersariis. Mihi videris imitari, & sequi
consilium Galeni, lib. de curandis animi
moribus, cap. 3. Tuum sit studium, tuaque
exercitatio, calumnias & conuitia æquo
animo perferre, quod ubi feceris, & satis
moratus, satisque sedatus fueris, tum ag-
greditor respondere calumniantibus; sed ne-
que acerbè unquam id facias, neque re-
darguendi, conuitiandique, aut etiam al-
tercandi studio: nec verò te illum alterum
velle deiicere, aut prosternere significes, sed
omne id tuæ utilitatis & publicæ causâ mo-
liri. Hæc ratione volebat Zeno omnia nos
agere, atque tutos nos dicebat fore, si ita

62 *Ioannis Riolani Responsio*

semper ageremus, tanquam paulò post pedagogy rationem reddituri. Verum tibi displicet quorundam maledicentia & inuidia. Ecquis ab istis duabus furiis immunis & securus esse potest, nisi lateat, & conticescat? Virtutis semper fuit comes inuidia: *Hippocrates*, quem Diuinum, summum Præceptorem & oraculum Medicinæ veteres Medici, & recentiores appellarunt, sui temporis Medicorum inuidiam euitare non potuit. Inuidi moriuntur, sed nunquam inuidia, quæ probos, & doctos Viros semper infectatur. Putasne me, qui tuo Operi succedo, expertem istius inuidiæ & maledicentiæ? Multi nostros libros legunt tanquam fabulas & nœnias, nec tamen audent, vel queant palam eis contradicere. Nos etenim appellant *Circulatores* per contemptum, & ironiam, creduntque plurimum nobis illudere, & obstrepere hoc sarcasmo, sed istos homines ~~et~~ *et* ~~circulatores~~, circulatorum, circulatoriam artem apud ægros exercentes floccifacio & despicio, famam habent, quam non merentur. Hoc te, & me recreare debet exemplum *Columbi*, qui suis nauigationibus cum nouum orbem detexisset, in aulâ *Ferdinandi Regis Hispaniarum* irrisus fuit, quod sibi arrogaret istud inuentum, quod aliis ante ip-

ad Haru. de Circul. Sang. 63

cum innotuerat. Ille coram Rege istos lepidè elusit, quis vestrū inquit, hoc ouum rectum destituet supra planam istam tabulam. Hoc impossibile cum omnes affirmarent, ille in vno extremo leuiter contusum ouum, rectum stare fecit. Hoc facile cum omnes clamarent, quis vestrum ante me id fecit? Sic nouum orbem antea multis cognitum dixistis, sed ante me nemo patefecit. Tu *mi HARVEE* mihi *Columbus* eris in microcosmo, ex Circulati Sanguinis inuentione. Ego verò *Americus Vesputius* ero, qui tuis inuentis multa adieci, & nouum iter Circulandi Sanguinis adinueni, ac d. monstraui.

Cæterum nemo est mortalium, quem non aliqua pars ignorantia attingat, hanc contagem ex ipsa mortalitate traximus, vt eleganter notat *Seneca, lib. de Ira, cap. 9.* *Inter cætera mortalitatis incommoda & hoc est, caligo mentis, nec tantum necessitas errandi, sed errorum amor.* Quare, qui in lucem conspectumque hominum suos ingenij labores producit, multorum Criticorum censuræ exponit, quorum sæpe maligna & iniqua sunt iudicia, contradicendi studio. Tumque meminisse debet consilij, quod *Sophocles in Antigone dedit,*
Persuasionem hanc ne obtinere velis,
Vt nil, nisi quod tu dixeris, rectum putes

64 *Ioannis Riolani Responsio*

Nam quisquis se unum præ omnibus sapere autumat,

Linguâve, quali nemo, animôve praditus,

Hic si excutiatur, vanus esse cernitur,

Quantumlibet docto Viro nō est probrum,

Addiscere plura, nec nimis contendere.

Ad Exercitationem secundam Anatomicam de Circulatione Sanguinis, Responsio.

SECUNDA tua Exercitatio Anatomica Doctissime HARVÆE, est indigesta rationum & experimentorum narratio, inconditè scripta, ut credo currente calamo, prout tibi suppeditabat memoria; reductionem ad suum cuiusque locum tuæ Circulationis, relinquis Lectori perito, & in tua Circulatione versato. Sed ut ingenuè fatear, multa paradoxa, & à veritate dissidentanea continet, quæ veram & Physicam & Medicinam evertunt. At quoniam in tuo discursu plurima meæ Circulationi Sanguinis aduersantur, breuiter hunc examinabo, à tua dominatione pronocatus, à me principium fuit tuæ Exercitationis, mihi nunc desinit.

Pag. 31. Exordiris ab examine opinionis
Galenī,

Galen, qui vim pulsficam arteriarum manantem à Corde, insitam esse, ac congenitam tunicis arteriarum prodidit; Atque experimento insigni ab omnibus laudato, & recepto confirmabat, quod recitas. Id verum esse hætenus creditum, propter auctoritatem *Galen* & *Vesalij*, qui non cogitarunt difficultatem operis, & cum sit, vanitatem, id à nemine refutatum, tuâ experientiâ falsum deprehendisti. Primus, nisi fallor, *Plempius, lib. 2. sect. 4. cap. 4. lib. de Medicina fundamentis*, falsitatem huius axiomatis detexit, & destruxit contrariâ experientiâ. Id etiam tuo calculo confirmas.

Verùm prudenter mones, *Sanguinis* è *vulnere proficientis effusionem omnia perire, & irritum ac obscurum reddere istud opus*, adeo ut nihil certi ob impetum sanguinis salientis demonstrari queat. Memineris idem dici posse de tuis experimentis in viventibus animalibus, potissimum in vena Porta & in Corde. Certiores esse scribis, quas producis rationes ex aperture arteriæ, dein ab Aneurismate, in quo amplissimè dilatato, percipitur pulsatio, Sanguinis appulsu, non ratione membranæ, cum sit rupta vel diuulsa.

Pag. 34. Altera ratio est, quod magna portio Aortæ, à Corde prodeuntis tota

66 *Ioannis Riolani Responsio*

ossea sæpius deprehensa fuit, ac proinde non poterat facultas pulsifica influere in membranas arteriarum propter soliditatem. Tuam experientiam alio exemplo confirmo, desumpto ex *Consilio 16. Solenandri, sect. 5. Episcopus de Vvretta non potuit rectè stare, sed semper coactus erat per aliquot annos incumbere alicui pulpito. Post mortem cadauere aperto, arteria magna deprehensa fuit infra & supra renes, quatuor digitis dura, & vitri in modum fragilis.*

Pag. 35. Aliud exemplum adducis de principio Aortæ osseæ, & ego talem conformationem vidi in Corde Reginae matris Dominae meæ.

In Polemarcho Schombergio, qui primus huius nobilissimæ familiæ, ex Germania venit in Galliam, auxiliares copias militum adducens ad seruitium HENRICI MAGNI, mortis tam subitæ non alia fuit causa deprehensa, quàm quod sinister ventriculus Cordis fermè totus esset osseus, *ex relatione illustrissimi Thuani in sua Historia.*

Istis exemplis conaris euincere facultatem pulsificam non influere per tunicas. Attamen in Regina Matre pulsus usque ad ultimum vitæ spatium perseveravit, & ante morbum illum, quo periit, vali-

ad Haru. de Circul. Sang: 67

dum semper habuit pulsum. Vidi sæpius in quorundam brachiis omnino deperditum arteriarum pulsum. Id non poterat accidere nisi ab intercepta facultate pulsifica, ex obstructione arteriæ, potius in tunicis quam in cavitatibus, nam illis brachia non erant imbecilliora; atque verisimile est fluxisse Sanguinem arteriosum more solito sine pulsu arteriarum. Propterea sextuplo crassior facta fuit Aorta, quam vena cava, ad subtilissimi spiritus influxum excipiendum, ut in nervis accidit.

Pag. 36. Verumtamen non prorsus denegas Tunicis arteriarum omnem motum, *sed quem Cordi tribuis, concedis etiam arteriis, nimirum diastolem & systolem.* At cum iste motus sit insitus, & congenitus Cordi, similiter, & arteriis esse debet. Vterque motus fouetur appulsu continuo Sanguinis arteriosi.

Pag. 54. Ut demonstres quomodo fiat motus Cordis & arteriarum, scribis, *Cor ab auricula distenditur, à seipso contrahitur, ita arteriæ à Corde dilatantur, à seipsis subsident.* Ænigma est istud, nisi clariùs exponatur. Cor ab auricula effundente Sanguinem in ventriculum dextrum distenditur, à seipso contrahitur, dum Sanguinem expellit, vel propter consuetudinem agendi, vel quia distensionem

68 *Ioannis Riolani Responsio*

facit, quæ cogit Cor ad expulsionem. Arteriarum à Corde dilatantur, quia expellit in systole, ac proinde arteriarum excipientes Sanguinem dilatantur: subsident à seipsis, quia ubi truncus Aortæ excepit, momento cogit crurales, & axillares arterias protrudere in partes inferiores. Breuius istam controuersiam explicarem. Si Sanguis est animatus, & in Sanguine anima resideat, Sanguis arteriosus procedens à Corde, aptior est recipiendis, & distribuendis facultatibus animæ per vniuersum corpus. Ac proinde ut anima motus Cordis dirigit, sic etiam motus arteriarum regere potest. Nonne obseruamus si quis trabem 40. pedes longam, digito ter, vel quater, & inordinatè leuiter percussit, sonum percipi ab eo, qui in extrema trabe opposita aures admouerit. Similiter crassior truncus Aortæ vsque ad diremptum, eodem instanti mouet omnes arterias, istumque motum vsque ad extremas partes recto tramite momento extendit, quippe motâ parte continui, mouetur totum.

Pag. 37. Quod spectat ad consistentiam & colorem vtriusque Sanguinis, arteriosi & venosi, quæ æqualia esse sustines, dum pari mensura recipiuntur diuersis vasculis, nec arteriosus, etiamsi spumeus appareat,

non decrefcit , ac minuitur. Multi eâ de re dubitarent , fed fido tuis experimentis , & hoc fauet meę opinioni de Circulatione Sanguinis , per venas & arterias maiores , atque etiam non aduerfatur opinioni *Hippocratis* de Circulatione Sanguinis. Ideoque non laboro in eo refellendo , fi tua experientia id verum efle , nec pofteris impofuiſſe certum fit.

Sed cum ſuſtineas pulſare arterias ab impulſu & motu Sanguinis arterioſi , *Quomodo poteſt eſſe æqualitas inter Sanguinem arterioſum & venoſum , nec aliam eſſe ſpeciem Sanguinis in arteriis , quàm in venis , nec alium eſſe Sanguinem in dextro ventriculo , quàm in ſiniſtro , ſpiritus utriuſque ventriculi eſſe pares in ſubſtantia , & virtute.* Hæc videntur abſurda , & à veritate prorfus aliena , & tamen ab HARVÆO ſcripta.

Pag. 37. Falfum eſt , *Vena arterioſa ingreſſum , & Aortæ egreſſum , æquipollentes & æquiparabiles eſſe.* Id eſt orificia iſtorum Vaſorum æqualis eſſe amplitudinis , quod licet oculis intueri , quia truncus Aortæ emergentis à Corde amplior eſt trunco ipſius venæ arterioſæ. Tua propoſitio & aſſertio cò tendit , vt confirmes tuam opinionem , de progreſſu & traductione Sanguinis à dextro ventriculo in ſiniſtrum

70 *Iohannis Riolani Responsio*

per pulmones, sine transitione per medium Cordis septum, quia magna est copia Sanguinis, qui effunditur per venam arteriosam, ideoque ad egressum, ventriculo sinistro eadem amplitudo requiritur.

Pag 34. Quæ de spiritibus proponis, multorum centuræ exponis, nec omnibus peræque placebunt. Neque videntur mihi veritati consentanea. Quæris quinam spiritus, & qualiter in corpore, & quâ consistentiâ, an separati & distincti à Sanguine, & partibus solidis, an commisti?

Respondeo, Spiritus esse partes corporis, latè sumpta significatione partis, & ab Hippocrate inter partes nostrum corpus constituentes annumerari, dum per impellentia corpora, Spiritus intelligit. Sunt autem spiritus corporei, substantia tenui & penetrante præditi, ut in maiore mundo cuncta rerum est permeabilis aer; ita spiritus in nostro corpore potentissimas & velocissimas edunt actiones; ut flatus in maiore mundo montes subvertunt & diruunt: Omnium-ferè morborum causas Hippocrates à flatibus, & spiritibus repetit, ut videre est *lib. de Flantibus*. Meminit Galenus cuiusdam sectæ Medicorum, qui *Pneumatici* dicebantur, & à spiritibus, & flatibus omnes morbos fieri

• foueri sustinebant. In praxi videmus spirituum excursus, à capite vsque ad pedes celerrimos, & vicissim à pedibus vsque ad caput. Morbos pectoris suffocantes, *σπνυατας* à flatu obseruamus, qui non possunt disceuti, nisi dato spiraculo, scilicet facta inter duas costas paracente-si, ex qua leuati fuere agrotantes. Similiter Tympanites sincerus satis est frequens, & post mortem intumescere totum abdomen cum intestinis videmus sine aqua, ex spiritibus in flatus resolutis. Ergo spiritus in corpore sunt tanquam partes, quæ spirituosæ, & vaporosæ aluntur, aut saltem reparantur. Ideoque materiales & corporei existunt, qui partim continentur intra vasa cum Sanguine arterioso & venoso, sed copiosiores sunt intra arterias: interdum separati, & distincti à Sanguine esse possunt; quia nullum in corpore datur vacuum, vt in cerebri ventriculis, vnde à spiritu ventriculorum commoto fit sternutatio, *ex Hippocrate in Aphorismis*, Epilepsia, Vertigo: in cavitatibus auris internæ conclusus est spiritus auditorius, in sinibus maxillæ, frontis, ossis sphenoidis; in cavitare mediastini; in vtraque commissura genu cavitatis incit, qua perfossa ceu iugulo spiritus fugit, *ex Plinio*: intra cavitates Thoracis spiritus.

72 *Ioannis Riolani Responsio*

continetur, quia nullum datur vacuum in rerum natura.

Aristoteles lib. 3. de generatione animalium, Animâ plena esse omnia scribit, id est spiritibus: *alibi*, flatibus vitam quandam, & vitam & interitum inesse statuit, ex HARVEO, pag. 85. lib. de generat. & pag. 116. cunctarum operationum vegetabilium instrumentum commune est calor internus, aut calidum innatum, vel spiritus per totum diffusus, & in eo spiritu Anima, siue animæ facultas ab omnibus censetur.

Atque totum corpus tam intus, quam extra est inspirabile & expirabile, & si quando per habitum corporis spiritus effluunt per sudores, corpus summe debilitatur. Notat Hippocrates lib. de Arte, Textu 17. per habitum, & cavitatem corporis, intra carniū porositates cum Sanguine spiritus contineri in sanis corporibus: in morboſis pro sanguine serum, pro spiritibus flatus. An verò sint spiritus distincti in tot species, quot à Physiologis distribuuntur, in Venosum, Arteriosum, Animalem, & hic in plures alios spiritus pro ratione organorum, hoc venit in controuersiam, atque disceptatur & declaratur in Physiologia.

Isthæc disquisitio de Spiritibus eo fine instituta

ad Haru. de Circul. Sang. 73

instituta fuit, vt HARVEVS demonstra-
ret, non turgere Sanguinem in ventriculis
Cordis, ex spiritibus spumantibus præfer-
uore. Ac proinde Sanguinem magna co-
pia intro admitti, & ab eo effluere pari
quantitate, atque Circulationem Sanguini-
nis velociter perfici, si non guttatim in-
romittatur, vt pernegat HARVEVS.

Pag. 40. Ridiculus est HARVEVS, dum
asseuerat se nunquam in venis & arteriis,
& nervis, aut partibus viscerum, dissectioni-
bus explorando inuenisse spiritus. Quid
mirum? Sunt inuisibiles, & momento eua-
nidi dissipantur, vult ipsos sibi corporeos
apparere.

Pag. 42. HARVEVS addit, Spiritus per
venas aut arterias excurrentes, à Sanguine
non separantur, sed spiritus & sanguis
vnum & idem significant diuerso esse, vt
vinum generosum, & spiritus eius. Fateor
spiritus interdum vnitos esse Sanguini,
interdum separatos esse, quales sunt qui
continentur intra ventriculos cerebri, qualis
est auditorius insitus, qualis est visiuus
intra corneam contentus, & oppositus
crystallino, qualis est opticus per poros
opticorum neruorum assiduè traductus,
dum vigilamus: qualis est, qui intra ca-
uitatem mediastini continetur, & in vtero,
ac vasis spermaticis, in violenta vteri
suffocatione.

74 *Ioannis Riolani Responsio*

Postea subiungis, *Sanguis cum plurimis spiritibus imbuatur, non illis turget, aut fermentatur, aut inflatur, ut maiorem molem acquirat.* Nonne vides agitari mare à flatibus, & tumidum reddi, euerfionem arborum, domorum à flatibus. Idem in corporibus nostris spiritus agitati & flatus præstare possunt. Rigores, & neruorum distensiones motus quidam sunt spiritus, qui quidem tantum habent virium, ac si multi simul conentur vim afferre contra ægrotum voluntatem, superare non possint, *inquit Aristoteles, lib. 4. meteor.*

Ista proponis ut nullum orgasmum in Sanguine probes, defectu spirituum agentium, quasi otiosi, & quieti manerent in corpore tam sano, quam ægrotante. At nihil frequentius in Medicina quam *ζέως*, ex ea *ζύωσις* Sanguinis & humorum. Adeat destillatores HARVEVS, illi demonstrabunt spiritus aëreos, corporeos, igneos, separatos, & postea unitos suis essentiis.

Pag. 44. Cæterum quod addit, *Refrigerari spiritus in Corde inspirato aëre, atque ideo non posse turgere, nec in spumofam vel spirituosam substantiam conuertere sanguinem.* Dubitatur à multis, an eò perueniat aër, duntaxat Sanguis vasis conclusus in pulmonibus per transfennam refri-

geratur, priusquam appellat ad lustrum Cordis ventriculum. Atque necessariam esse istam refrigerationem Sanguinis intra pulmones dum præ ardore Cordis Sanguis eo propellitur, non diffiteor, ne suffocaretur ab æstuante, & spumante illo Sanguine, à Cordis dextro ventriculo prodeunte.

Pag. 44. Dubitas, *An à Sanguine suum calorem mutuenter spiritus, vel potius ipsi calefaciant Sanguinem.* Admitto quidem spiritus suum calorem à Sanguine suscipere, sed sapissime Sanguinem recalefaciunt, ex agitatione corporis, vel ex candescentiâ animi accensi. Imò primi inflammati febrem ephemeram accersunt, quæ fundamentum habet in spiritibus feruidis, à quibus Sanguis nouo æstu incandescit.

Memorabile est quod scribis, *In periculoso Asthmate, ab obstructis lauibus arteriis, suffocationis periculum discussum fuisse per applicationem cucurbitularum, multâ subito gelidâ affusâ aquâ.* Id factum mihi à D. Simone Pietreo, in Asthmatico viro, cui fomenta calida augebant suffocationem, ipse adhibito fomento aquæ frigidæ putealis, me præsentem, & spectantem, discussit flatuositatem, post multiplices factas venæsectiones, contra medicationem

76 *Ioannis Riolani Responsio*

vulgarem morborum pectoris, in quibus frigidum, sicut nix & glacies, pectori inimicum. Extat libellus cuiusdam Itali Medici, qui morbos suffocantes, & præcalidos Thoracis curat aquâ frigidâ epotâ, & admotâ. Quærendus & legendus est iste Author in 4.

Pag. 47. *Id quod influxu suo calorem aduehit, idem est quod replet, & colorat: hoc autem præter Sanguinem nihil aliud esse potest.* Istos motus veloces caloris in facie & artubus potius efficiunt spiritus, quam Sanguis, qui segnius excurrit, quàm spiritus, qui per venas & arterias velocissimè vagari & diffundi queunt.

Pag. 48. Vt refellat excursum spirituum, experimentum adducit inanè quod non percipio. *Demittatur orificium vasis dissecti in aquam, vel oleum, si enim quidpiam exiret aëreum, per bullas erumperet, visibiles; debbat exprimere aquam calentem, & oleum feruidum, ut per fissuras vasis effluat aliquid spirituosum per bullas. Et si quid spirituosum efflueret, non inde sequitur in corpore tale effluuium reperiri.*

Pag. 48. *In venis valvula ita exactè clauduntur, ut aër inflatus non penetraret, multò minus Sanguis, constat eo experimento, neque sensibiliter, neque insensibiliter, neque sensim, neque guttatim Sanguis*

ad Harv. de Circul. Sang. 77

nem per venas à Corde elongari. Hoc falsum esse sustineo, & iliaca vena inflata, in crura & pedes sufflaminatus spiritus excurrit velociter. Istud experimentum proposuit, ut ostendat impossibilem esse Sanguinis descensum, siue reuersionem à trunco Cauæ ad artus inferiores. Et hoc si verum esset, valde deciperentur Medici, in aperienda saphena ad reuulsionem Sanguinis, à partibus superioribus.

Pag. 52 & 53. HARVEVS cum videret multa proponi, quæ Circulationi totius Sanguinis aduersantur, nullum ex tribus problematis ab ipso recitatis soluit, & enodat, contentus fuit dicere, *Prins stabiliendam esse Circulationem Sanguinis quam eius utilitates, & commoda declarentur.* Et hoc subterfugio se subducit ab isto discursu. Ergo totus est adhuc in stabilienda Circulatione, postea docebit utilitates in Medicina, quod expectamus à viginti tribus annis. Addit, *Quot in Physiologia, Pathologia, & Therapia recepta, quorum causas ignoramus, esse tamen nullus dubitat; quod sensibus probatum est, rationibus non potest refelli.* Nec aliud hoc loco respondet nisi, *Circulationem non eandem ubique & semper esse, sed multa contingunt ex Sanguinis motu velociori, vel tardiori, Cordis propellentis robore & infirmitate, San-*

78 *Ioannis Riolani Responſio*

guinis copia, conditione, vel conſtitutione, partium denſitate, obſtructione, & ſimilibus, craſſior Sanguis per anguſtos meatus agrius tranſit, tranſiens per Iecoris parenchyma magis tranſcolatur, quàm per pulmones, non pari curſu per carnis, & parenchymatis ratiorem texturam traiecitur, ac per nerueſarum partium compactam conſiſtentiam, tenuior enim ac purior & ſpirituoſior pars citius permeat, terreſtrior, craſſior, cacochymica diutius ſubſiſtens repudiatur, pars nutritiua & ultimũ alimentum Ros & Cambium cum Sanguine reuolui non puto, ſed adhaeret quod nutrit, neque excrementa vel prauũ humores ſemel ſegregata, neque lac, neque pituita, nec ſperma recurrũt ad Cor. Multos nunc proponit Dionĩſmos HARVEVS monitus à RIOLANO de iſta nimis licentioſa, & totali reuolutione Sanguinis; ipſam reſtringit ad humores vasis fluitantes, & contentos. Attamen audax eſt iſta propositio in primæ Exercitationis pag. 7. enuntiata, Totum Sanguinem, ubicumque fuerit in corpore vivente, moueri, & mutare locum, tam qui in venis maioribus, & earum propaginibus, & fibris, quàm partium cuiuſcumque regionis poroſitatibus contineatur; à Corde fluere, & ad Cor refluere continue, & continenter, & nuſquam ſine detrimento maiore. Per detrimentum, vt pu-

to, intelligis consumptionem. Atque si nutriturus Sanguis, puta Ros, Cambium, per omnes corporis ramos effusus est, non potest pari quantitate Sanguinis refluere; si fuerit Sanguis cacochymus non refluet, imò repudiatur ex te, quamvis venis coëctus. Ergo in refluxu Sanguinis delectus adest, An à natura, vel ab anima? Satiùs esset istum delectum in Cordis vicinia collocare, ut solus Sanguis purus à Corde reciperetur, impurus respiceretur. Ergo in eo rationalis anima operatur, quæ potest habere delectum, qui non potest reperiri in ultimis venis dispersis per habitum uniuersi corporis, nisi recurras ad nutritionem plantarum, & arborum, at tum attrahetur cum delectu, ergo Sanguis non suoapte motu, & impetu sursum deducitur, ut asseris. Itaque nunc cautior es in assignanda tua Circulatione totius Sanguinis, monitus à R I O L A N O de incommoditate, & impossibilitate istius Circulationis, & si rectè perpendas eius rationes, deprehendes nostram opinionem de Circulatione Sanguinis non esse absurdam, sed tuâ veriore, nec quidquam in Medicinæ praxi immutare, quod non facit tua Circulatio totius Sanguinis. Nec debes amplius differre tuam explicationem, de utilitatibus Circulationis. Ad hoc te inui-

80 *Ioannis Riolani Responsio*

io, tuosque sectatores, & fautores. Ideoque tua excusatio nec mihi, nec aliis placere potest. *Nec de Circulationis Sanguinis consequentibus inconuenientiis, vel conuenientiis, conuenit disputare, priusquam ipsa Circulatio stabilita, quod sit, & pro concessio admittatur.* Ergo expectas & exoptas omnium Academicarum consensum, quem non obtinebis, nisi prius demonstraues utilitatem tuæ Circulationis, ad curationes morborum; *Quin tu aliquid saltem potuit, quorum indiget usus exponere, ut est apud Poëtam.*

Pag. 54. Exemplum de intestino lupi, vel canis resiccato, & distento à flatu, non mihi displicet, ut demonstres pulsuum differentias, *In extrema parte intestini digitis appressis persentitur ictus percussi intestini in altera parte distantissima.* Sed hoc fieri non potest, ut asseris in omni vena corporis turgente, siue viuentis, siue mortui, quia non est par ratio, intestinum est amplum, resiccatum, flatu repletum: At hoc in corpore viuente non potest administrari, & commode perfici.

Pag. 55. Verissimum est quod affirmas, *Nisi daretur Circulatio Sanguinis & transfluxus ab arteriis in venas, copia Sanguinis regurgitantis, vel intra vasa stagnantis, effrangeret vas aliquod, vel Cor ipsum suffo-*

ad Haru. de Circul. Sang. 81

caret, nisi diuerticulum & effugium haberet ab arteriis in venas. Vt hoc periculum cui-taretur, parauit Natura istam Sanguinis Circulationem. Istud periculum etiam vitari potest, per Circulationem Sanguinis Hippocraticam, quod si non excutrat per venas, & arterias Sanguis, haud dubie syn-copen Cardiacam lethalem excitaret, nisi tum Sanguis magna copia detrahere-tur, ut docet Galenus, lib. 4. de vitiis & actione in morbis acutis. Et hac arte Equiti Aurato, cui paries sinistri ventriculi Cor-dis disruptus fuit, & alteri, cui ex mæro-re ingenti Cor in magnam molem intumuerat, Sanguinis detractio larga neces-saria erat, quæ non fuit administrata, quia à te non fuit commemorata, mentionem solum facis arteriæ temporalis sectæ, quæ non est sufficiens euacuatio.

Pag. 56. Experimentum quod adducis de jugulari vena interna, In medio collo ligatâ, & infra ligaturam prope claviculam apertam, paucas Sanguinis guttas effudisse; at ipsa secta supra ligaturam iuxta caput, insignem Sanguinis copiam effluxisse. Veritas huius rei experientia comprobanda est in cane, oue: sed nescit HARVEVS præter hominem, & simiam, animalia reliqua clauiculas non habere.

Pag. 57. Aliud experimentum in cada-

82 *Ioannis Riolani Responsio*

uere nouiter strangulato producis, *Auriculam dextram Cordis pugni maioris amplitudine turgentem, & pulmones plurimum distentos & infarctos Sanguine inuenisti. Inde coniicis Sanguinem ad Cor confluere, & per pulmones transire. Hoc etiam fauet meæ Circulationi, & Hippocraticæ, propter com meatum Sanguinis interceptum, refluxisse Sanguinem ad Cor & pulmones.*

Pag. 62. Percurrendo tuam Exercitationem offendo, *Cupidine tactis adolescentibus, quam celeriter impletur neruus Sanguine & erigitur, tenditur. Vnde hoc nisi à spiritu neruos cauos, siue ligamenta cauerosa penis implente? Ergo dantur spiritus extra venas, & arterias in tenuigine penis.*

Pag. 63. Gloriaris, *Quod nemo inuentus est, qui rem sensibilem, videlicet motum, & fluxum Sanguinis, sensibilibus pariter observationibus redarguere, aut experientiam allatam infringere experimentis valuit, imò contrarium adstruere ex abstractis, ne tentauit quidem. Ego verò puto me demonstrasse sensibilibus observationibus, & rationibus certissimis, tuam totius Sanguinis Circulationem neutiquam naturaliter fieri perpetuo, & si fiat per accidens, sanis & ægris esse valde perniciosam. Sed non re-*

pudio Circulationem, nisi tuam.

Pag. 66. Tandem ut omnibus innotescat tua de Sanguine Circulatio, *Recapitulat* (ut ais breuiter) *quæ sunt scripta in tuo libello de Sanguinis, & Cordis motu.* Sed tuæ Circulationi opponerem tibi, meam de Circulatione Sanguinis sententiam, nisi in responsione ad tuam primam exercitationem proposuissem. Nunc quædam animaduersione digna in tuo scripto annotabo. Scribis auriculam dextram ab interno suo calore incalescentem, turgere, attolli fermentantium in modum. Vnde hoc nisi à spiritu, quem tamen eximis à corpore?

Præterea dicis, *Auricula sinistra simul & pariter cum Auricula dextra, motum, rythmum, ordinem, & functionem peragens, in sinistrum pariter ventriculum Sanguinem intromittit.* Id pernego, quia in adultis auricula sinistra resiccatur, & est solida, atque cristam pulli gallinacei æmulat.

Pag. 68. Falsum est quod asseris, *Quam copiam continue intermissam arteriæ receperunt, per venas traditam, reuerti tandem eoque refluere, unde primum pelleretur, & eo modo circuitum perfici.* At non potest pari quantitate à toto corpore refluere ad Cor, si per vniuersi corporis porositates remaneant portiunculae ad nutritionem, si San-

84 *Ioannis Riolani Responsio*

guis impurus relinquatur, si extravenatus non refluit, vt supra dixisti.

Pag. 69. Subiungis, *Neque exiles arteria, neque vena pulfant, sed duntaxat maiores, & Cordi viciniore, quia transcurrit Sanguis velociter, nec distendit. Vnde in minoribus arteriarum fibris, in homine nulla tunicarum, aut Sanguinis distinctio, quia Sanguinis impulsu non percelluntur. Attamen in notis ardentibus vsque ad digitorum ungues, pulsatio arteriarum percipitur satis evidens.*

Pag. 70. Scribis, *Arterias neque innata facultate pulsificæ, neque à Corde demandata, sed solo Sanguinis impulsu diastolen pati.* Id demonstras ex aquæ motu per syphonem violenter impulsæ, quæ repræsentat singularum impulsionum ictus, sic rescissa arteria salientis Sanguinis ictus, & pulsationes in manu percipies. Sed impulsus iste fieri non potest sine spiritibus.

Pag. 72. Quod addis, de sinistra auricula Cordis, *Quæ priuatur motu ligata arteria venosa.* Falsum est, quia est immobilis in adultis; in foetu quidem est mobilis, & amplior dextra auricula, vt demonstraui alibi.

Pag. 73. Multa denegas Cordi, quæ tamen fauent tuæ Circulationi Sanguinis, atque doctrinæ nostræ iam à tot sæculis

receptæ manifeste repugnant : Nempe Cordis virtutem non esse omnium effectricem, neque pulsus transmissionis, ita attractionis authorem esse, neque à Corde spiritus fieri, vitalemque calorem influentem manare, atque ita Sanguinem, & spiritus, motum, perfectionemque, calorem quoque à Corde tanquã ab origine non mutuari. Hæc omnia ita sunt absurda, & à ratione, communique sensu aliena, vt responsionem non mereantur. Rectius fecisses, si intra limites tuæ Circulationis te continuisses.

Pag. 74. & 75. Absurdiora nunc proponis, quæ tuam Circulationem dedecorant.

1. Cor prout omnium in corpore principium author, fons, & origo, primaque vita causa est, una cum venis, arteriis omnibus, contentoque Sanguine.

2. Si Cordis corpus cum ventriculis, & auriculis tantum intelligatur, non puto esse Sanguinis opifex, neque Sanguis vim, virtutem, rationem, motum, aut calorem, ut donum Cordis habet.

3. Distensionis primam causam esse calorem innatum, primamque distensionem esse in Sanguine ipso fermentantium in modum, sensim attenuato, & turgente, & Aristoteli pultis vel lactis in modum exemplo assentior, eo usque ut illa eleuatio aut depressio

86 Ioannis Riolani Responsio

Sanguinis non fiat à vaporibus, aut exhalationibus, aut spiritibus, neque sit causata ab externo agente, sed ab interno principio, regulante natura.

4. *Neque Cor tanquam focus caloris origo est & Sanguinis, sed magis Sanguis calorem Cordi, ut reliquis partibus tribuit, quem recepit, utpotè omnium in corpore calidissimus.*

5. *Hac ratione Cor suis cavitatibus insigne, officina, fons, focus perennis censendus est, non ratione corpulentiae, sed contenti sanguinis, instar lebetis calidi.*

6. *Atque hoc modo autumo calorem nativum, calidum innatum, ut omnium operationum commune instrumentum, pulsus quoque efficiens primum esse. Hæc tamen dubitanter proponis.*

Quisquis autem hæc problemata exposuerit, Rem tibi pergratam faciet, modo id agat sine convitiis, & contumeliis, ut desideras. Conabor itaque, iam fractus senio placidisque modestior annis, utcumque tibi satisfacere, & gratificari in resoluendis istis problematibus, quæ si apud te continuisses sepulta, & inaudita, prudentius, & impudius magis, honori tuo consuluisse.

Certum est, Cor absque venis, & arteriis, & Sanguine nihil quidquam posse, quando formatum est, & absolutum; mi-

eat tum sine venis, & arteriis beneficio calidi innati, forsan per duas septimanas in humano foetu, quamvis in generatione pulli, ovis effractis quarto die Cor palpitans obseruetur, & in dies prout eius conformatio procedit, & augetur, sic motus Cordis euidentior existit: quando verò Cor est formatum & excauatum, indiget Sanguine ad conseruationem motus, & caloris natiui. Calorem autem generari motu, inde manifestè probatur ex illa demonstratione. Verisimile est à prima causa primum effectum Physicum emanare. Atqui primus motus, est prima causa Physica, quia omnes effectus naturales acquiruntur motu. Primus motus est orbicularis, primus effectus Physicus est prima qualitas, nempe calor. Itaque à primo motu procedit. Calorem vero excitari motu, ostendit quies; Nam, vt quiete & otio animal torpet, sic exercitatione incalescit. Agitata rota non tantùm calefcit, sed circumfusus aërem calefacit. Cor itaque in hoc microcosmo continenter agitatū affluxu Sanguinis per venas, calorem excitat simul cum spiritu & Sanguine in Corde calefacto, qui in vniuersum corpus effunditur per arterias ad conseruationem caloris, in omnibus corporis partibus. Atque ista calefactio ad exem-

88 *Ioannis Riolani Responsio*

plar vniuersi, motu orbiculari Sanguis perficitur. Est igitur Cor subiectum primum caloris innati *αὐτοκίνητος, καὶ ἀκίνητος*. Quod si cessaret à suo motu, corporis structura destrueretur. Imperium suum exercet per spiritum, huc & illuc dispersum, quo tanquam communi instrumento vtitur, ad suas facultates quocumque defendendas.

Calorem omnem Sanguinis à Corde proficisci, inde patet & conuincitur: quæ pars calorem præter naturam effundit in corpus, qualis est febrilis, illa effundit calorem secundum naturam: At febris nulla est sine cordis ignitione, & eiusdem caloris in corpus diffusionem; quare non est dubitandum calorem Sanguinis à Corde depromptum esse, non autem Sanguinem Cor ipsum calefacere.

Ex Galeno libro *Spurio de respiratione*. Sicut flamma in continuo motu est, & in modum fluuij alia alteri succedit, ita calor continuè effluit à Corde per venas & arterias ad totum corpus. Licet flamma extinguatur dupliciter, siue consumpto oleo, siue additione maioris flammæ, similiter calor vitalis extinguatur in morte animalis, aut defectu puri, & pinguis Sanguinis, vt in consumptis & tabidis, aut aquoso Sanguine repletis, aut ac-
cessione

cessione maioris caloris, vt in febrientibus.

Pag. 74. Admittis, *Distensionis in Corde & arteriis causam esse repetendam à Sanguine ipso, fermentantium in modum, modo non fiat à vaporibus, aut exhalationibus, aut spiritibus.* Sed vbi calidum agit in humidum pingue & viscidum, fit ebullitio, ex ebullitione eleuantur spiritus, vel humidum turgescens in maiorem molem attollitur. Tumque vim infert Cordi, vt se accingat ad expulsionem in systole; ergo in Corde, & arteriis necessaria est eleuatio fermentatiua, & spiritualis.

Mirari subit, quomodo scripseris, *Cor non esse focum caloris & Sanguinis, sed Sanguinem.* Ipsi Cordi calorem impertire, quem recepit, vnde Sanguis mutuatus est istum calorem nisi à Corde? nam Hepar non potest illi communicare quod non habet nisi beneficio Cordis. Ex Hippocrate libello de Corde, Sanguis sua natura frigidus est, calorem acquirit vitalem in Corde. Si Sanguis calidissimus est, & calefaciat Cor, vnde traxit istum calorem? Hæc propositio est absurda, ac proinde reiicienda consequentia. *Hoc modo calidum erit primum efficiens pulsus, vt est omnium operationum primaria causa.* Interdum bonus dormitat Homerus, Sic HARVEVS ista-

90 *Ioannis Riolani Responsio*

rum propositionum absurditates non benè perpendit, atque animo secum antè peregit quàm, scripto mandaret.

Quis non explodet istud HARVEI commentum, *Sanguis calorem Cordi tribuit, quem recepit, ut potè calidissimus omnium in corpore, & ideo Cordi arteria & vena coronales assignantur in eosdem usus, quos ceteris partibus, videlicet ad caloris influxum, pro fotu & conseruatione ipsius.* Sed quæso unde calorem accepit Sanguis nisi à corde? ergo Cor necessum est calidius esse Sanguine; propterea fons, & focus caloris natiui, & accidentalis perhibetur; nec arteriæ & venæ coronales ipsi tribuuntur, nisi ad nutritionem, & adipis circumfusi conseruationem, & reparationem.

Pag. 75. Transitus Sanguinis est, de auricula dextra in ventriculum, de ventriculo per pulmones in auriculam sinistram, inde in ventriculum sinistram & in Aortam. Tu qui adedè intentus fuisti in contemplatione Cordis, miror quomodo non obseruaris auriculam sinistram esse in adultis solidam, nihil prorsus excipere, quæ tamen in foetu erat amplior dextrâ; atque eius officium aboleri, ut in Anastomosibus vavorum Cordis, & in vasis umbilicalibus accidit.

Pag. 76. Tuum experimentum de immer-

fiōne brachij strictè ligati, in aqua frigida per aliquod tempus, dein soluta ligatura resiliire Sanguinem ad Cor, est valde frigidum, nec demonstrat defectum spirituum ad motum, qui erant intus percussī. Nec qui incidunt in lipothymiam post detractum Sanguinem soluta ligatura, id accidit ob refluxum Sanguinis ad Cor, sed propter iacturam Sanguinis, & spirituum dispendium. Qui per niuosos montes Alpium iter faciunt, sæuiente gelu, rigidi, & cataleptici moriuntur, ex Sanguinis, & spirituum congelatione, vt Xenophontis milites. Exempla huius rei prostant apud authores Græcos rei veterinariæ.

Pag. 77. Experimentum, quod profers de laqueo strangulatis, quibus facies intumescit, & laxato vinculo detumescit paulatim, non indicat Sanguinem per porositates carniū effundi; Rectius inde collegissēs refluxum Sanguinis à capite ad Cor interceptum fuisse, & Sanguinem ascendentem ad caput, & brachia, repulsum fuisse ad pulmones, qui in strangulatis toti sunt sanguinei, Sanguine repleti, cum soleant esse albicantes, & exangues, in illis qui fâto, vel morbo moriuntur.

Pag. 79. Si ex te calidum influens perperim requiritur ad animalium membra fovenda, & in viuis vinifico calore conser-

92 *Ioannis Riolani Responsio*

uanda, & ab externis iniurijs refracta restituenta, ergo necessarij sunt spiritus præter Sanguinem, qui deferant celeriter quouersum istum calorem, vbi Sanguis penetrare non potest, nec debet.

Pag. 80. Ut demonstres Circulationem fieri in venis mesentericis, Tuum adfers experimentum, ligetur vena Porta iuxta iecoris sumum in vna dissectione, videbis ex venarum infra ligaturam turgescencia Sanguinem sisti, laxato vinculo transcurrere ad iecur. Hoc mihi valde suspectum, attamen experimento facto veritas detegetur, quod est factu difficile propter effusionem Sanguinis. Sed quomodo intra membranas intestinorum per porositates distribui potest Sanguis arteriosus, vt postea à venis mesentericis resorbeatur? Non videmus istam effusionem Sanguinis in intestinis quia rubicunda esse deberent, in viventibus animalibus, neque porositates in istis membranis reperiuntur.

Pag. 81. Ut ostendas nequaquam Sanguinem è venis in arterias remeare, hoc experimento probas, Ligetur truncus vena caue iuxta diuarcationem ramorum cruralium: (dicere debueras Anatomicè, Iliacorum.) Si aperias arterias, tota Sanguinis massa exhaurietur è venis & arteriis, exceptis cruralibus venis: Inde licet col-

ligere Sanguinem è venis in arterias non
posse remigrare per mutuas Anastomoses.
Veritas rei constabit experimento. Sed
ista experimenta sunt mihi valde suspecta,
cum te videam in rebus manifestis falli,
vel alios fallere, minus cautos & perspicaces
in rebus Anatomicis.

F I N I S.





NOTATIONES
IN TRACTATVM
CLARISSIMI
D.D. PETRI GASSENDI,
MATHEMATICES PRO-
FESSORES REGII
IN ACADEMIA PARISIENSI,
DE CIRCVLATIONE
SANGVINIS.

Auctore IOANNE RIOLEANO.



VAM quisque norit artes,
in hac se exerceat, nec fal-
cem in alienam messem in-
iciat. Felices artes *Plato*, &
post eum *Tullius* iudicarunt,
si à peritis tantum Artificibus tractaren-
tur. Quum igitur nullus Philosophus,

96 *Notationes in Tractatum*

quantumvis eximius, peritè, & exactè
queat de Circulatione Sanguinis dissi-
rere, nisi fuerit Medicus, & peritus Anato-
micus; mirum non est, Si Doctissimus Phi-
losophus, ac prestantissimus Mathematicus,
D. GASSENDVS, in explicanda suo mo-
re Circulatione Sanguinis, multum aber-
rarit, ne dicam hallucinatus fuerit,

— *Quod Medicorum est*
Promittant Medici, traient fabrilis
fabri.

Non suscepissem illius tractatum exami-
nare, nisi ipsemet hanc libertatem con-
cessisset. In editione Gallica, & in appendi-
cis p. 3. tome 2. de doctrina Epicurea, his
verbis, *Quod spectat ad Sanguinis Circula-*
tionem, ea mihi potius sic arridet, ut perpa-
rum absit, quin habeam indubiam, etenim,
est aliquid etiam, quod ipse mihi ad meas
illas difficultates respondeo, tamen non ita
mihi satisfacio, quin sperem mihi maiorem
quandam ab aliquo alio affulsuram lucem.
Ideoque amicas notationes apponam, ut
eius votis respondeam. Coactus etiam fui
istas exarare, ne Circulationis Sanguinis
HARVEIANÆ refutatio, meæ Circula-
tioni umbram, & offendiculum adferret:
ex utriusque comparatione discrimen in-
notescet.

Pag. 65. Imprimis explicas opinionem
Aristotelis

Pet. Gassendi, de Circul. Sang. 97

Aristotelis de motu Cordis, atque ex Sanguine ad ipsum affluente, ibique turgente, & inflato præ calore partis diastolem fieri, & eodem refrigescente systolem edi. At in sanis & bene valentibus corporibus intra Cordis penetralia calidissimus Sanguis, qualis est Cordis, non refrigescit; si refrigerium aliquod admittit, est in translatione per pulmones. Propterea verisimilius est distensionis ventriculorum, succedere eorundem contractionem. Eam fuisse mentem HARVEI, & aliorum sectatorum asseruit, quod non legi apud istum Authorem. Nam primis diebus in ovo, similiter in foetu animalium Viviparorum, Cor palpitat sine appulsu Sanguinis & spiritus, quia ipsi insita est, ac congenita facultas pulsifica, quæ conservatur continuo affluxu Sanguinis.

Pag. 66. Tandem concludit D. GASSENDVS, *Non ex accidenti, sed primaria natura intentione vim pulsificam esse Cordi congenitam. Quod probat, Ex structura Cordis, ac fibrarum potissimum, & quæ in sinistro sinu maximè, lacertulorum instar directæ, à basi in mucronem spectantur.* Imperitè explicat internam Cordis structuram, cum fibræ, & lacertuli sint æquales in utroque sinu, imò lacertuli sunt plures in dextro. Ergo non debuit

98 *Notationes in Tractatum*

in sinistro tantum sinu collocare.

Deinde non sunt oppositæ fibræ in sinistro sinu , *Vt fiat attractio mucronis ad basim , & relaxatio ex basi prorsum ut putat* , quoniam istæ fibræ siue lacertuli in utroque sinu sunt affixi septo , siue mediano parieti Cordis ; atque basim in dilatatione attrahunt versus conum , ut amplitudo Cordis adhuc maior fiat ex affluu Sanguinis.

Conus durior est , quàm ut queat deprimi , ac reuelli versus basim : Propterea , vasa quæ suppeditant materiam Cordi in diastole , sunt venosa , mollia , ac proinde obsequiosa ad receptionem. Vasa quæ emittunt extra Cor in systole , sunt arteriosa , durissima , & robustissima ad expulsionem.

Pag. 67. Experimentum Galeni , quod adducit , ut demonstret Cor , & arterias moueri eodem instanti , tam in diastole , quàm in systole , & facultatem pulsificam esse arteriis ut Cordi insitam , ab Anatomicis falsum fuit deprehensum , in viuorum animalium Anatome , uti notarunt HARVEVS & *Plempius*. Ideoque maior pars peritotum Anatomicorum nunc deflectit à *Galeni* sententia , atque statuit Cor & arterias alternis moueri , ex continuo , ac diuerso Sanguinis fluxu , &

Pet. Gassendi, de Circul. Sang. 99
progressu per arterias, quod fieri nequirit, si eodem instanti, & consimili actione mouerentur.

Pag. 67. Reprehendit HARVEVM, quod *in systole Cor ferire pectus scripserit dum in mucronem producitur*. Ipse tamen GASSENDVS id facere putat, cum per diastolem mucro adducitur ad basim; ut id probet, tres adducit rationes.

Prima est. *Tangenti vinorum exsectorum Cor, sentitur perspicuè ictus fieri dum Cor in seipsum veluti subingreditur, ac sese versus basim subducit*. Hoc est impossibile, & si id fieri posset, non mucrone, sed basi Cor feriret pectus; Nam si conus introrsum adduceretur versus basim, Cor abbreviaretur; Ac proinde non posset attolli, ut eam obtineret longitudinem, quæ necessaria est ad pectus percutiendū, dein basis quæ mollior est mucrone, in validis ictibus Cordis ad pectus allisa contunderetur. Non consideravit GASSENDVS in homine Cordis situm, eiusque mucronem reflexum versus centrum Diaphragmatis, interuentu pericardij, quod orbiculatim adhæret centro nerueo Diaphragmatis; decepit te tua experientia in Cordibus auulsis istorum animalium, quæ commemoras.

Secunda ratio, Figura, quam Cor ha-

bet in systole, eadem est naturalis qualisque in mortuo apparet. Ergo par est impetum, atque ictum fieri cum ab ea figura recedit. Ut vita cessat expiratione, sic motus Cordis in systole. At in mortuo Cor oblongatum & extensum deprehenditur, ergo tale fuit in systole viventis animalis. Ac proinde cum sit robustior ipsa diastole quæ fit per exceptionem, systole verò per expulsionem, necessum est validiorem esse motum systoles, quam diastoles.

Tertia ratio. Id etiam probari potest ex rectitudine fibrarum ex basi in mucronem tendentium, cum basis potius, quam mucro rationem immobilis habeat. Imò basis mobilior est, introcedit reuulsa à fibris, siue lacertulis, qui per suas aponeuroses membraneas, constituentes tricuspides valuulas, inseruntur orificiis vasorum quæ ad Cor vehunt Sanguinem, eiusmodi sunt vena caua, & arteria venosa.

Pag. 69. Nunc progressum Sanguinis per pulmones, qualis à Columbo descriptus est, laudat & admittit, Nisi quod veram arteriosam connecti per anastomoses cum venosa arteria verisimile non apparet, & probabilius est, Sanguinem per illam refundi in pulmonis substantiam, & per hanc subinde exsugere. Quæ fuit sententia HARVEI quam refutavit RIOLANUS,

Pet. Gassendi, de Circul. Sang. 101
Libro de Circulatione Sanguinis. Rationes
quas adducit, præter eam à *Columbo* infi-
nuatam, quod arteria venosa semper San-
guine repleta reperiatur, sunt exigui pon-
deris. Nam quatuor valvularum officia
æquè conueniunt in traductione Sangu-
inis per septum Cordis, ac si per pulmones
deduceretur. Nec in piscibus defectus fi-
nistri ventriculi, quia carent pulmoni-
bus, magis adstruit istum progressum
Sanguinis per pulmones, nec auricula-
rum usus ab ipso excogitatus, istum pro-
gressum magis confirmat?

Pag. 70. Nobis inquit, auricularum usus
videtur præclarus & appositus magis, qui
est admittere Sanguinem reciproco motu
cum ventriculis ad Sanguinis preparatio-
nem. Istum usum auricularum postea exa-
minabimus, ubi *GASSENDI* opinionem
de Circulatione Sanguinis exposuero.

Statuit Sanguinem, *Non profusè, ne-*
que pernici motu, sed parca quadam di-
spensatione effluere, & ad hanc dispensa-
tionem auriculas mire inservire. Ipse adeo
exactè & regulariter istam Sanguinis di-
stributionem, tam in diastole, quàm in
systole describit, ac si Naturam id ope-
rantem intuitus fuisset, atque quod ea
de re dixit & excogitauit, omnium probabi-
lissimè dici credit.

Pag. 71. Sanguinis preparatio, quæ in Corde fit, videtur non aliqua una pulsatione sic indigere, ut immixtus Sanguis emitti statim debeat, sed indigere omnino pluribus, imò plurimis. Neque enim alia ratione incalesceret, attenuareturque quantum interest, adeo provide ut possit quidem ab initio usque esse drachma, plus minusve in utroque ventriculo; verum id variis ac repetitis pulsationibus agitandum. Neque verò mirum est, non patere ipsi Sanguini concluso, quantus quantus est, exitum, quoniam & Vena arteriosa, & Aorta sunt oppleta, & quantum solum ex Sanguine in eas infuso consumitur, tantum in ipsas ingredi. Ad orificia sua extrinsecus sunt inanitæ, quia ibi Sanguis non cunctatur & restitat.

Valvula quippe quæ ab ipsis sunt, non planè prorsumque in expulsionem aperiuntur, obstat enim retrò copia Sanguinis; Valvula Sigmoides non possunt claudì à Sanguine retrò posito, quia effluxit, Sed hiant solum leniter, ut quidquid illud pusillum est, quod deest, resarciri possit. Ex quo aliunde fit, ut cum amplius influere non possit, quàm effluat, ideo sit perpusillum, quod ex Vena Cava, ut ex venosa arteria subingreditur, quoniam tamen in inductione aperta sunt utriusque

Pet. Gassendi, de Circul. Sang. 103
valvula in ventriculum, non tamen plane prorsumque patent, sed hiant leniter solum, impedita puta à Sanguinis copia, & intra ipsum ventriculum intumesciente. Ergo ventriculi sunt semper oppleti, nec exhauriuntur. At inquires, quo nam igitur abit dum per systolem comprimuntur ventriculi, qui Sanguis ipsos occupat, donec per diastolen ampliantur? En iam auricularum usum, ac Sanguinis simul per pectus progressum. Ad quid progressus per pulmones Sanguinis, qui in singulis pulsationibus egreditur ad quantitatem partis millesimæ unius drachmæ? Ex
GASSENDI, Diximus suo loco tum esse auricularum systolem, cum diastole est ventriculorum, & diastolem cum systole. Itaque dum fit diastole, hoc est Cordis mucro versus basin pulsatur, clausa est imprimis una arteriosa, non potest claudi, quia intus foras adaperitur, adeo ut Sanguis exagitatus in dextro ventriculo egredi in illum non valeat. Imò potest facile exire, Et interim tamen, quia per systolem præcedentem egressum fuerat tantillum, ideo aperta tunc vena Cava tantumdem, & non amplius in factam capacitatem ingreditur, quia non fuit amplius ex ea euacuatum. Systole autem succedente, abigitur Sanguis è ventriculo, ac tum quæ-

ritumcumque potest in arteriosam venam
 profilit, residuum autem, qua maior est
 portio exiititur intra auriculam, tunc sua
 diastole patentem: Ibi que servatur donec
 succedente ventriculi diastole, ipsa auri-
 cula sua systole comprimatur, refundat-
 que Sanguinem in ventriculum, ne rur-
 sum ad compensationem portionis ingressa
 in arteriosam venam, tantillum stillet ex
 vena caua. Interim per-ò qui Sanguis per
 venam arteriosam pulmonem adit, tum
 conuulit ipsum, tum parte sui tenuiore,
 millesima pars drachmæ, & nutritioni pul-
 monum, & circulationi non potest suf-
 ficere. Et repurgatore, perueniente puta ad
 extremas venulas, subit per oscilla ipsum
 surgentia in venosam arteriam, confluit-
 que in illius truncum. Tum Cor in dia-
 stole ipsa sinistri ventriculi, qui Sanguis
 in ipso, & purior, & calidior exagitur,
 premere non potest in Aortam arteriam,
 quoniam illa clausa tunc est, non potest
 claudi, quia valvulæ sunt sigmoides in-
 tus foris apertæ, & quia systole præceden-
 te abierat in eam aliquid, ideo ad illud
 resarcie-dum, tantumdem, & non am-
 plius stillat, quia loci amplius factum non
 est, ex ipsa arteria venosa. Tandem sy-
 stole consequente, Sanguis ventriculo con-
 tentus, exsilire quidem ob compressionem co-

Pet. Gassendi, de Circul. Sang. 105
gitur, sed cum parum id sit, quod potest
intra Aortam excipi. Ideirco auricula, in
auricula sinistra nulla est cavitas, que
tunc aperta ob diastolem, sui residuum
excipiat, seruetque donec per consequen-
tem ventriculi diastolem, ipsa systolen pas-
sa, ac se comprimens id refundat. simul-
que rursus ex venosa arteria tantum-
dem accedat, quantum in Aortam ex-
cesserit.

Hæc distributio Sanguinis est artifi-
ciosè ordinata, si posset ita fieri, vt ima-
ginatus est D. G A S S E N D U S, sed impos-
sibilis, & si possibilis foret, non opus esset
illa traductione per pulmones, cum se-
ptum Cordis, ex ipso G A S S E N D O, per-
uiunt, & foraminulentum sufficiat ad
istam traductionem millefime partis v-
nius drachmæ, nec metuendus recursus,
vel impedimentum aliquod Sanguinis,
à sinistro in dextrum ventriculum.

Aduersus istam opinionem imprimis
obiiicio, Si drachma plus minusve repeat
vtrumque ventriculum, & repetitis pulsa-
tionibus sit agitanda, exilissima tantum
portione admissa in diastole & tantumdem
eiecta in systole, leuissimæ erunt motiones
Cordis in diastole & systole.

Atque, si tantumdem accedat Cordi,
quantum decedit, Cor semper erit ple-

num, numquam vacuum, quomodo mouebitur? quomodo fibræ & lacertuli intra ventriculos collocati eos dilatabunt, mucrone versus basim reuulso? Ista reuulsio est sufficiens ad replendam cavitatem vtriusque ventriculi, nec tanta copia Sanguis in ea continebitur. Et si mucro Cordis versus basim pulsât in diastole, impedit Sanguinis appulsam siue receptionem.

Si in systole, Sanguis ventriculis conclusus effluat in auriculas, ut agitetur & incalasciat, & in diastole subsequenti resiliat in ventriculos. Idem Sanguis ter, quaterve reciproco motu à ventriculis in auriculas, ab his in cavitates Cordis remeabit, & reuoluetur. Possuntne istæ motiones tam lentæ & regulares ac ordinatæ fieri in pernici Cordis motu coacti accelerare gradus suos præ nimia corporis exercitatione? nec in febribus ita potest dispensari Sanguis.

Dices tunc refluxurum in pulmones Sanguinem. Ergo veloci cursu traducetur, & in vnaquaque systole ventriculi exinanientur, & plusquam granum drachmæ traducetur in singulis pulsationibus.

Insuper cum sint patentissima & capacissima vasa Cordis in pulmones delata,

Pet. Gassendi, de Circul. Sang. 107
quæ ferimè truncos Cauræ & Aortæ adæ-
quant, frustra condita forent tali ampli-
tudine, & capacitate. Si singulis pulsatio-
nibus ne octingessimam quidem, aut mille-
simam drachmæ partem ire in arterias, tam
Aortam, quàm venam arteriosam verum
esset, ut asseris.

Credis impediri effluxum Sanguinis è
Corde ob repagula valuularum, Quia
retro obstat Sanguinis copia qui descensum
intercludit: Ignoras in valuulis sigmoidi-
bus, quæ sunt appositæ vasis emittenti-
bus, modum situs & apertionis valuula-
rum, cum intus foris aperiantur, nec pos-
sint obsistere Sanguini, qui ubi expulsus
est, celeriter cursum suum facit, nec vl-
lus Sanguis cunctatur ad orificia istorum
vasorum, nempe Aortæ, & venæ arterio-
sæ, ut potest morari in orificiis vasorum,
quæ Sanguinem admittunt, & aduehunt,
cuiusmodi sunt vena cava, & arteria ve-
nosa. Itaque valuulæ sigmoides abeunti
Sanguini non obsistunt, redeunti tantum
obluentur.

Addo, cum sint auriculæ appendices
Cordis, extra ventriculos appositæ, San-
guis in systole totus exiret Corde, & in
diastole rediret in Cor. Ergo tum ventri-
culi deplebuntur, quos sæpe dicis intru-
mescentes conspici.

Præterea , in adultis auricula sinistra Cordis est exsiccata & occiufa , quæ in foetu erat grandior dextra ; Ideoque Sanguis arteriosus , *Non potest in ipsam proruere , ut varijs pulsationibus agitetur , uti arbitraris.*

Vt imaginariis Cordis brevissimas motiones , & exiguas valuularum apertiones , sic eas constitutas esse credis. *At si ex te totus Sanguis ventriculis conclusus prornat in auriculas in systole , mox refluat in ventriculos in diastole , necessum est amplo hiatus patere valuulas , & strictè claudi. An ab anima potius dirigi istas motiones oporteat , expendes : sed inuito D. GASSENDO , regularis iste motus , qualis ab eo descriptus est , nunquam seruari potest , quamdiu viuimus.*

Magnum est istud mysterium quod scribis , *Sanguinem arteriosum non leui præparatione indigere , sed plurimis pulsationibus in Cordis ventriculis dextro & sinistro , ut perfectior euadat.* Istas præparationes inutiles iudico ; quia quum adeptus est Sanguis perfectionem in dextro ventriculo Cordis , transitu suo , per pulmones , ut asseris , amittit , aëris & sordium permutatione inquinatus , & potissimum si per substantiam pulmonis diffundatur.

Pag. 71. Fatetur GASSENDVS , Cw.

Pet. Gassendi, de Circul. Sang. 109

culationem Sanguinis probabilem esse, sed insignes pati difficultates, quæ ipsius assensum impediunt, imprimis si arteria alicubi monstrari possent oscula inungere cum venis, res esset confecta. Quamvis non sint conspicuæ, nemo potest eas inficiari: cum extremitates arteriarum sint consimiles venis, quidnam vetat ipsas venulas, & arteriolas inuicem coire per Anastomoses?

Pag. 71. Subiungit, Multa sunt vena destituta coniugatis arteriis, ut axygos vena. Tu nescis habere intercostales arterias comites in singulis costis.

Pag. 71. Nescio quid intelligis, De copioso illo canali, qui ab occipite antrosum, supraque Sanguinem defert, nulla arteria apposita. Nullam talem venam in capite reperio, nisi accipias canales, siue sinus duræ meningis pro venis.

Pag. 72. Ignorat, Arterialem Sanguinem, qui deferitur in cerebrum spiritibus animalibus elaborandis destinatum, habere reditum ad Cor, quia illi ignota est Circulatio Sanguinis in cerebro, quam descripsi; Ideoque inscienter isthæc Anatomica scripsit de illo canali in occipite, & de Sanguine arteriali, nec prorsus intelligit, aut explicare potest.

Pag. 72. Reliquis ratiunculis, quas ad-

210 *Notationes in Tractatum*

ducit, respondeat aliquis pro HARVEO, quia ipsum hac in re deserui, scilicet Sanguinem quoquouersum ab arteriis effundi in carnes, & resorberi confestim à venulis, siue osculis, quæ sunt ex Hippocrate attractrices. Mea Circulatio Sanguinis differt ab illa HARVEI.

Pag. 72. & 73. Prorsus ignorat Circulationem Sanguinis in foetu, propterea totus ille discursus de vasorum vmbilicalium insertioneridiculus apparebit perito Anatomico. Istam Circulationem in foetu manifestè demonstraui, In responsione ad Valcum, pag. 616. nec repeto.

Pag. 73. *Vi Sanguis circuitum perageret, debuerant arteriæ capaciores longè creari, quam vena, & Aorta in egressu non habet eam capacitatem quam obtinuit vena Cava in ingressu suo.* Amplitudo venæ cavæ dependet ab auricula dextra ampla, atque maior copia Sanguinis ingressuri ad portas Cordis adesse debuit, ne deficeret Cordi. At in Aorta Sanguis restitat, & moratur intra Aortā iuxta Cor, sed celerrimè decurrit quoquouersum. Adde quod in strangulatis & suffocatis, vena Cava iuxta Cor amplior visitur Aorta, quia Sanguis in morientibus moratur & sistitur in dextro Cordis ventriculo, ideoque si mox à Strangulatione Cor inspiciatur, vena Cava

Pet. Gassendi, de Circul. Sang. III
iuxta Cor pugni magnitudine ampliata
deprehenderetur.

Pag. 73. *Cur venæ tunica simplex, arterie sextuplo crassior?* Respondeo, ad robur, ne impetu & impulsu spirituum effringeretur, & ad sustinendum pulsationes continuas, interdum vehementissimas, & violentissimas.

Instat adhuc, *Cur pariter venæ non pulsant ad reuehendum Sanguinem?* Quia non erat necessaria in venis pulsatio ad reditum, quia spiritus arterialis tum est penè consumptus, nec venæ eam habent proprietatem ut pulsent: atque ut vnda impellitur vnda, sic Sanguis arteriosus transiens in venas propellit sursum ad truncum venæ Cavæ, inde à Corde trahitur.

Pag. 73. Addit, *Deberent arteriæ disparata à venis procedere, quia pulsatio arteriarum facta deorsum, potest impedire Sanguinis ascensum per venas.* Id tantum accidere posset in venis infernis, non supernis supra Cor. Natura sociavit venas arteriis, ut inter se perpetuo comitatu communicarent per mutuas anastomoses. Non est tuum, Naturæ artificium reformare.

Pag. 74. *Miratur HARVEVM subtiliter situm & structuram valvularum intra*

venas maiores suo instituto accommodasse, ut impediunt recursum Sanguinis ad infernas partes, cedant accedenti. Contra scribit, ad robur venarum appositas fuisse geminas valuulas, alternatim dispositas, neque adeo occludere canalem, quin possit Sanguis infra decurrere, quod verum esse fateor, ut probavi contra HARVEUM.

Pag. 75. Reprehendit, HARVEI argumentum Achilleum, de ligatura brachij in venesectione, quæ tum aliquatenus vera est, sed non impedit, quin soluta ligatura, Sanguis ab humeris deorsum ad manus deoluatur. Quod addit, De brachio mediocri ligatura constricto, per quadrantem horæ venas debere crepare, nisi resoluatur ligatura, ex perenni affluxu Sanguinis arteriosi per arterias. Non inde sequitur, quia si Sanguis non habeat effugium, repletis venis, & arteriis, nihil amplius appellet ad venas & arterias iam sufficienter oppletas.

Pag. 77. Instat iterum, Tantum debere esse Sanguinis in arterijs, quantum in venis. Non sequitur: quia Sanguis arteriosus est spirituosus, cuius maior portio in corpus vniuersum celeriter diffunditur. Idem Sanguis est etiam alimentarius, cuiusque portio abit in nutritionem, Ideoque

Pet. Cassendi, de Circul. Sang. 113

que Sanguis intra arterias tertia parte
minui potest : Venæ ex HARVEO sunt
tantum destinatae , reuehendo Sanguini
ad Cor.

Pag. 78. Tandem primarium HARVEI
argumentum profert : Cum ad quemlibet
pulsum , certa copia Sanguinis transeat ex
vena caua in Cor, & ex Corde influant in
arterias , nisi ex arterijs rediret in venas,
dimidia (altem hora spatio) venæ omnes ex-
haustæ forent. Sic ille respondet : Ne qui-
dem drachma singulis pulsationibus in arte-
rias transmittitur , nec amplius quam pars
millesima drachmæ transit per Cor, & pul-
mones. Rationem reddit cur id asseueret,
Cum mihi inquit, alijsque quibus est pul-
sus mediocris , pulsationum intervalla se-
cundis hora proximè respondeant , & dies
componatur ex hora secundis octogies sexies,
& millies , & quadringenties : ac pulsante
toties arteria , influenteque in eam singu-
lis pulsibus millesima drachmæ Sanguinis
parte , influere debeant , intra unum diem
drachmæ octoginta sex cū semisse, siue uncia
decem supra dragmas sex & semissem : ne-
que sit verisimile influxum fieri uberiores ,
non potest homo suppessus continere intra
venas quinque ad summum Sanguinis li-
bras , ac præ inedia interire seu extabescere
post diem septimum , transire deberent per

114 *Notationes in Tractatum*

id tempus ex venis in arterias libra Sanguinis quatuor, cum uncii undecim ac semisse. Ista transitio Sanguinis per Cor & pulmones est adeo exigua & imperceptibilis, ut vix drachma Sanguinis per istos canales traducatur unius horæ spatio. Satius esset per septum Cordis Sanguinem traducere, quam quærere vias illas a Columbo introductas. Quantitas Sanguinis ad summum quinque librarum in humano corpore contenti, ridicula est. Cum parem quantitatem quinque librarum in morbis suffocantibus intra 12. horas quotidie detrahimus absque interitu. Imò decem, & duodecim libras per nates, vel hæmorrhoidas, per uterum in mulieribus effundi intra sex octove horas sine vitæ detrimento quotidie observamus. Propterea D. G A S S E N D U M αἷμα ποῖον esse suspicor, nec lubenter detractionem Sanguinis admittere.


Pag. 87. & 80. Quæcumque postea profert contra H A R V E Y M, pertinent ad Circulationem totius Sanguinis, quam ego non admitto, ideoque non teneor istis obiectionibus respondere, quas veras esse fateor, & lubens G A S S E N D O subscribo.

Ipse obiectionem facit non contemnendam. Cur Sanguis in venæ sectione proficiat primum deterior, ac deinde laudatior cum succedere uniusmodi debeat? Inuenio

Pet. Gassendi, de Circul. Sang. II
apud Hippocratem, lib. de natura humana
hanc difficultatem, iugulatis Sanguinem
calidissimum & ruberrimum profluere, dein-
de pituitiosorem ac biliosorem. Vnde hoc
quæret aliquis? ex diuersis locis potuit
effluere. Primus purus è maioribus vasis,
qualis est qui circulatur; alter impurus è
minoribus vasis per carnes dispersis pro-
diit, in quibus impurus iste Sanguis con-
tinebatur.

Ecce datam fidem exsolui, promissam
responsionem ad tractatum scepticum D.
GASSENDI de Circulatione Sanguinis
exequutus sum, atque ita eius votis tam
Gallicè, quàm Latinè declaratis satisfeci.
Hominis probè periti officium est, iudica-
re prospicienter posse, quidnam rectè aut
non rectè ab eo, qui docet, exponitur.
Aristotel. initio lib. I. de partibus animalium.

F I N I S.





DISQUISITIO

DE TRANSPOSITIONE PARTIVM NATVRALIVM ET VITALIVM. in Corpore humano.

Auctore IOANNE RIOLANO.

QUAMVIS hac hyemali tem-
pestate propter frigoris ex-
cessum, non mihi licuerit
commodè & seriò litteris va-
care, quia frigus ætati meæ,
& imbecillis pulmonibus est inimicum;
Attamen mihi Cynthus aurem vellit, &
admonuit. Vir doctus in Mantissa nuper
edita, & addita suis præcedentibus Episto-
lis, me inuitat, imò compellat ex pro-
fessione mea Anatomica, ad explicatio-
nem prodigij sub finem anni 1650. Lute-
tiæ observati.

Ac sanè res est noua, & insolens, nec à
me, qui plusquam centena cadauera ad

118 *Disquis. de transp. part. nat.*

Anatomen dissectui, nondum visa, rarissime ab aliis notata, in hac Vrbe totius Orbis populosissima, scilicet Viscerum, quæ coërcentur abdomine & Thorace transpositio, dum continentur dextro latere, quæ sinistrum occupare solent.

Priusquam accedam ad huius prodigij explicationem, historiam paucis enarrabo, & debitum honorem Medico reperiitori, ac demonstratori reddam. Sicarius nebulo annos 25. natus, dictus *Richardus Francœur*, aliis stipatus, die 21. mensis Octobris anno 1650. de nocte Rhedam *Illustrissimæ Principis DE BEAUFORT* tunc absentis adoritur, sistitque, ac nobilem virum sclopeto interficit pro Principe; Postea captus, incarceratus supplicio rotæ addictus, & damnatus, a Iudice criminali conceditur cadauer Chirurgis ad vsum Anatomicum. Hoc notandum; quod raro expetuntur sic laniata cadauera, propter fracturas tibiarum, femorum, brachiorum, & cubitorum, atque Thoracis insignem contusionem, quæ magnam in partibus confusionem pariunt. Huius cadaueris Anatome celebrata fuit in studio Chirurgico apud Dominum *Regnier*, collegam nostrum doctissimum, dissecutore *Antonio Bertrand*, Chirurgo peritissimo, & Anatomico. Ad hoc spectaculum à

& vitalium in corpore humano. 119.

Dom. Regnier inuitatus fui. Aperto cadauere in hypochondrio sinistro deprehensum fuit iecur situm, lien dextrum hypochondrium occupabat, inter vtrumque viscus iacebat ventriculus, magis in dextrum latus propensus. Cor in Thorace ad dextrum latus inclinabat. Nec satis fuit nosse istorum principalium viscerum inuersum situm, sed. ultra quæsitæ est reliquarum partium transpositio, quæ in istis duabus cavitatibus trunci corporis coërcentur. Quamuis enim corpus nostrum sit geminatum ac bipertitum, easdem partes consimiles habeat. tam in dextro, quàm in sinistro latere: id verum est in partibus externis vniuersi corporis, & capitis: sed in partibus internis lateralibus thoracis, & abdominis, magnum notatur discrimen, non tantum ratione hepatis, & lienis, sed reliquarum partium, quæ ab ipsis dependent, diuerso situ. Nam in ista transpositione partium, Pylorus, & meatus Cholidocus hepaticus, & Duodenum versus latus dextrum vergunt, Truncus venæ portæ ad sinistrum latus, vbi iacet iecur, contendit, & ab eodem trunco Splenica vena ad latus dextrum intra pancreas abscondita defertur; Arteria Splenica, & Coeliaca è latere dextro trunci Aortæ descendens enascuntur; Qui quidem trun-

120 *Disquis. de transp. part. nat.*

cus, spinæ dextrorū attensus est: ut truncus venæ cauæ descendens sinistrorū extenditur, quia mutant suum situm naturalem. Magna Epiploï portio, quæ inter lienem, & ventriculum continetur, in latus dextrum procumbit. Pancreas extensum est verius latus dextrum; intestinorū situs naturalis est immutatus, quippe iejunum enascitur à latere dextro, Cecum & appendicula cum valuula Coli in sinistro latere consistunt, reflexio desinentis Coli fit infra renem dextrum: Vena spermatica dextra egreditur ab emulgente, sinistra à trunco. Ac proinde dexter Testiculus debet esse *πλάγιος*, sinister *ἀπ' ἐπ' ὀπίσθιος*.

Vbi ventum est ad Thoracem, præter inclinationem Cordis in dextrum latus, ultra spinam deprehensus est truncus venæ Cauæ ascendens, supra latus sinistrum spinæ attensus, ac proinde non amplius affixus dextro Cordis ventriculo; Nam iste Ventriculus excipiens truncum venæ cauæ sinister erit ex situ, etiamsi fungatur officio consueto. Reflexio Aortæ aderat in dextro latere, & Nervus recurrens ibi suam habebat reuolutionem; Aortæ truncus ascendens trifidus erat in latere dextro, & Carotis sinistra à subclauia arteria enascebatur. Azygos vena à latere sinistro manabat;

De vitalium in corpore humano. 121

manabat; Oesophagus circa mediam spinam paulò suprâ Cor contortus erat versus læuam partem: Lobi pulmonum tres in sinistro latere aderant, duò in dextro.

Nulla mutatio esse potuit in collo, nisi ratione carotidum arteriarû, nulla etiam in cerebri conformatione, quia partes istæ licet geminatæ, plane consimiles existunt. Aliæ quæ sunt simplices, in medio iacent versus basim cerebri. In oculis & auribus, & naribus, nulla partium transpositio intus esse potuit, quia partes istæ sunt separatæ, si quædam diuersitas apparuit, ab actione propria dependet: Nam si partes vniuersi corporis sinistræ, ex Hippocrate & Galeno, sunt infirmiores dextris, magisque obnoxia morbis, ac proinde omnes partes dextræ in isto corpore prodigioso, debent esse sinistris debiliores, quia sinistræ dextrum latus corporis occupant, vt dextræ sinistrum in trunco istius corporis.

Aristoteles, cap. 4. lib. 4. de generatione animalium, dum loquitur de monstris, notat interdum lienem & iecur sedes suas naturales prodigiosè immutasse. Et lib. 1. de histor. animalium, cap. vlt. Id notatum fuisse in quadrupedum genere, nihil de humano corpore dixit. Dum percontatus sum à lanjjs, qui boues, & oues, capres-

los, sues mactant in hac vrbe populosissima, num tale prodigium viderint, negarunt id à quoquam obseruatum fuisse: mihi tamen Lanius Porcarius id à se visum fuisse, & plures mutationes, ac oblæsiones in partibus internis suum obseruari, quam in reliquis animantibus, propter ingluuiem & prauorum alimentorum ingurgitationem.

Præterea, in hominum genere, qui inspexerunt istarum partium transpositionem, in maribus potius obseruarunt, raro in mulieribus, aut nunquam id deprehensum fuit.

Ex istis hypothefibus de causis huius prodigiosæ conformationis licebit philosophari, postea inquirendū problematicè.

Si tales homines sunt longæui, & valeant hominis robusti munia obire.

Si talis confirmatio viscerum possit à Medico deprehendi, vel incognita, ægris perniciem adferat contraria medicatio, dum pro hepate, lieni vitiosè medemur, in dextro lateri iacenti.

Num tale prodigium aliquid sinistri prænuntiet R.eipublicæ?

Quamuis causa huius mutationis partium valde sit obscura, & nostris sensibus abscondita, quid sentiam ea de re patris aperiam, Anatomicè & Philosophicè, sine

phaleris verborum , nec deesset materiae pompa, si quidquam aliud intueri luberet, quam fidem operis.

Certum est in quibusdam mulieribus vterum esse bicornem , & ratione istius figure, mulieres quædam gemellos semper pariunt , autoritate & experientia Anatomicorum . Vtrumque Testiculum semen ex seipso profiliens ejaculari in cavitatem vteri , versus fundum , vel ad portam usque , id est orificium interius ; si contingat hiare istud osculum auidum , & catulliense , penisque extremum huic formini committi ; atque si seminis primus impetus prodiens à dextro teste *ἀπὸ τοῦ δεξιῶ* , feratur in sinistrum cornu vteri , & vicissim reliquæ guttæ seminis rapiantur à cornu dextro vteri, naturalis conformatio partium inuerti potest in alterutro fœtu ratione loci , in quo concipitur fœtus , nam quæ dextra esse deberent fient sinistra , quippe semen destinatum procreando masculo, traductum in sinistrum cornu, forsan non procreabit femellam, sed marem imperfectum, ex transpositione partium.

Altera ratio. Ad perfectam generationem, siue conceptionem, semen virile exceptum vtero , vel medium cavitatis occupat , vel eius fundo agglutinatur , vel

124 *Disquis. de transp. part. nat.*

sinistro lateri vteri adhærescit : At si in muliere ardentissima , fluentibus menstruis , penis longior , mediocriter crassus subeat & ingrediatur osculum internum vteri , ex fluxu menstruorum emollitum , & patens , vt id quibusdam accidisse rescivi , tum semen viscidum , glutinosum iniectum si adhæreat parieti dextro vteri , potest esse causa huius conformationis ; Nam ex semine ibi firmiter agglutinato , Cordis punctum formabitur , ex situ Cordis , Hepar semper oppositam sedem obtinet ; Quare si Cor situm suum in dextro latere vteri capiat inchoante formatione , Hepar in sinistro locum habebit facta partium conformatione.

Tertia ratio. Animantis formatio incipit à puncto , quod tertio die , & sequentibus palpitans in ouis à gallina incubatis , & fractis obseruatur , ex *Hippocrate* & *Aristotele*. Istud punctum indubiè Cor est , At si tale punctum hæreat lateri dextro vteri , reliquarum partium Thoracis , & abdominis corporatura & positio sequentur Cordis conformationem. Inde sumitur argumentum fortissimū principatus Cordis , atque eius primogenituræ. *Regis ad exemplum totus componitur orbis Microcosmi.*

Quarta ratio, Istam adhæSIONEM semi-

De vitalium in corpore humano. 125

nis ad latus dextrum magis firmare & agglutinare potest longior decubitus in dextrū latus, post admissum semen, & in eo situ si per duodecim horas obdormierit.

Quinta ratio. Si vir præpostera & postica venere, more quadrupedum, cognoscat mulierem, certum est osculum vteri internum, quod in mulieribus resupinis, quæ liberos susceperere, decumbit supra rectum intestinum, tum pronato corpore mutare sedem, directumque fieri, & peni virili occurrere ac coire. Ac proinde semen iniectum, viscidum, glutinosum ab auido vtero exsuctum, directè potiùs in dextrum latus vteri ferri, quàm in sinistrum, ibique affigi, probabile est. At in eo situ pronò mulieris coeuntis, sinistrum latus vteri erit viro dextrum, ideoque punctum illud Cordis incipiet formari in eo latere vteri, quod ipsum semen admisit, quale est sinistrum, in ea congressus forma.

Sexta ratio. Adde, quamvis naturaliter Cordis punctum versus latus sinistrum vteri formari incipiat, si mulier primo vel secundo die à retento semine supra lumbos & os sacrum cadat, potest punctum illud, vel semen coagulatum à sinistro latere in dextrum transire, ibique adhærere: Ac proinde situm Cordis, reliquæ partes thoracis & abdominis sequentur.

Philosophi causam, translationis partium referrent ad vitium imaginationis læsæ in mulieribus grauidis, primo tempore conceptionis cuncta peruersa intuitibus, vt quæ dextra sunt, illis appareant sinistra, sic geminum solem credunt, & duplices se ostendere Thebas. Vmbras miratæ nemorum non ire sinistras. Ideoque in prima delineatione seminis, partium situs peruertitur, vt quæ dextra esse deberent, fiant sinistra. Est enim imaginatio adeo efficax in mulieribus grauidis, & melancholicis, vt queat totius corporis structuram immutare, in prima partium conformatione. Id exemplis innumeris possem confirmare, quæ prostant apud varios Authores, qui tractarent *de viribus Imaginationis*. Atque lubentius multi accusabunt vitium imaginationis læsæ, non in viro seminante, sed in muliere excipiente, & fructificante, quia in brutis animalibus istud prodigium rarò reperitur, quod frequens est in humano genere, quia pecudes forti imaginandi virtute carent, & ad coitum eodẽ modo vtrique conueniunt & commiscentur, vir solus multiplici coeundi forma delectatur, & abutitur.

Quæret aliquis: quare caput non patitur istam mutationem partium vt thorax & abdomen; quia in capite partes dextræ

Cor vitalium in corpore humano. 117
sunt similes sinistris, atque Cor non habet imperium in caput remotum, ceruice interposita, ut in jecur vicinum, eique subseruiens, ac proinde quando Cor latus dextrum occupat, in sinistrum jecur repellitur. Atque ad Cordis & hepatis situm, utriusque cavitatis partes sedem suam immutant.

Cur verò in ista transpositione partium mares potius quam femellæ generentur. Id dependet à facultatis formatricis robore, quæ inest semini affixo lateri dextro uteri, quæ si sinistro lateri uteri affixa mansisset, marem perfectum genuisset, ad dextrum latus inuersa marem quidem genuit, sed imperfectum ex inuerso situ partium.

Pergo nunc ad explicationem problematum. Certum est ac indubitatum, nostri corporis partes dextras robustiores esse sinistris, atque naturam validam lubentius in sinistras sese exonerare, tanquam imbecilliores; oculum sinistrum, atque mammam sinistram frequentius affici ex *Hippocrate*, quin etiam partes dextras, quia robustiores sunt sinistris, fortiores affectus pati scriptum est *ab eodem Hippocrate, lib. 3. de morbis*. Propterea iure quæri potest, an ille, qui internas corporis partes principes, eisque famu-

128 *Disquis. de transp. part. nat.*

lantes partes transpositas habet, corpus obtinuerit imperfectum ac imbecillum in suis actionibus.

Quamuis *Galenus* talem partium transpositionem non obseruarit, tamen videtur aliquatenus designasse ac fieri posse; nec ex ea putat deteriorem fore corporis conditionem, *lib. 6. de locis affectis, cap. ult.* Nam actiones ex propria partium essentia, non ex earum positione promanant. Cor si aliqua parte corporis teneretur, nihilominus actionem suam exerceret; nec aliter de jecore ac liene, & reliquis omnibus sentiendum est. Sed euidentius *Galenus* hunc locum explico. Debent omnes partes, quæ sunt sinistræ, pari situ & connexionem in dextris locis collocari, ut probè suo officio fungantur, uti in nostro homine obseruatum fuit. Nec enim in ventre collocatum Cor ita probè & conuenienter suas actiones exerceret, nisi dextrum latus thoracis occuparet, nam tota œconomia ventris & thoracis perturbaretur.

Hoc posito omnes partes peræque sua munia obire possunt in illa transpositione, nec aliud detrimentum accipiunt præter imbecillitatem in dextris partibus. Itaque poterat virtile æque perfectus esse ac si in naturali suo situ omnes partes

De vitalium in corpore humano. 129

essent collocatæ. Obiiciet aliquis, vir ille *Nannetensis*, de quo mentionem feci sub finem *meæ Anthropographiæ nuper editæ in folio*, vixit in matrimonio cum vxore optimè compositâ per annos duodecim, nec liberos ex eâ suscepit. Inde sequitur aliquam in partibus genitalibus debilitatem adfuisse; Noster homo; de quo sermo instituitur, nebulo erat, insignis sicarius, latrociniis, & homicidiis assuetus, propterea fortem, & virilem, ac crudelem fuisse credibile est.

Accedo ad aliud problema. Si talis conformatio viscerum possit à Medicis deprehendi, vel si incognita, agris detrimentum adferre queat contraria medicatio, dum pro liene, hepatis in sinistro latere iacenti medemur. Respondeo id posse deprehendi à Medico intelligenti, & Anatomico, si contrectando hypochondria, obseruarit sinistri visceris amplitudinem, vsque ad cartilaginem xiphoidem, & versus umbilicum extensam, & in hypochondrio dextro vacuitatem, cum exiguo viscere, oblongo, & angusto. Præterea explorabit motum Cordis, circa papillam sinistram pectoris, ubi si adfuerit, nulla erit transpositio viscerum: At si desit, & percipiatur circa papillam dextram, certissimum erit signum peruersi situs viscerum

130 *Disquis. de transp. part. nat.*

nutritiorum & Cordis. Ac potissimum & in hypochondriis agnoscat discrimen aliquod contra naturam, ratione viscerum. Scio Cor luxari ex violenta, & continuata agitatione corporis, & detrudi in latus dextrum, atque pericardium quod adhærebat sterno, separatum, ipsi membranæ pleuræ dextri lateris adhæsissè, ut observatum fuit in Regina Matre.

Iste peruersus situs Cordis, qui non est à prima conformatione partium, non potest mutare viscera nutritia iam formata & perfectæ. Quare Medici debent deinceps esse circumspectiores in explorandis visceribus, quæ hypochondriis supposita sunt; quia si incognita fuerit ista transpositio viscerum hepatis & lienis, dum visceri latenti in sinistro hypochondrio puta hepati, tanquam lienî male affecto medemur, haud dubiè potest offendi jecur, nec absolutè medicatio, quæ competit lienî, cōueniet etiam hepati. Nam remedia tam externa, quàm interna hepatica, differunt à spleniticis, & quamplures morbi sympathici ortum & fomitem habent in liene, cui potissimum est prospiciendum, quem si quærimus in hypochondrio sinistro: (si lateat ibi jecur) non potest absque noxa & detrimento hepatis hæc medicatio fieri, in detractioe Sanguinis rectitudi-

De vitalium in corpore humano. 131

nem partis affectæ sequi, monuit *Hippocrates*, & post eum *Galenus*. At nisi certus finis de viscere in hypochondriis contento, venæsectio non respondebit nostræ expectationi.

In pulmonum affectibus nocebit venæsectio ex brachio sinistro, si Cor in latus dextrum translatum fuerit. Nec consilium *Fernelij* poterit salubriter administrari: Si ratione venæ azygæ in dextro latere positæ, Sanguinem detrahimus in plenitudine, in peruerso situ Cordis, inutilis erit, & potius sinistrum brachium aperiendum. In colico dolore non amplius versis Ille dextrum fomenta erunt admo- uenda, sed ad Ille sinistrum. Constituimus in liene focum quartanæ febris, sedem tertianæ in Hepate; si quis quartanarius habeat isthæc viscera transposita, atque topica remedia hypochondrio sinistro admoueat, quæ lieni conueniunt, certissime nocebunt hepati ibi latentæ; si saluarella in coitu Lunæ & Solis aperiatur, quod fieri debet secundum rectitudinem partis affectæ, si in sinistra manu tundatur, inutilis erit, si hepar in sinistro hypochondrio contineatur. In vomitu Sanguinis, remedia Sanguinē reuellentia, & adstringentia solemus admouere hypochondrio sinistro ratione lienis, qui effundit istum

132 *Disquis. de transp. part. nat.*

Sanguinem in ventriculum. At si iecur ibi contineatur ipsi nocebunt, nec quidquam proficiemus in sistendo Sanguine. Si topica calida ventriculo sunt admo- uenda, in sinistrum hypochondrium ver- gere debent: si lateat ibi iecur, ipsum læ- dent. Si Cordi, non ad sinistram, mam- millam, sed ad dextram erant applican- da. Denique multa sunt utilia lieni, quæ noxia sunt hepati: multa sunt specifica, & ut loquuntur, appropriata hepati affecto, quæ non conueniunt lieni laboranti. Pro- pterea, cauti deinceps & circûspecti erunt Medici, in explorandis visceribus nutritiis hypochondriacis, ne vnum pro altero ac- cipiatur. Quamuis rara sit hæc viscerum transpositio, potest tamen in quibusdam corporibus reperiri, atque contraria me- dicatio ægris perniciem adferre.

Superest vltimum problema: Num tale ostentum aliquid sinistri portendat Reipublicæ? Magna fuit Veterum Ro- manorum superstitio ex Aruspicina, dum in extispicio victimarum, viscera natu- ralia & vitalia diligenter inspiciebant, & explorabant, num aliquam haberent mu- rationem à naturali conditione diuersam, & quo maior erat mutatio, eo deterius erat præsagium Aruspicum de euentu, cu- ius causa consulebantur. Nec tantum in

brutis , sed etiam in hominibus factum fuit illud extispicium. Atque si mutatio in humanis extis observabatur, illa maioris erat ponderis , quàm in belluinis, quod notatum fuit à *Porphyrio*.

Propterea ista viscerum nostri hominis transpositio , sinistri fuisset ominis apud Romanos, & insignem aliquam mutationem in statu Reipublicæ afferre præfagiisset. Forsan aliquis argutus , & subtiliter in rebus politicis versatus, inde sumeret occasionem philosophandi super statu Reipublicæ, nec in Gallia istud prodigium impune bis apparuisse : anno 1648. lab finem Aprilis, in Britannia Aremorica visum fuit, subsequente paulo post tumultu, & seditione populari in Gallia, quæ per Dei gratiam confestim sedata fuit, & nuper mense Decembri 1650. Lutetiæ apparuit inopinato , prænuntium magnæ mutationis, quam vidimus feliciter successisse, bonis auspiciis, spe melioris fortunæ, quam expectamus. Sed istas prædictiones Aruspiciæ , ut & alias omnino falsas & inanes, subtiliter & acutè demonstravit *Tullius lib. 2. de Divinatione*.

Forsan aliquis meam relationem suspectam habebit, si reperiat in multis discrepantem ab ea historia, quæ à Medico eruditissimo, & nobilissimo descripta fuit,

134 *Disquis. de transp. part. nat.*

memorabilia, & mirabilia noua continet, sed obscurè scripta, quæ meis notulis, vel glossæmatis illustrabo. In ipso cadauere *ex transuerso situ* internarum partium multa inspexit; An non melius & verius dictum *Inuerso*? nam hepar, lien, naturaliter sunt in transuerso situ locata.

Imprimis, *Animaduertit canalem illum* (intelligit venam vmbilicalem vt credo) *qui vena fuisset dum utero gereretur infans* *sinistrorsum dirigi*, credo accipere verbum *fuisset*, pro fuit. *Vt eos qui arteria* (subaudi dicuntur:) *dextrorsum Cor versus è contra pertendere*. Istud miraculosum, nec vnquam visum, Arterias vmbilicales versus Cor pertendere, quod tamen non credo, quum vmbilicales arteriæ infra vmbilicum, ad Iliacas arterias, & hypogastricas descendant, & inferantur, nec vlla mutatio in illo progressu accidere potuit. *Ventriculi habitus vna quoque peruersus apparuit*, si habitus sumitur pro situ, id verum est; si pro conformatione, falsum. Non potest vocari *Oesophagus* superius orificium. Neque *extremitas pylori* rectè appellari *Ecphysis*, nisi adiungas primum esse intestinum. Nec potuit, *Ipsam supergradiendo pancreas*, dextram partem petere, si fuerit extremitas pylori, nec habeat aliquam longitudinem. At *Ecphysis sup-*

De vitalium in corpore humano. 135

posita est pancreati in longitudine quinque vel sex digitorum. Nec statim ab eo (scilicet pancreate) recuruabatur, ut fieri vulgo amat, omisit exponere, quomodo id fiebat. In ipsam (intellige Ecphysin) quod notatu non indignum est, luculentus satis canalis ex hepate prope portas emanans, pancreasque peruadens inferebatur. Canalis iste non potuit esse alius, quam porus cholidochus hepaticus. Quamuis Ecphysis sit sita infra pancreas, porus cholidochus non potest penetrare pancreas, nec vnquam penetrauit. Quomodo Aortæ & venæ Cauæ trunci inferiores, inter se inuicem sedes mutauerant debebat explicare. *Extrema Cordis in mucronem inclinansur, & abeunt subter dextram papillam.* Inde aliquis putaret geminatum fuisse Cor in extremo, ut in quibusdam visum. Propterea clarius exposuisset, extremum Cordis in mucronem turbinari. Hoc est mirabile, *Quod specus locorum quisque suorum vices conuerterant, adeo ut dexter isque venosus sinistram cœpisset, laeuis & ille arteriosus ut dextrum,* quod non credo. Nam si Cor in situ naturali collocatum inuer-tas, semper vterque ventriculus situm suum naturalem obtinebit. *Vena azygos paulò superius pullulat è cana, illa iugi caloris ac vitæ scaturigine,* nescio an intelli-

136 *Disq. de transp. part. nat. &c.*

gat venam Cavam, vel Cor; sed magis pullulat infra Cor, ex ramorum distributione, quàm supra Cor, vnde exoritur. Quod spectat ad nervos recurrentes, *dexter reflēitur ad curvitatē Aortæ*, adde descendētis, *sinister ad axillarem*, reponē subclaviam. Ex ista glossa, vera erit & perspicua ista enarratio, alioqui dubia, ne dicam falsa, prout typis est exarata, forsā Correctoris incuria, vel inscitia in rebus Anatomicis.

FINIS.

IOAN.



IOANNIS RIOLANI RESPONSIO

Ad experimenta noua Anatomica,
vt chylus Hepati restituatur,

*Et noua RIOLANI de Circula-
tione Sanguinis doctrina facta
recta conseruetur.*

P R Æ F A T I O.

NUCCIAM Pictorem percele-
brem dixisse ferunt, pingen-
di præcipuam esse partem,
argumentum eligere pingi
dignum, quod spectantium
oculos detineat; ideoque despectus fuit
Pereycus pictor egregius, quod in ton-
strinis, & Afellis pingendis perpetuo oc-
cuparetur. Propterea non sine ratione

M.

138 *Ioannis Riolani Responsio*

vereor, ne mihi probro, & dedecori ver-
tatur, quod ego iamdudum in studio Ana-
tomico spectatus, ab annis quinquaginta,
quibus Anatomen profiteor in Academia
Parisiensi, totius Europæ celeberrima:
Atque per Dei gratiam tandem honori-
ficum in Schola nostra gradum Antiqui
Decani ordine receptionis assequutus,
post certamen, vel potius disputationem
amicam cum Doctissimo HARVEO, pe-
ritissimo Anatomico, & coætaneo initam,
de Circulatione Sanguinis, iterum pæ-
gnam instaurem cum Iuvene levis arma-
turæ, *Qui vix primos Iuventutis annos
adeptus est*, ut epistolæ commendatitæ
ferunt, ac proinde adhuc Adolefcens.
Ille tamen suam peritiam, & felicitatem
passim prædicat, in isto nouo inuento
Anatomico, atque *confidenti animo, ve-
raque scientia præditus, non mutæ, frigi-
daque sapientia, ut alij instructus*, inso-
lentissimam, & falsissimam doctrinam de
chyli anadosi ad subclauios ramos, ut lo-
quitur venæ Cauæ, eiusdemque chyli con-
uersione in Sanguinem intra Cor propo-
suit, istud sanguificandi officium eripuit
hepatis, & aliud ei assignauit ineptissimum,
scilicet bilem solam emulgendi ex San-
guine venæ portæ secretam. In explican-
do isto pernicioso, ac detestabili parado-

10, infinitos errores in rebus Anatomicis commisit, qui periti Anatomici censuram meruerunt. Nihilominus sui Operis nactus est è Schola Parisiensi Doctores Medicos fautores, approbatores, & cum elogiis præcones; hac fiducia fretus, omnibus Anatomicis insultat, nec pepercit RIOLANO, quem carpit, & suggillat in venis lacteis, & in Circulatione Sanguinis;

Infelix puer, atque impar congressus Achilli.

His de causis prouocatus, in arenam descendo, ad gregarij militis officium redactus, atque deposita senectutis dignitate, vbiq; veneranda (quod optabat *Orestes Iuuenis* aduersus senem disputaturus *apud Euripidem*.) Eius scriptum examino, etiamsi non defuturos præuideam, qui cum insano, me velle insanire iudicabunt; quia *Stultas opiniones admodum scrutari, stultum esse censuit Aristoteles, cap. 3. lib. 3. de partibus animalium.* Verum ingenia Adolescentiæ sunt cingenda metis, & septis arrium, & castiganda vanitas, & petulantia istius ætatis, quæ delectatur lusibus opinionum, & sæpe portenta in dogmatibus, non secus ac monstrosa corpora admiratur. Nam vt in *Platone* eruditè dicitur, *Ingeniosi rari sunt*

140 *Ioannis Riolani Responsio*

modesti, nec potest esse in illa aetate constantia necessaria in ratiocinatione: eiusdem opinionis fuit *Aristoteles*, nempe juvenilis aetatis hoc esse proprium, putare se omnia scire, idque asseueranter affirmare. Quid enim temeritate stultius, aut quid tam temerarium, tamque indignum sapientis gravitate atque constantia, quam aut fallum sentire, aut quod non satis explicate perceptum sit, & cognitum, sine ulla dubitatione defendere, *inquit Tullius lib. 1. de Natura Deorum. Aristoteles initio lib. 2. Metaphys.* In novis opinionibus diu dubitandum esse iudicat, & aliorum exquirenda iudicia, priusquam aliquid definias.

Olim proprium erat Academiae, iudicium suum nullum interponere, ea probare quae simillima veri videbantur, conferre causas, & quod in quamque sententiam dici possit exponere, nulla adhibita sua auctoritate, Iudicium audientium relinquere integrum, ac liberum. Hanc consuetudinem à *Socrate* traditam, se retinuisse profitetur, *Cicero sub finem, lib. 2. de Divinatione. Cogita, inquit Plinius, lib. 4. epist.* quam sit magnum, dare aliquid in manus hominum: Nec mihi persuadere possum, non cum multis, & saepe tractandum, quod placere, & semper, & omnibus

ad experimenta noua Anat. 141

cupias. Ideoque in studiis homines potius timor, quam fiducia decet, *Nihil tamen securius malo Poëta, inquiebat Martialis;* sunt enim quibus omnia placent dum nascuntur, alioqui non scriberentur. Tale est scriptum adolescentis *Pecqueti, qui superbe gloriatur in epistola dedicatoria, se detexisse miracula, quæ nequit absque inuidia, crimineque suppressere. Tanti interest omnium hominum, ut ea vulgentur, quanto sanitas, in cuius gratiam exhibet inaudita, ceteris humanæ vitæ bonis præcellit.* Ergo nouam medendi methodum condere oportet, quam ab illis expectamus, qui eius libellum approbarunt. *Errauisse hætenus omnium retro sæculorum etiam præstantioris notæ. Anatomicos ostendit, & eos, qui Physicam professi sunt, vno excepto Aristotele, in animantium natura non leui discrimine cecidisse.* Huic insolenti iactantiæ, opponam quod Cicero obiecit *Democrito*, non in scitè nugaris ut *Physicus*, quo genere hominum nihil arrogantius: non ausim addere mendacius, nisi *Aristotelis* autoritate fretus, qui *Philosophum* fabulæ sæpe amatorem esse scribit *lib. 1. Metaphys. cap. 2.* ut ex admirandis homines inuitet ad Philosophandum, eiusque opinio videatur admirabilis, quod *Pecquetus* in hoc tractatu astute imitatus est.

142 *Ioannis Riolani Responsio.*

Verumtamen interest Scholę Parisiensē castigare Iuuenis istius insolentiam, audaxque facinus, quia monstra opinionum numquam aluit Gallia, attestante D. Hieronymo, ne credant exteri istud opusculum Lutetię typis editum, à quibusdam Doctoribus approbatum, omnibus silentibus, assensum Scholę meruisse, & luce, ac laude dignum iudicatum fuisse.

Priusquam ad examen huius libri accedam, venarum lactearum historiam enarrabo. Prisci & recentiores Medici prodiderunt chylum in ventriculo confectum delabi in intestina, resorberi à venis Mesaraicis, instar hirudinum intestinis applicatarum, chylum exsugentibus, deferri per venam Portam ad Hepar, vbi in Sanguinem vertitur: Per easdem venas Sanguinem in hepate elaboratum, distribui intestinis ad nutritionem. Dubitatum tamen fuit, atque controuersum, quomodo fieret ista distributio chyli & Sanguinis. An per easdem venas, diuersis tamen temporibus, alternatim trahat jecur chylum, & intestina Sanguinem elicerent. An eodem tempore fieret ista distributio per easdem venas, propter diuersa, & opposita trahentia, ita tamen vt quædam ex illis essent destinatę chylo, alię Sanguini? Ea de re tractaui in mea *Anthropographia*, &

istās difficultates enodaui. Has altercationes dum videret *Asellius, Anatomicus Ticinensis doctissimus*, in canibus viuētibz aperto abdomine detexit venas quasdam lacteas, separatas à venis Mesaraicis, quæ non habent truncum, & inseruntur in Hepar, in tres, quatuorve ramos collectę: sed quamplures per mesenterium disseminatas confluere ad magnam glandulam, in parte inferiore mesenterij sitam iuxta lumbos, quam appellat Pancreas, distinctum tamen ab altero vero Pancreate, quod suppositum est ventriculo, eamque glandulam chyli plenam deprehendit, ibique scaturiginem chyli collocat, qui ad Hepar deferitur, per tres quatuorve ramulos ad paruum illum lobum, qui venæ Portæ truncum fulcit, & amplexatur. Id satis apertè declarauit *Asellius*, scripto, & Iconibus pictis eleganter expressit. *excusis Mediolani in quarto, anno Domini 1627. Higmorus, Medicus Anglus in suo libro Anatomico nuper edito*, valde prædicat suā industriam & diligentiam in indagatione venarū lactearum, & iconibus variis delineauit: Sed mihi non placet, quod deriuat venas lacteas à vero Pancreate hepatis subiecto, atque innumeras venas repræsentet truncum venæ Portæ amplexantes vsque ad Hepar. *Bartholinus* in sua postrema Ana-

144 *Ioannis Riolani Responsio*

tome reformatâ, in pisce Orbe ipsas venas lacteas Hepati insertas se manifestè vidisse ac demonstrasse suis Collegis, affirmat, quos nominat, atque iconibus duabus representat. Iuuenis Medicus *Perquetus*, libello nuper edito de Venis lacteis superbè gloriatur de nouâ Venarum lactearum detectione, atque confidenter asseuerat, eas nequaquam ire ad Hepar: Sed per duos canales deriuatos ab ista magna glandula, quam appellat chyli receptaculum, illum deuehi ad venas subclauias, inde relabi in truncum venæ Causæ, & distribui cum Sanguine Cordis dextro ventriculo, ibi confici Sanguinem ex isto chylo, non in hepate, quod est dumtaxat emunctorium bilis contentæ in Sanguine venæ Portæ, & pistillum succutiens istas venas lacteas ad faciliorem ascensum chyli. Fateor quidem istum Iuuenem non indoctum, istos duos tubulos lacteos ad superna repentes inuenisse, sed vsum verum prorsus ignorare, atque imperitè sanguificationem hepati eripuisse, vt ineptè tribueret Cordi. Qua de re in isto tractatu cū ipso disputabo de vsu istarum venarum lactearum, non de hyparxi & existentia. Laudo tamen eius scrutinium Anatomicum, & diligentiam in ista perquisitione venarum lactearum, si tantummodo declarasset

clarasset non *τὸ δῖον*; maiore laude dignus fuisset. Quæ in cane *Gayanus* Chirurgus & Anatomicus peritus mihi demonstraui, ideoque istos canales lacteos iure vocabo *Pecquetianos*, vt in Pancreate canalis *Virsungianus* nuncupatur, ne putet me illi iniuriam facere, & istud inuentum obscurare velle, vel mihi arrogare. Dumtaxat improbo istarum venarum lactearum vsum ab eo assignatum, & insolentiam; qua vltus est aduersus præcedentes Anatomicos, tanquam ignaros rei Anatomicæ.

Pag. 2. Sic autem orditur suum libellum. *Istarum venarum inuentor primus Asellius, venas veras lacteas aperuit, sufficit, non est spernendum iudicium, ut ut sit exiguum. De his mentionem fecere HARVEVS, Valleus, Veslingius, Conringius, Bartholinus, & Riolanus: Omnes tamen decepti, pace tantorum virorum dixerim, quod per tres, quatuorve ramos chylum ad Hepar deduci crediderint, quum nullo modo ipsum attingant. Ipsorum nemo peculiari scrutinio, lactearum venarum intra thoracem latebras tentauit.*

Inuentoribus artium magna laus debetur, inquit *Aristoteles*, eorumque inuentis facile est addere; nisi *Timotheus* Musicam inuenisset; in ea *Phrynis* non excelluisset. *Asellius* primus istas venas detexit; inde

146 *Ioannis Riolani Responſio*

gloriam ab Anatomicis peritis meruit. *Iuuenis iſte, qui vix primos iuuentutis annos adeptus eſt*, iudicium eius de traductione chyli per vias diuerſas à venis Meſaraicis, exiguum, & leuidenſe iudicat; atque ſpernit, ac eludit, cæteros Anatomicos tanquam cæcos reputat; qui erroneam eius opinionem ſequuti ſunt, velut oues balantes, quæ primam ſequutæ, in foueam præcipites feruntur; RIOLANVS etiam notatur, quamuis ea de re iudicium ſuum pronuntiarit, & ad uſum Medicum iſtas venas lacteas reuocarit, & iterum quid ſentiat de iſtis venis nouiter inuentis, candide poſtea declarabit.

Pag. 3. Nunc ſequitur deſcriptio inuenti noui. *Receptaculum quoddam tenuiter membraneum, amplitudinis, quæ ſoſci ſaltem in brutis compleat intercapedinem, ſupra lumborum vertebraſ, diſſeminatarum in meſenterio lactearum liquorem excipit lacteum, id eſt chylum, refunditque per eam, qua intra thoracem abdita, ad ramos uſque ſubclauios ductu continuo propagantur, donec intra venæ Cavae caudicem aſcendentem, circa iugulares externas mixtus cum Sanguine communi, in Cordis ventriculum dextrum deriuetur, dein notat iugularium valvulas ruituro in Cordis gurgitem chylo, faciles aſcenſu penitus interdixit.*

cere. Istius Receptaculi longitudinem, & capacitatem non expressit; Quum sint venæ lacteæ innumeræ per omnia intestina sparsæ, & longitudo intestinorum circumuoluta, septies corporis longitudini sit æqualis; Atque quum in ilibus, & imo hypogastrio magna pars intestinorum iaceat, quomodo venæ lacteæ omnes possunt ad istud Receptaculum, quod situm est inter duos renes, confluere; quod est instar vesiculæ ibi locatum? Cum sint venæ lacteæ innumeræ, quomodo possunt reduci ad duas venulas, quæ deducant chylum ad subclauias venas? breuior erat via & cōmodior in Cauam descendentem vicinam. Quod si contingat mesenterium totum scirrhosum fieri, isthæc anadosis chyli erit intercepta, & moriendum, sed in ista calamitate Iecur, Pancreas, Lien habent venas in ventriculum productas, quæ exsugunt chylum, deferuntque ad Hepar, per quas nonnulli existimarunt tenuiorem chyli portionem ex ipso ventriculo in Hepar deriuari, antequam chylus ad intestina & venas mesaraicas perueniat. Oblitus est istas vias indicare.

Si venæ lacteæ, quæ sunt innumerabiles, confluant in istam lacunam chylipromam, deferuntque chylum, eius delatio ad venas subclauias, debet esse æque ve-

148 *Ioannis Riolani Responsio*

loxx, ac fuit traductio; Attamen post animalis interitum, etsi compareant venæ lacteæ, istius lacunæ recipientis chylum, & aliorum duorum canalium deferentium chylum ad subclauias venas, nulla comparent vestigia. Deinde, si ista corruatio chyli copiosa est, ad istam lacunam per innumeras venas, delatio chyli ad venas subclauias debet esse æque copiosa. Nam proportio esse debet inter venas lacteas deferentes chylum ad iliam cisternam, & tubulos duos referentes ad venas subclauias, atque consimilis esse debet proportio inter illos tubulos chyliferos, cum sanguine vbertim & affatim è Corde profiliante. At quomodo duæ venulæ ab ista lacuna deriuatæ, æquiparari queunt omnibus venis chyliferis, & chylum tam magna copia aduectum deportare, pari cursu & copia ad axillares venas, & Cordi sufficientem materiam suppeditare ad sanguinis generationem, cum non moretur in Corde Sanguis? Hoc videtur impossibile. Addo, quomodo distendi, & repleri chylo sufficienti potest isthæc lacuna exigua? quum habeat mesenterium superpositum, cum pondere intestinorum incumbentium, præsertim in supino decubitu; In obeso corpore sunt obrutæ & suffocatæ adipe circumfuso, tam membranæ renum

adiposæ, quàm pinguedine mesenterij. Quomodo ruat in Cordis gurgitem chylus, non explicat, an moram faciat in auricula dextra? Nomen gurgitis, videtur significare amplo hiatu Cor absorbere. Admirabilis iste Anatomicus, nescit iugulares externas valuulis carere, & quomodo Sanguis in iugulares externas ruere potest, cum sint remotæ, iugulares internæ sunt propinquiores. Adde quod in brutis diremptum venæ Cauæ ascendentis imperite nominat subclauios ramos, rectius axillares dicuntur, quia bruta carent clauiculis. Attamen *eis tribuit clauiculas, pag. 9. lin. 21. & 22. pag. 10. lin. 19.*

Mirum est quod emortuo animali, *istæ venæ & receptaculum confestim euanescent, nullumque remanet eorum vestigium, ex tua confessione.*

Pag. 4. Pergit, *Capitibus 2. 3. & 4. Totam suæ felicitatis historiam enarrare in fortis zelota laudem, id est sui ipsius commendationem*, tanquam sibi Suffenus, & sui operis laudator Astydamas. Ego verò zelotes generosus, priscæ doctrinæ conseruator, ac defensor, tuas nugas, de vlu istarum venarum lactearum humaniter castigabo.

Equidē non ignoro (tibi que indico) quid scripserit *Galenus* de nouis inuentionibus,

150 *Ioannis Riolani Responsio*

quas non occurrari, sed vulgari suadet, cap. 9. lib. de difficultate respirandi, his verbis: Hoc est iustum, simulque decens primum eorum qui quodcumque tandem in vita bonum inuenerunt, ut inuenta ipsorum non occultentur, neque hominibus sint ignota, sed tum ipsa appareant, tum ratio, & methodus qua quis ipse inuenit, agnoscatur, si enim ipsos pro dignitate in admiratione constitui continget. Sed ubi aliquid inuentum est, quod magnam mutationem adferre potest in arte aliqua, ab antiquo iamdudum prudenter instituta, & stabilita, qualis est Medicina, diu multumque huius rei nouæ vti inquirendus, & examinandus, atque de ea doctos, & sapientes viros in operibus artis exercitatos consulere conuenit, ne temere, & imprudenter quidquam decernatur, quod sit ridiculum, & vitæ perniciosum; qualis est tui inuenti vti à te assignatus: Si *Virsungus*, ubi canalem suum Pancreaticum Patauij detexit, ad *R I O L A N V M* scripsit, ut super eo, eius iudicium exquireret. Sic *HARVEVS* non est adhuc ausus exponere utilitates (ad praxim Medicinæ) suæ Circulationis de Sanguine, quia prius, inquit, constituendum est, quod sit, quam examinerur, quare sit, & à 24. annis super ea re meditatatur.

ad experimenta noua Anat. 15ⁱ

Pag. 13. Hactenus à mesenterio chylum in hepatis parenchyma epinio protrusit, non veritas, & sanguinei artificij tribuit immeritam nato ad alia viscera prerogatiuam; quia non ad Hepar, non ad venas Portæ, non ad Cauam prope emulgentes, chylum deriuari deprehendit. Ergo primus inuentor venarum lactearum *Afellius* errauit, & hallucinatus est, quando scripsit, & depinxit coloribus quatuor ramos siue canales lacteos ad Hepar extensos; Cæcutiebat *Vallens*, qui præter istos canales; alios in pancreas, & venam Cauam obseruauit, neque alij oculatiores fuere, qui talia prodiderunt. Forſan istos canales oculuiſti, & fregiſti, vt tuum inuentum oculis ſpectantium admirabilius redderes. Quid ſi tibi oggeram dictum *Auicennæ*: ſi ego, & tu, non vidimus hoc illudve, an propterea non eſt? Nec tibi ſauere poteſt ſola trunci ignoratio, quæ doctos nonnullos in ſuſpenſo adhuc tenet, ait *Bartholinus*, lib. de venis. cap. 3. qui ſi in Hepate demonſtrari poſſet, ſalua eſſet res. Ac ſi dubitaret de illa productione, & inſertione venarum lactearum ad Hepar: in poſtrema editione ſux Anatomix, mutauit ſententiam, illaſque adſtruit, & demonſtrauit ſcripto, & iconibus æreis. Ego verò ſuſtineo magna Naturæ prouidentia,

152 *Ioannis Riolani Responsio*

in truncum non coisse canales illos quatuor, ne tam facile ab impuro chylo obstruerentur, atque interciperetur anadosis chyli, quæ necessaria est ad vitam; nam si vnus & alter obturentur, alij remanent peruij ad traductionem chyli. At si in tuis venis lacteis dorsa libus, contingat vtramque venam obstrui, actum est de vita, defectu chyli ad Cor perenniter affluentis; & quomodo meatus isti reserari possent, si vis liquidi medicamenti non possit eo tendere, & assurgere, non video.

Pag. 17. Videte iuuenis iactantiam, *Ex vniis plusquam centenis animalibus exteratis id didicit, quod trinum canicidium tibi dabit, ut expono. Nec solos canes adhibuit, & inspexit, sed omnigenum pecus, boves, equi, sues manus eius cruentarunt.* Attamen in ouibus quoddam discrimen inuenit, quia non duplex ramus ascendit ad iugulares sed vnicus, quod tamen in aliis rariuscule obseruauit. Dubito an in bobus, suibus, equis, id obseruarit, quia boues post iugulationem instantur baculo fortiter percutiuntur, nec nisi frigidi resecantur; sues similiter stipularum igne vstuantur; Equi non nisi mortui efferuntur extra urbem ex morbo perempti; in quibus non extant v. stigia istarum venarum lactearum statim post obitum. Id re-

ctius, & fidelius administralles in agnis, vitulis, capreolis bene pastis, vt in canibus fieri assolet. Miror cur omiseris feles, animalia domestica; quorum magna copia; mentionem eorum non fecisti, quia in illis non inuenisti venas istas lacteas.

Pag. 18. Audacter pronuntias, etiam hominibus non esse disparem chylosa substantiæ officinam. Ego contra, officinæ dissimilem esse structuram affirmare auserim, quia si extat in brutis, non sequitur reperiri in homine, nam hominis, & bruti fabricæ partes internæ, sunt prorsus dissimiles, si accurate spectentur, & nisi hominem viuum secueris, nunquam inuenies istas venas lacteas cum receptaculo chyli; quia in brutis statim ab internectione, euanescunt, & abolentur, vt tu ipse asseueras, vt ne quidem ipsarum vestigia conspiciantur.

De existentia & hyparxi venarum lactearum in homine, tua probatio nititur *Observatione Gassendi*, sed aliter describit, & alios vsus assignauit. Verum est, istas venas lacteas ab *Asellio* descriptas, in homine extare, id à me olim publicè in Scholis demonstratum cum admiratione, etiam si tum essent mihi ignotæ venæ lacteæ *Asellij*. Deinceps id conabor in hominibus supplicio addictis, & genialiter pastis ac sa-

154 *Ioannis Riolani Responsio*

turis obseruare, mox a strangulatione apertis : (si liceat per Iudices , & Confessarios) ante supplicij denuntiationem, cruciarios laute alere.

Tandem producit Testes , *Sua inuentio-
nis oculatos admodum, & in rebus Anato-
micis eruditos viros , qui epistolis conscriptis,
& editis , eius inuentum approbarunt, &
vidisse profitentur.*

Magnum est istud testimonium , præsertim Medicorum Parisiensium, quis aucter postea dubitare ? Oculatiores adhuc debebat consulere , seniores Scholæ in rebus Anatomicis , & artis operibus versatos ; Nam ubi corporis oculus deflorescit , mentis oculus magis exsplendescit, *inquit Plato : Ætas , ex Plauto , sapientiæ condimentum est , atque istorum seniorum iudicium exquirere , priusquam statueres , tanquam Iudex supremus de usu istarum venarum, & de actione noua Hepatis, cum sit res magni in Medicina momenti , quæ nos , à Medicina inuenta & condita , ridiculos, impostores. & homicidas declarat ; ista propositio est intolerantior libris Helmontij. Ecquid aliud sonant hæc verba primæ Epistolæ , scriptæ à Iacobo Mentello , viro Patricio , dignissimo eius Pronepote, cui Typographiæ inuentum debet Orbis ; Addo inuentore mune-*

ad experimenta noua Anat. 155

ris, etiam Diis inuidioso, quando immortalitatem non solum dedit, verum etiam in omnes terras misit, vt præsentes vbi-que, & claudi possent. *Plinius, lib 35. cap. 2. de pictura.*

Hæmatosis solum à Corde præstat, inuenta à Pecqueto non vulgaris notæ Anatomico, de immensitate naturæ bene merito, in quem Peripateticorum Principis animus migravit. Macte hac luce iuuenis oculatissime, inauditaque reconditoris anatomæ cognitione, cuius inuentum sine controuersia mirabilius, omni in naturalis œconomia cognitione fert punctum, magno rei Medicæ commodo.

Alter ab Adamo primo hominum parente structuram venarum istarum repetit, *Quia cum ipso mundo incepit, & hoc inuento Natura videtur nobis exprobrare præposteram de ea, ex nostris cogitatis arbitrandi consuetudinem.*

Tertius Encomiastes sic loquitur, *Inuento de venis lacteis nobilius ætas nostra non vidit. quodque aut orbis delectationi, aut præclarissimis artificibus tanto præferendum puto, quanto sanitas auro, commodo, aut voluptate præstat. Nonne tum omnia in Medicina immutanda sunt, cum recepta sententia de chyli in Sanguinem mutatione à iecore facta, penitus innitantur, quæ con-*

156 *Ioannis Riolani Responsio*

*stat minime fieri ; unde iam vix reperire est
paginam in libris , tum Medicis , tum Ana-
tomicis , in qua crassi errores sæpius non oc-
currant.*

Post istos laudatores , quis non procla-
maret , *Tu es Pecquete , Galli . a filius alba ,
nos viles pulli , nati infelicibus ovis .* Atque
ad maiorem venerationem , tanquam no-
uo Medicinæ conditori ,

— *tibi lilia plenis*

*Ecce ferent Nympha calathis , tibi Can-
dida Naïs*

*Pallentes violas , & summa papavera
carpens ,*

*Narcissum , & florem iunget bene olen-
tis anethi .*

Itaque vera doctrina aut peritia Anato-
mica , deinceps consistet in extispicio vi-
uentium animalium ad indagandas actio-
nes viscerum , quod non improbo , si non
confestim aperto thorace , & abdomine ,
remotis ac rescissis partibus extingueret-
ur animal ; sed ista fieri viuento animali
nequeunt . Consistendum igitur in vera
anatomye partium corporis humani , vn-
de cognoscitur naturalis conformatio vi-
scerum , situs , & progressus , valorum con-
nexiones , & communicationes inter se ,
musculorum origines & insertiones , va-
lorum progressus , vt inde cognoscant

Medicus & Chirurgus, in læsionibus & vulneribus partium, quomodo mederi liceat, prædicere euentus morborum salubres vel funestos. Quapropter Anatome de venis lacteis, & Circulatione Sanguinis in viuentibus animalibus apertis, perit tantum Anatomicis conuenit. Nec tanti est momenti ad vñum Medicinæ, quanti cadauerum humanorum confectio & contemplatio. Optarem vt isti laudatores huius Operis demonstrarent, ex ista obseruatione noua, emouimentum, quod accedere debeat ad vñum Medicinæ, & curationem morborum, qui solent attribui hepatis, ex læsa vel abolita sanguificatione.

Pag. 75. Vt continuato cursu persequar istum discursum de tuis venis lacteis, relinquo tuum tractatum de Sanguinis Circulatione, quem postea examinabo, & ista mechanica artificia de vacuo prætermitto, quæ nihil faciunt ad rhombum. Sapienter Vallæus pag. 75. dixit, nos equidem præclarum semper Erasistrati institutum æstimauimus, omnia quæ in corpore nostro contingunt mechanice explicare, sed diuinam Sapientiam sua metiri temerarium indicamus: eas verò machinas esse statuendas, quas euident ratio, & potissimum sensus ostendunt.

158 *Ioannis Riolani Responſio*

Nunc ad chyli motum accedo, *Quem ſcribis exprimi per apertos porulos trans inteſtinorum tunicas, in lactearum canaliculos ſecedere; Naturam vero mirabili illitu, introrſum quod rugoſum, aut ſpongioſum, molliſſima ſubſtantia peritroma agglutinaſſe.* Omnes Anatomici agnoſcunt tunicam inteſtinorum eſſe carnoſam, ut exſugatur chyli tenuiorem portionem, & ſi acrimonia præterlabentium humorum erodatur, reparari queat; Propterea iſtud rugoſum, & ſpongioſum non reperitur in inteſtiniſ, niſi loricatio quædam, vel in-cruſtatio pituitoſa.

Pag. 76. Chylum non trahi ſic probas, *Sine liges in meſenterio lacteas, ſine intra thoracis caueam eaſdem innodaueris, trans vinculum, hoc eſt verſus inteſtina, tumefcentes attractoriam ſententiam ſuffocabunt.* Iſtud experimētum tibi non militat; nam non dicis infra vinculum, verſus receptaculum vacuas eſſe lacteas innodatas, ſed tantum tumefcentes verſus inteſtina appa-
 .. parere. Non eſt veriſimile *receptaculum membraneum*, chylum prolectare, ideo-
 .. que propelli chylum in lacteas venas, ut aſſeueras. Ac proinde eludis comparationem illam de hirudinibus, quæ ſugunt Sanguinem: ſic venę meſaraicę, *inquit Galenus*, inteſtiniſ affixę eliciunt chylum,

ad experimenta noua Anat. 159

& alibi venam Portam suis ramis tanquam manibus attrahere chylum scribit. Nugaris dum follicantis pulmonis opera turgescunt hirudines, Sanguinem in earum ventriculum immitti. Ergo pulmones habent hirudines, potestne id fieri sine suctu.

Non missura cutem nisi plena cruoris hirudo.

Dum applicantur hirudines, sunt vacuæ, sensim turgescunt sugendo. Inueni apud Vlysses Aldronandum, lib. de insectis, in hirudinibus unum, continuumque ductum adesse ab ore usque ad caudam. Nec Monfetus Anglicus, lib. de insectis, de pulmonibus hirudinum loquitur. Istis perspicacior fuisti, ventriculum adhuc obseruasti.

Pag 77. Intestinis, & ceteris corporibus membranosis contractio propria, dilatatio extranea. Disce docendus adhuc, nulla corpora membranosa, contrahi, nisi habeant aliam membranam carneam, quæ ratione fibrarum capax est contractionis, quando dilatatur à corpore extraneo adueniente; sic ventriculus ratione membranæ carnosæ, intestina pariter ratione istius carnosæ substantiæ, quin etiam vesica, & vterus post dilatationē, ubi vacuantur contrahuntur, modo dilatatio non fuerit maxima; Nam ruptis, vel nimium laxatis fi-

160 *Ioannis Riolani Responsio*

bris, non possunt partes illæ contrahi; inde redduntur imbecilliores.

Pag. 77. Miror istius iuuenis supinam ignorantiam, *Qui extispicium in canibus plusquam centenis exercuit, nec unquam in animalibus viuis motum intestinorum peristalticum obseruauit.* Instar longioris lumbrici, sese per partes successiue reuoluti vel motitantis, quod alibi scripsi, & sæpius publicè demonstraui, aperto abdomine viuientis animalis. Istius rei ignorantio reddit suspectas tuas in viuis animalibus obseruationes. Sed audi *Doctissimum HARVEVM*, testem fidelissimum, qui meditando, & scribendo Anatomica, meliorem vitæ partem inter experimenta consumpsit. *Lib. de generatione animalium, pag. 227. Intestinorum motum, in viuorum animalium dissectione sæpius conspicatus sum, intestina sese undoso motu contorquent, qui tanquam circumdato annulo strictiore & depresso, aut digitorum opera constricto fieret, chylum & excrementa ad inferiora promouent. In brutis femellis vuluæ cornua, instar lumbricorum terrestrium sese mouentia sæpius conspexi, & aperto uteri sinu undosum ac testudineum motum, quasi uterus esset animal in animali, motumque proprium exerceret, similem quoque motum in marium testiculis, & scroto obseruauit.*

obseruauit. Noui mulieres, quibus palpitationes in utero præ spe gravidationis imposuerint. Tanti viri testimonio quid respondebis? ausisne contradicere? Ipsemet Pecquetus sui immemor, pag. 73. affirmat, *billem acriorum, intestinorum membranas in rugas coangustare, idque obseruasse discissa duodeni membrana*. Cur bilis defluens per intestina non irritabit, vel motitabit intestinorum membranas ad chyli depulsionem, è partibus supernis ad inferas? Sed iuuenis iste ignorat necessitatem istius motus in intestinis, nam cum per suas revolutiones tangant omnes partes abdominis, eas excitant ad suum officium, nec vnquam vidit in vulnere abdominis rescisso peritonæo, cum impetu egredientia intestina sese mouentia, & difficillime compelli, nisi vtramque manum admoveas cum alterius ministri subsidio.

Pag. 78. Ut motum chyli in venas lacteas demonstret, *Duplicem assignat causam, Respirationem, & in abdomine, thoraceque musculorum contractionem, qualem excitat, excernendorum ex intestinis recrementorum, vel exonerandæ vesicæ, forsan, & felleæ cystidis vacuandæ necessitas* Quomodo id fieri potest in brutis animalibus, quæ prona terrâ spectant, & tuæ venæ lacteæ supra lumbos & dorsum sunt

162 *Joannis Riolani Responsio*

instratæ, longissime distantes ab ista impulsione. Possuntne intestina luperne adeo reuelli per contractionem musculorum, vt comprimere valeant istas venas lacteas? Hoc nescitum est.

Pag 79. Propterea aliam perpetuam causam illius impulsions queris in respiratione, cuius motu dilatatis; & contractis pulmonibus impulsione chylī in venas lacteas fieri putat. Attamen tunicam pulmonum solidam, & imperuram esse statuit, quod insufflatis pulmonibus deprehendit falli turpiter Chirurgos qui expirantem è vulnere thoracis aërem, candelam extinguere putant. Testimonium adducit RIOLANI, qui tamen contrarium scripsit in *Anthropographia, cap. de pulmone* quò remitto Lectorem pro responsione ad hunc articulum.

Interim monebo HARVÆVM, lib. de *generatione animalium*, pag 5. meæ opinioni fauere, scilicet membranam exteriorem pulmonum esse foraminulentam, aërem quoquoque un extra pulmones in alueum thoracis effundi, & ad inferiores partes penetrare; atque auibz asperæ arteriæ fines trans pulmones descendere in abdomen, atque in gallo Indico, & gallinaceo ipso immisso in tracheam arteriam stylo, transitus è pulmonibus in cavitates abdominis apertos & patentes inueni.

ad experimenta nona Anat. 163.

Aër in eorum pulmones follium opera inspiratus , non sine impetu ad inferiora pertransit.

Pag. 80. In respiratione dum pulmones dilatantur , deorsum premunt diaphragma , iecurque , quod tum pistillum agens succutientis per intervalla molis gravamine adigit chylum , non tantum è ventriculo , & intestinis secedere , sed etiam in lacteas impellit. Non explicat in qua parte respirationis pulmones dilatantur , & diaphragma deprimitur. Dein Hepar tangit dum taxat colum intestinum in homine , vel potius illi suppositum est , nulla alia intestina comprimit ; Per omnia volumina intestinorum sunt dispersæ venæ lacteæ , at intestina gracilia in lateribus , medio , & imo ventre collocata , & disposita iacent : Crassa superne reducta & revolta sunt instar arcus , vel sepimenti tenuia circumdant . In brutis contrariis est intestinorum situs. Quomodo in his iecur pistilli vicem obire potest suo pondere ?

Addis hunc etiam motum compressuum innuare possunt ventriculus , & intestina. Non video quomodo id præstare queant , nam deorsum vergunt in brutis , quæ prona terram spectant , etiamsi bruta in latera iaceant , in quo situ diu stare nequeunt. Deinde , secundum ductum &

164 *Ioannis Riolani Responsio*

progressum venarum lactearum intus supra dorsum, & lumbos, nulli sunt musculi extensi, vel accumbentes. Atque apophyses nervosæ diaphragmatis sunt immobiles, nec distenduntur. Ergo chylus venarum lactearum vel sponte labitur supra Cor ascendens, cum nullo modo propelli queat, vel attrahitur a Corde, quod est impossibile ratione canalium dissimilium (a venis istis lacteis) quibus adnectitur.

Pag 81. Ridicula proponit de motu diaphragmatis, *Quæ curiose affirmat observasse in animalibus vivis. Dividit diaphragma in duas partes æquales, ac transversas, quarum una respicit cartilaginem xiphoidem: altera dorsum, dum diaphragmatis partes posteriores deprimuntur in aspiratione, eodem ferè momento vehementi contentione attolluntur anteriores: In expiratione diaphragmatis anteriora simul cum sterno decidunt, & ascendunt unà cum vicinore ventriculoque suspensis, posteriora* Quæro nunc, quomodo in aspiratione pulmones penduli, subtus cum hepate ventriculi subsultu comprimunt inferiora? nam si attolluntur anteriores partes diaphragmatis, eleuatur iecur, nec amplius pistilli officio fungi potest, molis grauamine & subsultu; imò potius in ex-

piratione, dum anteriora deprimuntur, fieret isthæc compressio, & propulsio chyli in venas lacteas. Adde quod inferior medietas diaphragmatis in expiratione non potest ascendere, propter carnosas illius appendices immobiles, quæ impediunt elevationem diaphragmatis. Præterea, si Iuuenis iste sciret diuersam esse conformationem diaphragmatis in homine, & brutis, non dixisset diaphragma in duas partes transuersas sectum; & secundum diuersam medietatem diuersimode moueri, quod etsi verum esset in brutis, non sequitur idem in homine reperiri; Quia in homine, centro nerueo diaphragmatis est adnexum orbiculatim pericardium, atque mediastinum secundum longitudinem diaphragmatis, à cartilagine xiphoide usque ad dorsum adhærens, impedit istas diuersas motiones diaphragmatis, in utraque parte respirationis. Insuper, cum diaphragma sit musculus simp'lex, uniformis, ratione carnis, & fibrarum, quæ à circumferentia carnosâ ad centrum nerueum concurrunt, non potest habere diferentes motiones, in diuersis partibus, eodem instanti, puta in expiratione, vel inspiratione.

Præterea negat, *In pectore & abdomine musculos, quos nuncupat respiratorios, quid-*

166 Ioannis Riolani Responſio

quam conferre ad eam actionem, per ſuam experientiam in viuo animali. Attamen ſcripſit pag. 78. Muſculorum in abdomine & thorace contractionem vehementem tororum enixum non parum viſcera comprimere, & ex inteſtinis chylum in venas lacteas protrudere,

Quo teneam nodo, mutantem Protea vultus?

Pag 83. & 84. Quoniam in explicacione viarum, per quas chylus purus & impurus traducitur ad Cor, abſurda multa propoſuit.

Speſtatum admiſſi viſum teneatis amici.

E ventriculo non pauca ſape, ut ad anum, vel ad veſſicam proueniunt arte requiſite coctionis complementum: Nec à ventriculo alia patet via, praterquam lactearum ad veſſicam via extat. Nec mihi tu vas breue obieceris. ut ab eo ad lienem, indeque per iecur effuſa colligantur; iterum ut in or aſcendant, ac in arterias deinde contruſa, tandem per emulgentes præcipitent: Exiſtimat ergo potius per pylorum eos è ventriculo liquores effluere. & ex inteſtinis per lacteas in detectum ab ipſo ſub meſenterio chyli receptaculum irudi, atque illinc partim per chyloſam thoracis ſemitam, in Cor sanguinis officinam confluere, partim à chylo ſepa-

ad experimenta noua Anat. 167

ratos in adjacentes hinc inde renes, vel per emulgentium arteriarum adhaerentium firmiter chyli receptaculo truncorum, qui ob id fortassis illac seius intus prius est, & instar incerniculi transcolando sero idoneus, vel si manus atrabiliariarum quae adjacent Capsularum, vel peritonei, cuius ob partium viciniam non parum deuehendis obnoxia duplicatura liquoribus ministerio diuertere. Certè nulla commodior mihi quidem ostenditur via, rebus, quae saepius absque coctione non solum, sed non concepto calore ventriculo defluunt, excernendis. Quot verba, tot errores intolerabiles iste Iuuenis effutiit, Tyrone anatomico indignos, quos breuiter patefaciam, atque vias alias apertas & manifestas ad vinum & aquas minerales excernendas declarabo. Itaque si chylus impurus absque coctione, sed ne quidem concepto calore, id est crudus ac indigestus per venas lacteas ascendit ad Cor, transeundo per pulmones deuoluitur in Aortam; si hoc ita fit, nonne potest inquinare Cor, & pulmones labefacere, & arteriosum Sanguinem. Si ex se fix mutatarum carniū celspitans intra venas, potest massam sanguinis corrumpere, quid non faciet in istis principalibus visceribus chyli inquinamentum? Absurda est via, quam fingit ille, Forjan chylum

168 *Ioannis Riolani Responsio*

*bunc impurum traduci in emulgentes artē-
rias, inde in vesicam. Quare non indaga-
sti istam anastomosim per tua experimen-
ta in viuis animalibus. Aliam adhuc viam
cōminiscitur abiurdiorē, Cap uic atra-
biliaria adiacentes possunt istum humorem
impurum excipere & in renes transmutare,
hinc in vesicam. Facilitatem istarum Capu-
larum atrabiliarium alibi demonstravi in
mea Anthropographia: abturdissima est hæc
tertia via. Deuicenis liquoribus obnoxia
est duplicatura peritonei ob partium vici-
niam, potest eo diuertere chylus impurus.
Sed quomodo intrabit vesicam, nisi ero-
dat, vel ibi pariat abcessum, vel per dia-
pedesim ingrediatur vesicam, ut olim A-
sclepiades & Lactantius vrinam intrare ve-
sicam crediderunt. Doctus iste Anatomi-
cus non putat vllas vias commodiores
ostendi posse. Vis scire vias potum inmo-
dicum aquarum mineralium, & vini lar-
goris hausti excernendi nosse, indicabo
ex Aristotele, quem tuæ ridiculæ opinionis
authorem fingis, nec vnquam legisti. Lien
appositus est ventriculo, ut ex eo attrahat
superfluas humiditates. Animalia quæ ca-
rent liene aut parce, aut nullo modo bi-
bunt, nec vesicam habent. Inde agnosce
pulmonum consensum cum liene & vesti-
ca; ideoque aquæ illæ minerales, & vi-
num*

ad experimenta nova Anat. 169

num exsuguntur à liene per venas, in latus sinistrum ventriculi dispersas, dein per arteriam splenicam peculiarem lieni, celeriter traducuntur in arterias emulgentes: hæc via, & vera & breuissima est, designata à *Sylvio* ad expurgationem lienis per urinas.

Ridicula est via, quam designas per *P. 2* *lorum* eos è ventriculo liquores effluere, & ex intestinis per lacteas in detectum à te sub mesenterio chyli receptaculum trudi, atque illinc partim per chylosam thoracis semitam in Cor Sanguinis officinam confluere, inde per arterias ad renes. Itaque vinum & aquæ minerales deducuntur per tuas venas lacteas, & transibunt per Cor, & pulmones. Quomodo partes istæ noxam euitabunt, quam inferre possunt vinum liberaliter epotum, & aquæ minerales ad viginti cotylas haustæ. Istam viam demonstravit *Conringius* per Circulationem Sanguinis, sed imperitè; Tu per tuas venas lacteas imperitius.

Nisi confidenter negasses extra receptaculum nullas venas lacteas ferri in truncum Cauæ circa renes, facilis erat chyli inquinati euacuatio per renes, & dum in urinis sedimentum apparet lacteum per aliquot dies, & menses, merito pronuntiaasses, non esse verum pus, neque pituitam

170 *Ioannis Riolani Responsio*

putrefactam, aut puriformem: (modo dolor nullus adfit in renibus, nec fuerit unquam, neque cruentæ urinæ præcesserint) sed esse portionem chyli per venas lacteas effusi in cauam, vt obseruarunt alij Anatomici te accuratiores, & oculatiores, vel illam superficiem albicantem in superficie Sanguinis vasculo excepti conctetam, quam quidam accipiunt pro pituitoso humore corrupto: (*Aristoteles* Sanguinis portionem crudam & incoctam appellat) proferres, & ostenderes pro chylo corrupto intra venam Cauam.

Pag. 85. Sed hoc admirabile, *Quod nec in mesenterio, nec in thorace lactearum post mortem animalis vlla supersint, nec receptaculi supra lumborum vertebrae vestigia conspiciantur.* Quod arguit vanitatem tuarum venarum lactearum. Aliæ venæ lacteæ mortuo animali remanent per vnum aut alterum diem, vt in hominibus suspensis obseruatum.

Pag. 86. Tandem gloriatur, *Se post tot secula usurpatam hematoseos gloriam hepatis eripuisse, & aliud ei officium assignasse præter eam, qua fungitur, vicem pistilli, subiectas in infimo ventre partes respirationis motu percutientis; Hæpar ingenti profluvio Sanguinis quod accipit à porta, calorem in ciborum elixationem ventriculo submini-*

strat, & Sanguinem proprio parenchymate transcolat. Vtque renes eundem Sanguinem sero repurgant, lien aciditate vindicat, sic Hepar admixta bilis expedit consortio. Notat Hippocrates, lib. 4. de morbis, pueros Hepar Cor vocare, sic tu pueriliter admodum, Cor iccur appellas, si hepatis officio ex te fungitur. Demonstraui supra falsitatem pistilli hepatici, nec quidquam opitulari compressioni intestinorum ad expellendum chylum in venas lacteas. Si Hepar Sanguinem refundit ventriculo, ille erit venosus à porta manans, contra doctrinam Circulationis HARVEIANÆ, quæ docet Sanguinem alimentarium distribui tantum per arterias, venas esse dumtaxat remeabiles ad Cor. Si Hepar solo calore confert elixationi ciborum in ventriculo, refrigerabitur in latere sinistro, propter viciniam lienis, aciditatem sanguinis elicientis. Si parenchyma hepatis transcolat bilem, eam dumtaxat sanguinis, quem accepit porta ex cœliaca arteria, quia non totus Sanguis eò vergit vt percoletur. Nec ex te, Sapiens est, qui putat bilem esse excrementum secundæ cōctionis, nec alijs instrumentis, quam hepate separabilem. Ergo qui aliter sentiunt, sunt ex te insipientes!

Pag. 87. Affirmat, Bilem illam, qua se-

172 *Ioannis Riolani Responsio*

paratur in iecore, non esse secunda coctionis excrementum, sed in Sanguine generari, ex iungi illo, qui fouet Cor, ardore, & calefacit Sanguinem, qui totus bilefceret, nisi isto emunctorio hepatis expurgaretur. Vt hoc probet, adducit exemplum sanguinis materni, qui appellens ad iecur, sua bile expurgatur, & recipitur in cysti supposita hepati. Sed ille Iuuenis ignorat, nihil adeo excoctum esse atque defæcatum, quod non habeat aliquid dissimile, quod in noua coctione secernitur: sic Sanguis maternus sæpissime impurus, ex prauo victu quo mater vñsa fuerat, vt fiat foetui consocialis, iterum breuiter alteratur in hepate foetus, & repurgatur sua bile: si Sanguis ex chylo elaboratur in Corde, ibi secunda erit coctio collocanda, & sanguificationis excrementum, bilis, referenda erit ad secundam coctionem. Ergo desipis, quando negas bilem esse excrementum secundæ coctionis. Forſan dices, *Generari bilem à iungi illo, qui fouet Cor, ardore, & calefacit Sanguinem, qui totus bilefceret, nisi isto emunctorio hepatis expurgaretur.* Tu facis Cordis calorem igneum, in suo statu naturali incendiarium, quem omnes blandum, & benignum agnoscunt, nisi per febres & alias causas externas accendatur. Quid respondebis *Aristoteli, lib. 1. de histo-*

via animalium, cap. 17. iecur magna ex parte, maximoque animalium numero felle caret, ergo non est destinatum iecur expurgandæ bili Sanguinis, cum istud officium omnibus iecinoribus conuenire debeat?

Pag. 88. Ipse dum præuideret obiectionem illam de Sanguine arterioso cœliacæ arteriæ, qui in portam transmittitur, ac proinde non totum Sanguinem transcolari per Hepar, *Adducit sagacitatem naturæ in Circulari motu Sanguinis*, qui per varias periodos, sine circuitu vniversum Sanguinem tandem in eadem hospitia succedere facit. Attamen fatetur ingenuè, quomodo id faciat non video, nisi totus deducatur per cœliacam arteriam. Quod si fiat, non excurreret ad imos pedes, sed oblique ante exortum emulgentium arteriarum deriuabitur totus in cœliacā arteriam, atque exangues erunt iliacæ arteriæ, nec refluere Sanguis ab infernis partibus ad superiores, quis vnquam hoc somniauit Anatomicus, ingenij portentum?

Pag. 88. Quærit, *Quare cum sero Sanguinis quod emulgetur à renibus, bilis etiam non efferatur*. Tanti me, inquit, fateor, latet causa miraculi. Mox confugit ad varietatem figurarum feri & bilis, quibus penetrantiores reddantur, bilem propterea renum

174 *Ioannis Riolani Responsio*

imparem meatibus, eò non posse diuertere. Sic sepia effuso atramento piscatorum manus effugit, & ridiculum est in liquoribus fluidis figuras inuestigare, & adducere, vel fingere.

Pag. 91. Triplicem bilem statuit ex Sanguine, qua cum sero diluta secedit per urinas, duplicem, alteram in iecore demonstrat, subtilior in cystidem influit, altera crassior fluit per hepaticum meatum, ambarum effluxus interiorem intestinorum tunicam mobilitant, & clysteris naturalis vires obeunt, & mixtim cum recremento excernuntur; aciditas abit in nutritionem lienis. Ergo bilis in hepate secreta & collecta, effunditur in intestina. Ergo potest inficere, & corrumpere chylum, qui non poterit intra venas lacteas istud fel exuere. Videmus sæpissime fæces croceas excerni, urinas simili tinctura præditas, an ideo chylus sincerior? Itaque bilis chylum inquinare potest, & ita transmissus, ipsum Cor, & pulmones, massamque sanguineam insigniter foedabit, ipsumque cerebrum, quum à Corde per carotidas suum Sanguinem, & spiritum depromat. Lien quomodo aciditate, siue iucco crudo nutrirî potest? Ergo talis inerat Sanguini arterioto simul cum bile, ideoque Sanguis ille Cordis multis impuritatibus sca-

ad experimenta noua Anat. 175
tet & sordet, quæ in vniuersum corpus
deferuntur, priusquam transeat per cœlia-
cam arteriam, vt in hepate repurgetur.

Profecto in hoc tractatu Iuuenis som-
nia animaduerto, quæ ipsius inscitiam in
rebus Medicis & Anatomicis manifeste
declarant.

*Commentatio aduersus nouum de Ve-
nis Lacteis Commentum.*

RARA temporum felicitas, inquit
Tacitus, ubi sentire quæ velis, & quæ
sentias dicere licet; Id nimis hodie licitum,
neque legibus vetitum in Religione, &
Medicina, magno Reipublicæ detrimen-
to, dum nouis opinionibus, erroneis, ac
perniciosiis, quisque ad libitum indulget;
prisca auorum nostrorum vera Religio de-
struitur; atque Medicina vetus ac vera, tot
sæculorum experientiis confirmata cor-
rumpitur, nouis figmentis opinionum, &
venenatis pigmentis medicamentorum,
ad necandos homines introductis, & im-
pune exhibitis. Nunc vt quisque vult fin-
git facitque Medicinam; libertas vnicui-
que concessa dandi quidquid lubet pro
medicamento. Iam non sanat Medicina,

176 *Ioannis Riolani Responsio*

sed quidquid videtur sanasse Medicina est. Imò iam maxima pars scientiæ cœpit esse, sanare non posse. Id accidit ex veræ Medicinæ ignorantia, docti, peritique Medici contemptu. Nec mirum si tot falsis opinionibus conspurcata & deformata spectetur Medicina, vt pristinam faciem vix retineat, ac præse ferat. Ad euertendam hominis structuram symbolam suam attulit *Pecquetus*, sua doctrina noua, ac inaudita, quæ veterem atque hodiernam siue nostram Medicinam funditus euertit, tam in Physiologia, quàm Pathologia, & Therapeutica. Quippe si iecur non est amplius pars princeps, naturalis facultatis sedes, sanguificationis opifex, sed vili ministerio addictum, nempe bilis excrementitiæ expurgationi in Sanguine venæ Portæ contentæ; morbi, qui in hepate collocantur, ex eius actione læsa, scilicet imminuta vel abolita attractione, & retentione chyli, vel ex frustratione sanguificationis, quales sunt diarrhœa chylosa, diarrhœa hepatica, cachexia, atrophia, hydrops; non amplius dependebunt ab hepate, sed ex istis vasis lacteis nuper detectis, vel ab ipso Corde, & pulmonibus. In istarum partium commemoratarum curatione non amplius respiciendum erit iecur; Nec ad id viscus dirigenda erunt

remedia. Propterea nouam medendi methodum inuenire, & condere necessum est; Nam si Hepar non sit hæmatoseos officina, frustra corruptiones massæ sanguineæ reperuntur ab hepate, frustra laboratur in eius correctione, & expurgatione, frustra accusatur Hepar, author hydropis, ex frustrata sanguificatione, frustra in profluuiò Sanguinis recurritur ad Hepar tanquam ad fontem Sanguinis, eique adhibentur remedia. Turpiter hallucinatus est *Hippocrates*, cum sanitatem, & integritatem partium corporis florenti iecori tribuit. Ipsemet *Aristoteles* etiam deceptus fuit, & contra suam opinionem scripsit, iecur ad temperiem sanitatemque corporis plurimum conferre, quia finis est eorum, quæ sunt in Sanguine, & omnium viscerum excepto Corde refertissimum. Desipiebat adhuc, cum asseruit naturam excrementorum receptacula iuxta iecur apposuisse, ut genus Sanguis ab humoribus excrementitiis expurgaretur, qui innoxie ad Cor deferri non poterant. Delirabat *Aretæus*, quando scriptis prodidit, quanto ad sanitatem iecur melius est, tanto deterius à morbis afficitur. Si lien parem habet usum & officium cum iecore ad expurgationem massæ sanguineæ sugendo aciditatem, nullatenus ad sanguificationem

178 *Ioannis Riolani Responsio*

opitulabitur. Delirarunt omnes Medici & Anatomici, quando de actione lienis tractarunt. An humori melancholico discernendo, vel excipiendo inseruiret, an hæmatosi defectu iecinoris male affecti aut corrupti, an superfluas humiditates chyli emulgeret & absorberet, ut voluit *Aristoteles*: omnes Peripatetici, qui ex professio patrocinantur *Aristoteli*, statuunt in iecore præparari Sanguinem, perfici in Corde, ibique vim nutritivam, ac vitalem, atque calorem assumere, eo in loco adhuc recoctum, ut fiat vitalis. Decipiuntur quotidie Medici, falluntque suos ægrotantes, quum ortum, & fundamentum morborum pene omnium constituunt in obstructionibus hepatis, lienis, mesenterij, pancreatis, & ad partes illas referendas remedia sua dirigunt; Nullum viscus magis obstructionibus obnoxium prodidit *Galenus*, quam Hepar, propter variam alimentorum mixturam, quibus conflatur chylus, quinetiam propter vasorum exilitatem, quæ in hepatis substantiam disseminantur. At si iecur non amplius admittat chylum; isthæc morborum causa cessat. Nec amplius querendæ morborum diuturnorum & contumacium causæ in obstruct onibus istarum partium iam commemoratarum,

Itaque crudus, indigestusque chylus ex variis eduliis conflatus, per longissimas venas, à lumbis ad subclauios ramos venæ Cauræ deductus Cordi diditur. Ac proinde Cor erit chyli cacabus, (vt loquitur ille) ollaque coquinaria elaborando Sanguini destinata, atque per ventriculum dextrum in pulmones suas sordes ibi relinquit, vel secum reuehit in ventriculum sinistram Cordis, inde in Aortam, quæ prima recipiet sordes, antequam ad venas perueniant; Si Sanguinis per venam Cauram labentis bilis secernitur in renibus, si bilis Sanguinis per venam Portæ fluentis separatur in iecore, vtraque bilis continebatur chylo, & sic impurus traditur, & truditur in Cor & pulmones, nec fit istius excrementi secretio, nisi post multas reuolutiones Sanguinis per venas & arterias. Ergo Cor & pulmones deterius nutriuntur quam reliquæ partes corporis, quia primæ excipiant impurum chylum. Atque eodem Sanguine impuro per carotidas arterias transmissio, cum spiritu vitali cerebrum nutrietur, ex quo suum animalem spiritum cudet, & formabit: (qui debet esse purissimus & subtilissimus) quod ipsi cerebro, eiusque functionibus, tam ministris, quam principalibus non potest non officere, & incommodare;

180 *Ioannis Riolani Responsio*

Nam portio Sanguinis arteriosi, qui per truncum superiorem Aortæ transfertur in partes superiores, si comprehendas caput, æqualis erit alteri, qui ad partes inferiores ablegatur. Ac proinde in omnibus pulsationibus Cordis admissus in Corde chylus & expulsus cum Sanguine, cerebro non leuem noxam inferre potest. *Præterea, in hepate fatetur duplicem bilem contineri, unam subtilem in cysti: alteram crassiorem, quæ per meatum fluit; utramque expurgari per intestina.* Ac proinde inquinabit chylum, qui cum isto inquinamento per venas lacteas dorsales deferretur ad Cor. Sed quorsum in isto Sanguine Portæ eiusdem naturæ duplex bilis reperitur in hepate diuersis locis secreta, & recondita: (quod deprompsit ex RIOLANO, qui causas assignauit in sua Anthropographia, capite de cysti fellea) ipse non explicat.

Si ab hepate diarrhœa biliosa assidue fluat per intestina, chylus erit conspurcatus, biliosis, prauisque humoribus refertus, qui ad Cor ascendent.

Interdum alimentum liquidum in valetudinariis, & ægrotantibus non potest in chylum verti à ventriculo male affecto. Attamen si istud alimentum fuerit succi laudabilis, attrahitur & emulgetur ab he-

pate exsucco, vt queat alimoniam famelicis partibus suppeditare: tumque in Sanguinem qua enicunque vertitur. At si iste succus a venis lacteis extugatur, loco chyli delatus ad Cor, periculose nocebit Cordi & pulmonibus, totique arterioso, & venoso generi.

Scriptum est ab *Aristotele*, & repetitum à *Plinio*, solum in Cor in corpore vitiiis non maceratur, nec vitæ supplicia trahit; si putredinem intra se concipiat, nullum est remedium tam potens, & efficax, quod eam possit eluere, aut emendare, ex *Galen.* Itaque non est probabile naturam voluisse, Cor principem corporis partem sordibus obruere. Nam eius gratia sunt reliquæ partes corporis conditæ. Cum igitur anima multorum opinione habiter in Corde, & Sanguis arteriosus perhibeatur animatus beneficio animæ; Quis sanæ mentis credat Cordis viscus, solum animæ, Solis astrum, in suo conclauis culinam corporis exercere, & omnes impuritates aluinę regionis eò transferri; si hoc ita fieret, miserabilis & ærumnosa foret hominis vita, multis incommodis obnoxia, ex sordibus chyli supernè remeantibus:

Si venæ istæ lacteæ sint instratæ, & firmiter affixæ vertebris lumborum, & dorsi,

182 *Ioannis Riolani Responsio*

cumque sint tenuissimæ, ac proinde fragibiles, si luxantur vertebræ plurimæ in cyphosi magna, dum violenter spina in lumbis & dorso contorquetur; possunt istæ venæ simulque receptaculum chyli effringi in violentis motionibus lumborum.

Et si supra lumbos iacet inter duos renes & musculos Psoas, istud Receptaculum, quid opus est incitabulo per hepatis pistillum, beneficio respirationis? quid contractione musculari? Nec alia opus est probatione, per mechanica artificia, si solus motus lumborum sufficit ad pelendum chylum, quod tu ignorabas.

Quamvis venæ lacteæ existent reuera, non omnes tamen Anatomici, qui eas admittunt, in usu, & officio conueniunt. Nam *Gassendus*, cuius auctoritatem adducis, ad alios usus ipsas accommodat, & chylum bile infectum esse statuit, ac in venis lacteis flauescentem reperiri. Quod refutaui in meæ Anthropographiæ Mantissa; Eodem tempore *Follius Venetus*, tum Iuuenis quando scripsit, eandem opinionem Italicè proposuit, cui respondit paucis verbis *Bartholinus filius in sua Anatomie secunda editionis*. HARVEVS peritissimus Anatomicus, inuentor & author Circulationis Sanguinis per Cor & pulmo-

nes, venas lacteas flocci facit, & chylum per venas mesaraicas exlugi ab hepate putat, & sustinet, quod mihi, cum reuera existent, & manifeste spectentur. Hoc me dubitare facit de eius experientiis, in viuientibus animalibus. Aij per canalem *Virungi*, chylum ad pancreas deferri putant, & in viuus lacteo succo refertum inueniri. Ego non inutiles esse credo venas lacteas; sed ad reuehendum chylum ab intestinis ad Hepar conditas fuisse. Ad Cor verò chylum deferre impossibile, propter distantiam Cordis octo digitorum interuallo ab insertione venarum in ramos subclauios, (rectius axillares dicerentur:) Nam si Nature fuisset intentio ad Cor per venam Cauam tuam transmittere chylum ad Sanguinis confectionem, potuisset iuxta diaphragma duorum digitorum distantia vel potius diaphragmatis interuallo, à dextro ventriculo Cordis venas lacteas inserere in Cauam, vt cum ascendente Sanguine chylus permixtus Cor ipsum adiret ac penetraret.

Atque cum istud Receptaculum chyli habeat vicinam ac finitimam sibi Cauam in lumbis, poterat in ipsum Cauę truncum chylus deriuari, cum per istum truncum descendentem Cauę, Sanguis assidue nocte dieque ascendat ad Cor, ex doctrina Circulationis.

184 *Joannis Riolani Responsio*

Conringius, lib de Sanguinis generatione & motu, pag 81. Notat lacteum chylum omnem non tendere in Hepar, sed portionem eius statim in venam Cauam transire subinde, ne quidem omnis lacteus chylus ab hepate coquitur, &c. Quia pars eius aliqua statim rectà in Cauam venam defluit, pag. 123. Quod ab *Asellio* primùm est obseruatum, dein à *Vallao, in 1. Epistola*

Cum autem lacteæ venę non habeant truncum vt mesentericę, ad quem confluunt & vniuntur: debent habere locum communem, in quem chylum refundant. Talis est glandula illa magna differta chyllo, non est ventriculus, sed spongiosum corpus, ex quo depromunt suum chylum, canales ad Hepar delati, alij duo *Pecquetiani* ad superiorẽ truncum Cauæ ascendentes, alij in truncum inferiorẽ venæ Cauæ insinuati.

Nunc liberè meum iudicium interponam de venis lacteis; Post multas cogitationes & obseruationes super ea re peritiõ factus, *dieꝝ diei eructas verbum, & nox nocti indicat scientiam*, vt est in Scriptura sacra. Quamuis exstent & reperiantur in animalibus bene pastis, & post quatuor horas aperto abdomine; non sequitur in hominibus consimiles reperiri; si
reperiuntur

reperiuntur, credo esse furculos rami mesenterici venæ Portæ, qui tunc temporis referti sunt chylo, quem deferunt ad Hepar per truncum venæ Portæ: Alios verò ramos interspersos per mesenterium, qui rubri comparent, & sanguinei sunt, esse ramos arteriæ cœliacæ, qui præbent etiam alimentum intestinis, quando venæ mesaraicæ sunt refertæ chylo. Tractio illa forsân non durat vltra duas tresve horas, postea remeat Sanguis per venas mesaraicas ad intestina. Cum autem in viuento animali continua fiat attractio chyli ab hepate per venam Portam, retrahitur Sanguis intra Hepar: cum iam sint opplertæ chylo venæ mesentericæ, extincto animali, & facultate attractrice exoluta, relabitur Sanguis in venas mesaraicas, tumque evanescunt istæ venæ lacteæ, propter affluxum Sanguinis, qui candorem illum destruit. Ac sane venæ lacteæ ex inuentore *Asellio*, & aliorum obseruatione, non sunt visibiles nisi in viuento adhuc animali, in mortuo disparent: Atque ex ipso inuentore nullum habent truncum, propterea frustra multi laborant in trunci inuestigatione: nec propterea discedendum ab antiqua doctrina, de chyli anadosi: nempe, per eadem vasa, diuersis temporibus, &

186 *Ioannis Riolani Responsio*

alternis, diuerfos humores fluere posse;
 chylum, & Sanguinem; imò chylum in
 trunco Portæ allumere tincturam San-
 guinis, quin etiam eodem tempore di-
 uerfos humores labi per eadem vasa possi-
 bile est, modo sint diuerſa trahentia. In-
 testina trahunt Sanguinem per venas me-
 sentericas; vicissim Hepar chylum, quam-
 diu in istis vasis continebitur. Sic videmus
 in vasculo vitreo colatorio vini & aquæ,
 nostra lingua dicitur *Monteuin* per eos-
 dem tubulos istius vasis, vinum ascende-
 re, & aquam descendere. Obseruamus
 etiam pus a partibus supernis per venas &
 arterias sincerum excerni, sine tinctura,
 aut leui Sanguinis. Flumina quædam per
 medium mare aquas suas dulces tradu-
 cunt, & conseruant.

*Ac tibi cum fluctus subter labere Sica-
 nos,*

*Doris amara suam non intermisceat
 undam.*

Si quis à me quærat quid sentiam de
 istis venis lacteis duabus nouiter inuen-
 tis, quales describuntur à Pecqueto: re-
 spondebo cum Plinio, *omnium rerum sunt
 quedam in alto secreta. Et suo cuique Cor-
 de peruidenda* Ideoque tepide ac trepide
 meam sententiam more aruspicum con-
 iecturis diuinando proponam. Quia didi-

ci ex Philolopho, doctrinam esse *φρόνησις* *παιδεία*, & doctam esse aliquam ignorantiam, nec leuem scientiæ partem, scire te multa nescire.

Sunt igitur istæ venæ duæ lacteæ ita conditæ, & dispositæ, forsan vt Sanguini violenter fluenti intra arterias per Circulationem, in venis crassities addatur, circa diremptus trunci Cauæ, versus axillares ramos, & iuxta iliacos. Nam in istis duobus locis truncus Cauæ venas lacteas admittit: Partim etiam ad nutritionem diuersarum partium corporis, quæ diuerso gaudent alimento, vt ossa & medulla, partim ad generationem & reparationem adipis per vniuersum corpus extensi; partim etiam ad fibrosæ materiæ productionem in Sanguine, quæ remoram addit Sanguini, quod est verisimilius. Forsan etiam iste chyus trunco venæ Cauæ iuxta axillares infunditur, vt Sanguinis portio ex permistione chyli crassior facta, hæreat Cordi, & instar fermenti calidioris & acidioris, inseruiat ad elaborationem novi Sanguinis arteriosi, atque talis Sanguis crassior intrusus Cordis foveolis, & scrobiculis, & sub columnis carneis, siue musculosis aliquantisper remanere potest: siquidem non totus Sanguis in systole euacuatur, sed restat exigua portio

188 *Ioannis Riolani Responsio*

in istis locis latitans , à me commemoratis. Ac sane oportuit Sanguinem ex diuersis substantiis constare ad nutritionem diuersarum partium corporis , vt haberent aliquid sibi familiare quod ex Sanguine vniuersum corpus peragrante eligerent , ac elicerent , & in suam substantiam verterent : Inde crassities , & fibrosa substantia , massæ sanguineæ addita , atque pituitosus humor inde natus & concretus , Sanguini permixtus. Videntur potius Sanguinis fibræ , ex illa portione chyli tenuioris superne & inferne trunco Cane infusi formari , quam in hepate , cum ibi procreetur Sanguis vniformis , nec fibræ Sanguinis in ventriculo fingi , formæque queunt , quamuis id proditum fuerit à *Fernelio* , quia ventriculus licet nervosus , de sua substantia nihil chylo impertit ; quia si de eius substantia quotidie bis terve fibræ detraherentur vel eraderentur , breui consumeretur. Itaque verisimilius est ex crassa & pituitosa materia , qualis est chyli portio tenuior , per illas venas lacteas superne & inferne trunco Canæ intrusa , fibras effingi. Atque dum in Sanguine educto per phlebotomiam , & vasculis excepto , superficies digiti minimi crassitie albicans apparet , non tam à putredine Sanguinis nascitur , quam ab ista

chyli portione profluente cum Sanguine, quæ supernatat. Quod si corrupta fuerit, exesit & putrefactis fibris, in serum vertitur, ineptum alendo, inde atrophia & tabes. Ideoque Medici post detractum Sanguinem è pede aquæ calidæ immerso, diligenter explorant lato baculo fibras Sanguinis, quæ si appareant, laudabilem iudicant Sanguinem: si defuerint, valde corruptum pronuntiant.

De Circulatione Sanguinis.

Pag. 26. **V**T demonstret motum Sanguinis ferri à Corde per arterias in vniuersum corpus, & ab extremis partibus per venas in Cor remeare, producit experimenta, quæ sunt ex HARVEË & Vallea deprompta, sed alia circumlocutione descripta. Hæc non demonstrant ex ambitu, & habitu corporis recursum Sanguinis ad Cor.

Pag. 30. Vt ostendat per venam Portam recurrere Sanguinem ad Hepar: Ligatis Splenico ramo, & mesenterico iuxta truncum Porta, Sanguinem deferri in Hepar ex depletione trunci vidit, infra ligaturam turgescentibus venis. Atque putat venam Portam

190 *Ioannis Riolani Responsio*

Sanguinis copiam feruidam arterie titulo, in ventriculi fomentum effundere, quia intra iecur adepta est crassiorem tunicam. Dubito de isto experimento, quamuis ab HARVEO sit productum contra RIOLANVM, atque tunicam radicum Portæ esse crassiorem tunica radicum Cauæ pernego. Discrimen vtriusque tunicæ Cauæ & Portæ intra Hepar, descripsi in Anthropographia, cap de Hepate. Miror quomodo vena Porta arteriæ officio fungi queat, ex illo Sanguine, quem ventriculo distribuit, cum sit iste Sanguis ab arteria cœliaca refluus in venam Portam. Ac proinde non est amplius arteriosus, nec per venas ad ventriculum redire potest, ex doctrina Circulationis HARVEIANÆ, quam tueris, atque vena Porta Sanguinem ventriculo suppeditare; quod repugnat Circulationi.

Pag. 32. Vt à trunco Sanguinem ad extremos ramusculos demittant arteria, vena autem ab extremis ad truncum reducunt; sic à trunco Porta Sanguinem ad Hepar ad extremas mittit propagines, quem extra visceris terminum, siue ab extremis ad truncum collegerat. Sed vnde colligit istum Sanguinem non explicat: An à propaginum cœliacarum exilitate impari ut conijcis? Ergo Sanguis ille, qui subit iecur

magna copia, & in ventriculi fomentum effunditur, non potest totus in Cauam refluere. Ergo Sanguis venosus ventriculo distribuitur a Porta feruidus, contra doctrinam Circulationis HARVEIANÆ, & iecur tantum eliciet bilem Sanguinis in porta conclusi, & attracti è coeliaca arteria, Reliquus Sanguis, qui non transit per Hepar, neutiquam sua bile repurgatus circulabitur, nisi à renibus cum sero emulgeatur ab arteriis, vel a venis.

Pag. 32. *Sed ramus quem truncus caue-
tran, mittit in Hepar ad eliciendum Sanguinem, remoto ab ipso iecore vinculo constringi impossibile, nisi portio parenchymatus discerpatur* At istæ Encheirises possuntne administrari absque magna Sanguinis profusione, & vitæ interitu, tumque cessat motus sanguineus?

Pag. 33 Docet Sanguinem à dextro Cordis sinu per pulmones in sinistrum fluere; si hoc ita fit, ergo chylus simul cum Sanguine pulmones permeabit; Potestne concoqui & mutari in Sanguinem, tam celeri transitu per Cordis dextrum ventriculum & pulmones, absque detrimento Cordis & pulmonum? Neutiquam expurgatus suis excrementis traditur Aortæ, continuo & indefinente cursu. Cum autem chylus ex varietate ciborum impurus

192 *Joannis Riolani Responsio*

gignatur, & ex vno pastu plusquam libra chyli producat; Potestne ista quantitas celeriter percolari per exilia duo vascula, & intra Cor, & puimones velociter traduci sine noxa, & detrimento istarum partium? Cur post obitum euanescent istę venę lactęę cum Receptaculo? Si vere existant, deberent saltem Sanguine repleta remanere. At nullum earum, neque receptaculi vestigium vllum superest.

Pag. 33. *Aperturam oualem tribuit Botallo*, cum à *Galeno* detecta fuerit & descripta, dum vasorum Cordis fabricam in foetu dissimilem descripsit, & post eum *Baptista Carcanus libello ea de re scripto* tractauit. Sed mirari subit tuam ignorantiam in rebus Anatomicis, cum nullam mentionem feceris in ista apertura ouali mēbranulę pendulę, quę obturat ostium, ceditque fluenti Sanguini, refluenti obstitit, tandemque ostij clausuram facit suo tempore.

Pag. 34. & 35. Ignorat Sanguinem in foetu vsque ad quartum mensem non intrare dextrum Cordis ventriculum, nondum excauatum, quia totus diuertit per aperturam oualem in arteriam venosam. Nunc per ligaturas vasorum Cordis, commeatum Sanguinis à dextro ventriculo in sinistrum per medios pulmones, conatur

natur probare, quod euidentissimū est, nec in dubium reuocatur. Sed ridiculus est, quando cum *Cartesio*, Philosopho quidem eximio, non autem Anatomico, venam arteriosam simpliciter arteriam mauult appellare; & arteriam venosam absolutē venam. Nescit venam arteriosam esse propaginem Aortæ, vt arteriam venosam Cauæ.

Pag. 35. & 36. Ignorat veram traditionem Sanguinis circularem, qualem in Fœtu delineauī, suopte ingenio absurdissimam fingit & committitur. Nescit ille diuersa esse tempora conformationis partium in fœtu, & vasa vmbilicalia prius, & inter ea venam primariā formari, quam placenta siue iecur vterinum, rudimenta suæ formationis præbuerit. Propterea Sanguis maternus guttatim instillatur vasis vmbilicalibus, siue sit arteriosus, siue venosus ad Cordis generationem, dein ad hepatis, & placentæ concretionem. Vbi formatum est iecur, tum vena vmbilicalis deferret Sanguinem ex placenta depromptum in Hepar, cumque sit bifida, vna portio Portæ, altera Cauæ intra iecur inseritur. Sic diditus Sanguis, qui caua exceptus est, per Anastomosim oualem, siue aperturam (vt ille vocat) iuxta Cor nondum probe excauatum, deferretur in arte-

194 *Ioannis Riolani Responsio*

riam venosam, ab ea in auriculam sinistram Cordis, quæ tum grandior est dextra, & ab ea in Aortam, ut per vniuersum corpus excurrentes redeat in venas, versus aperturam oualem, donec Cor sit absolute conformatum, ut suo fungatur officio. Quoniam vero pulmo immobilis defectu respirationis, indiget Sanguine ad suam nutritionem & incrementum per canaliculum Aortæ in venam arteriosam productum, ei suppeditatur. Tum nulla est per pulmones Circulatio Sanguinis. Notate istius Iuuenis absurditates in isto progressu Sanguinis per anastomoses vasorum Cordis in Foetu. *Arteria venosa ex Cava recipit Sanguinem, & transmittit in Aortam, ut Sanguis vena arteriosa per respirationem citatus, in pulmones traducatur, per arteriam venosam in sinistrum Cordis ventriculum: Inde fertur in Aortam.* Quot verba, tot errores absurdissimos propoluit, propter ignorance[m] artis Anatomicæ in cadaveribus, *quam mutam, frigidamque sapientiam appellat*, quia animalium crudeliter tortorum vociferatione & latratu canum delectatur. Fingit foetum respirare. Respiratio in viuentem necessaria propter motum Cordis; At in foetu Cor mouetur 3. vel 4. die conceptionis sine pulmonibus, & in foetu belluino suis mem-

branis obuoluto , si experientiam fecisset dissecto animali pregnante, comprehensis ore, & naribus cum mēbranis, alibi tamea rescissis, obseruasset Cor moueri, immotis pulmonibus ; Atque nullus Anatomicorum præter *Pecquetum*, sustinuit foetum intra uterum respirare , & intra pulmones foetus Sanguinis circulationem fieri , atque arteriam venosam bis recipere eundem Sanguinem.

Pag. 37. Quod scribit , *Arterias umbilicales Sanguinem superfluum reuehere in iecur uterinum* ; Id prius declaratum fuit à *RIO LANO* ; sed alio modo descriptum iter. Ad huius rei confirmationem experimentum adducit valde obscure & falso scriptum. *Si stipulam intra foetum inspiraueris, in placentam, arteriæ aërem effundent, flaccida penitus vena.* Non exprimit (¶ intra foetum) in quam partem sit introducenda stipula. Falsum etiam , *arterias umbilicales manifestiores apparere ipsa vena umbilicali , si inflentur , & infinitis earumdem ramusculis illam luxuriam tumida inanitate declarare.* Arteriæ umbilicales vena umbilicali citius exarescunt, & si luxuries obseruatur iis inflatis, istam luxuriam facit spiritus intra duplicaturam peritonæi inclusus. Nam istæ arteriæ in suo progressu , nullos ramusculos vicinis

196 *Ioannis Riolani Responsio*

partibus suppeditant, cum non sint ad hunc usum destinatae.

Pag 38. Pergit demonstrare extrauatum Sanguinem, per venas ad Cor remeare; *Inficiatur anastomoses venarum & arteriarum, quas ne quidem microscopio licet obseruare accurate intuentibus Negat etiam radicibus in iecur à porta inspiratum halitum, coniunctos Cauae subire ramos, & in pulmonem à trunco venae arteriosae in extremas sese arteria venosa propagines infinuare.*

Quod attinet ad synastomoses venarum & arteriarum, in responsione ad HARVEVM satis manifeste demonstraui, veras esse, & in plurimis locis corporis humani conspicuas. Propterea non repetam, cum videam ipsum postea admittere pag. 39. lin. 9. cum arteriae venas habeant comites, & adiunctas. Quod spectat ad consortium venae Portae cum Caua per anastomoses, id à me refutatum, ab HARVEO confirmatum in secunda parte de Circulatione Sanguinis. Sed monebo in foetu si insufflaueris fortiter venam umbilicalem, omnes corporis tubulos, & partes cauas inflabis, & discissis thorace & abdomine, videbis omnia viscera vtriusque ventris, & vasa mirum in modum intumescere, pro copia sufflaminati &

violenter impulsus spiritus, quod exarescente vena umbilicali fieri non potest.

Pag. 39. Probat diffusionem Sanguinis in carnes hoc modo. *Nisi efflueret Sanguis, undè corporeæ molis augmentum ad instaurationem partium, quæ sensim consumuntur, nisi alimento reparantur?* Sed ex Circulatione Sanguinis à R I O L A N O proposita, qui in habitum corporis effunditur Sanguis, non refluit in venas, quia facessit in nutritionem partium. Nec retrahitur nisi in summa inedia, & inanitione maiorum vasorum, vel per aliquem violentum motum reuelltur intus, vt in cholera morbo, & summis ardoribus febrium.

Pag. 39. & 40. At ille eredit, *Quidquid minus digestum & crassum cum fluidiori sero in venas a foris in interiora circumquaque forsan peruicax refugit, in Corais cacabum recoquendum.* Quæro an sponte eò feratur, an attrahatur? si trahitur, ergo cum delectu, & ex habitu corporis impurus humor indigestus recurrit ad Cor tanquam ad ollam coquinarianam, vel fornacem, vt recoquatur. H A R V E Y S ubi vidit & agnouit aliquid deesse suæ Circulationi Sanguinis, in secunda parte, multos diorismos proposuit, quos ibi legere licet, nec repeto.

298 *Ioannis Riolani Responsio*

Pag. 41 Nunc obiectiones, proponit aduersus extrauasionem Sanguinis & dissoluit. Si *transcolatus est Sanguis in carnibus*, quæ *venæ crassiores effundunt*? Respondit, *imminutum est serum, & temperatus calor, admixtae carnum nutritarum faeces, quid mirum arteriosum Sanguinem à venoso substantia consistentia superari*. Quod pernegat HARVEVS, qui utrumque Sanguinem venosum & arteriosum consimilem esse sustinet, colore, & consistentia, & pondere, ac mensura, & tu idem affirmas pag. 45. lin. 13.

Pag. 41. *At Sanguinis extra vasa re-flagantis inevitabilis est corruptela*. Non inde sequitur, quia ex Hippocrate, Sanguis tenuissimus, per diapedesim, roris instar effusus in habitum corporis, inundat corpus cum spiritibus in sanis; at in agris pro Sanguine serum, pro spiritu flatus circumfluunt. Verum, *Reformidatur in arteriesi Sanguinis extrauasiione diffuso, quæ faciet aneurisma nisi arteria habeat proximam, & adhaerentem venam, quæ recipiat Sanguinem*

Pag. 41 Tu tamen fateris, Si longior fuerit mora fluentis Sanguinis, qui succrescens est, retentæ faecis mixtura conjurcatur, & in varios pro noxia dominantium humorum diuersitate morbos dissoluitur. Et

go fæx Sanguinis reuehitur, quæ deberet in habitu corporis remanere. Ergo ista reductio Sanguinis ad Cor, non est salutaris, sed noxia.

Pag. 41. Scribis, *Melancholiam Sanguinis in scirrhum condensari*. Nescis melancholiam esse nomen morbi, non humoris.

Pag 73. Nunc inquiris causas Sanguinis motus. Sustineo impossibile in sanis, multo minus in ægris corporibus, impetum Sanguinis à Corde exilientis in systole ferri ad extremos artus, simulque impellere Sanguinem versus Cor ante diastolen; quia quies, siue perisystole interjecta inter diastolen & systolen adeo brevis est, vt momento etiam per irradiationem, intra arterias Sanguine turgidas vix fieri queat, vt describis.

Pag 74. Scribis etiam, *Vasorum compressionem adiuuare istum motum ex inspirati intra pulmonem aëris pressura, & adjacentium canalibus musculorum connexu*. Ergo si pulmones non agitentur solo diaphragmate moto, vt sæpe fit, nō poterit motus Sanguinis perfici, nisi in partibus thoracicis. Dormiendo placide nullus est connexus musculorum; Deinde, nulla est vasorum spontanea contractio, quia motus tantum inest iis corporibus membra-

200 *Ioannis Riolani Responsio*

noſis , quæ fibras habent carnoſas , vel membranam carnoſam , quibus deſti-
tuuntur vaſa.

Pag. 75. Addis , *Atque ita Sanguis in arterias à Corde exprimitur ex arterijs elutriatur partim per ſynaſtemoſes ; partim in carnes effunditur , & inde reſelectus intra venas , in Cor iterum redit , tam neceſſario vitæ circulo , ut vel tantillum interturbatus , aut lipothymia , aut ſyncope , aut mors conſequatur*. Imò , ſine reductione iſtius Sanguinis effuſi per vniuerſum corpus , vitam ſuſſiſtere , atque eam Circulationem , qua *feces nutritarum carnum nutrituram ſecum reuehit ad Cor* , vitæ potius noxiam , quam vtilem aſſeuero , quia dixiſti , *morbos excitare*, pag 41.

Porro poſt inuentas venas lacteas, *Pecquetus* debebat imitari modeſtiam *HARVEI*, qui interrogatus à *RIOLANO*, cur Circulationis uſus non expoſuiſſet, modeſte reſpondit , prius ſtabiliendum eſſe illud $\pi \epsilon \nu \tau \epsilon$, priuſquam $\pi \epsilon \delta \iota \kappa \nu$ inquiratur. Credo ipſum ea in re tot difficultatibus obrui, ut vix ab illis emergere queat.

Tu verò ex tua inuentione *Archimede* glorioſior , inueniſti nouas venas lacteas, & ſubitò ex tui ingenij ſubtilitate , uſus falſiſſimos aſſignaviſti , *Plus ſcire velle quam ſit ſatis , intemperantia ſignum eſt* , inquiebat

ad experimenta noua Anat. 201

Seneca. epist. 88. Itaque non pudeat, nec inhonestum reputes, mutare sententiam. Ex *Aristotele*, multi Philosophi veritatis amore sua decreta retractarunt. *D. Hieronymus* anno 30. ætatis scripsit *Commentaria* in *Abdiam Prophetam*, quæ senex 60. annorum, non erubuit retractare, alia substituta interpretatione. Si sapias pro ista censura mihi gratias referes, vt fecit *Plinius iunior*, ad *Amicum* adulatorem scribens, *Non credam cetera tibi placere, nisi quædam displicuisse cognouero.*

Galenus, lib. 6. de usu partium, cap. 12. Ostendit neminem *Adraastiæ* legem posse effugere, etiam si astutus admodum, ac dicendi peritus fuerit, quin confiteatur tandem & ipse suam vafriem, feratque veritati testimonium, quod tibi tuisque fautoribus forsân Deus inspirabit.

FINIS.



ADMONITIO

AD D.

PETR. GVIFFARTVM,
MEDICVM ERVDITISSIMVM,
DE CORDIS OFFICIO NOVO.

*Periculosior est stulta scientie alicuius
opinio, quam perfecta ignorantie
libera confessio. Ex Platone.*



VM responsio ad experimen-
ta noua Anatomica Ioannis
Pecqueti, de venis lacteis ty-
pis excuderetur, peruenit ad
manus meas liber D. Petri
Guiffarti, eruditissimi Medici Rothomagen-
sis, ipsius dono oblatus, cum Epistola li-
bri ad examen inuitante: Huic adeo
placuit inuentum duarum venarum la-
ctearum ad subclauios ramos ascenden-
tium, vt patrocinium huius inuenti susce-

perit. Credo ut specimen sui ingenij non vulgare præberet, & ederet, in paradoxo à veritate alienissimo propugnando, atque suæ legitimæ aggregationis in urbe Rothomagensi meritum suum confirmaret, forsan inuitis Medicis senioribus, quos modeste castigat & increpat in fine sui Tractatus. Nunquam tale ingenij paradoxum didicit ex RIOLANO, quem appellat suum Præceptorem cum honorifico elogio, pro quo gratias illi debeo & refero. Forsan etiam id egit, ut compatriotæ suo faueret, cum sint ambo Normani, à duobus extremis Normanix oriundi. Cum aruspex aruspicem videt, *inquiebat Cato*, vix risum potest continere, propter fallacias, & imposturas extispicij in viventibus animalibus, quibus plebeculam ludificant, & circumueniunt: forsan *Pecquetus*, & *Guiffartus* errorem suum tandem agnoscent quoad vsum, & officium istis tubulis lacteis assignatum, ex mea Responsione ad *Pecquetum*, & Admonitione ad *Guiffartum*.

Ac sanè istud officium nouum Cordi attributum, ex chylo Sanguinem faciendi, puerilitatem sapit, quia cum dolet Hepar, pueri Cor dolere dicunt, *inquit Hippocrates*, nam Cor appellant Hepar. Quis enim prudens Medicus in do-

Ætina Hi, *pocratis* & *Galeni* versatus, æquo animo ferat, Cor nobilissimum viscus, cui reliqua viscera famulantur, nostri corporis Solem, cuius influxu & irradiatione omnes corporis partes calent, & subsistunt, ex quo suum ortum atque vitam repetunt, dici & reputari coquum totius corporis? in eius conclavi culinā fieri? & si credimus Circulatoribus HARVEIANIS, cloacam esse totius corporis, cum sordes cum Sanguine ad ipsum undiquaque refluunt, ut per arterias deferantur, & expurgentur per loca convenientia? An ita Cor vindicatum est ab illis inquinamentis, quibus conspurcatur? imò vindicatum erit Cor, & liberatum ab isto vilissimo ministerio nostra industria nobilioribus officiis addictum; Ut sit nostri corporis primum mobile, & perpetuum, quamdiu vivitur; Saltuosus aruspex, pulsatili malleolo fabricans protrudensque spiritus in palingenesiam spiritus insiti, ætherei, elemento stellarum respondentis: & significans nobis motu suo vitæ fatum, præterea animæ domicilium, quod nitidum, & purum ipsa conatur conservare quantum potest. Ac proinde animal in animali sanguisorbū, αἷματόφρυον dici potest, ratione Circulationis, sed nunquam erit culinarium, neque foricarium. At-

106 *Adm. ad Pet. Guiffartum,*
que ita Cor vindicabitur , vt postea demon-
strabo.

Fingit Guiffartus in Epistola dedicatoria,
Naturam ad sanitatem suspirantem con-
queri, quod pars dignior indigne fuerit mu-
tilata, altera ex nobilioribus functionibus
sibi erepta, illiusque mancipio diutissime
concessa potestas, in partem dignitatis in-
scitia subditorum hætenus admissam, à
regio solo depulsam, vilioribus tandem mu-
nijis obscundis in posterum ablegandam, vt
duorum Regnorum vnus Monarcha Cor
ipsum salutetur.

Imò Natura maiorem habet occasio-
nem conquerendi, quod vile ministerium
culinæ, Cordi tanquam ollæ coquinarie,
chylum elixandi attributum fuerit, cum
sit Cor destinatum ad vsus præstantiores,
cuius imperio Hepar, & reliquæ partes
subditæ mancipantur.

Pag. 4. Credit Pecqueti beneficio, in con-
seruanda corporum sanitate, & debellandis
morbis in posterum acutius cernentes, feli-
cius scopum assequemur; Super hoc fun-
damento, quod Guiffartus posuit, totum
meum superstruere ædificium intendo,
ad sanorum quidem & ægrorum commo-
ditatem summe necessarium.

Pag. 6. Vt opinionem Pecqueti probet,
veritati consentaneam, Hippocrati pro-

batam , primum adducit authoritatem Hippocratis, lib. 4. de morbis, Sanguinis Cor fons est, ut pituitæ caput, aqua verò lien, necnon bilis locus in hepate. Locus hic, quia fauet, illi admittitur, quamuis decerptus ex libro spurio, qui talis reputatur ab iis, qui examen & censuram librorum Hippocratis scripsere (*quales sunt Mercurialis, & Lemosius*) atque à Medico Peripatetico, qui *Aristotelis* doctrinam sequutus est, videtur compositus, quia de lienis officio loquitur ex mente *Aristotelis*: At contrarius locus extat apud Hippocratem, primum destruens lib. de alimento, qui germanus est Hippocratis partus, & tamen repudiatur, quia ex *Guiffarti* interpretatione non est ibi loquutus Hippocrates exacte, quoniam constat venæ Portæ radices verè esse in mesenterio, non in hepate. Ergo radix alterius vtrunci venarum, erit mesenterium, quod est absurdum, neque ab hepate ortum suum ducent venæ. Quod ad primum Hippocratis textum spectat lib. 4. de morbis, humorum hominem lædentium quatuor fontes constituit, Cor sanguinis, Hepar bilis, lienem aquæ, caput pituitæ. Trahunt istos humores ex ventriculo, cum sint purgamenta massæ sanguineæ, Cor ad seipsum trahit, quod Sanguineum est; Ergo prius

208 *Adm. ad Pet. Guiffartum,*
a. ibi præparatum. Postea a ibi ubiungit,
Quatuor esse hi. mores hominem la dentes de-
monstrant, quatuor ipsorum fontes, qua-
ti: r queque esse dico locos, per quos homo
di. singulis his expurgatur sunt autem os,
nares, podex urinae meatus, Vide quo-
modo tibi fauceat Hippocrates plane con-
trarius.

Pag. 8. Multos producit textus ex *Aristotele*, qui nullo modo probant ex chylo ad Cor delato procreari Sanguinem, Et quando ex vena maiore, & Aorta, mesenterium perreptantibus venas multas & frequentes ad intestinorum positum à summis ad ima incipientes deferri scripsit Hæc non probant chylum ad Cor deferri.

Quis merito iudicabit per mesenterium *Aristotelem* intellexisse, *Synecdochicòs*, illam *me'enteri* ~~et~~ *Quor* bifidam, qua chylus ad Cor deuehiur; Quam longe petita est absurda hæc explicatio, de tubulis illis *Pecquetianis*, quos intellexit *Aristoteles*.

Pag. 12. Nunc intendit probare absurdam esse opinionem *Galen*i, de sanguificatione in hepate; *Quanti sit momenti hæc in Medicina cognitio, & quam toto calo aberrarint, qui Sanguinem non à Corde, sed ex chylo ab hepate fieri existimarunt, facile patebit, ex implicatis passim absurditatibus*

ditatibus & contradictionibus, quibus huius opinionis affectæ, & fautores necessario inuoluuntur. Per easdem venas mesaraicas chylum ab intestinis ad Hepar, & vicissim Sanguinem ad nutritionem intestinorum deferri statuunt, quasi vero in his venis duo liquores permixti & confusi, simul & semel è diametro, à centro ad circumferentiam, & à circumferentia ad centrum moueri possint. Nescit hoc fieri per diuersas venas, cum sint innumeræ. Imò per easdem id fieri posse sustineo, cum diuersa sint trahentia opposita, imò sine attractione id fieri potest, vt in vase vitreo, quod Montenin nuncupatur, videre est.

Nunc argumentis Galeni respondet. Primum est, hepate laeso reliquas partes affici inopia nutrimenti. Fateor equidem.

Pag. 15. Sanguinis vitia non ab hepate solo proficisci, sed à pulmonibus, & Corde male affectis; quin etiam à liene nascuntur hydropes, & ab ilibus, & à lumbis. In hoc probando debebas insistere, & inde demonstrare vitia chyli in suo receptaculo, Hydropas generare, dum ad Cor defertur vitiatum, nec ab ipso emendatus.

Pag. 16. & 17. Inane est istud argumentum, Quod Cor prius hepate generetur, & Sanguis extet ante hepatis productionem ex

HARVEO. Nam absurda multa proposuit paradoxa, quæ tibi multum arrident, sed nihil faciunt, & probant ad confirmationem Sanguinis ex chylo in Corde. Atque falsitatem huius opinionis refutavi in notationibus ad primam Exercitationem HARVEI, plura dicturus in 2. parte *Encheiridij Anatomici*.

Pag. 19. Validissimum argumentum Galeni, quod Sanguis perficiatur in hepate, desumptum ex instrumentis purgatoris, quæ natura fabricavit, & apposuit iuxta Hepar, cuiusmodi sunt renes, lien, & cystis fellea, sic ipse eludit, *Quod renes non attrahunt serum, neque lien melancholicum humorem nisi mediantibus vasculis*, inò petens à liene Sanguis ad Hepar recurrit, ut ex ligaturis patet, atque in ipso Sanguine vasculis excepto, quæ creduntur excrementa Sanguinis permixta reperiuntur. & tandem secernuntur; Ex alimentis chylus conficitur in ventriculo, chyli excrementa secernuntur ab intestinis. & à venis lacteis, similiter Cor è chylo Sanguinem conficiet, cuius excrementa serum, bilem, & humorem melancholicum aliarum partium proprijs officijs segreganda relinquit. At partes ista destinatae excrementis secernendis pertinent ad primam regionem, quæ aluntur à vena Porta, ar-

teria cœliaca & melenterica, ergo necessum est Sanguinem totum ab extremis partibus redire & transire per venam Portam & Hepar, post quam sanguis enutrit vnuerſum corpus, per excursum suum, à Corde vsque ad extremos artus, ab iis per venas ad Hepar recurrens. Quo fine tum expurgarentur excrementa, si iam vnuerſum corpus impuro Sanguine fuit enutritum?

Pag. 21. Fruſtra adducis RIOLANVM tibi fauentem: scripsit, & adhuc ſuſtinet, aliud eſſe Sanguinem confici in Corde, aliud in Corde perfici: Sanguis ex *Aristotele* & Peripateticis, ſuam perfectionẽ adipiſcitur, quando in præſtantiorem naturam mutatur, nempe arterioſam. Poſteſt etiam reliquus Sanguis per Cor transire, vt circuletur, maioremque perfectionem acquirat. Atque ſi corruptus fuerit venoſus, à Sanguine arterioſo in venas reuertente corrigitur. Vterque mixtus redit ad Cor, vt ei materiam ſuppeditet, ſed cum delectu ingreditur Cordis dextrum ventriculum, quamdiu Cor ſanum eſt, & motu ſuo naturali cietur, at morboſum & pernici motu concitatum, ſine delectu admittit; Tumque non amplius per ſeptum, ſed per pulmones circulatur Sanguis, atque in morbis quando corpus exhauritur

212 *Adm. ad Pet. Guiffartum,*

per venæ sectiones , purgationes , fluores alui , necessum est Circulari Sanguinem. Sed si attendisses ad mentem RIOLANI, deprehendisses ipsum fateri cum *Galeno*, Cor opitulari confectioni Sanguinis, quatenus præstantiorem efficit, dum in arteriosum conuertit, quia nullum perfectum. & magnum opus , repentina vna aggressione fieri , totamque suam expolitionem ab vno instrumento acquirere potest, inde cognouisses non posse ex chylo intra Cordis ventriculos transeunte , Sanguinem alimentarium, sed neque arteriosum viuificum momento posse confici.

Pag. 21. Argumentum illud, quod petis ex *Galeno* de ortu venę vmbilicalis ab hepate, cuius distributio fit in placenta, siue in iecore vterino, verum est : sed non impedit quominus Sanguis à placēta ex vtero suctus , deducatur in iecur, nec desinet ipsa vena vmbilicalis , esse truncus venarum placentę, quemadmodum scripsisti, radicationem venę Portę esse in mesenterio , truncum in hepate , quia defert Sanguinem , similiter vena vmbilicalis à placenta reuehet sanguinem ad Hepar.

Pag. 22. Male explicas reditum Sanguinis arteriosi, cum scribis, *E fœtus duabus arterijs fruticantibus Sanguis ad ipsius crurales, deinde ad venas, tum ad*

de Cordis officio nono. 213

ipsius iecur perenni ~~ἑκὼν~~ *ἑκὼν*, indeque ad Cavam, posteaque ad Cor continuè defertur; quod certissime cognovisset Galenus, si prout fune interceptit, aut digitis compressit arterias umbilici, idem in vena umbilicali tentavisset, Sanguinem enim motu contrario deferri, non ab Hepate fœtus ad chorium, sed à venis chori ad umbilicalem comperisset. ut sequenti tractatu clarius demonstrabitur. Ergo Hepar non est venarum principium. Imprimis reprehendo, quod in ista Circulatione siue reditu Sanguinis ad Cor, credis per arterias ad ipsum iecur redire Sanguinem, inde ad Cavam. Nescis Cavam venam esse distinctam ab Hepate, & Sanguinem recta deferri ad Cor per crurales venas, sine transitu per Hepar. Obiicis Galeno, quod si fune ligasset venam, ut fecit arteriam, deprehendisset Sanguinem, non ab Hepate fœtus ad chorium, sed à venis chori ad umbilicalem venam deferri. Contrarium tamen scribis, nempe per arterias umbilicales Sanguinem ad crurales deferri, deinde ad venas, tum ad ipsius iecur. Magnam hîc rerum confusionem animadverto, quam non possum evolvere. Tu si placet id expendes, & crassum istum errorem Anatomicum emendabis.

Pag. 12. Ad sextum argumentum Gal.

leni, quod est, Si venæ ortum haberent à Corde, pulsarent ut arteria. Respondet non posse pulsare venas, ut arterias, quia non habent talem substantiam, nec facultatem sibi insitam pulsificam. Venam tamen arteriosam pulsare scribit, quia est arteria. Nescit ipsam venam arteriosam sic appellari, ab exortu suo, siue productione ab Aorta, ratione ipsius canaliculi, qui Aortam iungit venæ arteriosæ: cumque dexter ventriculus excipiat venosum Sanguinem, qui non dici debet arteriosus, antequam ingressus fuerit sinistrum ventriculum, propterea vas istud appellatum fuit vena, ratione officij: arteriosa, ratione propagationis. Sed motus ille, qui ei assignatur, non fauet Circulationi, quia vas illud propter canaliculum arefactum non amplius est soboles Aortæ, nec deducit in pulmones Sanguinem arteriosum ut in fœtu, ac proinde non sequitur motum aliarum arteriarum, commodius inseruit traductioni Sanguinis in pulmones, si immobilis fuerit, quàm si moueatur; quia eius motus non coincidit cum motu Cordis & pulmonum, at si fuerint tantum canales immobiles, vena arteriosa, & arteria venosa, in quocumque motu pulmonum, traductio Sanguinis faciliior foret per pulmones,

Pag. 23. Septimum est, *Quod mutatur, in eius speciem à quo mutatur facessit, id est, alterans alteratum conatur in suam substantiam conuertere*, Sic alimentum in albo ventriculo vertitur in chylum candidum, Sanguis in lac candidum mutatur in mammis glandulosis, & albidis. Similiter cum sit Hepar Sanguis concretus, ideoque rubicundū, semperque sanguineum, chylum in Sanguinem conuertit. *Respondet non ab humiditate Sanguinea, quæ reperitur in iecore, sed à calore insigni, qui in Corde deprehenditur Sanguinem rubicundum istum calorem acquirere.* Attamen omnes actiones naturales à moderato calore perfici certum est, imminutum & immodicum coctiones in ventriculo & in hepate corrumpere, *inquit Gal. lib. de natural. facult.* quod in praxi Medica verum quotidie experimur.

Pag. 25 Non examinabo, quæ scripsit de Circulatione Sanguinis ex Platone, quoniam ea de re tractavi libello de Circulatione Sanguinis Hippocratica.

Pag. 31. Incommoda narrat quæ contingunt ex opinione Galeni. Tanta rei ignorance factum est ut si hæmatosis quocumque modo fuerit, in vitio, iecur illico licet inculpatum, quasi proditiōis in rempublicam Reum, rapiatur in forum, Hinc

hepaticis aperientibus, refrigerantibus, aut calefacientibus medicamentis obruitur; si quis colore faciei fuerit plus aquo rubicundus, iecur damnatur incendiū, si pallidior, ipsum ita dem vt feruentius nimiam bilem generat; si corporis extremitates algeant, calorem ad eas deferendum rapit ad secalidius Hepar. Si caleant hunc hepatis ardor irradiationem ad eas usque diffundit; si scabie, prurigine, Erysipelate corpus infestetur, maleferiatū Hepar tantorum est causa malorum; ideoque ad Sanguinis vacationes, vel profusiones, vel crebriores confugitur. Et tam sumptis, quàm admotis refrigerantibus, illius crasis atque lysis naturalis corrumpitur. Si vultus decolor & plumbeus, aut minus debito ventriculus concoquat, iterum miserrimum Hepar fit nimie frigiditatis reum, hinc subiiciunt illi prunas, & viscera torrent. Nec mirū est si apertis cadaveribus toties male culpatum viscus, omni noxa carere visum fuit; aut si quidpiam in eo vitiū sit deprehensum, id à remedijs importunis adhibitis. Quidni erit consequutum?

Istorum symptomatum causas falsò à Medicis hepati innoxio attributas fuisse, rectè iudicares, si demonstrares ad Cor & venas lacteas Pecquetianas pertinere. Sed ea reprehendis, quæ non potes rectius probare,

bare, & quorum causas alias meliores assignare tibi difficile est, ne dicam impossibile, hinc hæret tibi aqua, sic eludere magistraliter aliorum sanas opiniones facile est.

Pag. 33. Neque tamen prorsus inutile iudicat Hepar, *Sed tanquam focum ventriculo appositum fuisse ad iuvandam ipsius coctionem.* Citatus Aristotelis locus 3. de partib. animal. cap. 7. contra te militat. Cor & iecur necessaria sunt omnibus animalibus, hoc propter caloris originem, oportet enim esse aliquem veluti focum, in quo constitutus sit natura ignis, fomes sedulo conservandus, quasi summa arx totius corporis: Iecur vero cibi concoquendi gratia. Ergo ex mente Aristotelis iecur cibos concoquit.

Neque hoc chyli per lacteas receptaculum, bifidumque ad subclavios demeaculum, infiar inanis cuiusdam spectaculi Philosophum solius curiositatis avidum nata sunt oblectare, sapius enim in cadaveribus humanis observatum est, magnam chyli corrupti copiam, ab hoc receptaculo intra viscerum spatia profusam. (Addo & intra sanitatem pelvis factam ab ossibus ilium & osse sacro) quam ob similitudinem decepti Medici, arbitrabantur pus esse quoddam liquidius, ideoque abscissum aut vomicans

per omnes abdominis partes frustra perquirendo, tempus consumpserunt. Istam observationem laudo, addo ex insertione illarum venarum lactearum ad truncum Cavae iuxta emulgentes, nonnunquam urinas fluere puriformes; sine ullo renum, aliorumque viscerum praecedente inflammatione, vel ulcere; interdum etiam per intestina eadem purulentia lactiformis effluit, vel sincera, vel stercoribus permixta, sine ullo dolore intestinorum, quae reputatur manare à mesenterio ulcerato & abscessum passo. Cum tamen procedat ab ista collectione chyli in magna glandula mesenterij, & in venis lacteis, qui in eas partes protrusus fuit; Idem in thorace contingere potest ruptis istis tubis chyliiferis, quod est funestum, ut in ruptura earundem venarum lactearum in abdomine. Nisi venae illae lacteae exarescant, ad sistendum fluorem continuum chyli, atque vacuata fuerit purulentia in abdomine, vel thorace diffusa & collecta.

Pag. 35. Ex istis vasis chylidochis patet admirabilis Cordis cum ventriculo sympathia, quae prout vulgo creditur, non tam è ramulis recurrentium nervorum à sexta coniugatione prodeuntium oritur, secus ventriculo affecto, & pulmonibus, & pleura, ut & pericardium, qui horum sunt partici-

pes, pari consortij lege afficerentur, quàm communione vasorum & officij communicatione, quæ sunt sympathie conditiones præcipuæ. Magnam hallucinationē in hoc articulo obleruo, nec amplius meministi distributionis nerui sextæ coniugationis. Deinde vasa illa lactea, nullam habent communionem cum ventriculo, neque cum Corde, si ascendunt ad subclauios ramos. Denique officium Cordis & venarum lactearum plane à ventriculo disinctarum, est valde dissimile. Si nosces viciniam & proximitatem Cordis ad ventriculum, à quo tantum distat diaphragmatis discrimine, dum Cor per suum inuolucrum nempe pericardium, reuellit̃ versus centrum neruēum diaphragmatis; istius sympathiæ ventriculi cum Corde, veram causam agnouisses.

Sed quomodo in omnibus affectibus & symptomatis, quæ statuimus proficisci ab hepate, tu à Corde; medicandum sit, non exposuisti, nec quibus signis Cor affectum dignosceretur.

Pag 36. Inter vsus medicos ad praxin spectantes explicas, *Quomodo per bisulcum vas Pecquetianum, Cordis arcem subeunt ingesta in ventriculum, ut vinum aut aliud quidpiam vaporosum & odoriferum.* Longa est via per venas lacteas, nam

220 *Adm. ad Pet. Guiffartum*,
 à ventriculo debet descendere in intestina,
 inde in venas lacteas ad receptaculum,
 postea per tubulos illos *Pecquetianos* ad
 subclavios ramos assurgere, tandem re-
 labi in Cor: Via est brevior, à ventriculo
 per venas *Portę* ad Hepar & Lienem, vel
 ab intestino ieiuno per *mesaraicas* in iecur
 rapitur, inde in Cor proximum. *Credis*
cardiaca celerius peruenire ad Cor, quam
hepatica, aut splenica: Fateor cardiacorum
 calidorum & spiritualium vim citius ire
 ad Cor; sed via illa quam imaginariis ad
 deducendum hepatica & splenica, non
 est talis, ut à te descripta fuit, nam a ven-
 triculo per vas breue, aut alias venas ad
 lienem diriguntur. Similiter hepatica, ubi
 ad intestina superiora peruenere, per ve-
 nas *mesaraicas* traducuntur ad Hepar, vel
 lienem.

Pag. 41. Tandem *D. Guiffartus* de-
 monstrat quam sit operosa & difficilis hæc
 festina operatio, ad detegendos tubulos
 lacteos *Pecquetianos*. *Quia sectis cum ster-*
no duabus venis, totidemque arterijs mam-
marijs, actutum Sanguis profunditur, un-
de opus obscuratur, & Spiritus confertim
exsoluuntur. Deinde sterno sublato, media-
stinoque dirempto, in sese concidunt pulmo-
nes, unde spiratio tollitur, qua ut indivi-
dua comite & fomite perenni, ne momento

quidem vita carere potest, animali autem extincto, tum chylus è vasis confestim euanescit.

Ista quæ scribis *Pecqueto* consimilia, suspectas reddere possunt tuas venas lacteas, ad delationem chyli pro Sanguine conficiendo in Corde. Nam opus istud, quod est perpetuum, debet habere canales amplios manifestos ad traductionem chyli; at in animali mortuo confestim disparent, & euanescent; atque istud receptaculum simul etiam aboletur. Id in Anglia facilius experiri & obseruare licet, quam in Gallia, quoniam ibi damnati ad supplicium prius lautè epulantur, atque hilariter ornati & compti ducuntur ad patibulum. Ac proinde mirari subit, D. HARRVVM, Experimentis Anatomicis additum, non dissecuisset plura cadauera suspensorum statim à strangulatione, vt in homine venas lacteas exploraret. Nam si suspensiosi patibulo destinati, cibum caperent quatuor vel quinque horis ante supplicium, vt fortiores sint animo; Tum certiores essemus de istis venis lacteis, atque id præstabo, quâdo opportunitas sese offeret, si mihi per Iudices & Confessarios liceat, bonis epulis ipsos alere quatuor horis ante supplicium, & priusquam illis sententia mortis denunciatur.

Quamuis *Hippocratis* liber de Corde, spurius reputetur à *Mercuriali*, & *Foësi*, attamen *Mercurialis* notum fuisse putat *Galeno*, & ex eo quædam decerpisse, & in suos libros de Placitis transtulisse : *Author* s. b. *finem* istius libelli. manifeste declarat sanguinem puriorem à dextro, in sinistrum adsumi, & in corpus vniuersum diffundi : istamque Sanguinem non esse naturale alimentum, vt legunt omnes interpretes. *Caluus* aliter legit, & nutrimentum præbere statuit : sed paulo post : Sanguinem arteriæ non esse principale nutrimentum interpretatur, atque ita legunt *Cornarius*, *Mercurialis*, & *Foësius*. Vide notas *Foësi* ad istos locos à me citatos.

F I N I S.

IOANNIS RIOLANI.

ANTIQUIORIS
SCHOLÆ MEDICÆ
Parisiensis Decani, nec-
non Professorum Regio-
rum Decani, & primarij
Reginæ Matris Regis LV-
DOVICI XIII. Medici, ac
postremi,

DEFENSIO,

*Aduersus Inquisitionem Pauli Mar-
quardi Slegelij, Medici Hambur-
gensis, de Sanguinis motu.*

THE NEW YORK

LIBRARY

ASTOR LENOX TILDEN FOUNDATION
1215 6th Ave. New York 17, N.Y.

THE NEW YORK
LIBRARY
ASTOR LENOX TILDEN FOUNDATION
1215 6th Ave. New York 17, N.Y.



PRÆFATIO.



ERISSIME notasti, atque prudentissime monuisti, *Slegelt doctissime*, me scripsisse meos libros Anatomicos qualescumque, & præcipuè de Circulatione Sanguinis, non esse adeo certos, & indubios, quin possint examen & censuram alicuius Anatomici periti subire; quod candide professus sum, in Præfatione Animaduersionum in *Laurentij Anatomica*, & in altera Præfatione libri de Circulatione Sanguinis; Tantum abest ut contra nos scribi nolimus, ut etiam maxime optemus; In ipsa enim Græcia Philosophi in tanto honore non fuissent, nisi doctissimorum contentiones, dissensionesque viguissent. Sed me recreat prudens monitum *Galen*i, *cap. ult. lib. 8. de placitis*. Cum incerta sint dogmata, & rationum argumentis probabilia, aliis absurda; Sicut succensendum non est, si quis veras suas opiniones defendit, ita concedere, ut alij nobis contradicant.

226 *Ioannis Riolani Defensio*

debemus. At carpere mordaciter, atque irridere quasi stultum aliquid, quod dogmatice in controuersiam venerit, id procacis, atque petulantis hominis est. Sapienter monuit *Aristot. lib. 1. analyt. post. cap. 8.* Quid est quod verbo labefactari, refellique non queat? at si suam quisque mentem consuluerit, multa sunt, quibus obistere nequeas.

Paulus Marquardus Slegelinus, Medicum Hamburgensis, eruditissimus, anno Domini 1649. scripsit aduersus RIOLANVM de Circulatione Sanguinis, quam appellat passim suam, quoniam credit, se rectius HARVEO ipsam proposuisse, atque demonstrasse.

Pag. 3. Epistolæ. Nam in peregrinatione sua per Belgium, Angliam, Galliam, Italiam, Germaniam, cum Doctissimis quibusque Medicis & Anatomicis colloquutus, non meminit ullius qui contrà aliquid moliri potuerit, licet in publicis dissectionibus apud exteros sit ab eo proposita. Quia tum Iuuenis eras, & isthæc opinio ridicula videbatur; credebant te ære conductum, tanquam Encomiastem, & præconem HARVEI: memorabilis est adhortatio Senis Parmenidis ad Socratem adolescentem: Iuuenis es adhuc Socrates, & Philosophia te nondum arripuit, arripiet tan-

dem ut spero si eam non aspernaber. ; Nunc vero propter ætatem , adhuc respicis ad opiniones hominum. Sed video te cum ætate non mutasse ingenij indolem litigiosam, nec ad meliorem frugem redisse, cum sis in errore tuo obstinatè confirmatus : Cælum, non animum mutant, qui trans mare currunt. Putasne tam facilem esse responsionem extemporaneam , in re ardua , noua & incognita , ad eum qui paratus ad dicendum accedit , & id solum in animo habet . atque meditatur ; Nec ego tecum, dum eras Lutetiæ, si verum narras , & aliis , ea de re disputare volui. Neque in Anglia, vbi fautores & asseclas HARVÆI inueni , neque cum ipso HARVÆO me explicare volui , quia nondum huic doctrinæ meam mentem & ingenium applicueram.

Pag. 2. Epistolæ Tu vero , qui per viginti annos ea de re meditatus fueras, Non leuiter anxius & commotus fuisti, cum RIOLANI librum contra Circulationem Sanguinis HARVEIANAM scriptum inuenisti ; itane inquiebas, iam totos viginti annos errorem errauit enormem? Huncce ne apud exteros laudari toties, in publicis theatris docui, ac tanto feruore defendi? Mihi ne tam facile ab uno HARVÆO persuaderi passus sum improbabilem senten-

228 *Ioannis Riolani Defunctio*

tiam, qua deinde tot discipulos deciperem?
His de causis numquam à vetere tuo errore discedes, quem adhuc mordicus retines & defendis aduersus RIOLANVM, cuius olim discipulus & amicus fuisti.

Pag. 6. Epistola. Nunc discipulus supra magistrum, attamen profiteris, Nunquam in obliuionem apud te venturam miram humanitatem, qua te RIOLANVS ante hos 24. annos Parisiis est prosequutus. quamque illustri testimonio inter alia eo declarauit, quod te discipuli nomen ambientem dimittere noluerit, priusquam publicam dissectionem in tui gratiam celebraret, & magno auditorum applausu perficeret. Eadem humanitate & beneuolentia se nper usus sum erga exteros, & præsertim Germanos, discipulorum nomen affectantes, non sine gratiarum actione, qualem nobis retulere Medici doctissimi suis scriptis editis, & epistolis, *Fridericus Monavius Silesius, Georgius Vuirfungus, Anatomicus Patavinus, Simon Pauli Danus, Professor Anatomicus, Hassnia, Iacobus Primerofus, Medicus Londinensis eruditissimus, Daniel Bucretius Silesius,* qui ex Italia in Galliam venit, vt me dissecantem & demonstrantem Anatomica spectaret & audiret: istorum hominum præstantium recordatio me recreat, quod tales auditores ha-

buerim, atque utinam Doctissimus *Bucce-*
tius, quem habebam fautorem & amicum,
eximium, vitæ genus Medicum, in Mo-
nachale non mutasset, haud dubie de isto
negotio suum sincerum iudicium propo-
suisset, mihi que subscripsisset. *Slegelius*, ut
famam sibi maiorem compararet, sui
Præceptoris sententiam de Circulatione
Sanguinis oppugnavit: Sic *Servius Sul-*
pitius contra suum Præceptorem *Scavo-*
lam Iuriconsultum percelebrem scripsit,
modestè tamen, atque humaniter, quod
fingit ac simulat se præstitisse *Slegelius*,
quia me variis encomiis, & elogiis orna-
vit; Sed in istis salutationibus honorificis,
subdole colaphos impingit, (quos tamen
in ipsum modestè retorquebo) dum aspe-
rioribus verbis & contumeliosis utitur,
in refellenda mea opinione de Circula-
tione Sanguinis. Si peritus Anatomicus
requirat meum iudicium de isto scripto,
liberè & sincerè pronuntiabo, *Slegelius*
vir doctus, & peritus Anatomicus, est sub-
tilis Sophista, maximus vitiligator, qui in
festucis colligendis occupatur, dum micro-
logiam affectat, & in scirpo nodos quærit,
est verbosissimus, & scribacissimus, cuius li-
ber sedecim folia integra continet, qua po-
terat quinque folijs exprimere, diffusa ora-
tione describit, quæ tribus vel quatuor li-

230 *Ioannis Riolani Defensio*

neis poterat explicare ; neglexit consilium
Horatij. *lib. 1. ep. 1. 100. 11. 100. 11. 100. 11.*

*Quidquid precipias esto brevis , ut cito
dicta.*

*Percipiant animi dociles , teneantque
fideles.*

Propterea nisi desertor meæ opinionis
apud Anatomicos male audirem , luben-
ter abstinuissem à responsione , edoctus à
Catone,

*Contra verbosum noli contendere ver-
bis.*

Nam, ut ait Hippocrates, *Qui volubilita-
te lingua pollent , & scribendi facilitate,
peritiores apud vulgus habentur: lib. de acu-
tis.* Propterea cum ipsis contendere vetat,
lib. de nat. hum. Nec metuo Adraſteæ le-
gem , quam nemo effugere poteſt , au-
thore Galeno, *lib. 5. de uſu partium.* Quia
mihi fauet veritas , comes relicta Hippo-
crati , eiſque affeclis , ut ipſe teſtatur in
ſuo diuino ſomnio ; Nec mihi nocebunt,
ut ſpero , draconum exſibilantium vene-
na , quoniam veris antidotis munitus ea
facile diſcuriam. Interea moneo, poſt
iſtam ſcriptionem non amplius me ſcri-
pturum de Circulatione Sanguinis , quia
vitæ ſumma brevis, ſpes nos vetat inchoa-
re longas, iam adeptus per Dei miſericor-
diam ſeptuageſimum ſecundum ætatis an-

aduersus Slegel. de motu Sang. 231
num: nunc quiescere, honestoque frui
otio debeo, & colligere sarcinulas, assidue
cogitando de profectiōe cælesti, & abi-
tu ex hoc mundo, alteri Scripturæ Diuinę
intentus, vt post decursum istius vitæ spa-
tium Cælicolis adscriptus, æterna beatitu-
dine fruar, quam suis Electis IESVS
CHRISTVS pollicitus est.

EPISTOLA
PAULI MARQVARDI,
ADRIOLANVM SCRIPTA,
LVTETIÆ PARISIORVM,
& Bruxellas transmissa.

Vir Clarissime & Experientissime.

QVANTVM gaudij & felicitatis mihi
ex vestra præsentia & beneuolentia
exortum erat, tantũ doloris & infortunij
ex vestro discessu & absentia mihi natum
sentio: quem enim vnice in Gallia quæ-
rebam, cuius aspectum & affatum tanto
cum desiderio optabam; imo cuius bene-
uolentiam, teste Theatro Anatomico iam

232 *Epistola Pauli Marquardi*

paratam experiebar : hanc tam subito mihi esse creptam , nisi extreme dolerem , extreme impium me putarem : silentio inuoluam , ne exacerbetur dolor , spem addiscendi conceptā desideratissimis promissionibus confirmatam , quæ me ut de itinere in Hispaniam , & Italiam ineundo consilium mutarem , & contra meorum voluntatem cogere potuit. Dolent mecum merito omnes studiosi Medicinæ , Theatrum Anatomicum optimo suo ornatu denudatum conspicientes , in quo verba toti Europæ non ingrata audiebantur. Nobis tanquam Polycleti statua cadauer vestris manibus subiectum videbatur , ad quam tanquam ad generalem normam , vulgaribus Exercitationibus Anatomicis peractis , studiorum conceptus examinabantur , ut defectus complerentur , superflua refecarentur , & sic partium cognitio per ultimam manum & veritatis limam polita per ætatem conseruaretur. Hac norma nos priuauit Regina propter inuidiam dicerem si liceret , vel ut tua absentia se magis Galliæ reddat desideratam. Sed ne in vestra prospera fortuna nimis dolere videar , de summo illo honore quo à Potentissima Regina affectus , ex animo V. Cl. gratulor , quæ prudenter admodum & tuto sanitatem suam summo Anatomico

eo committere voluit, & simul laboribus practicis obruta quietam, & studiis aptissimam vitam suppeditare, per quam vestras elaboratas Obseruationes locupletiores, citius nobis communicabit. Intermagna animi suspensione successorem T. Clarit. non indignum desideramus: inconstans rumor nescio quos competitores significat: Anatomiae addicti discipulum tuum laboribus indefessum, dissectionibus assuetum, & ad hoc studium quasi natum exoptat. Non possum, non T. C. immortales agere gratias de mira illa beneuolentia, & humanitate tam obuia, quam semper, & imprimis vltima dissectione expertus sum, cuius nunquam non ero memor, & maximae gloriae mihi ducam, quod T. Cl. dissecantem viderim, & sic nomen discipuli vtinam tali praetore digni lucratus fuerim. Nihil iam magis in votis habeo, quam vt aliquo officij genere me V. Cl. gratum discipulum exhibere possim, ad quod vt mihi à V. C. occasio praebetur, obseruater peto. Nunc fide obstrictus debita librum Laurembergij transmitto, cuius exemplaria nescio quo fato ita dispersa sunt, vt in decem urbibus mercatura librorum claris inueniri non potuerit: vnicum hoc exemplar quod Rostochij restabat insperato per amicum

234 *Epist. Paul. Marq. ad Riol.*

mihî communicatum est. Quod ut prima occasione ad V. Cl. deferatur, Domini Puylon & Carre curaturi sunt. Hisce vest. Clar. valeat, & me suum discipulum solita beneuolentia prosequi pergat. Deus constanti sanitate vitam laboribus publicis dicatam V. Cl. conseruet, & ad eos perficiendos vires addat.

Vest. Clar. Obseru.

PAVLVS MARQVART SLEGEL,
Germanus Hamburg.

Inscriptio Epistola talis est.

Viro Clarissimo & Experientissimo
Domino Ioanni Riolano, Consi-
liario Reginae Matris, & Archiatro,
Patrono & Fautori meo honoran-
do,

SLEGELII PROOEMIUM,
& Instituti ratio examinantur.

CAPVT PRIMVM.

SLEGELIUS de Sanguinis motu commentationem scripsit, quæ commentarius est in HARVÆI opinionem, pro qua ita strenue dimicat tanquam pro aris & focis, ut mortem potius eligeret, quam conceptam hæresim deferere vel retractare. Ista commentatio est plusquam commentum, ut de suo Commentario in *Artem parvam* scripsit bonus *Turisanus*, ex *Medico Cartusianus*.

Pag. 3. Epistola. Atque ut innotescat pertinacia Slegelij in sua opinione, affirmat, *Incredibile est dictu, quanta sit huius doctrina apud me firmitas & certitudo, cum nempe ea à viginti annis animo agitata, & multiplici encheirisi à me examinata, nulla sui parte erronea deprehensa fuit.* Magnam habet sui Operis fiduciam, cum tamen non aliis utatur experientiis, rationibus, demonstrationibus Anatomicis, quam quæ ab HARVÆO fuere propositæ, & falsissimas demonstraui.

Pag. 4. Epistola. *Prima fronte ridicula videtur opinio HARVÆI, sed ad Lydium lapidem rationis & Anatomies affricta, sensim*

236 *Ioannis Riolani Defensio*

*animos afficit, veritatisque lucem ijs imprimi-
mit. Quia fundamenta habet speciosa, ele-
ganter disposita, quæ tanquam vera, con-
stituit, placet, cum tamen sint falsissima,
nec deprehendi talia queant, nisi à perito
Anatomico.*

Inter Germanos solum adducit *Her-
mannum Conringium*, qui lib. de natura
& Sanguinis motu, istam HARVÆI opi-
nionem tuetur. Sed astute subticuit in ali-
quibus dissidere; Nam per ambitum cor-
poris & carnes circulationem fieri negat.

In Prefatione. RIOLANVS quia in errore
suo esse confirmatus, non potest recedere à ve-
teri doctrina. Quia tuam & HARVÆI do-
ctrinam erroneam iudicat. Id fecit exem-
plo *Seneca*, qui rogatus dicere sententiam
in Senatu, risu dignum se iudicasset, si
non examinaret. Nam semper vnus sequi
sententiam non artis est, sed factionis. Ve-
ruit *Democritus* parere falsis opinionibus;
& quid vnumquodque esset ratione &
sensu expendi voluit.

Pag. 1. Capitis primi. Inaudita, commu-
nibusque, & per multa secula inueteratis
opinionibus aduersissima sententia omnes
commouit. Verum est. Mox plerique mus-
sare apud se agre ferentes, tanta inuentione
turbati omnem suam Medicinam, ne-
que tamen audere palam refutare. Quia

neglexerunt, vel non intellexerunt. Ac sane nullum est tam impudens mendacium, quod teste careat; nulla hæresis adeo peruersa in Religione, quæ non inueniat fautores & patronos, nulla lis infero adeo deplorata, quæ non inueniat Rabulam aliquem pro defensore; sic nulla opinio in Medicina adeo deprauata, quæ non habeat suos defensores, inter quos annumero *Slegelium*, *Qui totum se sistere conatus est aduersus RIOLANI opinionem in Prasatione.* Nec tamen pepercit HARVÆO, quem sugillauit variis in locis, & deseruit, vt infra patefaciam.

Pag. 2. *Duo paria hominum eruditorum ex medico choro, pra aliis pugnarunt contra Haruaum, Primerosus, & Parisanus.* Inepte comparat *Primerosum* doctissimum cum *Pariano* indoctissimo, quem dignum elogiis putat, quibus ornatus fuit à RIOLANO.

Ibidem. *Primerosus dum malam causam tueri satagit, ingenio & eruditione sua abusus est, eique dedecus affert, quod non cesserit veritati.* Idem mihi metuendum & aliis, qui non sequentur castra *Slegelij*, summi Dictatoris in materia Circulationis.

Ibidem. *Laudatur Plempius, quod veritati manus dare voluerit, & ultro defen-*

238 *Joannis Riolani Defensio*

dere; utrumque fecit, & ob id gratias meritus est, & fama magnum incrementum. Quod nili fecisset, haud dubie despectus fuisset Slegelio, & forsan de fama multum decidisset.

Ibidem. RIOLANVS, HARVÆO, & Sectatoribus in excolenda nova doctrina palmam præripere conatur, dum nobis promittit instaurationem magnam Physicæ & Medicinæ per novam doctrinam de motu Circulatorio Sanguinis. Inde querelæ, quod ex mea Circulatione maiores fructus & superiores promittam, quam ex tua: ideoque derides istum titulum: qui si fuisset additus HARVÆI circulationi, fuisset elegans, verissimus, & ad tuum propositum accommodatissimus. Præuidebam maleuoli cuiusdam reprehensionem, cum in *Præfatione noua mea Anthropegraphia*; istum titulum meæ doctrinæ dedisse, ringentibus aliis ignaris.

Ibidem. Perlecto libro RIOLANI, dolet, me obstitisse summo Viro: (id est HARVÆO) dum potuit solidum beneficium præstare, sed laudem integram auferre parte aliqua, maluit esse contentus. Notanda hæc assentatio, non verè Germana fide, sed Italica atque gnathonica. Ergo contra mentem meam & rei veritatem, quam agnosco in noua Circulatione, debebam

clausis oculis subscribere HARVÆO: ais aio, negas nego. Vis dicam tibi veriora veris? ut loquitur Martialis. Nec ideo magis excandescas: Magni semper feci HARVÆVM, ob inuentam Circulationem Sanguinis: me sua visitatione cohonestauit in Anglia, quinetiam lautissimo epulo cum aliis Medicis Londinensibus humaniter excepit. An ideo meum assensum illi debebam præbere, & eius opinioni subscribere? Nunquam fui assentator dolosus, in aula Reginae, libere semper loquutus sum, nec in arte mea proditiones & falsitates animo cogitaui, vel opere executus sum, libertate Philosophica semper usus, & boni viri fidelitate; Neque quidquam egi & scripsi contra conscientiam, meamque scientiam, nullius additus inurare in verba magistri.

Pag. 3. *Postquam excussit omnia, quæ Riolanus in noua doctrina improbat, constituit ei integra esse omnia quæ de Circulatione Sanguinis Haruæus docuit, & è contrario nouam doctrinam à Riolano excogitatam admitti non posse, nisi naturam deferere velimus.* Imo RIOLANVS asserit verissima quæ proposuit, tua esse falsissima. Atque in *Prefatione noua sua Anthropographia*, scripsit Circulationem Sanguinis, intelligit suam, vel ipsammet esse

240 *Ioannis Riolani Defensio*

Naturam, vel saltem eius opus præcipuum ad vitæ conseruationem.

Plurimum laudatur V. C. Plempius, quod faueat HARVEIANÆ circulationi, optarem à RIOLANO quoque ubique magis sequutam. Ægre fers, quod non descendam in eius partes: tua humanitate, & blandiloquentia conaris extorquere meum assensum, vt victus herbam tibi porrigam, possisque gloriari de triumphato RIOLANO. Permitte liberæ artis libera esse opera, & suffragia, vt respondit Hippocrates in Epistolis, legatis ad se missis.

Ex varijs locis ex Riolano depromptis, nititur extollere istud inuentum de Circulatione Sanguinis, eiusque utilitatem: sed ambigit, an iure & proprie possit dici instauratio Medicinæ. Semper istud recoquit & obiicit, quia displicet iste titulus, attributus nouæ Circulationi Sanguinis.

Pag. 4. Nihilominus velle vt Riolanus, Haruzo, & sibiipsi, & veritati rectius consulisset. Gratias ago Slegelio, quod sit de mea fama adeo sollicitus, quam obtinerem integram sine vlla macula, si meum assensum præberem HARVEIANÆ Circulationi.

Ibidem. Quia multi possent renocari & distrahi ab opinione Haruzi, propter au-
chori-

aduers. Slegel. de motu Sang. 241

thoritatem Riolani , ipse omnes scrupulos auferet , tum demum veritas sine exceptione triumphabit. Ergo Slegelius erit triumphator , RIOLANVS miles victus & triumphatus , dignus scutica , scommatibus , & irrisiõibus , vt fieri solebat in triumphis Romanorum , quod sperare licebit , postquam mea , quæ labefactare conatur destruxerit. De RIOLANO , sibi promittit , quod tandem suam sententiam mutabit , & HARVÆO subscribet. Vereor ne post obitum meum supponat falsas de me Epistolas , circulationis suæ commendatitias.

Pag. 5. Semper credidi , imo præsens ab eo persuasus sum fore , vt suam de Sanguinis motu sententiam interponeret , meum igitur qualemcumque scribendi conatum consultum visum fuit hætenus differre; Nunc cum Riolanus quid de motu Sanguinis sentiat aperuerit & quidem ita , vt expectationi non responderit , subito me ad pristinas cogitationes reduxi. Ergo à viginti annis conceperas istum foetum , quem non potuisti parere , nisi obstetricante RIOLANO : ita Socrates dicebat se fungi officio obstetricis erga suos discipulos , quæ latebant intus virtutis seminaria excitabat , vt prodirent in lucem. Cum apud me expendo istum discursum , mi-

242 *Ioannis Riolani Defensio*

hi repræsentò canem venaticum in excubiis, qui prædani suam expectat, & fugientem persequitur; sic ille in me insiluit, & dentibus momordit.

Ibidem. Laudo tuam ingenuam confessionem, Harueana in uniuersum omnia defendere mihi animus non est. Ergo non sunt omnia vera, si deferis tuum Præceptorem. *Qua diserte approbauimus, nostra fecimus, quousque sese sensus illorum extendit.* Cur igitur adeo toties excaudescis in RIOLANVM, si omnia, quæ sunt HARVERI, non approbavit?

Pag. 6. *Maximi semper à me factus est Riolanus, & merito suo; nam hoc alibi, non possum non hîc repetere, si quis legerit alios libros Anatomicos insalutato Riolano, multum adhuc sit ipsi defuturum: si quis vero solum Riolanum, unâque diligenter manum operi adhibuerit, sine alijs in peritum Anatomicum euasurum.* Dubito an lubenti animo, vel Adraſtea cogente id scripseris: quoquomodo id à te scriptum fuerit, gratias ago, pro isto testimonio honorifico meorum laborum.

C A P V T II.

*De Authoribus doctrina de Sanguinis
motu & Circulatione examinatur.*

Pag. 7. **N**ON potest legere Slegelius sine inuidia tot locos veterum Philosophorum à me citatos, qui motum Sanguinis, etiam circulatorium indicant. Non tamen cum iis circumstantiis, quas apposuit HARVÆVS, an recte, vel male, id inter nos controuertitur, addit vt minuat RIOLANI lectionem antiquorum. Eadem citat magnam partem Valæus. Qui RIOLANI, tertium Caput & vltimum Tractatus de Circulatione, & paginam 612. legerit, animaduertet inuidiam Slegelij, & RIOLANVM primum plures locos Medicorum, & Philosophorum proposuisse.

Pag. 7. De Monacho Sarpa inuentore Circulationis, Slegelius nihil inaudit in tota Italia, nec Venetijs, nec Patanijs, ideoque reprehensione dignus Valæus, qui hoc accepit à Bartholino, nihilominus adhuc obstinate in postrema editione tertia id notatum & inuentum fuisse in schedis patris Fulgentij eius socij asserit, vt insultaret RIOLANO, qui Valæum reprehendit,

244 *Ioannis Riolani Defensio*

de ista iniuria illata HARVEO.

Pag. 9. Iure ac merito reprehendis *Licetum* in suo dogmate improbabili. Nec sine ratione à me refutatum.

Pag. 10. Mirabatur RIOLANVS, quod *Hofmānus*, rebus Anatomicis summopere deditus, hanc nouam doctrinam intactam reliquisset, causam adiecit indicio manifesto ipsam non probare. Respondet *Slegelius*. Quia videbat operum suorum bonam partem fore mancā. & nouis laboribus restituendam, cui prouectior ætas non sufficiebat. Equidem *Hofmannus* passim gloriatur, se veterem Medicinam tueri, docere, nouitate abhorrere, nisi certitudinem habeant, quæ sensu demonstrari queat, ideoque si mutanda erat Medicina vetus, quam profitetur *Hofmannus* admissa Circulatione: Certum est tuam Circulationem, veterem Medicinam destruere, quod tamen passim inficiaris. Hoc non facit nostra Circulatio Sanguinis. Addit *Slegelius*, Cum *Hofmannus* nihil opposuerit huic doctrinæ de Circulatione, inde licet conicere bonitatem suæ causæ, cum præter alios, tantus Philosophus non sit ausus eam publicè impugnare, non degener aut ignauus alias miles in hoc campo. At sub finem huius tractatus adnectam Digressionem Hofmanni contra Circula-

aduers. Siegel. de motu Sang. 245

tionem Sanguinis nuper in Anglia natam, decerptam ex MS. Anatomico Authoris, quod possidet D. Guido Patinus, Victor Parisiensis eruditissimus. noster Decanus pro tempore: breui tamen in lucem proditurum, ubi nostri tumultus Galici fuerint compositi. Quare non possum non increpare audaciam Siegelij in Epistola Preliminari, asserentis: Hofmannus paulò ante obitum aliquot litteris ad me uatis, melius de illa sentire cœpit, & curiosius inquirere in scripta eorum, qui hanc illustrarunt: nec dubito, si Deus vitam & vires produxisset, quin concessisset tandem in nostra castra. Attamen fatetur se viri consensum non potuisse obtinere, multa cum eo differens anno 1638. quo in ædibus ipsius humanissime exceptus, per quatuor menses commoratus est.

C A P V T I I I.

De motu Sanguinis circulari, imprimis quantum ad hominem, vera sententia examinatur.

NO T A T E titulum Capitis tertij, *De motu Sanguinis circulari, imprimis quantum ad hominem vera sententia.* Astu-

X. iij

246 *Ioannis Riolani Defensio*

re id scripsit, ut quæ falsa reperiuntur in Circulatione Sanguinis in animalibus, dicat se agere de Circulatione Sanguinis in homine, & sic effugere putat reprehensionem.

Hactenus umbratili pugna dimicauit, & ioco prolusit: nunc serio duellum aggredditur contra RIOLANVM.

Pag. 12. *Auriculæ sese contrahunt per fibras suas carneas, quasi musculosas, & iterum concidunt: Cor tendit sese per fibras suas carneas, siue lacertulos, quo latera in sese inuicem adducuntur, pectusque ferit.* Si considerasset situm Cordis eiusque reuulsionem versus centrum Diaphragmatis interuentu Pericardij orbiculatim adhærentis centro nerueo Diaphragmatis, non ita scripsisset; nam Cor non cono suo durissimo, sed Aorta eminente & sublimi ferit pectus, & dum longiusculum euadit, cono tangit centrum nerueum Diaphragmatis: Quod in homine verum est: non in brutis, quibus separatum est Pericardium à Diaphragmate.

Pag. 12. *Per venalem arteriam in pulsu sinistra auricula, in sinum sinistrum Sanguis impellitur.* Verum est in infantibus, qui retinent adhuc dilatationem istius auriculæ, qualis erat in foetu: sed in adultis sensum contrahitur, exsiccatur,

aduers. Slegel. de motu Sang. 247
induratur, & cristata euadit, sine vlla aut
exigua cauitate.

Pag. 13. *Iam argumenta veniunt expen-*
denda, quibus tam admirabilis, & inan-
dita opinio perscudetur.

Est autem prima omnium ratio, quæ à
copia Sanguinis per Cor transeuntis petitur,
Cor indefinenter pulsatur, & transmittit San-
guinem, tantum ergo exit intra breue tem-
poris spatium, quantum ex alimento recens
confectus, nequit statim succedere. Ergo est
ille ipsus, qui fuit prius, ergo datur Cir-
culatio Sanguinis.

Respondeo. Non est necesse in singu-
lis pulsationibus Cor admittere Sangui-
nem, quia vt in sano corpore intra thora-
cem in situ suo collocatum, potest eos-
dem motus peragere sine appulsu San-
guinis, per aliquod temporis spatium,
vt videmus extractum & separatum Cor
à suis vasis, nihilominus pulsare per qua-
drantem horæ. Dein Sanguis qui recipi-
tur, paucus est in singulis dilatationibus,
quantum indiget Cor ad Sanguinis arte-
rioli generationem, & sui motus conser-
uationem.

Pag. 14. *Alterum argumentum est ex*
constructione venarum & arteriarum, &
præcipuè valvularum in venis & Corde,
monstrant valvula, quo possit in venas ire

248 *Ioannis Riolani Defensio*

Sanguis , neque eo ibit , quo non potest.

Respondeo Et quæro cur non sunt valvulae in trunco venae Cavae? quare nullae sunt supra Cor, quae impediunt ascensum Sanguinis ad caput & partes superiores? An cogitur Sanguis recta ire in Cor? Valvulae in artubus positae alium habent usum & finem ab Anatomicis designatum, ad sistendum repentinum affluxum Sanguinis: sic in capite & Thorace sunt comparatae, nec alium usum agnoscere & constituere licet, quoniam non reperiuntur in venis, quarum repletio non est periculosa, ut in venis hypogastricis, in spermaticis, in iugulari externa, in lumbaribus venis, in cervicalibus, in venis cerebri, imò mirari subit, cur intra canales duræ meningis nullae reperiuntur valvulae, nec in vestibulo plexus choroidis, qui constituit quartum canalem duræ meningis, ibi necessaria erat valvula, vel duae, ad impediendum repentinum Sanguinis influxum, qui causa esse potest apoplexiæ, ex isto plexu disrupto præ abundantia Sanguinis, teste Nymanno, cuius morbi causam ab eo designatam laudat Hofmannus.

Pag. 14. *Tertium argumentum est, Quod ligata & compressa vasa exhibent, in quibus liquido apparet, quod eat Sanguis. Ligentur vasa in vini animalis sectione, li-*

*gata arteria intumescent Cor verius : cis
vinculum venæ versus remotiora à Corde
trans vinculum.* Id fateor, sed non probat
& confirmat reditum Sanguinis ad Cor;
nam arteriæ ratione spirituum celerrimè
transmittunt Sanguinem arteriosum in
omnes corporis partes : venæ reuehunt
Sanguinem lento gradu ad truncum ve-
næ Cavæ ; At in sectione viui animalis li-
gaturæ valorum id probare nequeunt,
quia ligatâ venâ, Sanguis velocissime fer-
tur ad Cor, & attrahitur ab ipso crude-
lissime laborante, vt sibi totique corpori
prospiciat, suas vires colligendo, quæ in
Sanguine consistunt.

Pag. 14. *Tria sunt palmaria argumen-
ta sensu manifestissima, planèque inuicta,
adeoque sufficere possunt, ad quosvis per-
tinaces aduersarios conuincendos.* Nemo
dubitatur Sanguinem arteriosum à Corde
in omnes corporis partes transmitti : San-
guinem habere motum reuersiui ad
truncum venæ Cavæ, vt suppeditet San-
guinem ipsi Cordi, non totum intra v-
nam, aut alteram horam, quia Cor tan-
tum attrahit, quantum indiget ad ela-
borationem Sanguinis arteriosi, qui solus
non nutrit; Ac proinde alius intra venas
continetur in hepate confectus, qui au-
getur permixtione arteriosi, refluui in ve-

250 *Joannis Riolani Defensio*

nas si regurgitet. Imo sine interruptione recurrere debet, ad correctionem venosi, qui semper impurior est arterioso.

Omisit cum HARVEO præcipuum argumentum Circulationis; Cor mouetur ingenita facultate, propter calidum innatum ibi radicatam. Motus iste non potest esse perpetuus, nisi causa efficiens assidue restauretur: Non potest restaurari, nisi Sanguine purissimo selecto, qui materiam suppeditat calido innato: Non potest recipi & calefieri, nisi motu assiduo; Et quia istud calidum innatum est ubique diffusum per omnes corporis partes, oportuit per vasa pulsabilia nempe arterias, eiusdem facultatis cum Corde, distribui. Quæ causa est præcipua motus Cordis, & Circulationis Sanguinis.

Pag. 14. *Fatendum tamen obiter Harveum in proponendis argumentis, quodammodo agere confusius, ita tamen ut res ipsas verissime enarret.* Sic honeste tractat suum Præceptorem, dum genuinum dentem ipsi infigit, non sine despectu.

Debebat *Slegelius* ex varia demonstratione Anatomica certius probare Cor indefinenter moveri: motum illum continuari non posse, nisi per appulum materiæ, neque totum Sanguinem circula-

aduers. Slegel. de motu Sang. 251
ri; nam quo fine venosus & alimentarius
Sanguis circularetur, cum distinctus esse
debeat ab arterioso certis de causis, quas
enumerare non possum nisi diffusa ora-
tione, quod proprium est *Slegelio*.

Tres tantum designabo: cum sit du-
plex officina Sanguinis ad distributionem,
Hepar, & Cor, duplex Canalis, Vena &
Arteria, & duplex officium, ad calidi in-
nati conseruationem, & corporis nutritio-
nem, propterea duplex Sanguis, ac diuer-
sus erat necessarius. Deinde ab vno eo-
demque Sanguine vniformi ac subtili,
non possunt diuersæ partes nutriri, quia
quò magis Sanguis circulatur, eò subti-
lior redditur; ac proinde ineptus alendo,
vt succi carniū & juscula destillata, mi-
nus idonea sunt ad alendum, reficiunt
quidem vires celerrimè, sed minus alunt
solidas, & varias corporis partes.

Præterea, ad euitandam totius massæ
sanguineæ corruptionem: nam alter San-
guis alterum emendat, refluxente Arterio-
so in Venas, Sanguinis Venosi corruptio
emendatur. Ac proinde cum delectu Cor,
(*cui dedit sapientiam Deus ex iobo*) trahit
Sanguinem, ex quo conficiet Arterio-
sum. Alioqui si vnicus adesset Sanguis,
vitiatus & corruptus, non tam facile re-
stauraretur ac redintegraretur, atque Ce-

252 *Ioannis Riolani Defensio*

rebrum isto sanguine impurissimo, quem allicit copiosum, grauitè offenderetur.

Itaque non dubitamus de Circulatione Sanguinis, sed quæstio est, an totus, vel portio tantum Sanguinis circuletur.

C A P V T I V.

Nona RIOLANI opinio improbata defenditur.

Pag **P**RO Responsione ad hoc Caput, 15. dico *Sligelium* sui ingenij vili-gantis subtilitatem, & vafritiem demon-strasse Nam dum varios RIOLANI lo-cos adducit, detruncat antecedentia, vel subsequencia, vt contrarietatem in meis verbis inueniat, neque bona fide recita-uit omnia. Id manifestè liquet legenti meos *Tractatus de Circulatione Sanguinis*: vt in morbis, *inquit Hippocrates*, signum est insanix festucas colligere, sic deliran-tis ingenij, non rectè Philosophantis in-dicium est, in minutis quibusdam occu-pari.

C A P V T V.

*Judicium generale de Noua opinione,
eiusque fundamentis, ut & refu-
tatione veræ sententiæ, à RIOLANO susceptæ, examinatur.*

Pag 20. **N**VNC Iudicium generale profero
de opinione RIOLANI: Noua
opinio ex parte vera est, & circulat Sanguinem, sed nata & truncata, & quodammodo confusa, tanquam mixta sit, & media inter veterem & nouam Dicam clarius, vera, simplex est uniformis, constans, naturæque quæ ordine & simplicitate gaudet convenientissima, (lacteis præsertim admissis) nullas habens ambages aut pericula, facilis deviationis vias, ubique promens sufficientes, faciles, sibi que respondentes. Siste gradum ut audias responsionem. Si Circulatio Sanguinis sit inuenta ab Harueo, RIOLANI noua opinio non potest esse media inter Nouam & Veterem, quia nulla est vetus ex te; ex vera truncatam dicis & confusam; contrarium postea docebo. Tuam ex Harueo Circulationem veram appellas, uniformem (lacteis præ-

254 *Ioannis Riolani Defensio*

sertim venis admissis, quas reiiicit *Harnus*;) Ergo ab eo deflectis. Potestne habere nullas ambages, aut pericula facilis deuiationis, quæ per porositates pulmonum, & carniū corporis decurrit? Suntne adeo faciles viæ ad recursū Sanguinis ex venæ Portæ ramulis per Hepar medium, ex liene, ex intestinis? Noua RIO-
LANI simplex est, vniformis, sine ambagibus aut diuerticulis, per vias certas, directas, & facillimas, quia fit per duo tantum vasa maiora circulatoria, Aortam & venam Cauam.

Pag. 20. *Vera habet vnum principium Cor, vnum ambitum, siue circuitum, in quo mouetur, totum corpus, vnum obiectum, Sanguinem: Vnum finem, qui redit ad Cor. Iterum vasa vna inferentia, vna deferentia; vnum motum in vasis sui generis, vel à Corde, vel ad Cor tendentem, nunquam contrarium, nunquam interruptum. At noua opinio sustinet multa, principia, Hepar, Cor, vasa magna, multos ambitus tres nempe, vel quatuor, obiectum non vniusmodi, Sanguinem nimirum triplicem aut quadruplicem inter se valde differentem: Fines pariter multos, interdum alicubi quasi nullos: vasa denique non semper ratione illationis, aut elationis distincta, & consequenter motus in uno eodemque sæpe diuersos.*

Semper appellat veram, suam opinionem, de qua multa proposuit, quod unica sit, recta, sine ulla contrarietate: Istæc omnia in mea Circulatione veriora, & certiora reperiuntur. Sustinet tamen in mea, multa esse principia Hepar & Cor, quod falsum est, quoniam vnicum Circulationis principium nempe Cor, vt in HARVEIANA; Vasa magna, Aorta & vena Caua non sunt principia, sed canales per quos fit Circulatio. Falsum quoque multos esse ambitus, vnicus tantum adest per longitudinem vasorum; Obiectum vnicum, nempe Sanguis arterioſus, recurrens per venas ad Cor, alteri Sanguini verè nutritio permixtus; Finis vnicus, est reuersio Sanguinis ad Cor, non amplius arterioſi, sed venoſi. Vasa sunt eadem in Corde, & ubique per totum corpus, Aorta, & vena Caua. Motus circulatorij Sanguinis, est vnicus, non interruptus, vt in HARVEIANA, per diuerticula & ambages viarum.

Pag 21. Inter causas nouæ opinionis hanc putat esse primam, vt Galenus veterumque dogmata defenderentur, pro more celeberrimæ Scholæ Parisiensis, cuius Doctoribus fatale esse Galenum tueri, alicubi testatur RIOLANVS. Scito me, & alios nostræ Scholæ Doctores non esse adeo Galeni doctrinæ addictos, vt erroneas eius opinione:

256 *Ioannis Riolani Defensio*

sustinere velimus, vt tu facis HARVEIANAM, quam asseris esse tuam, ac proinde falsam.

Pag. 21. *Hanc esse causam primariam* suæ opinionis disertè fatetur RIOLANVS, cum sim Medicus libenter discedo ab Aristotele in opere sanguificationis, quam constituo in hepate. Inde sic insurgit ridiculæmodum, *Quasi nobis esset integrum munia partibus assignare, sicut Imperator militibus, aut Rex subditis, quasque hypothesis primo excogitanda esset, & dein applicanda partibus, non vero contrà sit agendum.* Ex hoc loco in Scholis Medicis Slegelius exhiberetur; nonne quotidie disputatur inter Medicos, & Peripatericos, cuinam parti, vel Cordi, vel Hepati, hæmatosis sit assignanda. Medici tribuunt hepati multis de causis, quæ leguntur in libris Physiologicis Medicorum. Cur mihi Medico non licebit fauere Hippocrati & Galeno, cæterisque Medicis bene sentientibus, subscribere, & pedibus ire in eorum sententiam, reiecta Aristotelis doctrina?

Pag. 22. Non potuit dissimulare Adrætea cogente, præcipuum Circulationis fundamentum à RIOLANO adductum fuisse, quod fatetur ingenue, *Dum ille frequenter inculcat necessitatem continui ap-*

pulsus

pulsus Sanguinis ad Cor, vellem tamen ut rationes euidentēs declarasset, quid faciat Sanguis ad motus perennitatem, cum secundum ipsum Cor insitam mouendi facultatem habeat. Moues difficultatem, vbi nulla est, nam id toties inculcatum, & tædet repetere, Cor quidem habere ingenitam facultatem sese mouendi; sed illa non potest perseuerare, nisi ignis ille insitus Cordi nouo fomite, & pabulo assidue restau- retur, qualis est Sanguis. Ac proinde ista continuatio motus conseruatur, ex illo Sanguine excepto, & reiecto, dum factus est arteriosus, & per canales pulsatorios instar Cordis, deducitur in vniuersum corpus, ad conseruationem calidi innati omnibus partibus corporis infixi. Comparatio aquæ continuo fluentis supra rotas molendini ad conuersionem rotarum, adeo placuit Doctissimo Bartholino, in postrema editione sua Anatomia reformata, ut pag. 251 scripserit, ab hoc Sanguine continuo mouetur Cor instar rota molendinaria, perpetuo aquarum insultu agitata, quo intercepto cessat. Quod desumptum est ex RIOLANO licet innominato.

Pag. 23. Missis cæteris dumtaxat illa duo argumenta ex positione valvularum & li- gatione vasorum desumpta obijcimus; nec RIOLANVS ausus est ea vllò in loco rejicere.

258 *Ioannis Riolani Defensio*

cere, aut pro inidoneis habere. Ista refutavi ubique, & ligaturæ tantum valent in brachiis, quod inuentum est Cæsalpini: situs valuularum non impedit refluxum Sanguinis ad inferiora, vt docui variis in locis. Miror te exactissimum scrutatorem verborum contradicentium in RIOLANI scriptis, ista non obseruasse.

*Pag. 23. Nouæ opinionis nulla alia fundamenta reperies, quam obiectiones multas, & varias quibus conatur vera sententia absurditatem euincere, hoc aperte professus est, dum scribit sese non potuisse suam sententiam introducere & confirmare. Nonne mos est antiquus disputandi ab Aristotele obseruatus, Aduersariorum rationes destruere, priusquam suam stabiliat. Possumne meam sententiam introducere, nisi præcedentem erroneam demonstraue-
rim.*

Pag. 24. Reprehendis RIOLANVM, quod tres suppositiones HARVEI proposuerit, tanquam rationes sue Circulationis, qua non sunt fundamentales. Prima est transitus Sanguinis per pulmones, qui fieri potest sine Circulatione Sanguinis, vt Columbus & Hofmannus crediderunt. Altera suppositio est, Sanguinem offundi in carnes, & à venis emulgeri. Tertia suppositio, bis terne circulari Sanguinem ex HARVEO.

aduers. Slegel. de motu Sang. 259

Ista tria non perficiunt Circulationem ex *Slegelio*, attamen sine eorum interuentu, nulla esse potest Circulatio Sanguinis *HARVEIANA*; absque istis tribus mea subsistit. Vide quam turpiter hallucinaris, dum malam causam tueri satagis.

Pag. 26. Reprehendit opinionem *Celsi de viuentium Anatome*, & *RIOLANVM de eadem egisse*, lib. 7. Idem fecit *Bartholinus*, in postrema editione *sua Anatomies*, qui tuus est *Conterraneus*, aut saltem vicinus & amicus, cum sitis ambo strenui defensores Circulationis *HARVEIANÆ*.

CAPVT VI.

*De causa efficiente Sanguinis motus
vt & sine examinatur.*

QVAMVIS necessario feratur Sanguis ad Cor, ad perennitatem motus, & confectionem Sanguinis arteriosi, An ideo circulatur continuo? non sequitur; quia in morte violenta Cor suas vires colligit propter magnam Sanguinis effusionem; Itaque recurrit ex toto corpore ad Cor, vt ei suppetias ferat.

Pag. 28. Causa mouens Sanguinem ambigua est apud *Slegelium*; nihil definit, an

tractione, vel pulsione, an vi musculorum;
 Nec explicat veram causam efficientem
 motus Cordis, agit dumtaxat de motu
 auricularum, vt deuitet istam disquisitio-
 nem arduam. Postea tractat de motu
 Cordis, debebat dicere de forma motus
 Cordis, quando mouetur in systole &
 diastole.

*Auriculas moueri, excipere Sanguinem,
 & emittere in ventriculos Cordis statuis, ni-
 hil autem remittere Cor in auriculas.* Id
 concedo, & si aliter alicubi scripsi erra-
 ui; sed in libro *de Circulatione Sanguinis*
 correxi. Propterea si æquus fuisset censor
Slegelius, meas cogitationes & scriptiones
 ultimas sequutus fuisset: sed quærit vbiq;
 carpendi ansam vel leuissimam.

Pag. 29. *Reprehendit in RIOLANO in-
 constantiam, & diuersitatem opinionis in
 motu Cordis explicando, nunc instar folliis
 moueri, nunc basim versus conum retrahi
 scribit.* Verum est in diuersis locis id à me
 scriptum, vtrumque vidi diuersis tempo-
 ribus; sed ista contrarietas leuis est. Ma-
 ior est absurditas illa, negare diastolem
 iuuari à ligamentis Cordis, *Sive columnis
 carneis, quæ maxime impediunt dilatatio-
 nem, systolemque promouent.* Contrarium
 doceo, sunt enim musculosæ carnes, in-
 trusæ sinubus Cordis, & affixæ septo im-

aduersus Slegel. de motu Sang. 261

mobili circa medium, versus mucronem, cui debent inniti, & affirmari, membranae verò tricuspidēs, sunt lacertulorum Aponeuroses, circumiectę orificiis vasorum inferentium. Dum igitur agunt isti muscoli, trahuntque orificia, simul Sanguinem commouent, & eliciunt ad se, in systole concidentēs, & mutuo appressę, impediunt egressum Sanguinis, & reditum in Cavam; Nec enim auriculę, portiones vasorum inferentium, sunt satis robustę, ad expellendum Sanguinem in ventriculos, nisi adiutę fuerint ope istorum lacertulorum, nec in omnibus Cordibus animalium reperiuntur, attestante HARVEO.

Pag. 31. *De motu arteriarum agit, vellendo semper RIOLANVM, qui facultatem illam motricem ingentem arterijs, manare scribit à Corde, interdum tamen iuuari ab impulsu Sanguinis arteriosi & Spirituosi, quę propulsat Sanguinem.*

Pag. 32. Verum est non dari manifestum transitum è venis in arterias, nisi per Cor, id etiam verum scripsit RIOLANVS de sua Circulatione, quamvis HARVEVS & Slegelius de sua idem asserant.

Sed non considerarunt inde, alios factores circulationis, reuocare & reuehere omnes sordes primę regionis & tertię, per ve-

262 *Ioannis Riolani Defensio*

nas, ut transeuntes per Cor & pulmones, traducantur in arterias, & foras expurgentur. Absurditas intolerabilis, quia Cor faciunt receptaculum omnium impuritatum corporis.

Pag. 32. *Admittit inequalitatem in motu Sanguinis eius, qui vadit per arterias, & alterius, qui per venas: In his motus tardior, in illis velocior. Admittit etiam venas capacitate & numero longè superare ipsas arterias. Qua omnia non fauent tuæ circulationi rapidæ, & admitto.*

Pag. 33. *Primò monemus finem illum primo loco à Riolano positum, scilicet ut Cordi semper sit præsto materia, ad alterum referri, qui est, ut omnibus partibus sine interruptione Sanguis viuificus communicetur, ad hunc verò, & alij omnes, qui proferri solent, suo modo tandem reduci possunt. Finem illum primarium à RIOLANO designatum, quem ingenuè fassus est ab Harueo prætermisum, videtur velle nunc deprimere & obscurare. Dum ait, Referri ad eum, ut omnibus partibus Sanguis viuificus communicetur. Alios vsus ab Harueo assignatos subticuit, nisi quod sanguinis partem aliquam in partibus ad quas abiit exhaustam, in Corde redintegrari, & nouam perfectionem acquirere putauit. Non est ausus dicere cum Harueo, Incoctum Sanguinem*

aduers. Slegel. de motu Sang. 263
recoqui, frigidum recalescere, congelatum
liquari.

Ibid. Credit Pulsum Cordis ex arteriis in
venas pertingere. Ad reditum Sanguinis
quod non putat Harneus, sed quiescere
in minoribus arteriis. Aliud est loqui de
brachiis, in quibus venæ sunt directæ, &
arteriis coniunctæ: aliud de venis mino-
ribus per alias partes dispersis.

Ibid. Non dari transitum è venis in arte-
rias negat, & dubitat, si penitus incisa ar-
teria præter naturam Sanguis descendat in
venas brachij. loco sanguinis arteriosi. Mul-
toties demonstraui Sanguinem è venis in
arterias transire, & penitus resecta arteria
Sanguinem arteriolum in venas fluere,
absque tamen vlllo motu, & pulsatione
venæ; vnde licet coniecere, non ab im-
pulsu sanguinis arteriosi micare arterias.

Ibid. Si venæ numero & capacitate lon-
ge superant arterias; hac repugnant Circu-
lationi & naturæ Sanguinis arteriosi nu-
trientis. Nam si solus nutrit, minore copia
redire debet in venas, ergo venæ debent
esse minores, & pauciores.

CAPVT VII.

*De motu Sanguinis è dextro Cordis
ventriculo in sinistrum, exami-
natur.*

Pag. 34. **S**CRIBIS Sanguinis Circulatio-
nem intelligi posse sine transitu per
pulmones. Hoc apud me non est nouum,
& mea est sententia. Cur ideo tantopere
laboras in eo demonstrando? Attamen
sustineo Circulationem *Haruei* fieri non
posse, absque transitu per pulmones.

Pag. 35. Transítum Sanguinis per se-
ptum negat, quia solidum & imperuium,
quare non demonstrauit RIOLANVS istas
vias, postulat responsionem ad densitatem
membranæ in Corde Bouino, ex Hofmanno.
Remitto *Stegelum* ad pag. 266. Anatomiae
reformatæ Bartholini, qui membranam
illam interiorem obtensam septo exstare
negat.

Quæ RIOLANO obiecit, ut septum so-
lidum demonstraret: sunt futilia, nec res-
ponsione digna.

Pag. 36. Negat RIOLANVM inuenisse
in septo ductus versus mucronem, neque ista
ab

advers. Slegel. de motu Sang. 265
ab alyis fuisse observata. Id multoties de-
textit RIOLANVS, & tanquam verum non
in omnibus Anatomiis perquisiuit, cum
nemo ante HARVEVM dubitarit de tradu-
ctione Sanguinis per septum Cordis. Ista
plene demonstraui in mea Anthropogra-
phia, cap. de Corde.

Pag. 36. *Quæ de elixato Corde proferun-*
tur, trita sunt & iam repulsa. Attamen ve-
ra sunt, & ab aliis sedulo inquirentibus
deprehensa. Tandem remitto Slegelium ad
Anatomem Bartholini, tertix editionis,
vbi admittit, probatque Cordis septum
esse foraminulentum, ut tenuiorem San-
guinis portionem in sinistrum ventriculum
traducat, quia longo illo periculosoque per
pulmones itinere evanesceret: crassiorem ve-
ro Sanguinem per pulmones transire: quo
modo in elixato Corde bouis foraminula
ista deprehendi queant demonstrat. Et ta-
men est Circulationis HARVÆIANÆ fau-
tor eximius.

Pag. 37. *Fitetur quidem Slegelius, repe-*
riri in Corde foraminula siue poros, per quos
transire potest Sanguis: sed quod percolatur
adeo exiguum est ut sufficiens non sit ve-
loci & copiosiori traductioni Sanguinis. Et
in eo vertitur cardo quæstionis, nam ut
celerem istam Circulationem Sanguinis
demonstrent per pulmones, debent infi-

266 *Ioannis Riolani Defensio*

ciari & repudiare transitum Sanguinis per septum.

Pag. 37. In secundo argumento nugæ profert Slegelius, nec attendit ad ea, quæ inconsiderate scribit: Ridendo laudat ingenuitatem RIOLANI, mox minus attente quadam excidisse narrat. Qui leget RIOLANVM, pag. 569. Slegelij procacitatem animaduertet. Propterea non meretur vllam responfionem. Neque tertium argumentum à priore fluens.

Pag. 39. Sed afferit quartum argumentum sicco pede transmissum fuisse à RIOLANO: absurdum est, & legibus nature sapientis repugnat, aëri tenuissimo amplum canalem tribuere arteriam venosam: Sanguini vero longe crassiori & copiosiori, cacas & insensiles vias. Iam dixit RIOLANVS per arteriam venosam non solum aërem traduci ad Cor; sed etiam fuligines reuehi, & Sanguinem vere arteriosum ad pulmonis vitalitatem conseruandam. Amplum esse debuit vas istud, vt pateret via aëri ingredienti, fuliginibus exeuntibus, & Sanguini arterioso delato ad pulmones, in spiritibus continendis amplitudo vasorum maior requiritur, dum feruent & turgent, quales sunt spiritus Cordis.

Scribit interdum cartilaginofum inuentum fuisse septum, superflite animali. Id

sustineo accidisse contra naturam, tum-
que per pulmones traductum fuisse San-
guinem. Passim obiicis RIOLANO, quod
ex iis quæ sunt contra naturam, intendit
probare ea, quæ fiunt secundum naturam.
Idem tibi oggero & repono. Nec absolute
negauit RIOLANVS, non posse transire
per pulmones à Corde repulsum Sangu-
inem, imò sæpius id fieri in vehementi
motu & exercitatione corporis, & in mor-
bis, vbi Cor obruitur copia Sanguinis, aut
celeriter agitur. Ideoque frustra & mali-
tiosè arguit, & disputat contra RIO LA-
NVM.

*Pag. 39. Ad quintum Respondeo, Si in
factu non transit Sanguis per septum, mul-
tominus in adulto. Non transit per septum,
quia cauitas dextra postrema formatur, &
Sanguis non ingreditur dextram cauita-
tem, alioquin anastomosis Aortæ cum
vena arteriosa foret inutilis, si rectà defer-
retur Sanguis à dextro ventriculo per ve-
nam arteriosam in pulmones.*

*Ibidem. Ut probet transitum Sanguinis
per pulmones, producit structuram vasorum
Cordis esse consimilem in arteria venosa &
vena Caua, valuulas pariter conuenire.
An ignoras vasorum capacitatem esse dis-
similem, valuularum numerum inæqua-
lem; tres obtinuit orificium venæ Cauæ;*

268 *Ioannis Riolani Defensio*

duas tantum orificium arteriæ venosæ, quia angustius : In his RIOLANVS *non decipit*, vt ais, sed tu desipis, quando scribis absurda Anatomix Tyronibus cognita. Si in vena Caua ante portas Cordis adest cavitatis ampla, non talis est in orificio dextri ventriculi, quod tribus valvulis circumjectis angustius redditur, vt possit cunctari Sanguis ad portas Cordis, vt cum delectu trahat Sanguinem, ne amplo hiatu voret, quod ipsum Cor suffocare posset.

Pag. 40. *Copia Sanguinis in pulmones abeuntis, dependet ex abundantia Sanguinis in dextro sinu recepti*. Tantam copiam naturaliter nunquam excipi dextro sinu adhuc sustineo. Quod clarissime demonstraui. *Stegelius* chorda semper oberrat eadem. Fingit in meis scriptis contradictiones, quæ nullo modo faciunt ad Rhombum, siue eius institutum.

Pag. 41. *Nunc insolubile argumentum profert, & vere Anatomicum, tam in sectione viui animalis, quam mortui* : In viua sectione ex sinistro ventriculo Sanguis confertim & copiose erumpit, si pertundatur eultello mucro Cordis, aut prascindatur : at tanta copia Sanguinis per septum transudare nequit : Pariter si intacto Corde vulneres arteriam venosam, qui ex Corde ne-

aduers. Slegel. de motu Sang. 269
quit in eam peruenire, in hisce casibus per
arteriam venosam sanguis in sinistrum si-
num Cordis pergit, derivatus ex vena ar-
teriosa, & transiens per pulmones.

Respondeo canem viuum, vbi videt se
ligatum in quatuor pedibus, commoueri,
latrare, atque vehementius, vbi torque-
tur, & resecatur; tumque Sanguis maio-
re copia fluit ad Cor, nec consueto cursu
seruato, per pulmones fertur, vt dixi id
fieri, sed per pulmones velociter traduci-
tur in arteriam venosam ad Cor, donec
calor Cordis elanguerit, vel via Sanguini
per sectionem patefacta fuerit; propter-
eque copiosius erumpet inciso sinistro
ventriculo, vel arteria venosa secta. At-
que ita facile soluitur tuum argumentum
Anatomicum, quod credis intolerabile.
Forſan ipſe præuiderat istam solutionem.

Pellatur violentius Sanguis, non propterea
sibi alias vias faciet. Cur verò non violent-
ius per septum urgetur Sanguis? Non pō-
test alias vias Sanguis tenere, nec forami-
nula septi in istis tormentis magis patent.
Iam toties inculcaui Sanguinem non tra-
daci per septum, nisi in naturali, & tran-
quillo statu Cordis, & pulmonum, scili-
cet in respiratione libera, solo Diaphra-
gmate agitato, absque motu pulmonum,
vel saltem lento admodum, & inaspecta-

270 *Joannis Riolani Defensio*

bili. Cur non vis id comprehendere? Nec istius explicationis à me propositę de transitu Sanguinis per pulmones, nullibi mentionem fecisti, quia tuorum argumentorum vires eneruabat.

Pro insolubili tuo argumento ut credis, aliud inunctum tibi repono, & obiicio. Quisquis Anatomicus attentę consideraverit pulmonum amplitudinem, diuisionem in quinque lobos, & duabus cavitatibus thoracis locatos, nunquam sibi persuadebit alternos, & successiuos Cordis & pulmonum motus, momento temporis fieri, quod intercedit diastolę, & systolem Cordis, atque totum Sanguinem eodem tractu à dextro ventriculo deuoratum, transire per medios pulmones in sinistrum ventriculum Cordis. Istud argumentum magis viget, quam tuum insolubile, ut demonstres Sanguinis transitum per pulmones quem non negamus in casu necessitatis, sed non esse perpetuum & regularem, & cum ipso motu Cordis convenire in alternis motionibus negamus. Id iam declaravi, & ad hæc *Slegelius* obmutuit, contentus fuit verbositate sua Lectoris ingenium interturbare, ne rei veritatem agnoscat.

Pag. 43. *Pergit Slegelius demonstrare transitum Sanguinis à Corde per pulmones*

*aduers. Slegel. de motu Sang. 271
vsque ad sinistrum Cordis ventriculum.*

Grande aliquid quod pulmo anima praelargus anhelat.

Ea de re nemo dubitat. Quæstio tantum est de copia Sanguinis transeuntis, & de eius celeritate; si quantum Sanguinis in systole Cordis è dextro Cordis ventriculo emittitur per venam arteriosam, tantumdem recipiatur à pulmone, & momento traducatur per arteriam venosam in sinistrum ventriculum. Nam si dispergitur per porositates parenchymatis pulmonum, si motiones pulmonum non respondent motibus Cordis, & vigesies, ac pluries moueatur Cor, pro vincta motione pulmonum, non potest pari quantitate, nec celeritate trauci sanguis. Propterea semper plenus & oppressus erit pulmo maiori quantitate Sanguinis, quam ipsi competat: Nam si expendas quantitatem Sanguinis, qui effluit è Corde transeundo per pulmones horæ spatio, vix sexta pars euacuari & transferri potest in sinistrum ventriculum. Et hoc argumentum est inuidtum. Quapropter falsissimum est quod asseris: *Hinc manifestum sit copiosissimum Sanguinem celeriter & nullo negotio per pulmones transire, & penetrare: quippe magna vis est, quæ Sanguinem pellit, & promouet: motus pulmonis elevationis & de-*

272 *Ioannis Riolani Defensio*

*pressionis est continuus, via sunt innumera
& connexa: amplitudo pulmonum huma-
norum est insignis, quæ totam cavitatem
replet.* Hæc omnia contra tuam, & HARVEI
opinionem directe pugnant. Pari passu al-
terno tamen, pulmones cum Corde mo-
uerentur ad Sanguinis translationem, quod
fieri non posse iam demonstraui.

*Pag. 45. & 46. Argumentorum, quibus
impugnatur Sanguinis transductio per pulmo-
nes, satis magnus numerus est, ingeniose à
dexterrimo dissectionum magistro excogita-
tus. & recensitus. Aliquot illorum non adeo
explicari possunt. Et paulò post: Attamen
omnia non difficulter solvuntur. Hoc ridi-
culum est, & vim argumentorum meo-
rum confirmat: quoniam Slegelius decur-
rata recitat, & ad suum sensum adaptat,
ut habeat quod reprehendat. Ideo integra
nonnulla referam, quamvis id prolixum
& tediosum esse dicat; cum ipse triginta
duas paginas repleuerit, de ea questione,
quæ tribus paginis explicari poterat.*

*Pag. 46. Primum RIOLANI argumen-
tum est. Pulmones cum sint in perpetuo
motu, distenti in inspiratione, conciden-
tes in expiratione, quo leuiores, eo ala-
ciores erunt ad motum: at si Sanguis
continenter à dextro Cordis ventriculo
per pulmones traduceretur, graui sarcina*

aduers. Slegel. de motu Sang. 273

premerentur. Respondet Slegelius minime granari pulmones, quia Sanguis celeri motu fertur, viarum seu vasorum meatus liberi sunt, Sanguis calidus est, & mobilis, & nusquam impingit, pulmonum parenchyma est rarium, & leue. Resp. RIOLANVS: Si Sanguis vbique facile & celeriter traduceretur per pulmones, non esset metuenda ista oppressio pulmonum, sed motus pulmonum non respondet motui Cordis, vigesies & ultra pulsatur Cor, pro vnico motu pulmonum. Ergo circulatus Sanguis intra pulmonem, ipsum potest aggrauare, & vbique diffusus non tam cito resorberi potest à ramulis arteriæ venosæ, quia negat HARVEVS vasorum anastomoses in pulmone. Addidit RIOLANVS; si Sanguis traduceretur per pulmones, valide, & diu tussiendo, Sanguis sapius extunderetur. Inepta est tua responsio, Non est opus, ut concedamus omnem Sanguinem per ipsam pulmonum substantiam diffundi. At hoc repugnat circulationi HARVEI, & tuæ, quam defendis, quia totus debet per pulmones traduci.

Pag. 47. Secundum RIOLANI argumentum est. Cum pulmonum membrana foraminulenta sorbeat impuritates thoracis, & vicissim pulmones suas sordes effundant in eam cauitatem, quidni per

274 *Ioannis Riolani Defensio*

easdem vias Sanguis calidissimus & tenuissimus è pulmonibus collisus in alveum thoracis exsiliet? Respondet, *Vasorum extrema ad circumferentiam parenchymatis expansa esse, bronchiorum extremitates tenuiter perforare membranam pulmonum.* Resp. RIOLANVS: Sed debebas respondere huic obiectioni per collisionem pulmonum assiduam, in tussi violenta aperi-ri posse vasa sanguinea. Falsum est quod scribis, *in omento rupto per vulnus Sanguinem omnem non exire*; omentum intus non rumpitur nisi vulnere, & momento erumpit extra abdomen, nisi mox reponatur putrescit, & semper eius portio prolapsa excindenda infra ligaturam, & si vulneratum fuerit, nisi per ligaturam sistatur Sanguis, magna quantitate erumperet, propter multitudinem vasorum quibus intextum est.

Pag. 42. Tertium RIOLANI argumentum erat. In dissectis cadaueribus non strangulatis, sed suffocatis in aqua, vel fato mortuis, parenchyma pulmonum non tantum foris, sed etiam intus albicans deprehenditur. At rubere deberet instar hepatis, si totum Sanguinem quoqueuersum effusum exciperet, & dilcissum sanguine diffunderet, in cadauere recenter mortuo. Respond. RIOLANVS, Ni-

hil solidum ad hoc argumentum responderet *Slegelius* ; Nam cum vita cesset expiratione, & pulmones sæpe deficient agitato adhuc Corde, deberent esse repleti sanguine, rubent quidem in strangulatis, sed à repulso Sanguine propter interceptas à laqueo carotidas & iugulares.

Pag. 48. Quartum *RIOLANI* est. Si motus arteriarum dependet à Sanguine feruido, ex doctrina *HARVEI*, Sanguis ille profectus à dextro ventriculo, & per venam pullatilem traductus per pulmones, ibi aneurisma produceret, atque cum sit spirituosus, molem pulmonum amplificaret; quod respirationi non leue impedimentum adferret. Respondet *Slegelius*: *In nulla parte aneurisma oriri potest, quamdiu membrana arteriarum sunt illa, aut integra, & via libera, quæ duo in sanis pulmonibus adjunt* Responsio *RIOLANI*: Id verum est quamdiu Sanguis suis vasis continetur, sed ubi è vasis exilit, aneurisma producit, ut accideret in pulmonibus, si per eorum substantiam Sanguis arteriosus alicubi diffunderetur.

Pag. 48. Subiungit *Slegelius*, *Quæ sequuntur sunt confusiva*. Ego vero dico responsiones tuas esse ineptiores & magis confusas. Dixit *RIOLANVS* multos per tres vel quatuor annos vixisse, sine vlllo pulsu,

276 *Ioannis Riolani Defensio*

nullaque spirandi difficultate, quibus in truncis venæ arteriosæ, & arteriæ venosæ tubercula canales istos obstruentia post obitum deprehensa. Attamen vivebant, facile spirantes, sine ista traductione sanguinis per pulmones. Respondet. Si demonstraverit RIOLANVS vixisse ullum hominem aliquamdiu obstructis truncis vasorum in pulmonibus, aut saltem alterutro penitus occlusis, dabimus manus, & fatebimur errores, ne verbulo ullo amplius repugnantes, & tunc liceat concludere, vivere posse homines sine traductione per pulmones. At ego sustineo id verum esse, & sæpius à me, & aliis Medicis & Chirurgis observatum, in cadaueribus post obitum apertis.

Pag. 50. Quintum RIOLANI est. Cum vita hominis sit admodum laboriosa, in perpetua corporis exercitatione, in violentis motibus & exercitationibus corporis, obnoxius fuisset suffocationibus pulmo, vixque effugisset inflammationes ex abundantia Sanguinis per pulmones transeuntis; quia quo vehementius moveretur corpus, eo citius Cor & pulmones agitantur, ac proinde maior fit attractio Sanguinis ad pulmones. Ad hæc respondet Slegelius. Par iudicium ferendum cum eo, quod de tussi vehementi supra retuli-

mus: ut eueniant talia, opus est Sanguinem in pulmonibus subsistere, quod fieri nequit, si via patent, vis mouens est fortis, Sanguis vitio caret, pulmone/que sani sunt. Sed vim argumenti capere non potest aut dissimulat, quia si maior fiat attractio Sanguinis ad pulmonem, non potest celerime effluere in illa violenta agitatione corporis & pulmonum, multis de causis iam commemoratis.

Pag. 50. Sextum RIOLANI argumentum. Cū enim contrarij sint motus pulmonum & Cordis, quia non fiunt eodem tēpore & eadem specie motus, quia in systole Cordis expulsiua pulmones patiuntur dilatationem excipiendo; dum expellunt, Cor dilatatur ad excipiendum: Cordis autem motus sint multo celeriores tam in naturalibus, quā violentis motibus thoracis & pulmonum: Si pulsant vata pulmonum ad expulsionem Sanguinis, proculdubio ista traductio Sanguinis interturbaretur: quia vena arteriosa, & arteria venosa non consimili motu cientur dum ab vno vase expellitur, & in alio recipitur. Quod vt cōmode fiat corporis quiete opus est, & moderato pulmonum motu, qui non reperitur in vita laboriosa, aut violentis agitationibus corporis. Addo, si verum sit trigesies Cor moueri ad expul-

tionem, pro vnico motu pulmonum expulsiuo, quomodo fiet velox illa traductio Sanguinis, à dextro Cordis ventriculo per pulmones in sinistrum, & pari quantitate? Vel Sanguis fluet ad sinistrum ventriculum immoto pulmone, vel morabitur in pulmone, donec quantitate sua irriteret pulmones ad sui expulsionem.

Pag. 50. Valde se torquet *Slegelius*, & proluxa verbositate vititur, vt eludat vim istius argumenti, *Cor multo celerius & perniciosissime oportet moueri, vt Sanguis perpetuo in omnes partes impellatur. Pulmones vero eleuantur quando opus est refrigeratione, & Sanguinis transitus quodammodo incipit laborare.* Notabilis ista responsio, qua demonstrat *Slegelius*, Sanguinem non celeri & assiduo motu traduci per pulmones. Addit, *multos pulsus edere potest Cor, antequam ea necessitas ingruat, quam auerit respiratio, ubi interea dum iacent pulmones, non cessat ob id Sanguinis per pulmones traductio.* Ergo ex te Sanguis traducitur absque motu pulmonum, quod est inauditum. Subjungit, *Pariterque tempore dilatationis per arteriam venosam in sinistrum sinum fertur Sanguis, etsi in depressione pulmonum potius id contingat.* Propterea asserit non impediri Sanguinis motum per pulmones, etiamsi non

conueniant tempore cum Corde: *Quo-*
cumque enim in motu sit Cor, cum eleuan-
tur pulmones, quocumque etiam cum de-
primuntur, semper ad Sanguinem à se pro-
pellendum, aut alium recipiendum à pul-
monibus adiumentum praestatur: In huius
rei consideratione attentior observator, non
potest non affici voluptate, quæ nobis longe
est potior, quam difficultates nescio quas
animo anxio fingere, cum sint nulla, si res
ipsa teneantur, ut ipse indicauit. Sed istas
exculpationes ab eo prolatas prorsus ridi-
culas puto, & tales reputari a perito Ana-
tomico non dubito.

Pag. 52. Septimum R I O L A N I est.
Bronchia pulmonum, cum sint interiecta
duobus vasis sanguineis, cur non recipe-
rent etiam Sanguinem effusum per sub-
stantiam pulmonum, si resorbent excre-
menta pulmonum & thoracis, atque ex-
pellunt tussiendo. At dices. *Per anastomo-*
ses vasorum fit ista traductio Sanguinis:
quæ non fuit opinio HARVEI; Ac proinde
quindecies aut vigesies, in die, non potest
fieri Sanguinis totius circulatio per pul-
mones, ut Valæus & alij sibi imaginantur.
Respondet. *Non opus est eadem necessita-*
te & per eadem loca exire Sanguinem, per
quæ eius excrementa elabuntur. Ego vero
obijcio, Bronchia sunt interiecta vasis san-

280 *Ioannis Riolani Defensio*

guineis pulmonum, si sit effusus Sanguis in substantiam pulmonum, ut recipiunt excrementa, sic Sanguinem possunt resorbere: nec valet exemplum, quod affers de cerebro, quod habet loca separata, in quibus reconduntur, & per quæ fluunt excrementa.

Pag. 52. Octauum RIOLANI. Vasa pulmonum, nempe vena arteriosa, & arteria venosa, quamuis proficiscantur à Corde, motu carent dilatationis, & constrictionis; quia non sunt propagines Aortæ, sed instar canalium duntaxat admittunt, & deducunt Sanguinem. Alioquin si mouerentur, contrarium inter se haberent motum; nam constricto Corde, dilataretur vena arteriosa, quæ suum Sanguinem effunderet in arteriam venosam per systolem. At hæc exceptum per diastolem suam, non potest per alium motum, quam systoles inmittere in sinistrum Cordis ventriculum dilatatum. Atqui isti motus non respondent vel succedunt alternis motionibus Cordis. Deinde, si mouentur hæc vasa, seruare debent motum Cordis & arteriarum alternos siue successuos. Respondet *Slegelius*: *Quocumque motu Cor moueatur, aut vasa pulmonum, id translationi Sanguinis conuenire, & promouetur Sanguis ad eum modum, qui fuit*

fuit declaratus , cui accedit sinistra auricula , quæ immediate suum sanguinem propellit. Falsum est auriculam sinistra sanguinem in Cor promouere eo modo , quo propellitur à dextra auricula , quia in adultis propter exilitatem & angustiam nihil potest recipere , nequidem guttam Sanguinis.

*Pag. 53. Nonum RIOLANI. Eo modo reuoluitur Sanguis motu circulari in sanis, vt in ægris corporibus : Atqui in ægris non circulatur per pulmones ; quia si circularetur , haud dubie in febribus supra modum calerent pulmones , atque vix phlogosim , aut dolorem , atque oppressionem euitarent : At in plurimis febribus etiam ardentibus hæc symptomata non reperiuntur. Quin etiam in dissectis cadaueribus, mortis repentinæ , vel pulsus intermittentis , vel inæqualis causæ , in septo Cordis obstructo , vel ventriculis oppletis, inibi congesta materia inutili deprehenduntur , liberis & integris pulmonibus. Respondet, *Quod talia non semper eueniunt in febribus ; in constitutionem variam pulmonum , & diuersitates causarum præter naturam esse referendum ; sed nullo exemplo Riolanus confirmabit Cor obseptum obstructum tanta incommoda passum fuisse. Id dignoscitur ex Sanguine**

concreto & intruso carnibus cancellatim dispositis in septo. Propterea natura, ubi interceptum est septum, deriuat Sanguinem per pulmones in sinistrum Cordis ventriculum, quod admitto, sed vi quadam repulsum à Corde.

Pag. 53. Decimum RIOLANI. Haud dubie pulsus inæqualitates, & intermissiones, quæ sunt defectus & vitia Cordis, manifeste conuincunt illam traductionem Sanguinis potius per septum medium Cordis quam per pulmones fieri. Nam si Sanguis à dextro ventriculo per amplam venam arteriosam veloci cursu flueret per pulmones, ut perueniret ad sinistrum Cordis ventriculum, ubi celeriter effunditur in Aortam vas amplissimum; neque fuligines, vel fumi, aut flatus à partibus infernis elati in Corde subsisterent, nec tot concretiones sebaceas aut carnosas intra venam Cauam, & ventriculos Cordis in cadaueribus obseruaremus. At per illam traductionem Sanguinis per septum Cordis, tenuissimus & purissimus duntaxat Sanguis percolatur, impurissimus vel subsistit in Corde, vel ad pulmonem ablegatur, tanquam Cordis emunctorium, & ad eorum nutritionem. Qui si regurgitet, labitur in sinistrum Cordis ventriculum. Ad hæc re-

spondet: *Media via inueniendum est cum Natura, dicendumque vias ita patere, ut secundum naturam omnibus sese habentibus, Sanguini promptissimus sit transitus. Ego vero sustineo, si sit facilius transitus, isthæc incommoda & vitia Cordis non intra ventriculos nascerentur. At eorum generatio intra Cor, manifeste demonstrat non refluere naturaliter Sanguinem à Corde in pulmones.*

Pag. 54. Vndecimum RIOLANI. Non potest repudiari traiectione Sanguinis per medium septum Cordis, si admittitur Sanguinis exsudatio per membranas venarum; si seminalis materia spiritiosa per vas eiculatorium porosum, à testibus impetuose mittitur in ipso coitu; si per crassitiem ossium Sanguis è cavitate exsudat; si per carunculas capillares renum lotium exstillare cernitur, cur per septum porosum non penetrabit Sanguis calidissimus & tenuissimus? Respondet, *Ista vera esse, sed non convenire traditioni Sanguinis: quæ magna copia & cito transire debet.* Proinde patet nihil solidum opposuisse huic rationi Slegelium.

Pag. 55. Duodecimum RIOLANI. Obseruamus quotidie gladio vel sclopeto pulmonibus perfossis, etiam satis profunde, Sanguinem tandem sisti, qui to-

284 *Ioannis Riolani Defensio*

tus confestim efflueret, si per pulmones traduceretur. In phthoe si Sanguis per pulmones traduceretur, non leuem noxam adferret Cordi, nec tamdiu videremus istos ægrotantes viuere, plures enim obseruati fuere per multos annos vixisse exsiccatis, putrefactis, consumptisque pulmonibus. Recentia exempla reperies *apud Tulpium in suis Obseru. Bartholetus defectum pulmonum vidit, & tamen diu vixisse, pag. 29. lib. de respiratione.* Ad hæc, responsiones *Slegelij* sunt verbosæ admodum, cum nequeat apposite respondere.

Pag. 56. Decimum tertium RIOLANI argumentum. Si Sanguis à dextro Cordis sinu per pulmones reuolueretur, in illo transitu multum de suo calore & spiritu amitteret, & aëris permixtione ac pulmonum flabellatione frigidior eo euaderet, qui in vena Caua continetur. Respondet per veterem doctrinam, Longe maior sequi debet refrigeratio, quoniam substantia ipsa aëris in vasa & sinistrum Cordis ventriculum infunditur, cum nobis tantum eius qualitas sufficiat. Resp. R. At si aëris substantia spargitur per omnes pulmonū partes, & diffundatur in cavitates thoracis, & per eodē poros redeat, & adducat secum excrementa stagnantia intra capacitatem thoracis, nonne potest permisceri sangui-

ni arterioso per porositates parenchymatis disperso? nonne potest etiam expirando effluere cum ipsis fuliginibus egredientibus? Subjungis', *Paris valoris est Sanguinem inquinatum iri excrementis pulmonum. Quod pernegas, imo. amplissimum & Spongiosum istud viscus excrementis ut plurimum abundat*, siue à cerebro distillent, siue à Corde repellantur, dum moderate & cum delectu excipit Sanguinem: impurum & crassiozem per venam arteriosam reiicit in pulmones. Propterea recte iudicaui pulmonem per accidens Cordis emunctorium esse. Nec quidquam adhuc rectum & solidum aduersus istam opinionem opposuisti.

Dicebam, nisi traduceretur Sanguis per septum, non posse fieri separationem puri Sanguinis ab impuro, propterea impurissimum à dextro ventriculo in sinistrum abripi, cum tamen Sanguis pro spiritibus vitalibus generandis debeat esse purissimus. Respondet ille, *Impuritas Sanguinis & secretio, nulla ratione probari possunt*. Ergo partes sine delectu trahunt suum alimentum. Cor pars princeps officialis, quæ toti corpori prospicit, debetne haurire Sanguinem absque delectu, & ex eo conficere Sanguinem arteriosum? quis dedit sapientiam visceribus nisi

286 *Ioannis Riolani Defensio*

Deus? apud Iobum. Subjungit, *In sinistro sinu concreſcentiæ reperiuntur ut in dextro.* Ergo æqualiter traducitur extua Circulatione tam per ſeptum, quam per pulmones. Id non accidit in naturali motu sanguinis, ſed violento, quando Sanguis impellitur in pulmones.

Pag. 57. Poſtquam ad ſatietatem, vel potius naſeam diſputavit, ad deſenſionem traductionis Sanguinis per pulmones, tandem anacephaleoſi quadam ſic concludit iſtud prolixum caput. *Quamcumque ſequaris ſententiam ſtatuaſve, Sanguinem per pulmones non transferri, vaſa tamen pulmonum peraque & pari ſemper Sanguinis copia repleta ſunt.* Fateor repleta eſſe in veteri doctrina, quia copioſo ſemper Sanguine abundant, ſive ad nutritionem affluat, ſive Cor oppreſſum repellat. Admitto etiam quod addis, *Sanguini nunquam non patet iter è dextro ventriculo in pulmones.* Verum eſt RIOLANVM ſcripiſſe inter omnia viſcera pulmonem maxime abundare Sanguine, ſæpiuſque regurgitare, ac propterea viſcus eſſe ſanguiniorum. An inde ſequitur Sanguinem naturaliter traduci per pulmones. Adjungit: *In veteri doctrina Sanguis ex pulmonibus nullum habet exitum, qui in noſtra circulatione eſt expediſſimus.* Quis

hoc asseruit? Potest Sanguis intra pulmones regurgitans fluere in arteriam venosam, inde in Aortam. Nugaris cum dicis, *Magis impediri & obstrui pulmones in veteri doctrina quando aer per pulmones fertur in sinistrum ventriculum, fuligines inde reuehantur, & Sanguis arteriosus per arteriam venosam deferretur ad nutritionem pulmonum.* Quasi ista æque ponderarent, ac illa copia Sanguinis, quæ in pulmones à Corde expellitur, ibique cumulatur priusquam traducatur in sinistrum ventriculum. *Verum, Riolanus concedit Sanguinem in violentis motibus Cordis & pulmonum celeriter traduci.* Sed istam translationem non esse naturalem passim scripsit. Iterum virget, *Licet cito & assidue Sanguis in pulmones reuertatur, citò pariter & assidue exit, ideoque pulmones nunquam sunt pleniores.* Imo cum motus pulmonum non succedant pari passu, & æqualitate temporis, nec correfpondeant alternis motibus Cordis, pro viginti expulsionibus Sanguinis à Corde, vix semel se accingit pulmo ad expulsionem in sinistrum Cordis ventriculum; tandem sic suam anacephaleosim ista ratione futili claudit. *Quamcumque sequaris doctrinam si moveatur Sanguis tarde, imo plane ne circuletur, per reclusum vas pulmonum*

288 *Ioannis Riolani Defensio*

tandem omnis effluit, nisi vas rursum claudatur. Sustineo vas pulmonum profunde apertum ense vel pugione, ut nimis frequenter videmus in Nobilibus nostris, qui leui de causa duello se iugulant: Non potest claudi alio secreto quam *Hippocratico*, à multis ignorato; nempe inedia & phlebotomia usque ad medietatem Sanguinis facta, & ultra, quantum sufficiat ad nostram circulationem, quæ destinata est ad conseruationem perpetui motus Cordis, tumque sistitur Sanguis circa septimum diem in pus conuersus.

At si per pulmones traduceretur totus Sanguis, quantuscumque sit, etiam multum imminutus, ad extremam usque guttam proflueret, nec vlllo medicamento assumpto vel admoto, vulnus pulmonum occludi posset. Sed post largam & copiosam Sanguinis detractionem paucus Sanguis instillatur Cordi, nec potest attrahi à pulmonibus etiam anhelis & inflammatis.

Pag. 59. Nunc impugnat vltimam rationem *RIO L.* quam dixi inuictam, si necessarius esset pulmo ad traductionem vitalis Sanguinis, natura magnis illis piscibus dedisset, quia nunquam deficit in partibus necessariis ad vitam. Hanc rationem *putas ex HARVEO* petitam; Si ab eo mu-
tuatus

tuatus fuisset, hunc articulum non omis-
sissem, quem mihi nunc inseruientem ad-
iungam. *Cum maior numerus sit anima-
lium non habentium pulmones, quam ha-
bentium, & similiter maior numerus sit,
unum tantum ventriculum quam haben-
tium duos, proclive est statuere in anima-
libus ut plurimum, & in uniuersum San-
guinem aperta via è venis in arterias per
Cordis sinum traduci.* Obiter notabis
HARVEVM non designasse ventriculum
Cordis, an sit dexter vel sinister; si *Gale-
nu* notauit sinistrum, errasse puto, quia
sinister ventriculus pulmonibus inseruit,
quibus carent pisces; Atque vena Caua,
quæ ad Cor defert Sanguinem, affigitur
potius dextro quam sinistro ventriculo.
Atque cum vena sit arteriæ coaptata, in-
tra istum sinum, facile transit Sanguis à
vena in arteriam.

Cum humanum corpus debeat esse re-
gula, ad quam animalium conformitates
referre oporteat, quoad actiones nutri-
tionis in hepate; & vitales in Corde: Pi-
sces magis recedunt à conformatione
partium internarum quam quadrupedes,
quæ duos habent ventriculos in Corde,
quia præditæ sunt pulmonibus, quibus
cum careant pisces, ideo vnicum habent
ventriculum in Corde, Inde infero, si ne-

cessaria esset traductio Sanguinis per pulmones, haud dubie natura illis concessisset, sed cum pulmones sint dumtaxat conditi ad respirationē, non ad traductionem Sanguinis, ideo pilces priuati sunt sinistro ventriculo, & traductione Sanguinis.

Incogitanter tibi excidit, *Traductio Sanguinis per pulmones fieri nequit pulmonibus quiescentibus*. Attamen contrarium supra scripsisti, etiam immotis pulmonibus Sanguinem traduci.

Pag. 62. Tandem sic concludis. *Hucusque probauimus prolixè argumenta, quibus transitum Sanguinis per septum concludere nituntur, nullius esse ponderis, & contra solui non posse, quæ aduersus eum adducuntur. Deinde insolubiles haberi rationes pro traductione Sanguinis per pulmones, neque eas infringi multis obiectio-
bus, quibus impugnatur: Fuimus forte prolixiores, & mirabuntur multi, in re tam manifesta, tot verba cumulari. Postrema tua periodus verissima est, inutiliter enim triginta duas paginas replesti leuibus ratiunculis, quæ nullius sunt ponderis & momenti, ut aperte demonstraui, ac proinde in multiloquio tuo vanitas summa. Istud experimentum, de quo dubitas, fieri debet in calentibus adhuc visceribus, statim à jugulatione animalis, atque ja-*

centibus in suo naturali situ. Id læpius à me demonstratum, nempe inflata Trachea, inflari vnà cum pulmonibus vtrumque Cordis sinum.

Ego vero vt claudam istud caput, sustineo impossibilem esse traductionem Sanguinis velocem per pulmones, propter impedimenta commeatus, à vena arteriola in arteriam venosam, siue illa communicatio fiat per anastomoses vasorum, siue per exsuctionem radicum arteriæ venosæ, attrahentium Sanguinem dispersum per substantiam pulmonum. Sed validissimum argumentum profero ex *Bartbol: no* filio, non indocto Medico, nec imperito Anatomico, qui per varias regiones peregrinatus est, vt fecisti, & spoliis Medicis & Anatomicis onustus & ornatus, tanquam Iason alter vellere aureo Medicinæ, ingenue profitetur Sanguinem tenuiorem traduci per septum Cordis, crassio rem per pulmones, atque septum Cordis esse peruium, & foraminulentum. Inde colligo non recedere à mea opinione, & nisi bilem eius commouissem ex animaduersionibus in suam Anatomem, facile in meas partes de Circulatione Sanguinis descenderet.

CAPVT VIII.

De Sanguinis motu in canalibus maioribus venæ Cavae & Arteriae magna examinatur.

Pag. 66. **S**ANGVINEM non posse circulari per istos amplos canales Aortæ & Cavæ, sine excursu ad minimas arterias sic probat. Liber est excursus non tantum per amplas arterias, sed etiam minimas, quia nullum adest impedimentum in vijs. Non diffiteor Sanguinem arteriosum currentem per arterias amplas, etiam per arterias obliquas laterales & propinquas minimas deferri: Sed ipsum ex minoribus arteriis in minimas venas assidue referri negamus, cum sit arteriosus, & spirituosus, potius ad reparationem spirituum absumitur, quam ad nutritionem, qui maioribus canalibus includitur, transit in venas arteriis coniunctas per anastomoses, & alteri Sanguini venoso permisceatur, qui intra canalem amplum venæ Cavæ continetur, & à iugulo usque ad os sacrum extenditur.

Quod scribis, Canales arteriosos in bra-

aduers. Stegel. de motu Sang. 293
chys & cruribus non esse directe protensos.
Id repugnat autopliz Anatomiz, quia
in brachiis licet sint obliqui, sunt tamen
ampli & patentes, atque continuationes
maiorum canalium, sed in cruribus sunt
directi.

Cum enim scripseris in Epistola Præli-
minari, Tuum Præceptorem Hofmannum
prima initia circulationis, ex Cordis pulmo-
numque structura & usu tibi inculcasse.
Vnde facultas aliqua nascitur, ad nouum
sanguificationis motum comprehendendum,
sicistius viæ repudiatio, admissa Sanguinis
traductione per septum, est desertio tuæ
circulationis, & accessio ad Circulationem
RIOLANI. Quæ, ut spero fautores tandem
inueniet, sine Euangelista tibi confimili,
qui malam causam defendis.

Pag. 67 Nulli demonstrantur commea-
tus. siue anastomoses à Riolano, ex ma-
ioribus arterijs in maiores venas tendentes.
Non sunt adeo conspicuæ anastomoses in
mortuis, ut in viuentibus, Natura sibi vias
faciente per impulsione[m] spirituum, ut
alibi docui.

Ibidem. Non potest Sanguis copiosissimus
& confertim delatus per inconspicuas pau-
cas venas transire & tam velociter. Id ve-
rum est ex tua Circulatione; at ex nostra
portio tantum Sanguinis venosi, mutata

in arteriosum, decurrit per arterias, ad reparationem calidi innati, vbique diffusi, & infixi, quantum opus est, & recurrit in venas, vt alteri Sanguini venoso per misceatur.

Natura solet occludere anastomoses in fœtu patentes, ergo nullæ sunt in adultis. Inepta consequentia, velle comparare conformationem partium in fœtu, cum homine perfecto.

Pag. 67. Alterum argumentum sequitur, quo conatur probare circulationis nullum esse usum, qualis à Riolano proponitur: Si solus Sanguis intra maiores vasorum canales ad Ceter iterum, iterumque reuertitur, reliquo in suis locis perpetim hærente, neque opus habente recursu, nulla fieret nutritio; quia nullus Sanguis nutrit, reficitque partes, nisi qui in extremis & minimis vasis proxime hæret. Disce ex me Sanguinem illum vitalem arteriosum moderate fluere per arterias, subtilitate sua spirituosam diffundi per laterales & obliquas arterias quoquouersum vsque ad minimas arterias, non tam ad nutritionem partium, quàm ad reparationem spirituum & calidi innati. Iste Sanguis facile absuitur, quia spirituosus, ac proinde indiget continuo appulsu eiusmodi Sanguinis, cuius portio transit in

nas maiores , atque spiritus in extremis corporis partibus si exuberent , habent suum effugium per insensibilem transpirationem. Ideoque verum est istum Sanguinem arteriosum continenter circulari: Nam ascendens , per venas corporis partes recipiunt Sanguinem tum venosum ad nutritionem, qui etiam descensum habet, & quoquoersum diffunditur per obliquos & laterales ramos trunci venæ Cavae attrahentes & sugentes Sanguinem.

Pag. 68. Sophistice semper agis mecum. *Si liquet Sanguinem arteriosum non effundi in extremas partes , nihil de se amittit , ac proinde inutilis per maiores canales circulatio.* Jam toties inculcaui Sanguinem arteriosum lente fluere , ac distribui omnibus partibus , prout indigent , sed non totum refluere in venas : Sanguinem vero Aortæ redundantem redire in truncum Cavae , permisceri alteri Sanguini venoso , ac lento gradu ad Cor procedere : Sed non inutiliter, nam in ascensu suo siue reditu ad Cor , distribuitur per maiores & minimas venas in vniuersum corpus ad nutritionem, quamuis sit effectus, magna ex parte spiritibus suis exhaustus , satis est si sit permixtus alteri ad nutritionem diuersarum partium , quæ exsugunt quod sibi familiare est, ac proinde venæ non sunt

296 *Ionnais Riolani Defensio*

simpliciter canales reuehendi Sanguinis sine vlla distributione, imo maiorem partem nutritionis absoluunt.

Pag 68. Ideoque ne superbe glories vicisse RIOLANVM dum scribis, *Non apparet quid contra hanc eidentissimam probationem, cum veritatis Specie aliqua possit obijci.* Ego vero sustineo me tuam probationem ridiculam & falsam verissime demonstrasse.

Sequitur altera ratio, quam incogitantè adducis contra RIOLANVM, quæ destruit finem circulationis per vniuersum corpus. Si ex RIOLANO recurrit Sanguis ad Cor, ut suam amissam perfectionem recuperet, qui versatur in corporis medio, vicinior erit Cordi, caloreque maiore præditus, adeoque longe tutior ab externis iniurijs, nihilque de sua perfectione amittere potest, cui tamen periculo expositus est ille Sanguis, qui minoribus & extremis venis coërcetur. Nihil habeo quod respondeam, nisi contra te militare istam rationem, & manifeste demonstrare Circulationis in abdomine nullam esse necessitatem.

Pag. 69. Si requiritur Sanguis, ut motum suum continuet, or, quæ necessitas adiecit Naturam, ut sanguinis tantum è Corde propulsum vellet, & non potius minus, quo nempe sine labore supernacaneo, &

Cor haberet semper præsto Sanguinem ad motum, & partes omnes nihilominus sine celeri noui suppeditatione ad vitam & nutritionem; Natura enim non per plura exequitur, quod paucioribus efficit. Præsto semper esset Sanguis sufficiens motui sine recessu. Si minus expellatur, præsto pariter esset omnibus partibus sufficiens eiusdem ad usus suos copia. Dum ista expendo, animaduerto prorsus aduersari Circulationi HARVEIANÆ, & Hippocraticæ fauere, nam cum Sanguis per longitudinem trunci venæ Cavae fluitet, vel excurrat à jugulo usque ad inguina, ex isto canali amplo Cor perreptante, & Cordi Sanguinem præbente, ipsum haurit quantum indiget, naturaliter paucissimum cum delectu, tam ad productionem Sanguinis arteriosi, quam ad continuationem sui motus, isque traducitur per medium septum. Neque opus habet ista Circulatione, qua nimium defatigaretur, ac tandem incandesceret ex veloci illo motu totius Sanguinis.

Pag. 70. Quæ deinde sequuntur, destruunt Circulationem HARVEI. Sanguis in partes diffusus omnes, diu nequit suam conservare perfectionem, sed citò admodum amittit calorem, atque vitalitatem suam: ideoque ad Cor sine fine, velociterque redit;

298 *Ioannis Riolani Defensio*

gitur, ut denuo recuperet. quod amisit. Non attendis ad partes thorace & ventre inferiore, & capite conclusas. Quis sanæ mentis affirmabit ibi Sanguinem amittere calorem suum, cum potius ibi augeatur? Quis credet Sanguinem nutritioni dictum, tam citò refluere? Ad recuperandam suam perfectionem quam amisit, nonne potest conseruari & reparari continuo appulsu Sanguinis arteriosi singulis momentis vitæ.

Pag. 70. Tandem concludit contra Circulationem Sanguinis. Crediderunt veteres Sanguinem semel è Corde egressum, manere vitalem, & nutritioni aptum, sine repetita restauratione per recursum ad Cor, quod etiam placere RIOLANO audiuius; si vero aliquando recurrere ad Cor dicant Sanguinem, eius quoque certas nullas, & constantes rationes reddere possunt, quas quoque in Circulatione per maiores canales frustra quarimus.

Non potes frustra quærere per maiores canales circulati Sanguinis causas, iam satis expositæ fuere a RIOLANO, scilicet ad Sanguinis arteriosi procreationem, motus perpetui in Corde continuationem, & calidi innati tam Corde radicati, quam diffusi in omnes corporis partes, conseruationem: ideoque assidue necessarium esse

aduers. Slegel. de motu Sang. 291

Sanguinis arteriosi influxum per vniuersum corpus, atque refluxum ad Cor, vt præstetur materia, ad istos vsus perficiendos. Hac autem continetur intra canalem amplissimum venæ Cauæ, extensum ab axillis vsque ad inguina, vbi incipiunt pullulare valvulæ, quæ non impediunt descensum Sanguinis in artus distribuendi, per obliquos & laterales ramos maiorum canalium venæ Cauæ. Cum enim ex *Hippocrate*, venæ insigni virtute trahendi Sanguinem polleant, eliciunt Sanguinem irritatæ a partibus solidis, quæ Sanguinem diuersum ab arterioso desiderant ad suâ nutritionem. Nihilominus arteriosus per venas artuum ascendens absque vilo impedimento Sanguinis venosi descendens per interualla, recurrit ad magnum illum canalem venæ Cauæ iam descriptum, alteri Sanguini permixtus, quem Hepar genuit, & transfudit in Cauam. Atque duplex iste Sanguis hîc confusus, præbet materiam Cordi, ad Sanguinis arteriosi confectionem, & in extremis duobus maioris trunci, admittit portionem chyli tenuioris ad generationem adipis, & fibrarum productionem, diuersarum partium nutritionem, nempe ossium & medullarum. Nec est quod circulatores HARVEIANI obiciant,

etiam Sanguinem arteriosum esse fibrosum, consistentia & calore esse consimilem venoso, natura frustra ista vasa differentia fabricasset.

Cæterum tria experimenta certissima, quæ faciunt ad meum propositum, producam, ut demonstrarem Sanguinem venosum nutrire, descendere, nec habere motum velocem. Primum est. Si toto conceptionis tempore venæ hypogastricæ sint triplo ampliores arteriis: si venæ spermaticæ sint minimi digiti crassitie, inde licet colligere, venas istas hanc magnitudinem non obtinuisse, ut reuehant Sanguinem ab utero materno ad Cor; sed ut largiorem Sanguinem distribuunt utero, ad nutritionem fœtus, ac proinde constat non eripi & subtrahi fœtui istum Sanguinem, nec solo Sanguine arterioso nutrirî fœtum, sed potius venoso.

Secundum experimentum est, in ligatura arcta pedis iuxta malleolos, cubiti iuxta carpum, ad secandam saphenam in pede, vel saluatellam, aut aliam venam in manu, Sanguis non potest fluere ex arteria, si digito fortiter prematur supra carpum in manu, vel in pede prope malleolum externum, ergo necessum est Sanguinem fluere ex vena, & si Sanguis per arterias velociter usque ad extremos artus

fluere, non opus foret ad Sanguinis attractionem maiorem, in aquam calidam, manum & pedem demergere.

Tertium experimentum, in tabidis & macilentis corporibus, ubi tument in brachiis & cruribus omnes venæ conspicuæ, tam internæ, quam externæ, si premas fortiter & diu venas, numquam iptas supra ligaturas vel fortes compressiones depleri videbis, quod signum inuictum est, Sanguinem aut non ascendere, aut lente admodum moueri.

C A P V T I X.

De motu Sanguinis intra venam Portæ & arterias consociatas examinatur.

pag. 71. **C**ONTRA primam objectionem, Nulla est ratio, nulla necessitas cur partes abdominis alio Sanguine nutriri debeant, neque enim in vim caloris plus absumentis causa referri potest, neque in motum istarum partium, neque in aliam partium naturam, ergo non indigent alio Sanguine quam communi. Respondeo, differunt variæque venæ, nempe Cauæ

& Portæ intra Hepar, & extra, tam in radiatione, quàm in textura membranarum, indicare diuersitatem Sanguinis, & dissimilitudinem officij. Vena Porta radicatur in sima parte hepatis: Vena Caua in gibba; vena Porta reuehit chylum, ex HARVEO, qui coquitur in parte sima hepatis, eius portio tenuior transfertur in Cauam, crassiore remanente in parte inferiore hepatis. Venæ Portæ & Cauæ textura & conformatio diuersa est: Nam Porta habet tunicas crassiores, Caua tenuiores: Porta radices habet quamplures sparsas per iecoris substantiam; Caua paucas ad verticem iecoris deductas. Inde dissimilitudo officij dependet, quod tenuior Sanguis Cauæ ad Cor defertur, crassior remanet intra venam Portam. Nec æquum erat partes corporis dissimiles, consimili alimento nutriri: Sicut paterfamilias distribuit suis liberis puriorem panem, seruis impuriorem: Sic natura dispensat corporis partibus alimentum, *ex Aristotele*. Si natura voluisset Sanguinem Portæ consimilem reddere Sanguini Cauæ, vias patentes ad traductionem in venam Cauam proximam formasset, vt esset alteri consocialis. Cumque in vena Porta omnes impuritates primæ regionis contineantur, noluit ipsum eodem tempore permisceri

Sanguini puriori venæ Cauæ, sed expurgauit suis sordibus secretionem bilis, & humoris melancholici, antequam distribueretur partibus culinariis primæ regionis. Atque iste Sanguis non opus habet reuersione ad Cor, vt recalescat. Ino quia feruidus est, flabellationem accipit ex motu diaphragmatis; motum habet, & excursus intra sua vasa, & partes nutritias, dum ab hepate influit in lienem, & vicissim ab eo refluit in Hepar. Vitalitatem & spiritus accipit à Cordē, per arteriam cæliacā & mesentericā.

Pag. 72. Secunda ratio est. *Sanguini in Corde imprimitur vitalitas. sigillum, & inditur perfectio, quæ etiam ad nutritionem opus est, at Sanguis in vena Porta nihil istorum adeptus est, ergo pro Sanguine non est habendus. Contra communem Naturæ providentiam est, aliquid inelaboratum atque imperfectum relinquere, quo perfectio & elaborato opus est, talis est Sanguis venæ Portæ. Respondeo vitalitatis sigillum adipisci Sanguinem venæ Cauæ cum ad Cor recurrit, vt mutetur in arteriosum; sed non inde sequitur; Sanguinem venæ Portæ debere ad Cor remeare, qui natura sua debet esse crassus, ad generationem adipis in mesenterio & omento, qui non posset procreari absque ista crassitie, quæ etiam*

304 *Joannis Riolani Defensio*

necessaria est ad generationem fibrarum Sanguinis, quod non potest perfici ab arteriolo Sanguine subtili, uniformi & inepto, si solus fuerit, variis partibus alendis. Recipit vitalitatem à Sanguine arterioso delato per arterias.

Pag. 72. Tertia ratio est, *Quas utilitates confert motus reliquo Sanguini, easdem conferre debet Sanguini venæ Portæ, quoniam est crudior, impurior, ideoque corruptioni magis obnoxius, si credimus RIO- LANO. Putrescit igitur si motu caret* His de causis non debet ad Cor refluerere, quoniam ipsum inquinaret, motum habet intra sua vasa, atque citissime impellitur ad nutritionem partium aluinæ regionis. Semper agit mecum sophistice Slegelius, vel ingenij caligine, vel malo animo percitus ut non videat veritatem, vel nolit admittere. *Sanguis venæ Portæ non potest recipere suam vitalitatem nisi refluat ad Cor. Tibi repono, non potest nec debet ad Cor redire, ut is qui circulatur per longitudinē corporis, quia semper calidus manet intra sua conceptacula, nec indiget recalcificatione, ac proinde usus siue finis circulationis non convenit huic Sanguini venæ Portæ.*

Pag. 73. Quarta ratio est. *Sanguis indefinenter impellitur in arterias abdominis,*



aduers. Slegel. de motu Sang. 305

& satis impetuosè. Inde nasci possunt suffocatio caloris natui, putredines, obstructiones, & id genus alia mala, defectu circulationis vera & communis. Adiungit ex RIOLANO, Naturam interdum oppressam multitudine Sanguinis, sese exonerare, per vacuationes immodicas, quæ sunt contra naturam. Fateor Sanguinem impelli in arterias abdominis, si sint vacuæ, & indigeant Sanguine, sed non impetuosè, quia sunt obliquæ & laterales. Cursum suum semper tenet directe Sanguis arteriosus excurrent per Aortam. Non possunt nasci ea incommoda, quæ narras, si vasa non fuerint obstructa. Ea dumtaxat accidunt contra naturam, si non habeat iste Sanguis refluxum in Aortam per coeliacam, vel per arteriam splenicam. Nec potest esse formidabilis iste refluxus, quia fit in Aortam descendentem. Aliæ euacuationes immoderate fiunt extrinsecus, & ideo violentæ & suspectæ. Non metuo inquinamentum massæ Sanguineæ per venas supracysticas in Cavam à trunco Portæ emergentes, quia sunt distinctæ à venis cysticis, quæ soli vesiculæ felleæ conueniunt, atque tuum textum emendabis.

Pag 74. Ultima & inuieta ratio. Valvule inveniuntur in ramo Splenico, & in mesaraicis nonnullis, quæ impediunt istum

refluxum & commeatum inter venas & arterias abdominis, quas dicis astute insertas, & insitas nonnullis venulis mesaraicis, non omnibus. Ergo dantur quædam, quæ non habent istas valuulas, suntque alterius conditionis, & per eas fluitare potest Sanguis. Quamplures Anatomici ipsas non admittunt; Tu tamen se festinanter ligentur, vini animalis vasa conspici putas. Quo fine? ut impediatur recursus Sanguinis vel chyli versus intestina? hoc inde non potest probari, quia in moriente animali, Sanguis vitæ thesaurus semper refugit ad suos fontes, nec mirum si pars supra ligaturam vacua deprehendatur, & quæ infra spectatur, tumeat, ex intercepto commeatu.

Pag. 74. Hanc demonstrationem omni exceptione maiorem asseris. Ego vero debiliorem cæteris asseuero, & mirari subit, cur meas rationes veras contra tuum experimentum falsum reiicias. Absurdas credis esse, cum tamen non potueris refellere. Lectori relinquis refutandas. Sic sapia effuso suo atramento piscatorum manus effugit.

Ex istis adductis putat se vicisse RIOLANVM, & ad silentium reduxisse. Nunc expendit ea quæ proposui pro mea opinione stabilienda. Quando, inquit, sine proba-

tione, aliquando probationes adiungit, sed si bene iudico perquam tennes. At tu male iudicas, ergo validæ erunt.

Pag 74. Prima RIOLANI ratio. Impurum esse Sanguinem in vena Porta, sordes esse culinarias, non confundendas cum puro Sanguine, quo nobiles partes ali debent. In hoc elucere Naturæ providentiæ tanquam solertis Oeconomi. Non fideliter expressit meam sententiam, sed falsavit. Dixi Sanguinem venæ Portæ esse crassiolem, minusque purum Sanguine venæ Cavae, cum sint culinæ partes abdominis destinatae: Ibi plurimæ sordes colliguntur, quæ si refluerent cum Sanguine per istam circulationem, quæ ab omnibus partibus fluidum humorẽ secum rapit: massa sanguinea isto Sanguine inficeretur, Cor ipsum & pulmones eandem labem susciperent, si per istas partes Sanguis venæ Portæ reuolueretur. Quid respondet ille? *Non potest esse tanta Sanguinis impuritas aut differentia ut liquet, si ex aperto vase mesaraico, Sanguis conferatur cum alio ex Cavae effluente.* Istam experientiam fecistine in vivente homine, an in animali vivente? Si in hoc, non potes recte iudicare de Sanguine humano venæ Portæ, qui semper impuritatibus scatet, & sordet. Nihil est tam simile naturæ nostræ, quod

308 *Ioannis Riolani Defensio*

non habeat aliquid dissimile, quod natura in singulis coctionibus excernit, & potissimum in prima, & secunda, quæ plurimis sordibus abundant. Cur non erit Sanguis venæ Cavae purior Sanguine venæ Portæ? Id etiam attestantur hæmorrhoidalis Sanguinis spontaneæ vacuationes singulis mensibus factæ in quibusdam. Adde quod prima regio corporis est sentina, ad quam assidue confluit derivaturque totius corporis illuuiæ.

Pag. 75. Verum est venam Portam non oriri à Corde, ut multi putant Cavam inde suum ortum habere; quia natura voluit diversum Sanguinem diversis vasis servare, diversis locis perficere, ne haberent inter se commercium. Quid absurdum inde iudicas?

Pag. 76. Rides, quod dixerim etiam in fœtu diversum esse Sanguinem vena Porta & Cava, quia vena umbilicalis bifida, in Porta & Cava truncos inseritur. Quamvis in vena umbilicali sit Sanguis consimilis, unus tamen conservatur in vena Porta, alter excurrit ad Cor, ut in Sanguinem arteriosum vertatur.

Ibidem. Frustra dixit RIOLANVS, pag. 621. venam Porta suum Sanguinem eligere, probandum prius est vasis eam dignoscendi facultatem datam esse. Nescis apud

Hippocratem, venas esse attractrices, quid-
ni seligent Sanguinem? Si radices plan-
tarum diuersarum, è gleba terræ vascu-
lo inclusæ diuersum succum eliciant, si
celsiſſimæ arbores attrahant succum ad
nutritionem fructuum & frondium. Si le-
giſſes *librum Hippocratis de natura huma-
na*, huius rei probationes manifestas di-
dicisſes, quas adducit, vt probet medica-
menta cum delectu trahere humores. Tu
es addictus festucis colligendis, vt nul-
lam relinquas intactam, quod est deli-
rantis ingenij signum, vel ista micrologia
ingenij malignitatem, vel procacitatem
indicat.

Pag. 77: *Contineri vasis differentibus
duplicem istum Sanguinem, nec habere in-
ter se communionem facilem & liberam,
quia intra Hepar radices vene Porta cum
radicibus Cauæ per exilissimos ramos eosque
paucos inter se communicant, ex R I O L A-
N O. Quid respondet ille? Dari anasto-
moses, etsi non satis euidentes sint, attamen in hepate Sanguinem confectum de-
bere transire in Cauæ truncum, vt ad Cor
deferatur; Id concedo, sed exilitas ana-
stomoseon non permittit crassum eò tra-
duci Sanguinem, ideoque in ſima parte
hepatis remanet, & distribuitur partibus,
quæ ambitu primæ regionis continentur.*

310 *Joannis Riolani Defensio.*

Ibidem. RIOLANVS quando scripsit lib. 7. cap. 1. *Anthropographiæ*: si admittantur vena lactea quæ fundunt chylum in substantiam hepatis, perituras Cava & Portæ anastomoses. An multum peccauit? Quia per contactū hepatis fit illa mutatio chyli in Sanguinem, non intra tunicas vasorum venæ Portæ & Cava, vt multi crediderunt: Undiquaque quærit contrarietates, & truncat textus, vt inueniat RIOLANVM sibi contradicentem, cum deberet intra tractatum de Circulatione Sanguinis sese continere.

Pag. 78. RIOLANVM ait, concedere in penuria & inedijs, Sanguinem à vena Portæ remeare in truncum Cava. Quid impellit ipsum? Quid attrahit? nisi vacuitas Cava, vt repleatur, vel æstus & orgasmus Sanguinis in hepate ipsum propulsat, alioquin in sano & bene habito corpore, nulla vis impellens adest.

Pag. 79. *Implexus vasorum multiplicium intra Hepar, licet moram adferat, non impediunt transcursum Sanguinis Porta in Cavam.* Imo impediunt istum transcursum, simulque obstant, ne celeriter fiat ista traductio cum Sanguine Cava: si intra semihoram fiat circulatio totius Sanguinis, vix intra duas horas fiet illa circulatio Sanguinis Portæ cum chylo permix-

aduers. Slegel. de motu Sang. 3 i i
ti. ex HARVEO. Propterea quæ lequuntur
obiectiones sunt ineptæ, nec merentur re-
sponſionem, quoniam ex ipſo textu RIO-
LANI facile diluuntur.

Pag 79. Explodit iſtam rationem RIO-
LANI. In ventre inferiore ſiunt arteriæ cœ-
liacæ palpitaciones, in hypochondriacis
affectibus, ſine mutatione pulſus. Reſpon-
det ille, *Propter obſtructiones non datur li-
ber procurſus Sanguini, tales pulſationes
oriuntur in iſtis locis.* At ſi ſiſtitur & conti-
netur ibi Sanguis, neceſſum eſt inflamma-
tionem in iſtis locis breui concipi, & pe-
riturum ægrum; quia ſingulis momentis
inſluit, ex HARVEO, gutta Sanguinis, & in-
tra horæ ſpatium tres vel quatuor libræ
inſluent in iſtas arterias abdominis, quæſi
non habeant exitum, ſuffocabunt ægrum,
nec poſſunt egredi per venas Portæ iam
obſtructas, neque per Hepar ſimiliter ob-
ſtructum, ergo pereundum eſt. At nos in-
uenimus effugia & diuerticula per arte-
riam ſplenicam, vel per venas Portæ ſu-
pracyſticas, intruſas trunco Cauæ iuxta
Diaphragma. Videmus quotidie detracto
Sanguine è pede, minui iſtas palpitatio-
nes, atque balneo aquæ tepentis, liberali
potu aquæ, & purgationibus. Interdum
ſedatæ ad tempus, recurrunt. Maniſte
demonſtras te parum in operibus artis

exercitatum, quamuis à viginti octo annis de Circulatione Sanguinis multa meditatus fueris absurda.

Pag. 80. Ut semper habeat, quod arodat, mihi imponit, *Quod quæram quomodo Sanguis in venas refluat, si radices Portæ sint per anastomosis iunctæ radicibus Cava.* Istum locum falsavit, nec quidquam simile scripsi.

Ibidem. Verum sustineo quod scripsi, si in Portæ radices abiret Sanguis arteriosus, cum non possit ascendere in venas Portæ, ascenderet contra regulas Circulationis, quatenus est arteriosus.

Quæ scribis contra RIOLANVM, reprehensionem non merentur; hæc enim demonstrant tuam imperitiam in curationibus febrium. Nam observamus istam lationem Sanguinis à coeliaca vel splenica depulsi, & intra Aortam ascendentis cum alio Sanguine arterioso descendente in ephodis febrium, inde compressiones Cordis, pulsus retractiones, extremorum infrigidationes, horrores, spirandi difficultates: Nec ista discutiuntur, nisi calidissimis linteis, ut Cor citissime incalcescat, & admittat istum hostem & hospitem perniciosum.

Semper chorda oberras eadem, nec potes desistere ab istis objectionibus futilibus

aduers. Slegel. de motu Sang. 313

bus de venis lacteis chyliiferis, quas melius te cognosco, de quibus secreta ignota tibi possem reuelare. Disce docendus adhuc.

Pag. 83. Ne doleas si mihi exciderit, cap. 15. quod humanæ voracitati, & ingluuiei modum Deus non statuerit. Verū est mereprehēdisse in Spigelio, vbiq̃ue admirabilem prouidētiam in partibus naturalibus & vitalibus representasse, cum istę partes sint nobis communes cum cæteris animantibus: an ideo peccaui si Deus ingluuiei & voracitati hominum prospexit, variis ductibus procreatis ad expurgationem excrementorum, quę in homine potius generantur quam in brutis, quę simplici vtuntur alimento?

C A P V T X.

De motu Sanguinis in Capite, examinatur.

MO T V S Sanguinis in Cerebro, neque à *Valeo*, neque ab HARVEO explicati fuere, multo minus à *Slegelio*. Eos breuiter explicabo. Duę Carotides arterię Sanguinem ex Aorta depromptum deferunt ad basim cerebri, introrsum in cir-

D d

cuitu sellæ sphenoidæ, vbi texturam admirabilem constituunt, quæ *Rete admirabile* dicta fuit. Inde disseminantur in crassam meningem solam, quæ motum habet ratione arteriarum. Vtrunque sic ascendentes arteriæ lateraliter vsque ad sinum longitudinalem, ibi euomunt Sanguinem arteriosum; Per ceruicales posticas arterias, alter Sanguis arteriosus ascendit vsque ad sinus laterales duræ meningis, subtenso futuris lambdoideis, qui iuxta apicem eiusdem future lambdoidis traducti, in sinum illum longitudinalem suum Sanguinem effundunt. Sinus autem ille longitudinalis ab apice future lambdoidis extenditur vsque ad summas nares. Istius Sanguinis portio defertur per quartum sinum, qui conflatur ex concursu trium sinuum, sub apice seu fastigio future lambdoidis. Per venam magnam dictam à *Galen*o, quæ constituit plexum choroidem, ille diffunditur per interiores partes cerebri, & ventriculos, vsque ad basim; Intra sinum longitudinalem vtrunque spectantur foraminula, quæ sunt exordia venularum siue arteriarum: id non possumus distinguere, quæ per anfractus cerebri disseminantur ad irrigationem, & nutritionem cerebri. Sunt autem isti canaliculi contexti meninge tenui, Ex istis anfra-

Etibus roris instar destillatur Sanguis in substantiam cerebri, quę compressa stigmata Sanguinis exsudat. Ita hoc modo Sanguis arteriosus ad verticem cerebri ascendit, vt in partes demissiores distribuat, solus destinatus est ad nutritionem cerebri. Ex istis sinibus Sanguis superabundans habet suum exitum & effugium, per iugulares venas ad truncum Cauę descendentes. Cur per ipsas iugulares, non assuecem ascendere Sanguinem, ad nutritionem, me reuocat substantia cerebri frigida, quę indiget sanguine arterioso subtili, non tantum ad penetrationem & ascensum, sed potissimum ad procreationem spirituum animalium, qui continenter distribuuntur per neruos in corpus vniuersum.

Propterea ineptus foret Sanguis venosus, si permisceretur, eaque de causa natura in principio iugularis venę internę apposuit valuulas, quę impediunt ascensum istius Sanguinis, siue refluxum, periculosum admodū, si per iugulares ascenderet Sanguis, & ne per carotidas Sanguis arteriosus inpetuose cerebrum subiret, Natura per foramina craniij in osse sphenoidē obliqua traduxit, & duobus officulis vtrimque circumjectis arterias angustiores reddidit.

Post istam explicationem ridicula sunt, quæ *Slegelius* confuse narrat. Certum est in tertio sinu dura meningis quamplura esse foraminula vasorum, quæ in eam inferuntur. Certum itidem habemus Sanguinem in illam ingredi & egredi. Oportet igitur ut sint vasa quæ inferant Sanguinem, & alia quæ efferant: hæc sunt adeo certa & evidētia, ut à nemine possint negari. Quibus non minus manifestum est vasa inferentia cum arterijs, efferentia cum venis communicare. Prorsus ignorat, quid scribat, & melius honori suo consulisset, si saxum istud non reuoluisset, eius humeris Anatomicis impar.

Superpondij loco addam, Circulationem Sanguinis per cerebrum certiorē & euidētiorem esse, quam in aliis corporis partibus. Nam si Sanguis arteriosus per quatuor arterias satis amplas & patentes ad cerebrum ascendens, intra quadrantem horæ, atque ex supputatione pulsum singulis minutis horæ, octaua pars guttæ Sanguinis, eò deucheretur; haud dubie suffocaretur cerebrum, nisi haberet suum exitum ac recursum per venas iugulares & cervicales in venam Cavam: ista Circulatio est maxime notanda in praxi Medica, ad curationem morborum Capitis, in usu remediorum tam

reuellentium, quàm vacuantium è Capite. Propterea deplendo capiti cucurbitulæ sicæ, interdum cruentæ sæpius iteratæ, lateralibus partibus colli admotæ, iuxta cornua lambdoidis, plurimum conferunt, vesicatoriis non neglectis, sanguinis detractio è brachio præmissa, eaque liberali, dein sæpius repetita. Neminem vidit *Hippocrates* in febribus malignis, quas describit, *lib. 1. Epidem.* affecto cerebro mortuū, superueniente larga hamorrhagia, quamplures ex stillicidio sanguinis, quos nominat obuisse, quod indicabat repletionem cerebri, non valentis excutere istam sarcinam Sanguinis, qui effunditur è sinibus duræ meningis, in anfractus ambagiosos cerebri; propterea defectum istius vacuationis criticæ supplere oportet venæsectione sæpius iterata, ad deplenda vasa totius corporis, ac præsertim capitis. Pauci ad hæc respiciunt & attendunt, non considerantes istam Sanguinis Circulationem in cerebro: contenti sunt dicere, *ex Hippocrate*, caput instar cucurbitulæ impositum esse trunco corporis, cerebrum glandulosum excipere vapores eò translatos, sed per circulationem ista fieri non possunt, quia in Corde sistuntur illæ euaporationes, quia anadrome siue raptus humorum ab infernis

312 *Ioannis Riolani Defensio*

partibus ad cerebrum, in morbis, præsertim in febribus quotidie obseruatur, quæ sit per arterias, aut per venas: Non per arterias, quia non possunt ascendere humores ex abdomine ad caput, per Circulationem Sanguinis HARVEIANAM, ergo per venas; sed per jugulares nihil ascendit ad cerebrum, ac proinde cerebrum recipit tantum per arterias carotidas & cervicales, quod tamen nostræ Medicinæ aduersatur, quæ statuit ab infernis partibus humores ad cerebrum assurgere, & ipsum suffocare.

C A P V T X I.

De motu Sanguinis in extremis partibus, & nonnullis aliis locis, examinatur.

Pag. 87. **M**O T V M Sanguinis in extremis partibus, & nonnullis aliis locis sic demonstrat: *Maiore copia in quamcumque partem infertur Sanguis, quam ad nutritionem sit necessaria, aut breui temporis intervallo consumitur. Non potest subsistere in aliquo loco Sanguis, nisi & ipse corrumpatur, & corumpat partes, in quas*

aduers. Slegel. de motu Sang. 319
influxit. Negamus influere in partes car-
nosas, maiore copia quam par sit ad nu-
tritionem, quia non impetuosè ruit, sed
cum delectu trahitur à partibus, quan-
tum indigent. Non potest in partibus ex-
tremis corrumpi, quia assiduo appulsu
arteriosi defenditur à putredine. Diffilatur
etiam per perspirationem, quin etiam
motu & exercitio corporis ventilatur.

Pag. 87. Secundum argumentum *Sle-
gelij* tale est. *Istum recursum Sanguinis
docent ligaturæ artuum, qua copia ingre-
diatur in partes Sanguis, verum etiam per
qua vasa feratur cum influit, & cum re-
fluit: In brachio infra ligaturam intume-
scunt partes musculosæ, non supra ligatu-
ram. Ista experientia non magis fauet
HARVEO, quam RIOLANO: Ex arcta liga-
tura intumescunt carnes, quia intercipi-
tur ascensus Sanguinis fluentis per maio-
ra vasa, non minora: istum Sanguinem
extremarum partium refluerè in venas
proximas fateor, ut recurat ad truncum
venæ Cavæ, ubi moratur, quia impellitur
ab arterioso continenter fluente. Præter
istud experimentum in brachio, demon-
stra mihi per ligaturas in carnibus hume-
torum, dorsi, lumborum, femorum istum
recursum Sanguinis è minoribus venis in
maiores.*

Pag. 87. Admitto valuulas indices esse motus Sanguinis, & moderatrices, non tantum in maioribus vasis, sed etiam in minoribus, atque ita dispositas fuisse, ne affatim irruat Sanguis in partes demissiores, vel perpetuo agitas, vt in coronaria Cordis, vena sine pari, quę alit costas: sed in vena iugulari, & in emulgente, si quę reperiuntur valuulę, impediunt affluxum copiosioris Sanguinis, qui partes illas obrueret, atque suffocaret.

Pag. 88. *Verum est quod scripsit RIOLANVS, maiorum canalium Sanguinem redire ad Cor, quo redintegretur eius perfectio ad instaurandum partium calorem, sed non inde sequitur minorum venarum in extremis partibus Sanguinem redire ad Cor ad eum finem.* Nam perpetuo affluxu Sanguinis arteriosi satis recalescunt, quin etiam motu & exercitio, integumentis, earum calor conseruatur: multę nationes nudę degunt quouis tempore: nostri Religiosi Nudipedes sequente gelu sustinent istas refrigerationes, quas metuis; imo refrigeratio ista extremarum partium metuenda tantum, tribus vel quatuor mensibus anni, reliquo tempore quęrimus perfrigerationes totius corporis, ergo reditus iste Sanguinis ad recalesfactionem extremarum partium quouis tempore, &

advers. Slegel. de motu Sang. 321
absolute, non est necessarius, ac proinde
inepta tua ratiocinatio, de frigore extre-
marum partium.

Pag. 88. Putat RIOLANVM *sue doctrina*
immemorem, scripsisse Sanguinem à venulis
sanguisorbis iugiter exsugì, & in maiores
venas refundi. Non aduertit me istud re-
citasse ex HARVEO, quia, vt ibidem dixi,
isthæc consequutio motuū Cordis & san-
guinis, occasionem dedit Circulationi
Sanguinis. Propterea adhuc sustineo, non
esse absolute necessariam Circulationem
Sanguinis in remotis partibus à Corde,
vt demonstraui, pag. 620 *in notis ad Epi-*
stolas Valæi Nec citata responsio RIOLA-
NI ad obiectionem 10. Thesis, tibi fauere
potest.

Pag. 90. Obstupefcis quomodo scri-
pserim, *in plures ramos diuidi arterias,*
quam venas, quod sit propter nutritionem.
Textus est *Valæi*, cui conuenit isthæc in-
terpretatio, à Sanguine venoso. Addidi,
Inde colligo omnes venas non coire cum
arterijs ad reuulssionem totius Sanguinis,
quod fauet meæ opinioni. Æquus & sa-
piens Lector suppleret ista duo verba, &
inueniret sequelam, quam non potuit de-
prehendere malitiose *Slegelius.*

Pag. 92. Quæstionem moues, *An in*
extremis partibus Sanguis ex arterijs in

322 *Ioannis Riolani Defensio*

venas commet, per anastomoses immediatas, an vero in carnes prius effundatur, ex quibus in venas refluat? Nullis rationibus probabilibus refellere conatur, & in scriptis RIOLANI contradictiones inuenire, cū nullæ sint in locis ab eo citatis. Tandem gloriatur, Se demonstrasse ex omnibus locis, in quæ minores propagines inseruntur, redire Sanguinem, ut de ista Circulatione Sanguinis non amplius sit dubitandum. Propterea accedit ad soluenda quædam dubia, quæ sese offerunt, ac primùm de emulgentibus venis, in quibus RIOLANVS., valuulas versus venam Cauam spectantes constituit. At ipse contrario situ positas esse statuit, ut impendant refluxum Sanguinis. Reprehendit RIOLANVM., quod scripserit post Syluium, Vasa emulgentia obliterari per substantiam renum, & serosum dumtaxat Sanguinem derivari, ex quo crassior portio abit in nutritionem, serosorem, quæ est lotium, effluere per vretes in vesicam. At ille Sanguinem remeare per venas emulgentes in Cauam sustinet. Non possum patienter ferre maiores adhuc ineptias, Sanguinem semini conficiendo dicatum, qui in parastatis varicosis rudimentum seminis acquirit, ex ipso teste per flexus anfractuosos sursum remeare in Cauam.

CAPUT XII.

*De motu Sanguinis in Fœtu exami-
natur.*

Pag. 94. **N**O LO tempus & chartam per-
dere in nugis tuis refellendis,
nam inutiliter absque villo fructu Lecto-
ris, funem contentionis vtrimque trahe-
remus in cauillationibus & vitiliigiis, vt
fecisti: Finem capitis tui 12. expendam,
vbi errores notabiles in Anatome com-
misisti. Scribis, *Mediam partem sangui-
nis versus Cor delati per anastomosem oua-
lem Cavae cum arteria venosa, in hanc
transire, indeque in sinistrum Cordis sinum;*
quod verum est, nisi alteram mediam
partem Sanguinis separasses. Altera in
dextrum Cordis sinum illabitur, & per ve-
nam arteriosam deferitur in Aortam, &
pulmones. Ergo vterque ventriculus æqua-
liter inseruit confectioni Sanguinis arte-
rioli, & ramus arteriæ venosæ nihil pul-
monibus communicabit, & erit inutilis,
cum tamen dexter ventriculus nondum
sit excavatus, & angustior sinistro. Tu per-
uertis vsum Anastomoseon, & transitum.

324 *Ioannis Riolani Defensio*

prius à te commemoratum. Nam si Sanguis ingreditur ventriculum dextrum, poterit per septum tenuissimum penetrare in sinistrum, & deduci per Aortam & arteriam venosam, & per canaliculum venæ arteriosæ iunctum, poterit Sanguinē arteriosum pulmonibus tradere. Sanguinis per Aortam descendens ex te, pars per umbilicales arterias iliacis insertas, excurrat in Hepar vterinum, & in isto transitu in venas umbilicales, ut ad foetum recurat Sanguis; quid fiet de altero Sanguine infra iliacas descendente? Nam non recurrit ad iecur vterinum, ideoque remeare debet in venas inferiores pedis, ut ascendat ad Cor, quod debebas explicare, ergo imperfecta erit ista circulatio dimidij Sanguinis: Tu ex *Valæ* decerpisti istam translationem Sanguinis in foetu per Anastomoses, & meas correctiones spreuisti, quæ sunt veriores tua descriptione.

C A P V T X I I I.

*De Tempore Circulationis exami-
natur.*

Pag. 101. **R**ESTAT nunc demonstrare tem-
pus Circulationis, quod varium
ab Authoribus proponitur ; Existimat
HARVEVM magis inclinare ad semihoræ
spatium ; Vt hoc probet, supponit in sin-
gulis pulsibus Cor immittere in Aortam,
non quid spirituosum, sed corporeum,
qualis est Sanguis.

Deinde considerandum quantum San-
guinis expellat Cor, neque consistendum
esse in guttulis paucis, sicut facit RIOLA-
NVS. Ac sane oportet aliquid notabile in
singulis contractionibus exire. Vt hoc pro-
betur euidentius, considerandam esse si-
nistri ventriculi capacitatem, deinde in
vasis orificiorum in Corde amplitudinem.
Insuper in viuente animali lecto Corde,
magnam copiam Sanguinis expelli in
systole.

Pag. 104. His ita constitutis scienduna
quot pulsus Cor edat in hora, ac proinde
ex numero motuum Cordis & Aortę, co-
gnoscutur temporis spatium, quo circu-

326 *Ioannis Riolani Defensio*

latio totius Sanguinis perficietur.

Postea considerandum venit, quantum Sanguinis continet homo perfectus, & florentis ætatis, & sanguineus. Talem hominem putat possidere octodecim, vel viginti libras Sanguinis.

His ita constitutis hypothesibus, sequitur vna hora transire per Cor Sanguinis libras tredecim, uncias decem, drachmas quinque, scrupulum vnum. Hinc patet circiter vnā horam & dimidiam, Sanguinem ad Cor reuerti.

Iste discursus est imaginarius, falsis hypothesibus subnixus: est enim falsum Cor singulis ictibus vel pulsibus in Aortam immittere Sanguinem. Nam si habet insitam facultatem sese mouendi per diastolem & systolem, quæ in aulso Corde durat per quadrantem horæ, posset aliquot pulsus edere sine vlla expulsiōe & receptione Sanguinis in sano & bene constituto corpore. Notabilem quantitatem expelli putat *Slegelius*, neque consistendum in guttulis paucis, imo in ea opinione hæreo, nec tua ratiocinatio me poterit dimouere ac persuadere id aliter fieri. Probatio tua de sinistro ventriculo ampliore non id conuincit, quia est angustior dextro ventriculo. In sinistro deest auriculæ capacitas, quæ reperitur in dextro: Vasorum

capacitas in Corde te decepit necessaria, ne spirituum impetus vasa effringeret: rei spirituosæ maior est vis & impetus, quam materialis. Si in secto Corde viuentis animalis magna copia Sanguinis effluit, debes scire totum Sanguinem ad Cor afflictum & violenter tortum vndique confluere. Propterea ista consequentia non valet, ad Cor totum Sanguinem reuocari.

Itaque ex pulsu Cordis & arteriæ non potest id certo deprehendi, quia si Cor non semper admittit in vnaquaque diastole Sanguinem, sequitur arterias eundem non admittere; At ipsæ pulsan, quia innatum est ipsis sese mouere, eo modo quo *Vulcani* instrumenta apud *Homerum*. His ita consideratis & perpensis, spatium temporis ad Circulationem requisiti non potest sic definiri.

Pag. 105. Verissimum est rapidæ Circulationis fundamentum consistere in translatione Sanguinis per pulmones. Si bona est hæc consequentia, Sanguis velociter mouetur, ergo non transit per septum Cordis, erit similiter ista consequentia vera, velociter mouetur Sanguis, ergo transit per vasa pulmonum amplissima. Non potes deponere tuas artes Sophisticas, quibus passim vteris in tua commentatione.

CAPVT XIV.

De promiscuis dubiis & obiectionibus contra Sanguinis motum examinatur.

Pag. **M**OTV Sanguinem perfici ridi-
106. *culæ demonstras ex chymicis operationibus, inter quas Sanguinis elaborationem collocas. Ergo non potest non exuri Sanguis per istas circulationes chymicas. Nam per calorem motum calor additur Sanguini, & magis attenuatur, cum tamen debeat Sanguis alimentarius esse mediocriter crassus, & temperatus. Nonne spiritus vini bis terve circulatus, ardentior est aqua vitæ.*

Ibidem. Desultorie examinas meas rationes, siue obiectiones aduersus Sanguinis totius Circulationem rapidam, & seligis, quas tibi libuerit, aliis prætermiſſis validioribus.

Succedit grauis accusatio, antiquam mendendi rationem funditus euerti, quod ipse pernegat: non debes ignorare Sanguinem menstruum esse residuum corporis nutriti singulis mensibus, qui tempore
suz

sue excretionis, colligitur circa locos muliebres. Propterea scripsit *Aristoteles*, mulieres in istis locis abundare Sanguine. At si tribus vel quatuor diebus ante suam excretionem colligitur in vasis hypogastricis, & vigesies in die, & vitrà, Sanguis ex omni parte circuletur, cur otiosus ille manebit, nec circulabitur?

Quantum sit periculosus hemorrhoidalis Sanguinis refluxus nemo nescit, ita ut sananti hemorrhoidas, vnum aut alterum relinquere iusserit *Hippocrates*; at ex tua circulatione recurrit Sanguis hemorrhoidalis ad venas, ad Cor, & pulmones.

Pag. 107. Si materia lactis sit Sanguis continenter affluens ad mammas, cur non præripietur Sanguis fluxurus ad mammas, si Sanguis & humores sunt in perpetuo motu. Vel fatendum in certis locis non refluere, alioquin non potes effugere vim istius argumenti. Hanc tamen profert responsionem. *Nihil prohibet quominus semper aliquid affluat in glandulas mamillarum, & omnis Sanguis alius relabatur.*

Pag. 107. Si recurrit Sanguis è cerebro passibus æquis, cum alio Sanguine redeunte ad venam Cauam, cur non effluet portio spiritus animalis cum Sanguine

330 *Ioannis Riolani Defensio*

relabente, cum sit ex te per vniuersum cerebrum dispersus? Nam cuncta rerum permeabilis & penetrabilis est spiritus animalis, propter subtilitatem. Si per nervos in vniuersum corpus momento diffunditur, cur non etiam per patentem venas iugulares effluet cum Sanguine ad Cor reuertente?

Pag. 108. Ad Pathologica accedit. Si *velox sit totius Sanguinis* (inquit RIOLANVS) *motus, non potest fieri vlla secretio puri ab impuro, neque humorum coctio, cum ad eas actiones opus sit quiete. Respondet, Vt fiat secretio puri ab impuro, magis opus est motu, quam quiete, quod est falsissimum.* Vtitur RIOLANVS, *Exemplo vini, quod si in dolio semper agitur, nunquam depurabitur.* Sophistice respondet, *Vt vinum depuretur indiget motu dum in musto effernesceat, ita Sanguis defacatur.* Dum quietus manet in febribus ebulliando: Non agimus de motu in proprio loco, sed de illo qui fit mutatione loci continenter & velociter. Vi argumenti coactus admittit, vt humores depurentur, & coquantur, opus est aliquando vt in lecto decumbas, aut alias quietiorem te geras. Interim pergit Sanguis moueri, & non raro celerius. Non ago de motu corporis, sed sanguinis. Addit, *Necessario ma-*

aduers. Slegel. de motu Sang. 331

uetur Sanguis celerius , si humores debent attenuari , & ex toto corpore expelli. Ergo rationabiles erunt , si ratione reguntur , quod obiiciebas , cum dicebam Cor cum delectu trahere Sanguinem.

*Citat RIOLANVM qui dixit , Inter com-
moda Circulationis Sanguinis , feruidum ,
ac arteriosum dum transiit in venas , uti-
que deferuescere propter tenuitatem mem-
branarum in venis , per mixtionem alterius
Sanguinis frigidioris , & facilem expirationem.
Sicque demonstraui RIOLANVS
utilitates venæsectionis in febribus arden-
tibus , atque liberalem ; quia quo magis
detrahitur Sanguis , eo fit celerior Sanguis
traductio in venas. Sed ista pertinent
ad refrigerationem in febribus ardenti-
bus , non ad depurationem massæ sangui-
neæ ; Quando totus Sanguis circulatur
ex ventre inferiore , & ex toto corpore.
Adeo pertinax est Slegelius , vt ipsa Adra-
stea nunquam illum ab errore suo reuo-
caret.*

*Pag. 109. Addit , Crises fieri perfectiores
ex motu Sanguinis , quia celerius promo-
uet coctiones , excretiones , ac proinde ma-
nifestam per Circulationem velociorem cri-
ses adiuuari. Cuius rei argumenta sunt
manifestissima , quod à Medicis ante cri-
ses obseruentur omnia vehementiora , &*

E c ij

332 *Ioannis Riolani Defensio*

motu concitatore ferri humores, qui sunt in vena Porta, vel in vena Cava, vel in visceribus nutritijs collecti. Si paulò ante crisin, vel ipsius instanti sint in motu circulari humores, per venas & arterias, possuntne secerni & abire quo natura voluerit, vel per aluum, vel per vrinales partes, vel per habitum corporis per sudores, necessum est vt fiat expulsio materiæ morbificæ, ipsa sit in quibusdam locis collecta, vt vbertim excernatur. Quando nox quæ præcedit crisin, molesta est, & magna excitatur perturbatio corporis ad expulsionem humorum, non id accidit ex motu Sanguinis velociore, sed ex collectione spirituum & caloris, quos natura colligit, ad excutiendum humorem morbificum, virtus vnita fortior est dispersa. Spiritus cum calore sunt diffusi per venas & arterias cum Sanguine.

Propterea ridiculæ sunt tuæ responsiones, quas cum agnosceret tales esse Slegelius, admittit, Portionem humoris morbifici reuocari vel remanere in partibus affectis, dum aliæ suum cursum continenter absolunt. Addit, In statu præternaturali cum vasorum obstructions, & apertiones accidunt, humores à naturali cursu excluduntur, attamen in hepate, liene, mesenterio, pancreate, aliisque locis continentur,

aduers. Slegel. de motu Sang. 333

per quos circulatur Sanguis, quidni si fluidi, recurrent cum sanguine impuro in venas ad Circulationem?

Quod attinet ad focos, *Februm intermittens in ventris inferioris aliqua parte, nihilominus obstructions persistunt & prauis humores, qui sunt februm causa, haerent, licet Sanguis circuletur, nec continuus est paroxysmus, cum non sint perpetuo eadem obstructions, sed sensim collecta materia redeat per intervalla.* Non potes te expedire ab illa difficultate, nisi admittas haerere humores in partibus affectis, & obstructis, nihilominus Sanguinem primæ regionis collectum in vena Porta refluere in Hepar, venam Cauam, & pulmones, & in vniuersum corpus diffundi. Si prima regio corporis sit affecta, prauis humoribus referta, ibi generatis & collectis, non potest Sanguis, nisi corruptus inde exire, & si iecur obstructum fuerit in tota sua substantia, nihil ex ipsa Porta in Cauam transire.

Asseuerat, *Translationes humorum potius perfici motu circulari, quam si quietus maneret Sanguis: humores morbifici qui mutant locum extra venas, continentur in parte aliqua, si translatio fiat secundum rectitudinem partis affectæ, à parte nobili ad ignobilem, à parte interna, ad exter-*

334 *Ioannis Riolani Defensio*

nam ; à parte supera ad inferam , audabilis, & optima iudicatur : Humor sic translatus tum hæret parti , in quam decubuit, quare adhærescit nec circulatur ; quomodo istos motus effugiet in Circulatione Sanguinis continua & velocissima?

Quando RIOLANVS dixit in febribus putridis ac malignis & pestilentibus non putrefieri Sanguinem continenter agitaturn, atque diffluentem , non aliter potuit explicare veneni & malignitatis causam , quam istis nominibus. Febres istæ ut habent ab initio putredinem insignem, id est eximiam corruptionē tam in massa sanguinea, quàm in spiritibus , vel sensim generatur , vel adaugetur. Inde RIOLANVS intulit, si Sanguis est in perpetuo motu, sic agitatus & diffusatus, non putrescet, vel putredo emendabitur, ac proinde istę febres non erunt adeo formidandę. Prætermisit rationem validissimam , ut alias quamplures inuictas. Si totus Sanguis circularetur ex ventre , ubi sentina corporis, & ex carnibus vniuersi habitus corporis, ex partibus interdum corruptis ac sphacelatis, aut venenatis, reuertens Sanguis secum adduceret corruptelam, aut inquinamentum Cordi & pulmonibus , nec tamdiu in corpore delitesceret venenatus humor, antequam suum maleficium pro-

aduers. Slegel. de motu Sang. 335
dat & exferat, vt in lue venerea, & morfu
canis rabidi obseruatur.

Pag. 111: Quantum repugnet, & ad-
uerteretur circulatio Sanguinis HARVEIANA
& tua, reuulsioni & deriuationi sanguinis
in curationibus morborum, demonstra-
ui tract. de Circulat. Sanguinis Hippocrati-
ca, atque in notationibus ad HARVEVM,
vbi notabiliores errores istius Circulatio-
nis declaravi, quibus tanquam fundamen-
tis nititur, & firmatur.

C A P V T. XV.

De vsu doctrinae de Circulatione Sanguinis.

Pag. 113. **G**LORIATUR de testimonio RIO-
LANI in laudem suae Circulatio-
nis. Falleris, non intelligit tuam, sed suam
veriore[m] & ad vsum Medicinæ certio-
rem.

Pag. 114. Cum scripserit, *Ad commen-
dationem suae circulationis, quod tanti mo-
menti & plane mirabilis res est, & maxi-
mi finis, vsusque necessarij & nobilissimi
gratia à natura instituta, vt non possit abs-
que fructu insigni disci: Mox pagina se-
quente deridet RIOLANVM, quod talem*

336 *Ioannis Riolani Defensio*

titulum dederit Circulationi Sanguinis, *Instaurationem magnam Physicæ & Medicinæ*, insultando respondet. *Instauramus id quod collapsum est, & prope desiit esse.* At quis ante eam inuentionem collapsam, dixit iacuisse Physicam & Medicinam? Inde cognosco te quidem excessisse pueritiam, sed non exuisse puerilitatem, dum agis mecum pueriliter, & eodem sarcasmo potes reprehendere Verulamium, qui suum librum de reformatione scientiarum appellauit *Instaurationem*.

Pag. 114. Cum agnosceret *Slegelius* non posse demonstrare veros vsus Circulationis, ita declarat suam ignorantiam. Si de *usu Medico agendum est*, oportet ante omnia ut verus motus Sanguinis sit demonstratus, & pro fundamento positus, cui innitantur quacumque deinde circa usum afferri possunt, nam si falsam sententiam presupponas, nihil certi ex ea licet eruere.

Sic loquitur *HARVEVS* in postrema *Exercitatione de Circulatione Sanguinis*. Ambo expectant suffragia omnium Academia-
rum, ut illud $\tau\delta\ \acute{\alpha}\nu$, quod proponunt, approbetur; postea declarabunt $\tau\delta\ \delta\iota\acute{\omicron}\nu$, quod est ridiculum, & id iamdudum expectamus ab *Harueo* & *Slegelio*, qui super ea re per 25. annos perpetuas meditationes fecere.

Pag.

Pag. 114. RIOLANI *Doctrina de Circulatione*, nihil instaurat, sed tantum confirmat, & illustrat veterem Medicinam, Galenicam, id concedo. At vero cum accedimus ad eius opinionem, quam habet de procreatione Sanguinis, & generatione morborum, quod nihil mutetur per Circulationem Sanguinis, manifestum est multa circa eam capita aliter, admissa Circulatione, constituenda esse, quod non observatur in RIOLANI opinione, ideoque nihil differt à veteri doctrina, quam quod Sanguis in vasis maioribus moveatur in circulum. Ideoque mea præferenda tuæ, & HARVEIANÆ Circulationi, quia non destruit veterem Medicinam.

Pag. 115. *Contra ex nostra sententia* (inquit Slegelius) non potest non leniter intuiti statim innotescere multa veterum immutanda esse, multa repudianda, non pauca denique nova adiungenda. Postea tu confidenter affirmabis veterem Medicinam non funditus everti, saltem debebas annotare, quænam forent immutanda, quænam repudianda, quænam adiungenda. Quid enim prodest Circulatio Sanguinis HARVEIANA ad conservationem hominis, & medendi methodum rectiorem, etiamsi vera deprehendatur, si eius usus non exponantur? Quos adhuc

338 *Ioannis Riolani Defensio*

quæritis , nec vnquam inuenieris semper
discentes , & nunquam ad scientiam veri-
tatis peruenientes , vt est *apud Apostolum*,
Epist. ad Timothæum cap. 3.

Pag. 116. Attamen scribis , *Circulatio-
nis Sanguinis varios esse vsus , quos redu-
cis ad Philosophiam , & Medicinam.* Quæ
scribis de Philosophia pertinent ad Physi-
cam Peripateticam de sanguificatione , &
Cordis actione ; atque excellentia ; Non-
ne hoc diffuse docuit RIOLANVS ?

Ad Medicos vsus vbi ventum est , di-
uidi possunt in Physiologicos , Patholo-
gicos , & Therapeuticos. Physiologici per-
tinent ad Sanguinis generationem , di-
tributionem & delationem.

Frustra & inutiliter repetis quæ sunt ex-
posita in Physica Peripatetica. *Vsus Patho-
logici amplitudine sua superant priores , De
quibus nihil profers , Nisi quod latissimus
est campus differendi , sed de his & alijs
plura addere prohibemur , in primis cum
etiam RIOLANVS noster potissimum disse-
ruerit de ijs , qua pertinent ad medendi ra-
tionem.* Quid ergo adicis ? Nihil prorsus ,
nec suppleuisti defectum HARVEI , cum
eius Circulatio sit tua.

Pag. 118. Ad Therapeutica quod atti-
net , non dubitamus nonnulla immutanda
esse , longe plurima , eaque præcipua ma-

nere , & nihil discriminis admittere , sed multa in medicando inualuisse , quæ firmis rationibus initio non fuerunt adstructa. Exemplum profers ridiculum , De ligaturis brachij ad secandam venam , quæ facta fuerunt tempore Hippocratis. Attamen , Ignoram fuisse causam istius ligationis. O mirabile inuentum Circulationis , detectum à Slegelio ; Si non adducas alios vsus tuæ Circulationis , inutilis & ridicula iudicabitur ab omnibus Medicis & Anatomicis.

Pag. 119. Tandem dicta nostra confirmantur ex Sanguinis emissionem , quæ non differt à medendi ratione consueta. Quoad Sanguinis detractionem , exempli gratia obstructi sunt menses , vena aperitur in pede , queraturque ratio , dicet Galenus hoc fieri ideo , ut Sanguini motus concilietur deorsum versus. Contrà , sit hæmorrhagia in inferioribus , & emittatur Sanguis è brachio , idem affirmabit sursum conuerti impetum Sanguinis , & verum dicet , neque Harueianus aliquis rationes facile proximas dabit alias , licet & eas possit clarius explicare , & remotiores dare veriores , & modum vasaque determinare , quæ non præstabit veteri doctrinæ addictus. Quam ignarus es , ac cæcus in tua Circulatione , id patefaciam in duobus exemplis quæ

340 *Ioannis Riolani Defensio*

proposuisti. Sunt obstructi menses, dicere debebas *suppressi*, nam obstructio est in parte, siue sit uterus, siue vasa uterina: Sanguis effluit deorsum per arterias, non per venas, quia ex HARVEO, non descendit, ergo obstructio erit in arteriis, nec amplius distribuetur per hypogastricam arteriam utero. In hæmorrhagia inferiorum partium educitur Sanguis è brachio, ut sistatur impetus Sanguinis. At ille fit per arterias, ergo ex arteriis reuellendus Sanguis. Ex HARVEO non potest ascendere Sanguis arteriosus ab inferis partibus ad superiores. Sed ponamus per venas, id repugnat Circulationi, quia Sanguis non descendit per venas ad brachia, sed per arterias: At arteriæ brachij trahunt suum Sanguinem arteriosum à Corde. Ergo ut Sanguis fluens per interiores partes reuellatur sursum, plusquam tres libræ Sanguinis forent educendæ, priusquam à parte affecta reuellatur: turpiter ignoras regulas, & vasa tuæ Circulationis.

Pag. 120. Idcirco turpius adhuc hallucinatis, quando scribis, *In mittendo Sanguine non possunt, non confirmari, aut confidentiores se gerere, qui Circulationem Sanguinis statuunt.* Infinita exempla de Sanguinis missione tibi producerem, quæ plane repugnant tuæ Circulationi, quo-

aduers. Slegel. de motu Sang. 341
rum quædam leges in responsionibus ad
HARVEVM, & in lib. de Circulatione San-
guinis Hippocratica.

Cæterum, animaduerto Medicos An-
glos & Germanos animose disputare de
Circulatione Sanguinis, sed agnosco po-
tius verbo quam opere Sanguinis esse cir-
culatores, vident enim suæ nationis po-
pulos crapulæ & genio continenter & fer-
me quotidie indulgere, adeoque replere
corpus Sanguine, vt multi suffocati per-
eant defectu Circulationis in Corde, vel
Cerebro, ex repletione vasorum; quod
periculunt nec in morbis, multo minus
per sanitatem auertunt, detrahendo San-
guinem liberaliter, vel partitis vicibus,
quam pleonexiam siue plethoram Medi-
ci Parisienses minuunt frequenti venæse-
ctione, tam in sanis, quàm in ægris cor-
poribus, ideoque locum præbent, & li-
bertatem viarum procurant Circulationi
Sanguinis. Nec agnosco vllos in tota Eu-
ropa Medicos Circulationis Sanguinis fru-
ctus, inscianter tamen, apud ægros exer-
cere, per liberalem & frequentem San-
guinis detractionem, magno ægrotan-
tium commodo: vtinam interdum non
totum Sanguinem impurum ex vniuer-
so corpore, & prima corporis regione re-
nocarent ad Cor, & pulmones.

342 *Joannis Riolani Defensio*

Nunquam dixi Circulationem Sanguinis pro indicante præcipuo purgationis habendam esse, sed tantum tempora legitime purgationis indicari docui, *cap. 21.* cuius nullam particulam ausus fuisti arrodere. Id tantum addis, *Ex indicantium doctrina ita ratiocinamur, obstructions ad sunt, ergo utendum aperientibus: Intemperies hæc aut illa affligit, ergo contrarijs alterantibus est superanda.* Si obstructions sint in partibus nutritiis ut fieri assollet, puta in hepate, liene, utero, renibus, potiones, quæ propinantur ex aperientibus & specificis appropriatis medicamentis, cuiusmodi sunt hepatica, splenitica, nephritica, hysterica, cephalica, quid conferent, si non ad partem deducantur, ibique maneant ut vim suam exerceant, sed ire cogantur cum rapido illo fluxu Sanguinis? Quomodo cathartica, quæ selectos humores è visceribus eruere, & eliminare debent, vim suam communicabunt, si cum Sanguine primæ regionis, eorum non tantum facultas, sed etiam substantia rapiatur, & deducatur per motum Sanguinis ad Cor?

Si intemperies aliqua siue calida, siue frigida afficiat partes internas commemoratas, quid proderunt alterantia contraria si non directe per venas deducantur,

sed debeant prius ire ad Cor, ut etiam aperientia, quā perueniant ad partē affectam, quam currendo lambunt, ut canis Nilum.

Pag. 121. Tandem cogitur *Slegelius* fateri. Si quædam noua adjiciantur, eaque pauciora & talia, quæ non ad summas & generales indicationes, sed particulares & minutiores curandi modos pertinent, atque paucæ quæ mutanda fuerint, non magni esse momenti: Proinde constat vanum esse timorem, quo nonnulli trepidarunt, veritine ipsius sua Medicina periret, si admitterent nouam doctrinam de morbo Sanguinis. Vera sunt omnia quæ scribis, de Circulatione Sanguinis *RIOLANEA*: non tua, & *HARVEIANA*: quæ veterem Medicinam unditus euertit, ut amplissime demonstraui, etsi ex tua Circulatione Sanguinis nihil in praxi Medica, & curationibus morborum sit immutandum. Adquid tantopere prædicas tanquam admirabile inuentum ad bene medendum necessarium?

Pag. 122. Respondet, Multorum & admirabilium affectuum causas reddi posse, & si omnes ad opus faciendum non æque conferant, per se expetendum est, & voluptate afficit animos sciendi cupidos Ergo cum nouitas placeat, & sciendi cupido, ita de Circulatione Sanguinis tractatio excolet animos legentium, & ea de cau-

344 *Ioannis Riolani Defensio*

sa proponitur à *Slegelio* ad recreationem, non ad usum Medicum : *quin Tu aliquid saltem potius, quorum indiget usus* edoce: in artibus magis utilia, quam quæ subtilia sunt quærenda , *inquit Seneca*. Atque ut *Poëta Æschylus* loquitur , *qui fructuosa, non qui multa scit, sapit*.

Pag. 123. Antequam claudat suam commentationem de Circulatione Sanguinis, non potest abstinere à morfu & vellicatione RIOLANI. *Multiis capitibus & prolixè de usu doctrine huius egit, qui conatus magnopere est laudandus, quanquam Harveus per compendium de utilitate sue inventionis differuerit*. Invidet mihi quod primus utilitates Circulationis demonstraverim ad usum medendi, de quibus nullo modo tractavit HARVEVS. *Slegelius multa plane ridicula effudit, subterfugiendo istum laborem, cum se imparem agnosceret*. Propterea quæ reprehendit ex titulis capitum flocci facio, cum non potuerit meliores probationes asserre. Tandem concludit, *Fatendum omnino, & non sine merita laude, RIOLANVM Doctissimum multa utilissima & præclara præcepisse, de missione Sanguinis, de purgandi ratione in febribus, aliisque ad praxim Medicam spectantibus*. Verum non facile nobis persuadebit, ea omnia ex doctrina

aduers. Slegel. de motu Sang. 349
de Sanguinis motu deduci. Oleum & ope-
ram perderem in meis demonstrationi-
bus, quas satis euidentes alibi proposui,
si ipsas adhuc repetere vellem. Malo iu-
dicium prudenti & æquo Lectori inte-
grum relinquere. Quod animaduertet
verum esse, in meo tractatu de Circula-
tione Sanguinis.

ADDITAMENTVM,

In quo declaratura RIOLANI Indi-
cium generale, de motu Sanguinis
in brutis, & Homine.

HARVEVS scripsit de Motu Cordis
& Sanguinis in animalibus: nomi-
ne Animalium, comprehendit hominem,
& eo modo fieri & absolui motum Cordis
& Sanguinis in homine putat, vt in aliis
animalibus. Prudentius & cautius, *Slege-*
lius, dumtaxat tractauit de motu Sangui-
nis, quantum ad hominem spectat.

Ego vero sustineo diuersum esse mo-
tum Cordis, & Sanguinis in homine, at-
que etiam vsum siue finem differre.

Quia Cordis structura dissimilis, atque
etiã situs, ac proinde motus Cordis.

346 *Ioannis Riolani Defensio*

Dispar quoque Sanguinis motus in homine, tam ratione structuræ partium internarum, quam ratione figuræ totius corporis, quæ est in brutis prona, in terram inclinata cum ipso capite. Ideoque diuerso modo fluit Sanguis per vasa, ab extremis partibus vsque ad caput.

Hominis figura recta est, caput excelsum, Cerebrum amplissimum.

Nunc istas propositiones in partibus præcipuis per quas fit Circulatio, veras esse demonstro. Cor brutorum vere conoides, durius est quam in homine: columnæ carneæ non sunt tot filamentis contextæ, nec tam facile ampliari potest, cono vel basi reuulsis, sed potius instar folliis dilatatur, in medio pectore consistit, & cono suo pectus ferit.

In homine Cor mollius est, magis dilatabile, basi versus conum retracta, deorsum inclinat, reuulsum interuentu pericardii, quod centro nerueo diaphragmatis orbiculatim adhæret, vt vicinia sua calefaciat Hepar & ventriculum, atque ascensum Sanguinis faciliat, sua diuerberatione: in boue Sanguinem crassum, fibrosum, tardigradum promouet, ad motum, & egressum ab hepate, propterea cono suo ferit centrum nerueum diaphragmatis, basi sua eminente per

Aortam pectus percutit, idcirco motus qui percipitur in pectore, est dilatatio & eleuatio trunci Aortæ.

In brutis partium internarum ventris inferioris structura dissimilis; Hepar in quatuor lobos fissum est, ratione facultatum, attractricis, retêtricis, coctricis, & expultricis. Ideoq; in Aruspicina vnus lobus dicebatur mensa, alter focus, tertius culter, quartus auriga. Liē durus est, fibrosus, nullis vel paucis venis & arteriis intertextus, semper eiusdem figuræ, nec extenditur, nec intumescit: etiā pancreas, & mesenterium, & intestina differunt. In homine iecur est cōtinuum, lien mollis, spōgiosus, innumeris venis & arteriis refertus; ideoque repletur & exinanitur; eam ob causam diuersam figuram induit & suscipit. Partes genitales in brutis planè differunt ab humanis, tam in mare quàm in femella. Ideoq; in brutorum generatione intra vuluam, cotyledones, vel caro orbicularis reperiuntur loco placentæ seu iecoris vterini, quale exstat in hominis procreatione.

In brutis Cerebri structura plane diuersa est, ideoque Circulatio Sanguinis in ea parte, plane dissimilis ab ea quæ fit in Cerebro humano.

Hominiis figura recta, caput excelsum.

348 *Joannis Riolani Defensio*

demonstrant, Sanguinem in homine ascendere ad Cor & Caput, in brutis intra vasa fluitare & fluctuare, nec habere pares motiones & impulsiones causas.

Ridiculum ex pulsu hominis, & copia sanguinis reperti in Corde strangulati hominis, atque ex quantitate Sanguinis effluentis è Corde viventis animalis dissecto, metiri velle quantitatem Sanguinis, in vnaquaque systole egredientis è Corde: quia Cor belluinum atque humanum pulsant per aliquod tempus, etiam auulsam sine appulsu Sanguinis, ob ingenitam facultatem sese mouendi. Copia Sanguinis in Corde strangulati hominis, dependet ex suppressione Sanguinis, qui per carotidas & axillares magna copia distribui solebat. In Animali viuo crudeliter excarnificato, Sanguis vndique refluit ad Cor, & affatim replet ventriculos ruptis vel laxatis repagulis.

Vsus siue finis est etiam dissimilis in brutis & homine, nam brutorum extremæ partes, non indigent recalesactione, cum sint opertæ corio crasso, denso, piloso, vel carneo: atque toto anni decursu sub dio degunt, vt in agris pascentia, nec reconduntur stabulis, nisi sæuiente bruma. *Galenus* gloriatur, quod ex inspectione formæ externæ corporis, in brutis anima-

libus nunquam antea visis , prænoscebat qualem sub cute structuram haberent, quia singula Animalia corporis structuram animi moribus facultatibusque propriam obtinuerunt.

Itaque Sanguinis distributio per vniuersum corpus , non est æqualis in brutis & hominibus , nec vsus consimilis, nec vasa eodem modo disposita & cōformata. At proinde ex brutorum inspectione, demonstrare velle Circulationem Sanguinis in homine , qualis ab *Harueo & Slegelio* describitur , ridiculum est. Quid igitur de ista controuersia sit statuendum , paucis aperiam. Quiescere Sanguinem intra venas nemo sapiens asseuerabit : perpetuo moueri , & in circulum agi , multi dubitant , nec absque ratione. Quomodo Sanguis moueatur , nondum adhuc compertum atque definitum. An fluxu & refluxu excurrento per eadem vasa propria , vt Sanguis arteriosus per suas arterias deambulet, Sanguis venosus per sua vasa propria spatietur instar Mæandri, fluij Cariæ in minore Asia , cuius motum eleganter describit *Ouidius*, lib. 8. *Metamorphoseon*, his versibus ,

Non secus ac liquidis Phrygiæ Mæander in undis

Ludit, & ambiguo lapsu refluitq; fluitque,

Occurrensque sibi, venturas adspicit undas,

Et nunc ad fontes, nunc ad mare versus apertum,

Incertas exercet aquas.

An verò Sanguis ab arteriis in venas, & vicissim à venis in arterias migret per mutuas Anastomoses, vt credidit Antiquitas. An vero circularem haberet motum assiduum, nocte dieque continuatum per vniuersum corpus: Quomodo is fiat & absoluator, merito dubitatur. Ex Hippoc. Sanguis duplex, venosus & arteriosus circulariter mouentur per longitudinem corporis, ab vno vase in aliud transferuntur, ab arteriis in venas, posse tamen remigrare à venis in arterias. Nec ab ea opinione recedunt Plato, Aristoteles. atque ipsemet Galenus, vt demonstraui ea de re edito libello.

A 27. annis prodiit liber D. Haruei, Medici & Anatomici eruditissimi, quo motum Sanguinis aliter demonstrauit satis subtiliter & artificiosè: fautores suæ opinionis inuenit, alios aduersantes.

Illis me interposui, & mediam viam sequutus, inter affirmantes & negantes, Circulationem ipsam veram esse ostendi, sed meo sensu explicatam. Sic autem sentio de ista controuersia,

Apud Aristotelem, libris Physicorum, ad motus perfectionem quinque concurrunt. Mouens, Mobile, Extrema duo Motionis, in quibus subiectum immutatur, tum Tempus dimetiens motum. Ista in motu Sanguinis sunt obseruanda, vt perfecta sit motus Sanguinis demonstratio.

Certum est primum mouens Sanguinem esse Cor, quod insitum quidem habet motum, sed ad continuationem aliqua materia indiget, circa quam occupetur, indefinenter admittendo & reiciendo. Ideoque mobile est Sanguis venarum, quem excipit Cor, vt ipsum conuertat in arteriosum, & momento expellat in vniuersum corpus, ad restaurationem calidi innati, diffusi in omnes corporis partes. Extrema duo in quibus mouetur Sanguis, sunt vasa circulatoria, venæ & arteriæ, nempe vena Caua, & Aorta cum suis propaginibus, quæ ab extremis artubus per medium corporis truncum excurrunt. Tēpus dimetiens motum Circulationis Sanguinis, est temporis spatium, quo Sanguis perlabitur ventriculos Cordis, interdum pulmones. Ab isto centro nempe Corde, ad extrema corporis diffusus Sanguis arteriosus, refluit per venas ad Cor, & ab extremis venis artuum redeundo ad Truncum Cauæ, In

352 *Ioannis Riolani Defensio*

suo progressu partim attrahitur à carnibus musculosis & viscerosis ad nutritionem, si indigeant, quia impulsio Sanguinis arteriosi terminatur in ipsis arteriis : partim recurrit ad Truncum Cauæ, vt repleat vacuum, quod semper adest, ab hausto assidue Sanguine à Corde.

Sanguis perenni motu itque reditque viam bis vel ter in die naturali, spatium illud temporis, quo perficitur & absoluitur istius Sanguinis Circulatio, potest esse duodecim horarum, interdum breuius, aliquando longius, prout tardè vel celeriter Sanguis mouetur.

Itaque vnus Sanguinis & totius fieri potest circulatio in brutis, quorum Sanguis crassior est, etiam per pulmones. Sed in homine, qui opus habet Sanguine purissimo ad procreationem spirituum vitalium & animalium, atque nutritionem Cerebri amplissimi, portio Sanguinis purissima necessaria fuit ad istos vsus. Spiritus autem animales non tantum in Cerebro continentur, sed diffunduntur per omnes carnes musculosas : in brutis spiritus vitalis sufficere potest, cum paucis spiritibus animalibus.

Quamuis totus Sanguis in Hepate confectus ex se sit aptus & sufficiens ad alendum corpus, illius tamen portio necessa-
ria

ria fuit, pro Sanguinis arteriosi elaboratione, ad conseruationem humidi primigenij in Corde radicati, & continuationem perennem motus Cordis. Omnes enim corporis partes perpetuo istius Sanguinis à Corde profluentis appultu fouentur, recreantur, & incalescunt, quas etiam ratione corpulentiaë, Sanguis iste potest alere. Attamen natura sua non est destinatus ad alendum, quamdiu arteriis concluditur, sed ad restaurationem spirituum, & sui portione tenuiore ad conseruationem humidi primigenij in omnibus corporis partibus insiti.

Quod si per inedias summas, vel longas Sanguinis & humorum à toto corpore fluentium euacuationes, arte vel sponte factas, Sanguinis massa multum fuerit exhausta, non tantum hæc portio purior, sed etiam totus Sanguis venæ Portæ, & qui continetur in habitu corporis, circularatur; vt suppeditetur materia Cordi ad motus continuationem, & caloris natui conseruationem, qui extingueretur in suo foco, nisi suscitaretur, & foueretur perpetuo affluxu Sanguinis. Verum negamus totum Sanguinem debere circulari per Cor & pulmones, vt virtutem non tantum vitalem, sed etiam alimentariam adipiscatur, quam non habet à Corde, sed à iecore,

Fateor equidem motum Sanguinis esse necessarium per vniuersum corpus , ne putrescat & corrumpatur , & eius portionem ad Cor ascendere ad illos vsus à me iam commemoratos , sed sustineo totius Sanguinis Circulationem & transitionem per Cor & pulmones , non esse absolute necessariam secundum naturam.

Atque hîc terminus hæret meæ scriptio-
nis , nec quidquam amplius addam. Ne
de me dicatur , nullum scribendi finem
inuenire posse in materia Circulationis.
Interea , *Doctissime Slegeli* , si quid aspe-
rius in te scriptum inuenias , ignosces , &
condonabis ætati Senili , quæ magistra-
liter scripsit aduersus suum Discipulum,
qui doctrinam sui Præceptoris infamare
voluit : etsi tardius responsionem acce-
peris , id tribues inopiæ exemplarium.
Nam vnicum exemplar ex Hollandia al-
latum fuit , & mihi sub finem Ianuarij cur-
rentis anni , à doctissimo Collega D. *Menz-
elio* communicatum.

F I N I S.



INDEX CAPITVM.

CAPVT I.

PROOEMIUM, & Instituti ratio, pag. 235

CAP. II. De Authoribus doctrina de Sanguinis motu circulatorio, 243

CAP. III. De motu Sanguinis circulari imprimis quantum ad hominem vera sententia, 245

CAP. IV. Noua IOANNIS RIOLANI opinio, 252

CAP. V. Iudicium generale de noua opinione eiusdem fundamentis, & refutatione vera sententia à RIOLANO suscepta, 253

CAP. VI. De causa efficiente Sanguinis motus, ut & fine, 259

CAP. VII. De motu Sanguinis x dextro Cordis ventriculo in sinistrum, 264

CAP. VIII. De Sanguinis motu in canalibus maioribus venae Cavae, & Arteria magna, 292

356 INDEX CAPITVM.

CAP. IX. De motu Sanguinis intra
venam Portæ & arterias
conseruato, 301

CAP. X. De motu Sanguinis in Ca-
pite, 315

CAP. XI. De motu Sanguinis in extre-
mis partibus, & nonnul-
lis locis aliis, 318

CAP. XII. De motu Sanguinis in Fæ-
tu, 323

CAP. XIII. De tempore Circulationis,
325

CAP. XIV. De promiscuis dubiis & ob-
iectionibus contra Sanguis-
nis Circulationem, 328

CAP. XV. De usu doctrine de Circula-
tione Sanguinis, 335

Additamentum, in quo declaratura RIO-
LANI iudicium generale, de motu San-
guinis in brutis, & Homine.

FINIS.



CASPARI HOFMANNI
DIGRESSIO,

IN CIRCULATIONEM

Sanguinis, nuper in Anglia natam

*Caput 48. Manuscripti
Physiologici.*



Væ dicta sunt iam de motu Sanguinis in arteriis, quia reuocant mihi in mentem nouum, & ab omnibus sæculis inauditum dogma: Quod *Vuilhelmus HARVEVS, Medicus Londinensis, anno 1628.* sparsit scripta Exercitatione, vt vocat Anatomicâ: Libuit hîc obiter examinare illud. Vult probare Sanguinem ex Corde in arterias translatum, & per easdem in habitum corporis deditum assumi. Ex eodem, in venas, & remetiri in iis eandem viam, vsque ad Cor, vbi de quo coquatur, & per arterias in totum

358 *Cassari Hafmanni Digressio,*

corpus feratur, ubi iterum in venas recipiatur. Subrissi cum egerem, lateor, miratusque adeo tum, viam fallam hypothesein persuadere potuisse tantum nefas. Huic cum respondisset biennio post *Iacobus Primerolus, Londinensis* & ipse, qui in epistola præliminari, in OS HARVEO dicit, non maioris momenti esse, quam vel Statica Sanctorii, vel lactæ venæ Asellij, *ὁμολογῶ* me inuenisse ratus, contempni negotium totum. Verum, quum postea intelligerem quoddam, è *Medicis nostris Scenicis* (notatur *Stegelius*) applaudere HARVEO, cœpi relegere cum cura utrumque libellum, & in chartam conicere, quæ Euripo isti rectè obici possunt. Hæc nunc in publicum do, eo fine, ut adolescentes discant fugere portenta talia, & adherere vni veritati, cuius author, & fundator est *Deus*, qui etiam diligit *τὸς Φιλάλιθους*, & bonis multis cumulat: contra, qui mendacio, quod à Diabolo est, patrocinantur, semper mileri sunt. Ut igitur quam ocysimè me absolvam, Hypothesis, cuius memini, est, plus Sanguinis mediâte pulsu è Corde in arterias pelliculi, quam vel restitui possit ab assumptis cibis, vel à partibus absumi. Pauca verba, sed ponderosa! Sed quomodo probabis, mi HARVEE? Videris enim Naturam

in Circulationem Sanguinis. 359

acculare stultitię, quę tantopere errauit in opere pene primario, qualis est confectio & distributio alimenti, quo temel admissio, quid non sequetur confusionis in aliis operibus omnibus, præsertim in capite, sensibusque tam internis quam externis. Videris re ipsa damnare quod verbo laudas, ab omnibus acceptum Naturę elogium: Neque deficere illam in necessariis, neque verò abundare in superfluis. Videris Naturę dare personam artificis ignauissimi, & stolidissimi, qui opus à se factum & perfectum pessumdet, ut ne ocietur porrò, Sanguinem enim omnibus numeris suis absolutum recrudescere, iterumque coqui, quid aliud est? Neque verò à recrudescencia abhorere potest, qui crambem recoctam tam studiosè ornas, laudas, commendas. Sed auferamus *τὸ, videri*, Siquidem ô HARVEE, Anatomiam exerces, non apud Senatorculos, Patriciolos, Fœneratores, Barbitonfores, impentūque vulgus, quod hianti ore adstans miracula videre gestit: Sed apud viros Anatomicos qui ipsi præceptores habuerunt *ἀνατομολογίας*, quomodo consulis honori tuo? Quid officij tui sit, nosti absque me, agere solitet cum spectatoribus, more veteri, *δὲ καὶ ἄλλοις*, hoc est, hoc videte, hoc ita fit, confide-

360 *Cassari Hofmanni Digressio,*

rate ; huius rei nec vo. am video , nec
vestigium. Quin tu relicto habitu Ana-
tomico ; logistæ induis subito. Negas ?
Certè non vteris , aut vti iubes oculis , sed
ratione & calculo , sollicitis computans ar-
ticularis , quot libras Sanguinis , quot un-
cias , quot drachmas , necesse sit per se-
mihoruræ spatium ex Corde in arterias
transferri. Reuera H A R V E E , persequeris
απαίμεν ἀνεξέστιον , rem inexputabi-
lem , inexplicabilem , imperscrutabilem.
Quod dico tanto maiori cum confiden-
tia , quod fatearis ipse non semel quam
difficile sit negotium , & intricatum , systo-
les & diastoles Cordis , arteriarumque , vt
possit certum , definitumque quid statui
à quoquam. Ratiocinari in infinitum licet
vnicuique : sensu (qui planissimè hic re-
quiritur) rationes comprobare tam faci-
le non est. Et quorsum talia , vbi funda-
mentum nullum est ? vbi , inquam , *οὐκ*
non constat , vbi in alto Naturæ puteo
absconditum est ; vbi lucidissimæ rationes
in contrarium sunt. Et quid (dicat ali-
quis) *Primerosus* adhæc ? Negat mul-
tum Sanguinis hîc esse , imo disertè asse-
rit parum esse , sed videri multum ob in-
tumescentiam , siue (vt ego loquerer) e-
bullitionem. Amplexus logisticam aduer-
sarij ab unciis & drachmis ad grana venit.

Frustrâ

Frustra in æternum. Deceptio ut superiore capite dixi, inde est, quod uterque sibi imaginatur, *Tamesin* aliquem, in quem quemadmodum unda trudit undam quæ semper labitur deorsum, usque dum perveniat ad mare in quod se exonerat, ita putant in arteriis fieri. Eique rei exitum inuenit quidem *HARVEVS*, introductâ fictitiâ illa Circulatione. At *Primerosius* nihil inuenire potuit, nisi si non opus habet, & consistent grana ipsius in eo, quod ex *Thoma à Veiga* dixi. Idco repetere oportet illud: motus hic comparari debet non cum flumio, in quo ipsa elementi grauitas facit lapsum deorsum, sed cum mari aut stagno aliquo, in quo ventus ciet fluctus. In hoc ut verisimile est, semper absorberi aliquid aquæ in litore, licet nemo id metiri possit; ita hîc semper absument aliquid, quantum scilicet *Veiga* dicit, quod ipsum restitutione opus habet. Huc sine violentia trahi potest, quod infra de chyllo arterioso ex *Hipp. lib. de Corde*, dicitur, *ἡ σιτοὶ καὶ τῇ ἀσπιμελὶ καὶ ζάλῃ ἐστὶ*). ἡ ζάλη autem tam *Cornario*, quàm *Foëssio* fluctuatio est. Eadem ζάλη, meâ opinione, nihil aliud est, quam pulsus, quem vetustas tribuere solebat, non arteriis, sed Sanguini in arteriis eūnti, ut ex *Aristotele* dixi pronuper. Et hæc quidem de prima HAR-

VEI hypothesi. Altera est, quemadmodum plus sanguinis, quam partibus opus est, in arteriis it, ita partes ipsæ supra necessitatem habent; hîc *Primerosius* duo vrget; Alterum, esse hoc contra Naturæ providentiam, quæ per attractricem non trahit plus, quam oportet: Alterum hac ratione fiet, ut partes laborent perpetuis inflammationibus. His accensere licet ea incommoda, quæ ego supra. Iam has hypotheses excipit Thesis HARVEI: Hoc ipsa superfluum, tam in arteriis, quam in partibus nutriendis, regreditur in venas, & per easdem in Cor, ubi iterum coquitur. Hîc ego cupio discere ab HARVEO per quas vias ex arteriis in venas eat? Per fines earum non dices, non enim se contingunt, imo in cutem desinunt, porosque constituunt, per quos excrementa tertiæ coctionis eunt, & aliquando sudor. Fit, inquit, vel mediatè per porositates carnis, vel immediatè, per Anastomosin. Ut fatear stuporem meum, neutrum intelligo; Non mediatam illam viam, quia Sanguis, qui vasis suis excidit, & iam actu nutrit, non regreditur: sed nec regredi potest. Non immediatam hanc, quia in partibus nutriendis ipsis nunquam quisquam somniavit Anastomoses: sunt enim in maioribus vasis, licet HARVEVS non ob-

scire repudiet. Sed dentur viæ quædam
cæcæ , & à tot retro seculis ignoratæ ,
quas primus aperuerit hic Anglus. A qua
facultate fit regressus iste ? A Cordis, in-
quit homo. Cor ego scio, *apud Galenum,*
lib. 6. de usu partium , cap. 15. Trahere
omnibus modis , sed eo usque extendere
vim suam, ad partes, inquam, nutriendas :
hoc verò nouum est, inauditumque : Ni-
mirum modi illi trahendi pertinent ad
Sanguinem , quem in se conficit : at vbi
confecit , & à se ablegauit , imo, expulit
mediante pulsu , quo vlllo modo reuocare
potest ? Maxime quia obluetur vis par-
tium tam attractrix, quàm retentrix. Nec
est quod dicas , ablegari quidem per ar-
terias, redire autem per venas. Illud enim
vere fit , & est opus Naturæ : hoc vero
tuum commentum est , ô HARVEE. Quin
per venas non minus quam per arterias
ablegatur. Quomodo igitur per easdem
redire potest ? Sed fiat , ad magnum tuum
beneplacitum , vt quidam loquuntur, quo
fine id fit ? Vt iterum coquatur. Coquatur ?
Ergo-ne recrudescit ? Nisi enim id fiat,
quomodo non bilis potius generatur
quam Sanguis ? Nam Sanguinem viterio-
ri assatione facessere in bilem modo fla-
uam, modo atram, est consensus omnium
Medicorum. Sed sit ita , coquitne Natura

§ 64 *Cass. Hof. Digressio, &c.*

ut coquat? Et postquam secundo coxit?
repetit tertio, quarto, & ita in infinitum?
Quo fine? dico iterum. Hic enim est
causa causarum, qua absente frustra di-
citur, quidquid dicitur. Tu verò, ô ge-
nerose, quia ne attingis quidem hoc vl-
cus, sed silentio obuoluis, satius est ego
quoque.

*Conticeam tandem, factoque hic sine
quiescam.*

FINIS.



PRÆTERMISSA SVIS

locis restituenda.

PAg. 18. *in fine, post Cane, add.* Si sanguis Arteriæ Cœliacæ haberet confluentem in venas Portæ, & æque celerem motum, ac in aliis locis, ubi circulatur Sanguis, non esset venter inferior obnoxius Aneurismati, quod frequens est in abdomine; neque in minoribus arteriis diuersarum partium, tam frequenter accideret. Cum talis tumor in maioribus canalibus Aortæ directis non exoritur, sed dumtaxat in minoribus arteriis obliquis & lateralibus, ubi cespitare solet sanguis arteriosus, & dilatare Arteriā. Si Natura voluisset totum Sanguinē per arterias effusum in vniuersum corpus remigrare per venas ad Cor; è trunco Cauæ Venam consimilem Arteriæ Cœliacæ produxisset, quæ Sanguinem arteriosum per arteriam Cœliacam partibus primæ regionis distributam, reportasset in Cauam more aliarum venarum ab isto trunco procedentium. Atque hæc via fuisset commodior, & facilior ad reditum Sanguinis in Cauam, quàm vena Porta, quam dicunt de-

ftinatam effe reuehendo Sanguini arteriofo ad Cauam. Cur enim idem Sanguis iam confectus in hepate, & expulfus multoties in die, recurrit ad hepar, vt perueniat ad truncum Cauæ. Viæ iſtæ ſunt nimis ambagioſæ, propter exilitatem radicum, & ſæpius Sanguis arterioſus crudo permiscetur. Ridiculus eſt iſte reditus per venam Portam, præſertim ſi chylum quoque ſimul reuehat. Nec inuentis & admiſſis venis lacteis chylum ad hepar vehentibus, opus fuit vena Porta, ex doctrina Circulationis.

Si Sanguis & humores qui continentur vasis venæ Portæ circularetur, Vomitoria ex Antimonio quæ ſunt crebra in Germania, & nunc in Gallia, magno noſtrorum ægrorum detrimento nimis vſitata, parum aut nihil euacuarent ex vena Porta, & partibus quæ alluuntur ab iſta vena. Nam humores aut ſunt diffuſi per venas, aut impacti, & incunati viſceribus nutritiis. Si diffuſi, non poſſunt inde erui & vacuari, abſque maximo cruciatu, niſi fluent intra vaſa. At ſi ita diſperſi fuerint, aſſidue circulantur. Ergo iſthæc purgatio inutilis foret ac periculofa; idem de purgatione per inferiora affirmare poſſunt.

Pag. 34. poſt. l. 13. adde. Alia duo experimenta produco: primum eſt. Dum vena ſecatur in brachio, ad ſanguinis vacuationem, ſi tundatur obliquus ramus canalis maioris directè ab axillis ad digitos extenſi, ſæpe Sanguis detractus purus & laudabilis effluit, ſi eodem instanti iſte canalis maior directus aperiatur, Sanguis impariſſimus educitur. At ſi Sanguis arterioſus è carnibus afflueret in venas eiſdem loci, deberet eſſe conſimilis conditionis & bonitatis. Ideoque Sanguis a carnibus exſugitur cùm delectu, per ramulos maioris canalis venoſi, remanente impuro intra maiorem canale. Nec aſſatim effunditur ab arteriis in carnes. Aliud experimentum tale eſt. Si Sanguis in brachiis celeriter aſcenderet, non deberet cunctari in venis circa genicula, ſive nodos earum, vbi ſunt ſitzæ valuulæ. At videmus in macilentis corporibus nodos iſtos turgidulos, ex Sanguine ibi ceſſitante ſupra valuulas, ergo valuulæ non faciſcit aſcenſum Sanguinis, ſed retardant. Ac proinde inane iſtud argumentum de ſitu valuularum ad probandam, Circulationem ab extremis partibus.

Iſtam rationem addo. Si Sanguis arterioſus ab extremis partibus corporis, per venas rediret ad Truncum Cauæ, Natura

omnibus venis arterias comites adiunxisset. At in brachiis venæ Cephalicæ, in cruribus venæ Saphenæ socias arterias non adiunxit. Etgo per istas venas Sanguis non recurrit & ascendit ad Cor, sed soli Sanguini vehendo sunt destinatæ. Ineptum est dicere istas venas effusum in carnes Sanguinem sorbere, & referre. Quia Sanguis non amplius à Corde impelleretur, ut asserunt Circulatores *Harveani*, sed attraheretur & exsugeretur ab istis venis.

Pag. 125. l. 21. post forma, adde, Quamvis ratione testiculi dextri in mare robustioris, seminis eiaculatio in decubitu supino mulieris fortior sit, versus latus sinistrum uteri, vel istud latus sponte, naturaque sua trahat ad se virile semen. Attamen ratione situs uteri, seminis receptionem variare puto. Nam dextrum latus uteri in prono situ mulieris semen excipiet, viroque semen eiaculanti sinistrum erit. Atque sic uteri dextro lateri virile semen adhærebit, ac proinde ibi formatio Cordis incipiet.

Pag. 189. in fine Capitis, post pronuntiant, adde. Forſan etiam chylus ad axillares ramos venæ Cavæ, & ad iliacos distribuitur in homine, ſi reperiantur iſti tubuli

lacteï, vt Sanguini permixtus, alimentum viſcidum glutinoſum præbeât ſuperne, variis glandulis vicinis, quales ſunt glandulæ axillæ, laryngis, faucium, & ſub mento, & aliis in collo ſecundum longitudinem iugularis externæ, parotidibus, quin etiâ mammis mulierum. Chylus inferne permixtus Sanguini, nutrimentum exhibet glandulis inguinum, ſupra & infra pubis oſſa, ſed qui canaliculis coërce- tur in meſenterio, alimentum præbet innumeris glandulis, & ipſi Pancreati glanduloſo, atque iuxta partes illas glanduloſas à me commemoratas, multus adeps colligitur, cui reparando videtur inferuire, vt in brachiis, thorace, partibus inferioribus ad nates & femora, Abdominis adeps circumfuſus, ab iſto chylo meſenterij etiam ſuum ortum habere poteſt verſus lumbos. Interea notanda meſenterij ſympathia mirabilis, cum collo, axillis & mām- mis, per iſtos tubulos lacteos novos. Ac proinde vitium glandularum ſtrumofum, non elucere ſolet in iſtis locis, niſi radices egerit in meſenterio. Atque prudenter Veteres Medici, & Recentiores, radicem Scrophularum conſtituunt in meſenterij glandulis, nec poſſunt perfecte ſanari, niſi radicitus eruatur humor craſſus, viſcidus, ibi incuneatus. Cur potius

370 *Præterm. suis locis restit.*

circa iugularem externam emergunt , & adnascuntur isti tumores? quia proximior est insertioni tubulorum lacteorum , & partes istas externas alit.

Pag. 354. Si velit *Slegelius* respondere RIOLANO, contineat se in istis opusculis postremis , nec inquiret in alios Tractatus , quia in re difficili & obscura , qualis est Circulatio Sanguinis, postremæ cogitationes sunt sapientiores , *Dies diei eruat verbum , & nox nocti indicat scientium* , ut est in Sacra Scriptura,

F I N I S.

*Errata corrigenda Secunda Partis
de Circulatione Sanguinis.*

- P**ag. II. l. *ultima in margine*, pro libro,
lege, linea & sequentibus paginis.
- P. 14. l. 12. lege, Anastomoseos.
- P. 15. l. 13. lege, constrixeris.
- P. 24. l. 9. post Arteriæ, adde, Coeliacæ.
- P. 30. l. 22. post suxit, adde, nec.
- P. 73. l. 7. post vis, adde, non, & dele, aliud
non transpositum.
- P. 76. l. 7. Nominatur Antonius Tofius,
libro de Anthrace.
- P. 83. l. 24. lege, intronissam.
- P. 122. l. 24. lege, latere.
- P. 133. l. 9. l. affore.
- P. 153. l. 24. l. istas.
- P. 171. l. 3. l. repurgant.
- P. 184. l. 16. l. vtriculus.
- P. 329. l. 11. l. vnam, l. sequenti, alteram,
l. 14. pro ad l. per.
- P. 331. l. 14. l. liberalis.
- P. 348. l. 4. l. motionis & impulsioneis.



CORRECTIONES,
SIVE
ERRATA CORRIGENDA
in Anthropographiæ Libro.

*Amice Lector, si Medicus fueris,
ut fructum ex Libri lectione re-
feras, qui te fallerent incautum,
errores præli sic emendabis.*

Pag. ã. iij l. 17. lege diuerſas.

Pag. ĩ. ij fol. verso, lin. 6. post libri,
adde, lectione.

Pag. ead. l. ultima, lege, eius.

Pag. 5. l. 13. lege, Glauciæ.

Pag. ead. l. 15. lege, πλεονος.

Pag. 33. l. penult. lege, ἡγεμονία.

Pag. 74. l. 33. pro simplici, lege, Triplici.

Pag. 78. l. penult. cohibetur.

Pag. 82. l. 13. post subcutanea, adde, Pin-
guedo.

Pag. 83. l. 18. lege, latam.

l. sequenti, infra.

Pag. 84. l. 37. pro comprimi, lege, ar-
ctari.

Pag. 100. l. 19. lege, huic.

Pag. 102. l. 27. adde, extremitatem ca-

374 *Errata corrigenda*

nalis Pancreatici à Vvirsungo detecti, &c.

Pag. 108. l. 45. pro ferre, lege, ferri.

Pag. ead. l. 49. lege, si, pro sic.

Pag. 109. l. 41. lege, avicenn.

Pag. 110. lin. 48. dele, Arteriam Cœliacam.

Pag. ead. l. 57. lege, admirabilis.

lin. ult. lege, occurrunt ex intextura.

Pag. 112. l. 19. pro refluxum, lege, fluentem.

l. 34. pro situ, lege, sita.

Pag. 114. l. 33. post Pancreatis, adde, vt olim existimaui, antequam edoctus fuissẽm de canali Pancreatico Vvirsungiano.

Pag. 116. l. 37. lege, vilitatem.

Pag. 117. l. 44. pro supra, lege, iuxta.

Pag. 121. l. 25. lege, explorationem.

Pag. 122. l. 25. pro internam, lege, externam.

Pag. 131. l. 30. dele, citationem Aristotelis de hist. animal.

Pag. 132. l. 28. post risum, adde, ramen.

Pag. 135. l. 41. lege, vitalitatem.

Pag. 139. l. 26. pro quam, lege, quem.
l. 39. lege, Lien. l. 44. lege, abducere.

Pag. 139. l. pen. post promocondo, adde, cum venis omenti.

- Pag. 140. l. 12. *lege*, cognitus.
Pag. ead. l. 21. *post* hæmatosi, *adde*, non.
Pag. 141. l. 25. *pro* Corde, *lege*, iugulo.
Pag. 142. l. 9. l. 39. l. 50. l. 51. *ubi*, renis,
legitur, *repone* penem.
Pag. 143. l. 44. *pro* fero, *lege*, seu o.
Pag. 145. l. 45. *lege*, *χῆμα*.
Pag. 147. l. 34. *lege*, quod.
Pag. 148. l. 42. *pro* moram, *lege*, mor-
tem.
Pag. 170. l. 22. *lege*, cysthus.
Pag. 182. l. 30. *post* virili, *adde*, Nego.
Pag. 186. l. 22. *lege*, cisthum herbam.
Pag. 197. l. 42. *pro* inferno, *lege*, inter-
no.
Pag. 204. l. 35. *lege*, dirigit.
Pag. 206. l. 1. *post* nauis, *adde*, ad cari-
nam.
Pag. 208. l. 43. *pro* succis, *lege*, exsuccis.
Pag. 211. l. 2. *post* vero, *adde*, Hippocra-
tes, & posteum. J
Pag. 223. l. 55. *lege*, sauciari.
Pag. 226. l. 48. *pro* madefieri, *lege*, ma-
defecit.
Pag. 240. l. *pen. dele*, portionem humo-
ris expulsi tanquam fermentum ad
nouam productionem, & *repone*,
Sanguinem è vena cauâ, & arteria
venosa, quem in dilatatione Cor-
dis effundunt in ventriculos.

Pag. 241. l. 2. *lege*, in systole Cordis, sanguis, tam venosus quàm arteriosus in eas tanquam diuerticula confluunt.

lin. 15. *lege*, diastole non potest esse passio, ut systole actio.

lin. 42. *dele*, Spirituoso quem Cor expellit in auriculas, & *reponere*, quem admittunt.

Pag. 249. l. 41. *lege*, pericranium.

Pag. 267. l. 41. *post oculos, lege*, sed iuxta.

Pag. 268. l. 42. *lege*, Metellus.

Pag. 269. l. 23. *pro eundem, lege*, Diuum Lucam.

Pag. 270. l. 33. *lege*, eundem.

Pag. 275. l. 40. *pro aqueus, lege*, vitreus.

lin. seq. *pro aqueum, lege*, vitreum.

Pag. 295. l. 75. *lege*, retineat.

Pag. 312. l. 36. *pro basiglossa, lege*, Genioglossa.

Pag. 326. l. 55. *lege*, attribuere.

Pag. 347. à linea & usque ad finem, ista sunt referenda ad paginam 341, ante Caput de Valvulis.

Pag. 387. l. 50. *lege*, ater.

Pag. 422. l. 15. admittebantur.

linea sequenti, sacrosanctum.

Pag. 423. l. 36. *pro nascantur, lege*, nescantur.

Pag. ead. l. 54. *lege*, Prienenfi.

Pag. 430.

- Pag. 430. l. 22. *lege*, oblectari.
 Pag. 433. l. 44. *post* Plauto, *adde*, dicere.
 Pag. 456. *linea* 44. *pro* præter, *lege*, propter.
 Pag. 462. l. 30. *lege*, immutetur.
 Pag. 468. l. 34. *lege*, parte.
 Pag. 544. l. 49. *lege*, quarum.
 Pag. 547. l. 20. *dele*, nec dum mobile.
 Pag. 552. l. 25. *post* attractrices, *adde*, & Natura canales sine tubulos finget intra carnes.
 Pag. 555. l. 46. *lege*, quæ.
 Pag. 556. *linea* 57. & *sequenti*, *lege*, venæ per corpus diffusæ.
 Pag. 557. *linea* ultima, *lege*, Cyclognomonica.
 Pag. 560. l. 7. *pro* quatuor, *lege*, tribus.
lin. 23. *pro* quintam, *lege*, quartam.
 Pag. 567. l. 43. *pro* oriri, *lege*, hauriri.
 Pag. 569. l. 40. *lege*, rarefactus aërescit.
 Pag. 570. l. 39. *lege*, effectus.
 Pag. 572. l. 52. *lege*, sinum septum.
 Pag. 573. *lege*, bis repetit.
 Pag. 574. l. 28. *dele*, non.
 Pag. 574. l. 52. *lege*, serosus.
 Pag. 580. l. 14. *pro* remedia, *lege*, præcepta, l. 34. *pro* notarunt, *lege*, mutant, l. 53. *pro* nam, *lege*, sic.
 Pag. 587. l. 3. *lege*, præmissa, *lege*, meracioris.

378. Errata corrigenda.

Pag. 592. l. 31. pro lib. & lege, lib. de Superfoetatione.

Pag. 592. l. 33. pro quater, lege, bis.

Pag. 593. l. 34. lege, quia si.

Pag. 597. l. 12. lege, per anfractus extimi cerebri circulatorius intra canales Sanguis ductus durę meningis, dele, circulatorium, sed tardum & obscurum.

Pag. 600. l. 38. pro simul, lege, semel.

Pag. 601. l. 39. lege, Lunę, linea 43. lege, quadras, alios.

Pag. 603. l. 3. lege, istius, lin. 4. reuocatur.

Pag. 605. l. 15. lege, absolute.

Pag. 609. l. 47. post infita, adde, ventriculo.

Pag. 610. l. 32. pro merito, lege, immerito reprehendis.

Pag. 611. l. 50. dele, ad Cauam rectę referri.

Pag. 612. l. 31. lege, penuarium.

Pag. 614. l. 29. post notatum, adde, vel in Aortam per arteriam Splenicam eo fine destinatam.

Pag. 615. l. 30. epist. 183.

Pag. 619. dele, in reiectione Sanguinis arteriosi.

P. 620. l. 39. pro Hepate, lege, Corde.

l. 40. post Sanguinis, adde, extremarum partium.

l. 42. dele, arteriosus,

in Anthropographia Libro. 379

- Pag. 621. l. 11. *pro maioribus ad minores, lege, minoribus ad maiores.*
- Pag. 631. l. 22. *lege, pedium.*
- Pag. 643. l. 39. *lege, conflata.*
- Pag. 657. *linea penultima, pro perfecte, lege, imperfecte.*
- Pag. 568. l. 24. *post augere, adde, epiploon non est obtensum, sed à ventriculo dependet intestinis circumfusum.*
- Pag. 664. l. 44. *lege, vesicæ.*
- Pag. 686. l. 31. *lege, indicant.*
- Pag. 726. l. 41. *lege, secundo pari.*
- Pag. 741. l. 26. *lege, pterygoideo externo.*
- Pag. 750. l. 26. *lege, sed ab Aorta.*
- Pag. 753. l. 23. *lege, Cordis Fœtus.*
- Pag. 756. l. 35. *lege, ex Vesica.*
- Pag. 758. l. 26. *lege, eum, linea 35. lege, lancem.*
- Pag. 759. l. 5. *lege, præfatione, linea sequenti iteratam dictionem, istum, dele.*
- Pag. 763. l. 15. *lege, respectu.*
- Pag. 766. l. 22. *pro ac, lege, à, l. 34. lege, qui.*
- Pag. 775. *pro quæsitis Liceti, lege, libro de luce.*
- Pag. 777. l. 37. *lege, habet.*
- Pag. 792. l. 5. *lege, distincte, separata.*
linea 8. lege, An Lien languificet.
- Sub finem paginae, lege, de sanguificatione in Liene.*
- Pag. 798. l. 26. *post brutis, adde, viventibus.*

380 Errata corrigenda

- Pag. 801. l. 37. *pro* nerui, *lege*, Musculi.
 Pag. 803. l. 6. *post* Domini, *corrigere*, 1530.
 Pag. 804. l. 31. *post* duo, *adde*, ferrati.
 Pag. 806. l. 19. *dele*, nomina.
 Pag. 807. l. 16. *lege*, in extremis. l. 26. super-
 cilia. l. 31. *post* origine, *adde*, musculi.
 Pag. 811. l. 29. *lege*, necessariam.
 Pag. 816. l. 40. *lege*, pancreatis recipit.
 Pag. 813. l. 13. *hunc articulum sic leges post*
descendentes trunci. Prudenter agis, om-
 nesque Anatomici id faciunt, qui ma-
 num adhibent operi, ante demonstra-
 tionem, & dissectionem renum, ob ef-
 fusionem sanguinis, quæ tum accidit,
 vel vno orationis filo, Professor Ana-
 tomicus ista recitat, post se accingit ad
 dissectionem & demonstrationem.
 Pag. 817. l. 3. eiusdem copiosa materia,
 l. 43. quod interius est.
 Pag. 818. l. 22. muliebres.
 Pag. 819. l. 28. atque.
 Pag. 821. l. 12. probatum.
 Pag. 812. l. 12. *lege*, Sarpæ.
linea 27. post constituit, *adde*, quod non
 sufficit, cum sit pars separata.
 Pag. 816. l. 43. *lege*, accipi.
 Pag. 817. l. penult. *lege*, perinæo.
 Pag. 823. l. 18. *lege*, costis.
 Pag. 825. l. 10. *dele*, non.
 Pag. 828. l. 27. *lege*, ad finem.
 Pag. 840. l. 49. proprius.

in Anthropographia Libro. 381

Pag. 845. l. 18. *lege*, illi. l. 29. *lege*, exte-
rios.

Pag. 852. l. 26. *lege*, collectis & contractis.

Pag. 857. l. 1. *post* Riolano, *adde*, ex Hof-
manni epistola præfatoria *ad Dom. Gui-*
denem Patinum, qui versibus commen-
dauit librum Parisani: reuera tot alas
meruit, quot versus scripsit.

Pag. 858. l. 56. *pro* spreta, *lege*, spretæ.

Pag. 861. l. penult. *pro* scribendum, *lege*,
scriptum putat poëtica.

Pag. 862. l. 32. *vocant*. linea 33. *lege*, Laet.

Pag. 862. l. 33. *lege*, agnoscit, l. 52. *dele*,
secundum, &.

Pag. 864. l. 52. *pro* non, *lege*, noua.

Pag. 865. l. 13. *lege*, sine.

Pag. 866. l. 32. *pro* malo, *lege*, morbo.

Pag. 867. l. 46. *lege*, promocondo.

Pag. 868. l. 7. *Zacutus* suæ opinionis im-
memor, lib. 7. *Methodi medendi*, scri-
psit, si prægnanti Venæsectio celebre-
tur in talo, præcipitat fœtum, & mo-
uet abortum.

Pag. 868. l. 20. *lege*, euerrantur.

Pag. 869. l. 25. *pro* ventriculorum, *lege*, ori-
ficiorum.

Pag. 872. l. 25. discissis. l. 39. *pro* autem, *le-*
ge, essem. l. 42. ipsi.

In Indice Caputum omissum fuit cap. 35.
pag. 177.

F I N I S.